

OFFICIA PROPRIA

ALMÆ CUSTODIÆ

TERRÆ SANCTÆ



VERONÆ
TYPOGRAPHICA VERONENSIS
IX - 1936

FR. NAZARENUS JACOPOZZI
ORDINIS FRATRUM MINORUM
ALMÆ PROVINCIÆ S. BONAVENTURÆ IN TUSCIA
ALUMNUS
GUARDIANUS SS. MONTIS SION
ET SS. SEPULCRI D. N. J. CHRISTI
COMMISSARIUS VISITATOR GENERALIS
TOTIUS TERRÆ SANCTÆ CUSTOS
ET HUMILIS IN DOMINO SERVUS.

Sacra Rituum Congregatio, vigore Decretorum diei 16 Decembris 1902 et 10 Augusti 1921, huic nostræ Almæ Seraphicæ Custodiæ Terræ Sanctæ nonnulla peculiaria Officia, aliaque vero solemniori ritu quam ab Ecclesia universali celebrantur, celebranda concessit.

Nos vero, virtute nostri ministerii, idoneos deputavimus Religiosos, ut in unum diversa Officia, hinc inde dispersa, necnon Lectiones pro respectivis Octavis, colligerent, in commodum Sacerdotum et Clericorum huius Almæ Custodiæ, et ut Opus Dei magis magisque ordinate, perfecte, ac facilius juxta rubricas perficiatur. Peculiaria Officia, in præsentì contenta libello, declaramus perfecte concordare cum originalibus ab Ecclesia approbatis; proinde auctoritate nostra typis imprimi mandamus: præcipientes omnibus nostræ curæ subjectis ut in posterum fideliter hoc libello utantur, juxta rubricas, in recitatione Divini Officii.

Datum Hierosolymis, ad SS. Salvatorem, pridie Kalendas Junias A. D. MCMXXXVI, in festo Pentecostes.

P. NAZARENUS JACOPOZZI
Custos Terræ Sanctæ

KALENDARIUM

MENSIS JANUARIUS

Dominica inter Circumcisionem et Epiphaniam:
SS. Nominis Jesu, IN PATRIARCATU HIERSOLYMITANO Titulum Ecclesiae Concathedralis, *duplex 1 classis*.

Dominica infra Octavam Epiphaniae: **S. Familiae**, *duplex 2 classis* - NAZARETH, Titulum Ecclesiae « Nutricionis », *duplex 1 classis cum octava communi*.

Dominica II post Epiphaniam: **Initii Signorum D. N. J. C. in Galilaea**, *duplex 2 classis* - CANA GALILÆÆ, Titulum Sanctuarii, *duplex 1 classis cum octava privilegiata III Ordinis*.

- » NAZARETH, *commemoratio Octavae S. Familiae*.
15. IN ÆGYPTO: S. Pauli primi Eremitæ C., *duplex 2 classis* - *Comm. S. Mauri Abb.*
17. MOHARREMBEY in ÆGYPTO: S. Antonii Abb. et Conf., Titulum Ecclesiae, *duplex 1 classis cum octava communi*.
23. Desponsationis B. Mariæ V., *duplex 2 classis* - *Comm. s. Joseph, s. Raymundi C., semiduplex*, et s. Emerentianæ V. M.
24. MOHARREMBEY in ÆGYPTO: Octava s. Antonii Abb. et C., *duplex majus*. - *Comm. s. Timothei Ep. et M., duplex*.
25. DAMASCI: Conversionis s. Pauli Ap., Titulum Ecclesiae, *duplex 1 classis cum octava communi*. - *Comm. s. Petri Ap.*

26. BETHLEHEM: s. Paulæ Romanæ Viduæ, *duplex 2 classis* - *Comm.* s. Policarpi Ep. M., *duplex*.
27. CONSTANTINOPOLI: s. Joannis Chrysostomi Ep. C. Doct., Titulum Ecclesiæ Cathedralis, *duplex 1 classis*.

MENSIS FEBRUARIUS

1. DAMASCI: Octava Conversionis s. Pauli Ap., *duplex majus*. - *Comm.* s. Petri Ap., bb. Eustochii et Veridianæ VV. 2 et 3 Ord., *duplex*, et s. Ignatii Ep. M., *duplex*.
11. In PATRIARCATU HIEROSOLYMITANO: Dedicatio Ecclesiæ Concathedralis, *duplex 1 classis*. - *Comm.* Apparitionis B. M. V., *duplex majus*.
17. FUGÆ D. N. JESU C. in ÆGYPTUM, *duplex 2 classis*. - In ÆGYPTO, *duplex 1 classis*.
18. EMMAUS: s. Simeonis Ep. et M., Ecclesiæ Con- titularis, *duplex 1 classis*. Extra Quadra- gesimam, *cum octava communi*. - *Comm.* bb. Rogerii, Odorici et Ægidii Cc. 1 Ord., *semiduplex*.
25. EMMAUS: Octava s. Simeonis Ep. et M., *duplex majus*. - *Comm.* b. Sebastiani de Ap- paricio C. 1 Ord., *duplex*.
- Feria III post Dominicam Septuagesimæ: **Ora- tionis D. N. Jesu C.**, *duplex 2 classis*. - In titulari Basilica Getsemani, *duplex 1 classis cum octava privilegiata III Or- dinis*.
- Feria III post Dominicam Sexagesimæ: **Flagella- tionis D. N. Jesu C.**, *duplex 2 classis*. - In titulari Ecclesia Sanctuarii, *duplex 1 classis cum octava privilegiata III Or- dinis*. - In titulari Basilica Getsemani: *Commemoratio Octavæ Orationis D. N. J. C.*, *duplex majus*.
- Feria III post Dominicam Quinquagesimæ: In Sanctuario Flagellationis, **Octava Flagel- lationis D. N. J. C.**, *duplex majus*.

MENSIS MARTIUS

5. BETHLEHEM: s. Eusebii Cremonensis Abb., *duplex 2 classis*. - *Comm.* s. Joannis Josephi a Cruce C. 1 Ord., *duplex majus*.
6. APUD CLARISSAS: s. Coletæ Virg. 2 Ord., *duplex 2 classis*.
15. AD SS. SEPULCRUM: s. Longini Militis Mart., *duplex majus*.
17. AD SS. SEPULCRUM: s. Josephi ab Arimathæa Conf., *duplex majus*. - *Comm.* s. Patricii Ep. Conf., *duplex*.
19. TRIPOLI in urbe, BERYTI, KNAIE, et ISMAILIÆ in CAIRO: s. Joseph Sponsi B. M. V., Ecclesiarum Titularis, *duplex 1 classis*.
24. S. Gabrielis Arcangeli, *duplex 2 classis*. - NAZARETH et MUGÉIDEL, Ecclesiarum Titularis, *duplex 1 classis*.
25. NAZARETH, SYDONE et DAMANHUR: Annuntiationis B. M. V., Ecclesiarum Titularis, *duplex 1 classis*.
26. AD SS. SEPULCRUM: s. Boni Latronis Conf., *duplex 2 classis*. - *Comm.* b. Didaci Josephi a Gadibus Conf. 11 Ord., *duplex*.
- Feria VI post Dominicam Passionis: **Festum Dolorum B. M. V.**, *duplex 2 classis*. - CONSTANTINOPOLI: Ecclesiæ Titularis, *duplex 1 classis*.
- Dominica Palmarum: BETHPHAGE, Titulum Sanctuarii.
- Feria II infra Octavam Paschæ: EMMAUS, **Manifestationis Christi Resurgentis** in eodem Castello peractæ, *duplex 1 classis*.

MENSIS APRILIS

9. EMMAUS: s. Mariæ Cleophæ Viduæ, *duplex majus*. - *Comm.* b. Thomæ a Tolentino Conf. 1 Ord., *semiduplex*.
23. BOLACCI in CAIRO: s. Georgii Mart., Ecclesiæ Contitularis, *duplex 1 classis cum octava*

communi. - *Comm.* b. Ægidii Assisiensis Conf. 1 Ord., *semiduplex.*

25. In ÆGYPTO: s. Marci Evangelistæ, Patroni principalis, *duplex 1 classis cum octava communi.*

30. BOLACCI in CAIRO: Octava s. Georgii Mart., *duplex majus.* - *Comm.* s. Josephi Benedicti Cottolengo Conf. 3 Ord., *duplex majus,* s. Catharinæ Senensis Virg., *duplex,* et Octavæ s. Marci Ev., *semiduplex.*

Dominica II post Pascham, **Boni Pastoris:** JERICO, Ecclesiæ Titularis, *duplex 1 classis cum octava communi.*

Dominica III post Pascham: JERICO, *Comm.* diei Octavæ Boni Pastoris, *duplex majus.*

MENSIS MAJUS

1. In PATRIARCATU HIEROSOLYMITANO: s. Jacobi Apostoli, Dioceseos Patriarchalis primi Episcopi et Patroni principalis, ac s. Philippi Apostoli, *duplex 1 classis.*

2. In ÆGYPTO: s. Athanasii Ep. et Conf. Doctoris, *duplex 2 classis.* - *Comm.* diei Octavæ s. Marci Ev., *duplex majus.*

3. HIEROSOLYMIS: Inventionis SS. Crucis, *duplex 1 classis.*

25. WASHINGTON: Dedicatio Ecclesiæ Cathedralis, *duplex 1 classis.* - *Comm.* s. Gregorii Pp. VII, *duplex.*

MENSIS JUNIUS

11. CYPRI in INSULA: s. Barnabæ Apostoli, Patroni principalis, *duplex 1 classis cum octava communi.*

13. S. ANTONII PATAVINI C. I ORD., Almæ Custodiæ T. S. Patroni principalis. - JOPPE, TYRI, SALAHIE DAMASCI et RAMLEH BACOS in ÆGYPTO, Ecclesiarum Titularis, *duplex 1 classis cum octava communi.*

18. CYPRI in INSULA: Octava s. Barnabæ Ap., *duplex majus*. - *Comm.* s. Ephræm Conf. Doct., *duplex*, Octavæ s. Antonii Pat., *semiduplex*, et ss. Marci et Marcelliani Mm.,
20. Octava s. Antonii Patavini Conf. 1 Ord., *duplex majus*. - *Comm.* b. Michelinæ a Pissauro Vid. 3 Ord., *semiduplex*, et s. Silverii Pp. M.
25. In MONTANIS JUDEÆ, et PTOLEMAIDE: s. Joannis Baptistæ, Ecclesiarum Titularis, *duplex 1 classis cum octava communi*.
29. JOPPEN, HARISSÆ, et TIBERIADE: ss. Petri et Pauli Apostolorum, Ecclesiarum Titularis, *duplex 1 classis cum octava communi*.
- Feria V post Octavam Pentecostes: In S. MONTE SION, Festum **SS. Corporis Christi**, Titularis Ecclesiæ, *duplex 1 classis cum octava priv. III ordinis*.
- Feria VI post Octavam Corporis Christi: LAODICEÆ, IBRAIMIEH in ÆGYPTO, et apud CLARISSAS, **SS. Cordis Jesu**, Ecclesiarum Titularis, *duplex 1 classis cum octava priv. III ordinis*.

MENSIS JULIUS

2. In MONTANIS JUDEÆ: Visitationis B. M. V., Ecclesiæ Titularis, *duplex 1 classis cum octava communi*.
9. id.: Octava Visitationis B. M. V., *duplex majus*. - *Comm.* ss. Nicolai et Socior. Mm. 1 Ordinis, *duplex majus*.
10. DAMASCI: bb. Emmanuelis Ruiz et Socior. Mm. 1 Ordinis, *duplex II classis*. - *Comm.* ss. Septem Fratrum Mm. Sociarumq. Vv. Mm., *semiduplex*.
14. ER RAM ALEPPI: s. Bonaventuræ Ep. Conf. Doct. 1 Ordinis, Titularis Ecclesiæ, *duplex 1 classis cum octava communi*.
15. SS. SEPULCRI D. N. J. C.: *duplex 1 classis cum*

- octava priv. III ordinis. - Comm. s. Henrici Conf., semiduplex.*
16. BOLACCI in CAIRO: B. Mariæ V. de Monte Carmelo, Titularis Ecclesiæ, *duplex 1 classis cum octava communi. - Comm. Canonizationis S. P. N. Francisci, duplex majus, et Octavæ ss. Sepulcri, semiduplex.*
20. In S. MONTE THABOR: Commemoratio s. Eliæ Prophetæ.
21. ER RAM ALEPPI: Octava s. Bonaventuræ Ep. Conf. Doct. 1 Ordinis, *duplex majus. - Comm. b. Angelinæ a Marsciano Vid. 3 Ordinis, duplex, ac s. Praxedis Virg.*
22. S. MARIÆ MAGDALENÆ PŒNITENTIS, *duplex 2 classis. - Ad SS. SEPULCRUM Commemoratio inseparabilis ss. Mulierum cum ipsa Magdalena in Mysterio Mortis, Sepulturæ, ac Resurrectionis Christi participum. - Comm. Diei Octavæ Ss. Sepulcri, duplex majus, et s. Laurentii a Brundusio Conf. 1 Ord., duplex majus.*
23. BOLACCI in CAIRO: Octava B. M. V. de Monte Carmelo, *duplex majus. - Comm. s. Apollinaris Ep. Mart., duplex, ac s. Liborii Ep. Conf.*
29. S. MARTÆ VIRGINIS, *duplex. - Comm. ss. Felicis II Pp. et Socior. Mm.*
31. WASHINGTON: s. Ignatii Conf., Archidiocesis Patroni principalis, *duplex 1 classis.*

MENSIS AUGUSTUS

3. ARIMATHÆÆ: s. Nicodemi Discipuli Domini, Titularis Ecclesiæ, *duplex 1 classis cum octava communi. - Comm. Inventionis s. Stephani protomartyris, semiduplex.*
6. In SS. MONTE THABOR: Transfiguratio D. N. J. C., *duplex 1 classis cum octava privilegiata III ordinis. - Hierosolymis, ad SS. Salvatorem, Titulum Ecclesiæ, duplex 1 classis cum octava communi.*

10. ARIMATHÆÆ: In Officio s. Laurentii Mart., *duplex 2 classis*, commemoratio diei Octavæ s. Nicodemi, *duplex majus*.
13. In SS. MONTE THABOR et JERUSALEM ad SS. SALVATOREM: Octava Transfigurationis D. N. J. C., *duplex majus*. - *Comm.* bb. Joannis, Vincentii et Novelloni Confessor. 1 et 3 Ordinis, *semiduplex*, ac ss. Hippolyti et Cassiani Mm.
15. MOSKI in CAIRO et BAGHGIAGAZ: Assumptionis B. M. V., Ecclesiarum Titularis, *duplex 1 classis cum octava communi*.
- Dominica infra Octavam Assumptionis: In PATRIARCATU HIERSOLYMITANO, **B. Mariæ Virginis Reginae Palestinae**, Patronæ Diocesis, *duplex 1 classis*. - *Comm.* Dominicæ, *semiduplex*.
17. CONSTANTINOPOLI: s. Rochi Conf. 3 Ordinis, *duplex 2 classis*. - *Comm.* s. Hyacinthi Conf., *duplex*, ac diei Octavæ s. Laurentii Mart.
18. S. HELENÆ IMPERATRICIS VIDUÆ, *duplex 2 classis*. - *Comm.* bb. Beatricis et Paulæ Vv. 2 Ordinis, *duplex*, et s. Agapiti Mart.
25. MANSURÆ: s. Ludovici Regis Conf. 3 Ordinis, Ecclesiæ Titularis, *duplex 1 classis cum octava communi*.

MENSIS SEPTEMBER

1. MANSURÆ: Octava s. Ludovici Regis Conf. 3 Ordinis, *duplex majus*. - *Comm.* bb. Joannis et Petri Mm. 1 Ordinis, *semiduplex*, s. Ægidii Abbatis, ac ss. XII Fratrum Mm.
4. In SS. MONTE THABOR: Commemoratio s. Moysi Legislatoris et Prophetæ.
14. EXALTATIONIS SS. CRUCIS, *duplex 2 classis*. - HIERSOLYMIS, *duplex 1 classis*. - NICOSIÆ, Titularis Ecclesiæ, *duplex 1 classis cum octava communi*.

21. NICOSIÆ: In Officio s. Matthæi Ap. et Ev., *duplex 2 classis*, commemoratio diei Octavæ Exaltationis Ss. Crucis, *duplex majus*.
25. EMMAUS: s. Cleophæ Discipuli Domini et Mart., Ecclesiæ Contitularis, *duplex 1 classis cum octava communi*. - Comm. b. Francisci Mariæ a Camporubeo Conf. 1 Ordinis, *duplex*.
28. BETHLEHEM: s. Eustochii Virginis, *duplex 2 classis*. - Comm. b. Bernardini a Feltria Conf. 1 Ordinis, *semiduplex*, ac s. Wenceslai Ducis Mart., *semiduplex*.
29. KASSAB: Dedicatio S. Michaëlis Archangeli, Ecclesiæ Titularis, *duplex 1 classis cum octava communi*.
30. BETHLEHEM: s. Hieronymi Presb. Conf. Doct., *duplex 2 classis*.

MENSIS OCTOBER

1. DAMASCI: s. Ananiæ Discipuli Domini et Mart., *duplex 2 classis*. - Comm. ss. Joannis et Nicolai Confessor. 1 et 3 Ordinis, *semiduplex*, ac s. Remigii Ep. Conf.
2. EMMAUS: Octava s. Cleophæ Discipuli Domini et Mart., *duplex majus*. - Comm. ss. Angelorum Custodum, *duplex majus*.
3. S. THERESIÆ A JESU INFANTE VIRG., Missionum Patronæ, *duplex 1 classis*.
4. ALEPPI, TRIPOLI ad Mare, DAMIATÆ et ALEXANDRIÆ ad mare: S. P. N. Francisci Levitæ et Conf., Ecclesiarum Titularis, *duplex 1 classis cum octava communi*.
6. KASSAB: Octava Dedicacionis s. Michaëlis Arch., *duplex majus*. - Comm. s. Mariæ Franciscæ Virg. 3 Ord., *duplex majus*, s. Brunonis Conf., *duplex*, et Octavæ S. P. N. Francisci, *semiduplex*.
22. HIEROSOLYMIS, ad Ss. Salvatorem, GETHSEMANI, EMMAUS, et in SS. MONTE THABOR: Dedicatio Propriæ Ecclesiæ, *duplex 1 classis cum octava communi*.

MENSIS NOVEMBER

5. In MONTANIS JUDÆÆ: s. Zaccariæ Patris Præcursoris Domini, *duplex 2 classis*. - *Comm.* ss. Reliquiarum, *duplex majus*.
6. ibidem: s. Elisabeth Matris Præcursoris Domini, *duplex 2 classis*. - *Comm.* b. Margaritæ a Lotharingia Viduæ 2 Ordinis, *semiduplex*.
21. PRÆSENTATIONIS B. Mariæ Virg., *duplex 2 classis*.
25. ALEXANDRIÆ in ÆGYPTO: s. Catharinæ Virg. et Mart., Patronæ principalis Civitatis. - BETHLEHEM, ALEXANDRIÆ ad S. CATHERINAM, et LIMASSOL, Ecclesiarum Titularis, *duplex 1 classis cum octava communi*.

MENSIS DECEMBER

2. BETHLEHEM, ALEXANDRIÆ, et LIMASSOL: Octava s. Catharinæ Virg. et Mart., *duplex majus*. - *Comm.* s. Bibianæ Virg. et Mart., *semiduplex*.
3. S. FRANCISCI XAVERII CONF., Missionum Patroni, *duplex 1 classis*.
5. HIEROSOLYMIS: b. Nicolai de Tavileis Mart. 1 Ordinis, *duplex majus*. - IN TOTA CUSTODIA, *duplex*. - *Comm.* s. Sabbæ Abbatis.
8. KAHR-EL-ZAYAT, JACUBIE, DEKHELA apud Alexandriam Ægypti: Immaculata Conceptio B. M. V., Ecclesiarum Titularis, *duplex 1 classis cum octava priv. III ordinis*.
13. ABUKIR in ÆGYPTO: s. Luciæ Virg. et Mart., Ecclesiæ Titularis, *duplex 1 classis cum octava communi*.
19. CONSTANTINOPOLI: Dedicatio Ecclesiæ Cathedralis, *duplex 1 classis*.

OFFICIA PROPRIA

Dominica inter Circumcisionem et Epiphaniam

IN PATRIARCHATU HIEROSOLYMITANO

SS. NOMINIS JESU

Titulum Ecclesiæ Concathedralis

Duplex 1 classis

Omnia ut in Breviario.

Dominica infra Octavam Epiphaniæ

FESTUM SANCTÆ FAMILIÆ

Duplex 2 classis

NAZARETH : Titularis Ecclesiæ « Nutritionis » :

Duplex 1 classis cum Oct. communi.

Omnia ut in Breviario, et de Octava fit commemoratio quotidie in utrisque Vesperis et Laudibus.

Item per Octavam finis Hymnorum Jesu, tuis obédiens, et y. proprius ad Primam.

Dominica II post Epiphaniam

NAZARETH

In Octava SS. FAMILIÆ

Fit officium de Dominica currenti, cum commemoratione Diei Octavæ.

Si hoc Festum celebratum fuerit extra Dom. tunc fit Officium de SS. Familia in die Octava: Antifonæ et

Psalmi ab omnes Horas et $\psi\psi$. Nocturnorum de occurrenti hebdomadæ die, ut in Psalterio; reliqua ut in die festo, præter Lectiones I Nocturni, quæ erunt de Scriptura occurrenti.

Dominica II post Epiphaniam

INITII SIGNORUM D. N. J. C. IN GALILÆA

Duplex 2 classis

CANA GALILÆÆ Sanctuarii Titularis

Duplex 1 classis cum Octava priv. 3 Ordinis

Totum Officium fit de Dominica II post Epiphaniam, ut in Psalterio et Proprium de Tempore, ritu tamen duplici.

Completorium de Do-

minica et ad Primam Psalmi ut in Festis.

De Octava fit comm. quotidie tam in Vesperis, quam in Laudibus, etiam Dominica sequenti, pro die Octava.

Die 15 Januarii

IN ÆGYPTO

S. PAULI PRIMI EREMITÆ C.

Duplex 2 classis

Omnia ut in Comuni unius Conf. non Pont. et in Breviario, omissa in I Vesp. comm. S. Mauri Abb.

Completorium de Do-

minica.

Lectiones I Nocturni
Beátus vir.

In II Vesperis comm. sequentis, ac S. Marcelli Pp. M.

Die 17 Januarii

MOHARREM BEY IN ÆGYPTO

S. ANTONII ABBATIS ET CONF.

Titularis Ecclesiæ

Duplex 1 classis cum Octava communi

Omnia ut in Comuni unius Conf. non Pont. et in Breviario, omissis commemoratio- nibus in I Vesperis.

Completorium de Do-

minica.

Beátus vir.

In II Vesperis fit commemoratio sequentis ac S. Pauli tantum.

De Octava fit comm. quotidie in Vesperis et Laudibus præter diem XXIII.

Die 23 Januarii

DESPONSATIONIS B. M. V.

Duplex 2 classis

Omnia ut in Breviario, sed in I Vesperis fit commemoratio S. Jo-

seph et S. Raymundi C. tantum.

Die 24 Januarii

MOHARREM BEY IN ÆGYPTO

In Octava S. ANTONII ABB. et C.

Duplex majus

Ant. et Psalmi ad omnes Horas et $\psi\psi$. Nocturnorum de occurrenti hebdomadæ die; reliqua ut in Communi unius Conf. non Pont., præter sequentia.

In II Vesperis Desponsationis B. M. V. fit comm. s. Joseph, et diei Octavæ s. Antonii, ant. Similábo, ψ . Amávit.

Oratio

Intercéssio nos, quæsumus, Dómine, beáti Antónii Abbátis comméndet: ut quod nostris méritis non valémus, ejus patrocínio assequámur. Per Dóminum.

Deinde s. Timothei E. M. ac s. Raymundi C., ut in Breviario.

Lectiones I Nocturni de Scriptura occurrenti.

In II Nocturno

Lectio iv

Sermo sancti Bernárdi
Abbátis

Sermo 2 de S. Victore

Gaudéte in Dómino, dilectíssimi, qui inter continúa suæ pietátis beneficia indúlsit hóminem mundo, cujus multi salvaréntur exémpló. Íterum dico, gaudéte, quod factus de médio appropriávit Deo, ut multo plures ejus intercessióne salvéntur. In terris visus est, ut esset exémpló; in cælum elevátus est, ut sit patrocinio. Hic infórmát ad vitam, illic invítat ad glóriam. Factus est mediátor ad regnum, qui fuit incitátor ad opus. Bonus mediátor, qui sibi jam póstulans nihil, totum in nos transférre

desíderat, et supplicántis afféctum, et supplicatiónis fructum. Quid enim quærat sibi, qui nullius eget?

R. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

ψ. Justum dedúxit Dóminus per vias rectas, et osténdit illi regnum Dei. - Et.

Lectio v

Hæc dies gloriósa migratiónis ejus, dies lætítiæ cordis ejus, exultémus, et lætémur in ea. Introívit in poténtias Dómini, gaudeámus: quia nunc poténtior est ad salvándum. Hódie Antónius pósito córpore, tanto alácrior, quanto expeditior penetrávit in sancta, símilis factus in glória Sanctórum. Hódie despécto mundo, et mundi príncipe triumpháto, supra mundum victor ascén-

dit, accípiens de manu Dómini coronám victóriæ. Ascéndit autem cum imménsa supelléc-tili meritórum, clarus triúmphis, miráculis gloriósus. Sedet veteránus miles, débita jam suavitate et securitate quiétus : secúrus quidem sibi, sed nostri sollicitus. O venerándam étiam ipsis Ángelis sanctitátem, quam pari stúdio, etsi díspari voluntáte, et mali fúgitant et frequéntant boni : nec fá-cile díxerim, quid virum ádstruat sanctiórem, horum favor, aut pavor illórum.

R. Amávit eum Dóminus et ornávit eum, stolam glóriæ índuit eum : * Et ad portas Paradísi coronávit eum.

ψ. Índuit eum Dóminus lorícám fidei, et ornávit eum. - Et.

Lectio vi

O Miles emérite, qui christiánæ militiæ duris labóribus angéli-

cæ felicitátis réquiem commutásti : réspice ad imbélles, et imbecílles commilitónes tuos, qui inter hostíles gládios et spiritáles nequítias tuis láudibus occupámur. Quam pium, quam dulce, quam suáve, o sancte Antóni, in hoc loco afflictiónis et in hoc córpore mortis te cáne-re, te cólere, te precári ! Nomen tuum et memoriále tuum, favus distíllans in lábiis captivórum, mel et lac sub língua eórum, qui tui memoria delectántur. Eja ergo, fortis athléta, dulcis patróne, advocáte fidélis, exsúrge in adjutórium nobis, ut et nos de nostra ereptióne gaudéamus, et tu de plena victória gloriéris.

R. Iste homo perfécit ómnia quæ locútus est ei Deus, et dixit ad eum : Ingrédere in réquiem meam : * Quia te vidi justum coram me ex ómnibus géntibus.

ψ. Iste est, qui con-

témpsit vitam mundi, et pervénit ad cæléstia regna. - Quia. Glória Patri. - Quia.

In III Nocturno

Lectio vii

Lectio sancti Evangélii
secúndum Lucam

Cap. 12, 35-40

In illo témpore : Dixit Jesus discíplis suis : Sint lumbi vestri præcincti et lucernæ ardentes in mánibus vestris. Et réliqua.

Homília sancti Fulgéntii
Epíscopi

Ex serm. de Confess.

Si istum Dómini sermónem secúndum líteram velímus accíperere, nihil in eo cómmodi spiritalis póssumus invenire. Quid enim próficit ad ánimæ salútem, si áliquis corporaliter, aut lumbos præcínget, aut lucernam accéndat? In lumbis ítaque concupi-

scéntia carnális osténditur, in lucernis vero fides, et cáritas christiána monstrátur. Júbens ígitur Dóminus lumbos nostros præcínget, concupiscéntias carnis sine dúbio præcipit refrenári. Imperans autem, ut lucernas ardentes habéamus, hoc útique jubet, ut et lúmíne veræ fidei splendéamus, et sanctæ caritátis opéribus ferveámus.

R. Iste est, qui ante Deum magnas virtútes operátus est, et de omni corde suo laudávit Dóminum : * Ipse intercédát pro peccátis ómnium populórum.

V. Ecce homo sine queréla, verus Dei cultor, ábstinens se ab omni ópere malo, et permanens in innocéntia sua. - Ipse.

Lectio viii

Ista, quæ de Evangélio proposúimus, cum prophéticis sermónibus conferámus. Utrúmque

enim testaméntum Deus instituit, unus Dóminus dedit. Etsi sunt utriúsque testaménti diversa sacraménta, concórdat tamen in utróque salutis humánæ senténtia, qua præcipitur ut non peccémus, et jubétur ut bonis opéribus insistámus. Per Isaíam Dóminus omnes his ádmonet verbis: Auférte malum cogitátionum vestrarum ab óculis meis, quiéscite pervérse ágere, díscite benefácere. Quid est enim: Sint lumbi vestri præcíncti, nisi quiéscite ágere pervérse? Quid est: Sint lucérnæ ardéntes, nisi díscite benefácere?

Rj. Sint lumbi vestri præcíncti et lucérnæ ardéntes in má nibus vestris: * Et vos símiles homínibus exspectántibus dóm inum suum, quando revertátur a núp tiis.

ÿ. Vigiláte ergo, quia nescítis qua hora Dó-

minus vester ventúrus sit. - Et vos. **G**lória Patri. - Et vos.

Lectio ix

Pro s. Timotheo Ep. et Martyre

Timótheus, Lystris in Lycaónia natus ex patre gentíli et matre judæa, christíanam colébat religió nem, cum in ea loca venit Apóstolus Páulus. Qui fama commó tus, quæ de Timóthei sanctitáte percrebúerat, ipsum adhíbuit sócium suæ peregrinátionis; sed propter Judæos, qui se ad Christum convérterant, sciéntes Timóthei patrem esse gentílem, eum circumcídit. Cum ígitur ambo Éphesum veníssent, ibi ordinátus est Epíscopus ab Apóstolo, ut eam Ecclésiám gubernáret. Ad quem Apóstolus duas epístolas scripsit, álteram Laodicéa, álteram Roma. Quibus in pasto rális officii cura confir-

mátus, cum sacrificium, quod uni Deo debétur, fieri dæmonum simulácris, ferre non posset; pópulum Ephesinum, Diánæ in ejus celebritáte immolántem, ab illa impietáte removére conátus, lapídibus óbrutus est: ac pene mórtuus, a cristiánis eréptus, et in montem óppido vicínum delátus, nono Kaléndas Februárii obdormívit in Dómino.

Te Deum laudámus.

Oratio

Intercéssio nos, quæsumus, Dómine, beáti Antónii Abbátis comméndet: ut quod nostris méritis non valémus, ejus patrocínio assequámur. Per Dóminum.

Et fit commemoratio s. Timothei Ep. Martyris.

In II Vesperis comm. sequentis, s. Petri ac s. Timothei.

Die 25 Januarii

DAMASCI

CONVERSIONIS S. PAULI APOSTOLI

Titularis Ecclesiæ

Duplex 1 classis cum Octava communi

Omnia ut in Breviario, sed in I Vesperis fit tantum comm. s. Petri Apostoli.

In II Vesperis fit com-

memoratio s. Petri ac sequentis.

De Octava fit comm. quotidie in utrisque Vesperis et Laudibus.

Die 26 Januarii

BETHLEHEM

S. PAULÆ ROMANÆ VIDUÆ

Duplex 2 classis

Omnia de Comuni
unius non Virginum,
præter ea, quæ hic ha-
bentur propria.

Oratio

Deus, qui beátam Páu-
lam fámulam tuam,
spretis mundi delíciis,
post insígnia virtútum
incrementa, ibi voluísti
nasci cælo, ubi Unigéni-
tus tuus natus est mun-
do: concéde propítius;
ut ejus exémplo terréna
cuncta despiciéntes, cæ-
léstia cónsequi mereámur.
Per eúmdem Dó-
minum nostrum.

Et fit comm. præce-
dentis, s. Petri et s. Po-
lycarpi Ep. et Mart.

Completorium de Do-
minica.

Lectiones I Nocturni
Muliérem fortem.

In II Nocturno

Lectio iv

Ex Epístola sancti
Hierónymi Presbýteri ad
Eustóchium Vírginem.

Páula, matróna Romá-
na e nobíllissimo Se-
natórum génere, sed vi-
tæ sanctitáte multo nobí-
lior, mórtuo Toxótio pa-
ris nobilitátis viro, cui
quínque líberos edíde-
rat, totam se ad Dómi-
num convértit, et co-
piósas cœpit divítias in
Christi páuperes tanto
afféctu erogáre, ut eos
tota Urbe perquíreret,
et damnum putáret, (ut

de ea sanctus Hierónymus scribit) si quisquam débilis, et esúriens cibo sustentarétur altérius: quo in stúdio usque ad mortem perseverans, dicebat interdum se id voti habere, ut mendicans morerétur: et in suo fúnere aliéna síndone involverétur. Cum autem ob quasdam Ecclesiárum dissensionés, Oriéntis et Occidéntis Episcopi Romam, sancto Dámaso Pontífice, convenissent, sanctum Epiphánium Salamínæ Cypri Episcopum hospítio excépit, et Paulinum Antiochiæ ómnibus charitátis officiis cólere stúduit, quórum accénsa virtútibus, pátriam desérere, et ad erémum pèrgere cogitábat. Quare Urbis frequentiam, et ora laudántium fúgere festínans, et párvulam Bétlehem Romæ præferre volens, tandem ad Portum Románum navigatúra descendit, fratre, propínquis,

ac líberis prosequéntibus, et píam matrem matérna caritáte retinére cupiéntibus. Illa vero, quamvis víscera ejus dolóre torqueréntur, siccos ad cælum tendébat óculos, et pietátem in filios pietáte in Deum súperans, nesciébat se matrem, ut Christi probáret ancíllam.

R. Propter veritátem, et mansuetúdinem, et justítiam; Et dedúcet te mirábiliter dextera tua.

Y. Spécie tua et pulchritúde tua inténde, prospere procéde, et regna. - Et.

Lectio v

Navi igitur conscénsa cum Eustóchio filia, quæ propósi, et navigatiónis ejus comes erat, Hierosólymam, et sancta loca incredíbili ardóre vidére cupiébat. Quare cum Cyprium primum, deinde Seleuciám appulísset, in Sýriam, et Palæstínam venit: cujus

cuncta sacra monuménta tanto stúdio, ac pietáte circumívit, ut nisi ad réliqua festináret, a primis non posset abdúci. Dénique Béthlehem substitit mansúra perpétuo : ubi structis quátuor monastériis, uno Virórum, quod sanctus Hierónymus gubernáturus suscepit, aliis Vírginum, réliquum vitæ iter admirábili sanctitáte confécit. Humilitátis virtus in ea máxime enítuit; nihil ea cleméntius, nihil erga húmiles blándius fuit. Invidórum calúm-nias, et sæculi várias tentatiónes summa patiéntia, et mansuetúdine tolerávit. Tarda erat ad loquéndum, et velox ad audiéndum. Sanctas Scriptúras tenébat memóriter, et vetus, ac novum Testaméntum assidue perlegébat. Hebræam língvam díscere vóluit, et consecúta est ita, ut Psalmos Hebráice cáneret : et sermónem illum, quasi natívum,

personáret. Super duríssimam humum, stratis cilicíolis, quiescébat, si tamen quies dicénda est, quæ júgibus pæne oratióibus dies, noctésque jungébat. Móllia, étiam in gravíssima febre, léctuli strata non hábuit. Tantæ autem abstinentiæ fuit, ut prope mensúram excéderet, et debilitátem córporis nímiis jejúniis, ac labóre contráheret : exceptisque diébus festis, vix óleum in cibo cáperet. Neque addúci ullo modo pótuit, ut ad vires córporis reficiéndas vino uterétur. Ægrotántes miris obséquiiis, ac ministériis confovebat : cumque áliis languéntibus large præbéret ómnia, si quando ipsa ægro-tásset, sibi non indulgébat, et in eo inæquális videbátur, quod in áliis cleméntiam, in se durítiam commutábat.

R^l. Dilexísti justítiam, et odísti iniquitátem : *
Proptérea unxit te Deus,

Deus tuus, oleo lætitiæ.

ψ. Propter veritatem, et mansuetudinem, et justitiam. - Propterea.

Lectio vi

Tandem cum in gravissimum morbum incidisset, ac mortem adesse sentiret, et frigescente alia parte corporis animæ teporem in solo pectore palpitaret, quasi ad suos pergeret, alienosque desereret, illos versiculos usque ad expirationem animæ repetebat: Dómine, dilexi decorem domus tuæ, et locum habitaciónis glóriæ tuæ; Et: Quam dilécta tabernácula tua, Dómine virtutum! concupiscit, et déficit anima mea in átria Dómini; dígitum ad os tenens, Crucis signum pingens in lábiis, sanctissimam animam Deo reddidit séptimo Kaléndas Februárias, ætátis suæ anno quinquagésimo

sexto. Translatáque Episcopórum má nibus in Ecclésiám Spelúncæ Salvatóris, ad funus ejus Palæstínæ Úrbium turba concurrénte, monachórum, vírginum, viduárum, et páuperum, qui ad exémpulum Tabithæ, vestes ab ea contéxtas ostendébant, tríduo post sub Ecclésiám, juxta specum Dómini, cóndita est.

R̄. Fallax grátia, et vana est pulchritúdo: * Múlier timens Deum, ipsa laudábitur.

ψ. Date ei de fructu mánuum suárum, et láudent eam in portis ópera ejus. - Múlier. Glória. - Múlier.

In III Nocturno Homilia in Evangelium: Símile est regnum cælórum thesáuro etc. **de Comuni unius non Virginis.**

Pro lectione ix de s. Polycarpo dicitur ea quæ in Breviario ut iv habetur.

Te Deum laudámus.

Oratio

Deus, qui beátam Páulam fámulam tuam, spretis mundi delíciis, post insígnia virtútum incrementa, ibi voluísti nasci cælo, ubi Unigénitus tuus natus est mundo: concéde propítius; ut, ejus exémplo terréna cuncta despiciéntes, cæléstia cónsequi mereámur. Per eúndem Dóminum nostrum.

Et fit comm. s. Polycarpi E. M.: Ant. Qui odit, ψ . Justus.

Oratio

Deus, qui nos beáti Polycárpi Mártiris tui atque Pontificis ánnua solemnitate lætíficas: concéde propítius; ut, cujus natalítia cólimus, de ejúsdem étiam protectióne gaudeámus. Per Dóminum nostrum.

Ad Horas Pss. ut in Festis.

In II Vesperis fit commemoratio sequentis et s. Polycarpi.

Completorium de Dominica.

Die 27 Januarii

CONSTANTINOPOLI

S. JOANNIS CHRYSOSTOMI E. C. D.

Titularis Ecclesiæ Cathedralis

Duplex I classis

Omnia ut in Communi unius Confess. Pont. et in Breviario, ommissa in I Vesperis comm. præcedentis festi.

Lectiones I Noct.

Sapiéntiam, ut in Communi Doctoris.

In II Vesperis commemoratio sequentis tantum.

Die 1 Februarii

DAMASCI

In Octava CONVERSIONIS S. PAULI Apostoli

Duplex majus

Antiphonæ et Psalmi ad omnes Horas et $\psi\psi$. Nocturnorum de occurrenti hebdomadæ die; reliqua ut in die festo, præter Lectiones, ut infra.

In I Vesperis fit comm. s. Petri, postea præcedentis, bb. Eustochii et Veridianæ VV., s. Ignatii E. M., et s. Joannis Bosco Conf. (duplex).

In I Nocturno Lectiones de Scriptura occurrenti.

In II Nocturno

Lectio iv

Sermo sancti Joannis Chrysóstomi

De ferendis reprehensionibus

Sáulus autem adhuc spirans minas, et cædem in discipulos Dómini. Atqui in epístolis Páulus vocátur: quare ergo nomen mutávit Spíritus sanctus? Quemádmódum dóminus, qui servum mercátus est, osténdere volens se dóminum servi, nomen illius immutat; ita et Spíritus sanctus fecit, ubi Páulum captívum accépit: vocábulum ejus mutávit, ut étiam inde disceret Páulus, se habere Dóminum. Nóminum enim impositio domínii signum est, et præcipuum. Volens enim Dóminus docére Adámum,

quod eum principem et dominum omnium fecisset, adduxit ad eum omnia animalia, ut videret quid vocaret ea.

R. Tu es vas electionis, sancte Páule Apóstole, prædicátor veritatis in univérso mundo: * Per quem omnes Gentes cognoverunt grátiam Dei.

ŷ. Intercéde pro nobis ad Deum, qui te elégit. - Per quem.

Lectio v

Verum quam ob causam Spíritus sanctus non statim mutavit nomen Páuli, sed expectavit ad tantum tempus? Si statim converso Páulo mutatum fuisset et nomen ejus, tunc minus manifesta fuisset ejus conversio, et ad fidem translátio. Nam sicut in famulis usu venire solet, quod obscuri fiant, si quam primum fugam inierunt, sua nomina mutarint; ita et in Páulo contigisset, si mox

ut relictis Judæis ad nos venit, aliud nomen sortitus fuisset: nemo enim scivisset, quod persecutor ille esset Evangelísta. Hinc enim omnes discébant, quod ille ipse esset, qui prius fuerat Ecclésiám persecútus.

R. Grátia Dei sum id quod sum. * Et grátia ejus in me vácuá non fuit, sed semper in me manet.

ŷ. Qui operátus est Petro in Apostolatúm, operátus est et mihi inter Gentes. - Et.

Lectio vi

Aggrediuntur hic nos quidam dicentes: Et quid mirum, quod Páulus ad fidem pervenit, cum Deus vocem illam, quasi funem cervici ejus injecerit, vique ipsum ad se duxerit? Atténdite diligénter. Qualis illa vis et necéssitas, dic, o homo? Vocávit eum supérne. Credis omnino quod vocávit eum supérne? Ígitur et te hó-

die vocat per illam vocem, cur et tu non óbedis? Vides non esse necessitátis negótium? Nam si necéssitas quædam foret, oportébat et te obedire: cum áutem et tu non óbedis, manifestum quod ille voluntárius obedívit. Multum quidem fecit ad salútem Páuli vocátio: non tamen destítuit eum a suis opéribus, et super própriæ voluntátis láude; neque nócuít ejus líbero arbítrio, sed voluntárius advénit ipse, atque sua bona voluntáte.

R). Sáulus, qui et Páulus, magnus prædicá-

tor, * A Deo confortátus convalescébat, et confundébat Judæos.

ψ. Osténdens quia hic est Christus Fílius Dei. - A Deo. **G**lória Patri. - A Deo.

In III Nocturno Homilia in Evangelium Ecce nos, de Comm. Abbatum 1 loco: Grandis fidúcia! Nona lectio de bb. Eustochio et Veridiana.

Ad Laudes fit comm. s. Petri Ap., bb. VV. ac s. Ignatii.

Vesperæ sequentis, comm. præc., s. Petri Ap., bb. VV. et s. Ignatii.

Die 11 Februarii

IN PATRIARCHATU HIEROSOLYMITANO

DEDICATIO ECCLESIAE CONCATHEDRALIS

Duplex 1 classis

Omnia ut in Comm. Dedicat. Ecclesiae. Commemoratio, in Laudibus tantum, Appari-

tionis B. M. V., ut in Breviario.

In II Vesperis commemoratio sequentis.

Die 17 Februarii

FUGÆ DOMINI NOSTRI JESU CHRISTI
in Ægyptum

Duplex 2 classis

IN ÆGYPTO duplex 1 classis

In I Vesperis

Antiphonæ de Laudibus, Psalmi ut in Comuni Festorum B. Mariæ Virginis.

Capit. Is. 19, 1

Ecce Dóminus ascendet super nubem levem, et ingrediétur Ægyptum, et commovebuntur simulácula Ægypti a fácie ejus, et cor Ægypti tabescet in médio ejus.

Hymnus

Regem treméndæ glóriæ,
De stirpe promíssum Ábrahæ,
Venísse Reges indicant,

Natúmque Regi nuntiant.

Tyránnus ira fluctuat:

Morti puéllum déstinat:
Sed Virgo Mater, cælitus

Edócta, ferro subtráhit.

Deferre Natum ad éxteras

Festínat Ægypti plagas,
Nec jam quiéscit, Fílium
Quóusque tutum cónspicit.

At tu, Parens fortíssima,

Quæ sancto amóre saucia,

Advérsa quæque déspicis,

Fugæque damna sústines.

Tuis adesto sérvulis,
Rebus quibúsq̄ue in ár-
duis,
Quos culpa fecit éxsu-
les,
Redíre fac in pátriam.

Jesu, tibi sit glória,
Qui natus es de Vírgine,
Cum Patre, et almo Spí-
ritu
In sempitérna sæcula.

Amen.

**Sic terminantur Hym-
ni per omnes Horas.**

y. Accépit Joseph
Púerum, et Matrem ejus
nocte.

Rj. Et secéssit in Æ-
gýptum.

Ad Magnif. Ant. Ec-
ce Angelus Dómini ap-
páruit in somnis Joseph,
dicens: Surge, et ácci-
pe Púerum, et Matrem
ejus et fuge in Ægýp-
tum, et esto ibi, usque
dum dicam tibi: Futú-
rum est enim, ut Heró-
des quærat Púerum ad
perdéndum eum.

Oratio

Protéctor in te spe-
rántium, Deus, qui

Unigénitum tuum Red-
emptórem nostrum ex
Heródis gládio fuga in
Ægýptum erípere voluí-
sti; concéde nobis fámu-
lis tuis, beatíssima sem-
per Vírgine ejus Matre
María intercedénte; ut
ab ómnibus mentis et
córporis perículis libe-
ráti, ad cæléstem pá-
triam perveníre mereám-
mur. Per eúndem Dó-
minum nostrum.

**Et fit comm. b. Lu-
cæ Belludi C. I O. et
Feriæ in Quadragesima.**

**Completorium de Do-
minica.**

Ad Matutinum

Invit. Salvatórem Dó-
minum nostrum Jesum
Christum fugiéntem ad
Ægýptum; * Veníte, a-
dorémus.

Ps. Veníte, exsulté-
mus.

Hymnus Regem, **ut
in Vesp.**

In I Nocturno

Ant. Accépit Joseph
Púerum et Matrem ejus

nocte, et secéssit in Ægyptum.

Psalmus 8

Dómine, Dóminus noster, * quam admirabile est nomen tuum in univérſa terra!

Quóniam eleváta est magnificéntia tua, * super cælos.

Ex ore infántium et lacténtium perfecísti láudem propter inimicos tuos, * ut déstruas inimicum et ultórem.

Quóniam vidébo cælos tuos, ópera digitórum tuórum: * lunam et stellas, quæ tu fundásti.

Quid est homo, quod memor es ejus? * aut fílius hóminis, quóniam vísitas eum?

Minuísti eum páulo minus ab Ángelis, glória et honóre coronásti eum: * et constituísti eum super ópera mánuum tuárum.

Omnia subjecísti sub pédibus ejus, * oves et boves univérſas: insu-

per et pécora campi.

Vólucres cæli, et pisces maris, * qui perambulánt sémitas maris.

Dómine Dóminus noster, * quam admirabile est nomen tuum in univérſa terra!

Ant. Accépit Joseph Púerum et Matrem ejus nocte, et secéssit in Ægyptum.

Ant. Erat ibi usque ad óbitum Heródis.

Psalmus 18

Cæli enarrant glóriam Dei, * et ópera mánuum ejus annúntiat firmaméntum.

Dies diéi erúctat verbum, * et nox nocti índicat sciéntiam.

Non sunt loquélæ, neque sermónes, * quórum non audiántur voces eórum.

In omnem terram exívit sonus eórum: * et in fines orbis terræ verba eórum.

In sole pósuit tabernáculum suum: * et ipse tamquam sponsus

procédens de thálamo suo :

Exsultávit ut gigas ad curréndam viam, * a summo cælo egréssio ejus :

Et occúrsus ejus usque ad summum ejus : * nec est qui se abscondat a calore ejus.

Lex Dómini immaculáta convértens ánimas : * testimónium Dómini fidéle, sapiéntiam præstans párvulis.

Justítiæ Dómini rectæ, lætificántes corda : * præcéptum Dómini lúcidum ; illúminans óculos.

Timor Dómini sanctus, pérmanens in sæculum sæculi : * judícia Dómini vera, justificáta in semetípse.

Desiderabilia super aurum et lápidem pretiosum multum : * et dulcióra super mel et favum.

Étenim servus tuus custódit ea, * in custodiéndis illis retribútio multa.

Delicta quis intélligit ? ab occúltis meis munda me : * et ab aliénis parce servo tuo.

Si mei non fúerint domináti, tunc immaculátus ero : * et emundábor a delicto máximo.

Et erunt ut compláceant elóquia oris mei : * et meditátio cordis mei in conspéctu tuo semper.

Dómine, adjútor meus, * et redémptor meus.

Ant. Erat ibi usque ad óbitum Heródis.

Ant. Fuit Dóminus cum Joseph in Ægýpto.

Psalmus 23

Dómini est terra, et plenitúdo ejus : * orbis terrárum, et universi qui hábitant in eo.

Quia ipse super mária fundávit eum : * et super flúmina præparávit eum.

Quis ascéndet in montem Dómini ? aut quis stabit in loco sancto ejus ?

Innocens mánibus et

mundo corde, * qui non accépit in vano ánimam suam, nec jurávit in dolo próximo suo.

Hic accípiet benedictiónem a Dómino : * et misericórdiam a Deo salutári suo.

Hæc est generátio quæréntium eum, * quæréntium fáciem Dei Jacob.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus fortis et potens : Dóminus potens in prælio.

Attóllite portas, príncipes, vestras, et elevámini, portæ æternáles : * et introíbit Rex glóriæ.

Quis est iste Rex glóriæ? * Dóminus virtutum ipse est Rex glóriæ.

Ant. Fuit Dóminus cum Joseph in Ægýpto.

Ÿ. Ex Ægýpto.

Rj. Vocávi Fílium meum.

Lectio i

De Osée Prophéta

Cap. 11

Sicut mane tránsiit, per tránsit Rex Israël. Quia puer Israël, et diléxi eum; et ex Ægýpto vocávi fílium meum. Vocavérunt eos, sic abiérunt a fácie eórum: Báalim immolábant, et simulácris sacrificábant. Et ego quasi nutricius Éphraim portábam eos in bráchiis meis et nesciérunt quod curárem eos. In funículis Adam traham eos in vínculis caritátis, et ero eis quasi exáltans, jugum super maxíllas eórum, et declinávi ad eum, ut vescerétur. Non revertétur in terram Ægýpti, et Assur ipse Rex ejus: quóniam noluérunt convérti. Cœpit gládus in civitatibus ejus et consumet eléctos ejus, et cómedet cápita eórum. Et pópulus meus pendébit ad réditum meum: jugum autem imponétur

eis simul, quod non auferétur.

Rj. Dicit Dóminus : descénde in Ægýptum, ego descéndam tecum illuc, * Et ego inde ad dúcam te reverténtem.

ψ. Surgens Joseph accépit Púerum, et Matrem ejus nocte. - Et ego.

Lectio ii

De Isaía Prophéta

Cap. 19

Ecce Dóminus ascéndet super nubem levem, et ingrediétur Ægýptum, et commovebúntur simulácra Ægýpti a fácie ejus, et cor Ægýpti tabéscet in médio ejus. Et concúrre fáciam Ægýptios advérsus Ægýptios, et pugnábit vir contra fratrem suum, et vir contra amicum suum, cívitas advérsus civitátem, regnum advérsus regnum. Et dirumpétur spíritus Ægýpti in viscéribus ejus, et consílium ejus

præcipitábo, et interrogábunt simulácra sua, et divínos suos, et pythónes, et ariolos. Et tradam Ægýptum in manu dominórum crudélium, et Rex fortis dominábitur eórum, ait Dóminus Deus exercítuum.

Rj. Rex noster advénit Christus : * Quem Joánnes prædicávit Agnum esse ventúrum.

ψ. Super Ipsum continébunt reges os suum, Ipsum gentes deprecabúntur. - Quem.

Lectio iii

In die illa erit altáre Dómini in médio terræ Ægýpti, et título Dómini juxta términum ejus. Et erit in signum, et in testimónium Dómino exercítuum in terra Ægýpti. Clamábunt enim ad Dóminum a fácie tribulántis, et mittet eis Salvatórem, et propugnatórem, qui liberet eos. Et cognoscétur Dóminus ab Ægýpto, et cognóscant Ægýptii Dómi-

num in die illa, et colent eum in hóstiis, et in munéribus, et vota vovébunt Dómino, et solvent. Et percútiet Dóminus Ægýptum plaga, et sanábit eam, et reverténtur ad Dóminum, et placábitur eis, et sanábit eos. In die illa erit via de Ægýpto in Assýrios, et intrábit Assýrius Ægýptum, et Ægýptus in Assýrios, et sérvient Ægýptii Assur. In die illa erit Israël tértius Ægýptio, et Assýrio: benedíctio in médio terræ, cui benedíxit Dóminus exercítuum, dicens: Benedíctus pópulus meus Ægýpti.

R. Ecce ab Áustro vénio ego Dóminus Deus vester: * Visitáre vos in pace.

Y. Aspíciam vos, et créscere fáciam, multiplicabímini, et firmábo pactum meum vobíscum.
- Visitáre. **G**loria Patri.
- Visitáre.

In II Nocturno

Ant. Heródes, videns quóniam illúsus esset a Magis, irátus est valde.

Psalmus 44

Eructávit cor meum verbum bonum: * dico ego ópera mea Regi.

Lingua mea cálamus scribæ, * velóciter scribéntis.

Speciósus forma præ filiis hóminum, diffusa est grátia in lábiis tuis: * própterea benedíxit te Deus in ætérnum.

Accíngere gládio tuo super femur tuum, * poténtissime.

Spécie tua et pulchritúdine tua * inténde, prospére procéde, et regna.

Propter veritátem, et mansuetúdinem, et justítiam: * et dedúcet te mirábiliter dextera tua.

Sagittæ tuæ acútæ, pópuli sub te cadent, * in corda inimicórum Regis.

Sedes tua, Deus, in sæculum sæculi : * virga directiõnis virga regni tui.

Dilexisti justitiam, et odisti iniquitatem : * propterea unxit te Deus, Deus tuus, oleo lætitiæ præ consortibus tuis.

Myrrha, et gutta, et casia a vestimentis tuis, a dõmibus ebúrneis : * ex quibus delectaverunt te filiæ regum in honore tuo.

Astitit regina a dextris tuis in vestitu deaurato : * circumdata varietate.

Audi, filia, et vide, et inclina aurem tuam : * et obliviscere populum tuum, et domum patris tui.

Et concupiscet Rex decorem tuum : * quoniam ipse est Dominus Deus tuus, et adorabunt eum.

Et filiæ Tyri in muneribus * vultum tuum deprecabuntur : omnes divites plebis.

Omnis glória ejus filiæ Regis ab intus, * in

fimbriis aureis circumamicta varietatibus.

Adducuntur Regi virgines post eam ; * proximæ ejus afferentur tibi.

Afferentur in lætitia et exultatione : * adducuntur in templum Regis.

Pro patribus tuis nati sunt tibi filii : * constitues eos principes super omnem terram.

Mémores erunt nominis tui * in omni generatione et generationem.

Propterea populi confitebuntur tibi in æternum : * et in sæculum sæculi.

Ant. Heródes, videns quoniam illusus esset a Magis, iratus est valde.

Ant. Mittens Heródes occidit omnes púeros, qui erant in Bèthlehem, et in ómnibus finibus ejus.

Psalmus 45

Deus noster refúgium, et virtus : adjutor in tribulationibus, quæ in-

venérunt nos nimis.

Propterea non timébitur dum turbábitur terra: * et transferéntur montes in cor maris.

Sonuérunt, et turbátæ sunt áquæ eórum: * conturbáti sunt montes in fortitúdi-
ne ejus.

Flúminis ímpetus lætíficat civitátem Dei: * sanctificávit tabernáculum suum Altíssimus.

Deus in médio ejus, non commovébitur: * adjuvábít eam Deus mane dilúculo.

Conturbátæ sunt Gentes, et inclináta sunt regna: * dedit vocem suam, mota est terra.

Dóminus virtútum nobiscum: * suscéptor noster Deus Jacob.

Veníte, et vidéte ópera Dómini, quæ pósuit prodígia super terram: * áuferens bella usque ad finem terræ.

Arcum cónteret, et confríngét arma: * et scuta combúret igni.

Vacáte, et vidéte quóniam ego sum Deus: *

exaltábor in Géntibus, et exaltábor in terra.

Dóminus virtútum nobiscum: * suscéptor noster Deus Jacob.

Ant. Mittens Heródes occídít omnes púeros, qui erant in Bétlehem, et in ómnibus fínibus ejus.

Ant. A bimátu et infra occídít multos púeros Heródes propter Dóminum.

Psalmus 86

Fundaménta ejus in móntibus sanctis: * díligit Dóminus portas Sion super ómnia tabernácula Jacob.

Gloriósá dicta sunt de te, * civitas Dei.

Memor ero Rahab, et Babylónis * sciéntium me.

Ecce alienígenæ, et Tyrus, et pópulus Ætiópum, * hi fuérunt illic.

Numquid Sion dicet: Homo, et homo natus est in ea: * et ipse fundávit eam Altíssimus?

Dóminus narrábit in scriptúris populórum, et princípum: * horum, qui fuérunt in ea.

Sicut lætántium ómnium * habitátio est in te.

Ant. A bimátu et infra occídít multos púeros Heródes propter Dóminum.

☩. Vox in Rama audíta est.

R). Plorátus, et ululátus multus.

Lectio iv

Sermo sancti Joánnis Chrysóstomi

Homil. 8 in Matth.

Cur in Ægýptum Puer míttitur? causam in primis prótulit Evange- lísta, dicens: ut imple- rétur illud: Ex Ægýpto vocávi Fílium meum; si- múlque bonæ spei præ- nuntiabántur. Quia enim Bábylon, et Ægýptus, plus quam réliquus or- bis, impietáts ardébant flamma, ab exórdio de- clárans, se ambas illas

regiónes emendatúrum, et ad melióra deductú- rum, simúlque per hæc índicans étiam toti ter- rárum orbi bona exspe- ctánda esse, et Magos misit, et Ipse cum Ma- tre sua proféctus est. Ad hæc vero áliud étiam inde docémur, quod non parum nos ad philoso- phíam incidet. Quodnam illud? Quod ab ipso iní- tio tentatiónes, et perí- cula sint exspectánda. Vide nunquam id Ipsi ab incunábulis accidís- se. Nam illo nato fuit tyránnus; hinc fuga, et transmigrátio in exsílíi locum, et insons Mater in barbarórum regi- ónem se próripit.

R). Ægýpte, noli fle- re, quia Dominátor tuus véniet tibi, ante cujus conspéctum movebúntur abyssi: * Liberáre pó- pulum suum de manu poténtiæ.

☩. Ecce véniet Dó- minus exercítium, Deus tuus, cum potestáte ma- gna. - Liberáre.

Lectio v

Hoc exemplo fultus fortiter feras, gnarus hanc cum primis esse spirituálium virórum sortem, ut ubique tentationibus impetántur. Animadvérte igitur, id non solum Púeri Matri accídere, sed étiam bárbaris illis; nam et illi clam discédunt quasi fugitívi, et hæc, quæ numquam e domo egréssa fúerat, tam longum et æumnósum iter suscípere jubétur, ob mirábilem hunc éditum Púerum, et spirituálem partum. Rem iterum stupéndam considera: Palæstína insidiátur, Ægýptus vero éxcipit, et servat insidiis impedítum. Neque enim tantum in fíliis Patriárchæ, sed étiam in Dómino, typi et figuræ contigérunt. Per ea enim, quæ ab ipso gesta sunt, multa prænuntiabántur eórum, quæ póstea eventúra erant: quod, et in ásina et pullo factum est. Ángelus

igitur. qui apparuit, non Mariám, sed Joséphum allóquitur: et quid dicit? Surge, áccipe Púerum, et Matrem ejus. Hic non ultra dicit: Cónjugem tuam, sed: Matrem ejus. Quia enim partus cóntigit, suspício solúta est, et viro fides facta est, libere jam loquitur Ángelus, neque fílium, neque Cónjugem ejus dicens, sed Púerum, et Matrem ejus, et fuge in Ægýptum, fugæque causam addit: Futúrum est enim, inquit, ut Heródes quærat ánimam Púeri.

Rj. Cognoscétur Dóminus ab Ægýpto: * Et cognóscant Ægýptii Dóminum in die illa.

v. Clamábunt ad Dóminum a fácie tribulántis, et mittet eis Salvatórem. - Et.

Lectio vi

Hoc verò Vírginem ipsam non medióriter clam efficit et illústrem; nam quod to-

tus pópulus encómii loco habébat, hoc ipsum habére pótuit et ipsa. Quod enim altum sapiébant, et sese jactábant ob réditum ex Ægýpto, id, quod subíndicans Prophéta dicebat: Nonne alienígenas addúxi de Cappadócia, et Assýrios ex fóvea? illud ipsum prærogativam Vírginis facit. Immo vero et pópulus, et Patriárcha descendentes et ascendentes inde, istíus ascénsus, seu réditus typum implébant: nam illi descendérunt, ut mortem ex fame imminéntem effúgerent; hic vero, ut vitáret mortem insídiis parátam. At illi eo veniéntes ex fame tunc liberáti sunt; ille vero, ut eo descéndit, regiónem totam per advéntum suum sanctificávit. Cónsideres ítaque velim, quómodo inter humília, quæ ad Divinitátem pèrtinent, reveléntur. Étenim cum dixit Ángelus:

Fuge in Ægýptum, non promísit se itíneris cómitem futúrum, vel descendéntibus, vel redeúntibus, subíndicans illos magnum habére cómitem recens natum Púerum, qui statim, atque apparuit, ómnia mutávit.

Rj. Sancta, et Immaculáta Virgíntas, quibus te láudibus éfferam néscio; * Quia quem cæli cápere non póterant, tuo grémio Ægýptum contulísti.

ψ. Benedícta tu in muliéribus, et benedíctus fructus ventris tui. - Quia. **G**lória Patri. - Quia.

In III Nocturno

Ant. Defúnto autem Heróde, ecce Ángelus Dómini apparuit in somnis Joseph in Ægýpto.

Psalmus 95

Cantáte Dómino cánticum novum: * cantáte Dómino, omnis terra.

Cantáte Dómino, et benedicite nómini ejus : * annuntiáte de die in diem salutáre ejus.

Annuntiáte inter Gentes glóriam ejus, * in ómnibus pópulis mirabilia ejus.

Quóniam magnus Dóminus, et laudábilis nimis : * terríbilis est super omnes deos.

Quóniam omnes dii Géntium dæmónia : * Dóminus autem cælos fecit.

Conféssio et pulchritúdo in conspéctu ejus : * sanctimónia et magnificéntia in sanctificatióne ejus.

Afférte Dómino, pátriæ Géntium, afférte Dómino glóriam et honórem : * afférte Dómino glóriam nóminis ejus.

Tóllite hóstias, et introíte in átria ejus : * adoráte Dóminum in átrio sancto ejus.

Commoveátur a fácie ejus univérſa terra : * dícite in Géntibus quia Dóminus regnávít.

Étenim corréxit orbem terræ qui non commovébitur : * judicábit pópulos in æquitáte.

Læténtur cæli, et exsúltet terra : commoveá- tur mare, et plenitúdo ejus : * gaudébunt campi et ómnia quæ in eis sunt.

Tunc exsultábunt ómnia ligna silvárum a fácie Dómini, quia venit : * quóniam venit judicáre terram.

Judicábit orbem terræ in æquitáte, * et pópulos in veritáte sua.

Ant. Defúncto autem Heróde, ecce Ángelus Dómini appáruit in somnis Joseph in Ægýpto.

Ant. Surge, et áccipe Púerum, et Matrem ejus, et vade in terram Israél.

Psalmus 96

Dóminus regnávít, exsúltet terra : * læténtur ínsulæ multæ.

Nubes, et caligo in circúitu ejus : * justítia,

et iudicium correctio sedis ejus.

Ignis ante ipsum præcedet, * et inflammabit in circuitu inimicos ejus.

Illuxerunt fulgura ejus orbi terræ: * vidit, et commota est terra.

Montes, sicut cera fluxerunt a facie Domini: * a facie Domini omnis terra.

Annuntiaverunt cæli justitiam ejus: * et viderunt omnes populi gloriam ejus.

Confundantur omnes, qui adorant sculptilia: * et qui gloriantur in simulacris suis.

Adorate eum, omnes Angeli ejus: * audivit, et lætata est Sion.

Et exultaverunt filie Judæ, * propter iudicia tua, Domine:

Quoniam tu Dominus Altissimus super omnem terram: * nimis exaltatus es super omnes deos.

Qui diligitis Dominum, odite malum: * custodit Dominus ani-

mas sanctorum suorum, de manu peccatoris liberabit eos.

Lux orta est justo, * et rectis corde lætitia.

Lætamini, justi, in Domino: * et confitemini memoriæ sanctificationis ejus.

Ant. Surge, et accipe Puerum, et Matrem ejus, et vade in terram Israël.

Ant. Defuncti sunt, qui quærebant animam Pueri.

Psalmus 97

Cantate Domino canticum novum: * quia mirabilia fecit.

Salvavit sibi dextera ejus: * et brachium sanctum ejus.

Notum fecit Dominus salutare suum: * in conspectu Gentium revelavit justitiam suam.

Recordatus est misericordiæ suæ, * et veritatis suæ domui Israël.

Viderunt omnes termini terræ * salutare Dei nostri.

Jubiláte Deo, omnis terra : * cantáte, et exsultáte, et psállite.

Psállite Dómino in cíthara, in cíthara et voce psalmi : * in tubis ductílibus, et voce tubæ córneæ.

Jubiláte in conspéctu regis Dómini : * moveátur mare, et plenitúdo ejus : orbis terrárum, et qui hábitant in eo.

Flúmina pláudent manu, simul montes exsultábunt a conspéctu Dómini : * quóniam venit judicáre terram.

Judicábit orbem terrárum in justítia, * et pópulos in æquitáte.

Ant. Defúnti sunt, qui quærébant ánimam Púeri.

ψ. Consúrgens Joseph accépit Púerum, et Matrem ejus.

R). Et venit in terram Israëli.

Lectio vii

Lectio sancti Evangélii secúndum Matthæum

Cap. 2, 13-18

In illo témpore : Angelus Dómini appáruit in somnis Joseph, dicens : Surge, et áccipe Púerum, et Matrem ejus, et fuge in Ægýptum, et esto ibi, usque dum dicam tibi. Et réliqua.

Homilía sancti Petri
Chrysólogi

Serm. 151 de Fuga
Christi in Ægyptum

Hodiérna léctio movit corda, concússit víscera, stupére fecit auditum. Ecce, inquit, Angelus Dómini appáruit in somnis Joseph, dicens : Surge, áccipe Púerum, et Matrem ejus, et fuge in Ægýptum. Cui nascénti virginitas non résistit, non óbviat ratio, contradícit natúra : potéstas quæ, quævis, quod discrímen prævaléret, ut compellerétur ad fugam? Áccipe Púerum, et Matrem ejus, et fuge in Ægýptum. Reveréntius díceret : vade in Ægýptum, ut es-

set profectio, non fuga: volúntas, non necessitas; iudícium, non metus, humánum saltem, si non divínium. At nunc mandátur per Angelum, ut videátur cælum timor ante tenuisse, quam terram.

Rj. Nésciens Mater Virgo virum, péperit sine dolóre Salvatórem sæculórum: * Ipsum Regem Angelórum exsulem virgo lactábat úbere de cælo pleno.

ÿ. Domus pudíci péctoris templum repénite fit Dei: intácta nésciens virum verbo concépit fílium. - Ipsum.

Lectio viii

Accipe Púerum, et Matrem ejus, et fuge in Ægyptum. In Ægyptum fuge, a tuis ad extráneos, ad sacrílegos a Sanctis, a templo tuo ad dáemonum fana, ad idolórum pátriam e regióne Sanctórum. Sic

Judææ non súfficit latitúdo, sic angustátur sæculi diffúsa posséssio, non capit secrétum templi. Sacerdótum turba non súscipit, non abscondit numerósitas investigábilis cognatórum, ut ad Deitátis látebras profána Ægyptus conducátur, sic res urget, sic non vacat intuéri verécúndiam Vírginis, labórem matris, sexus pudórem, perículum in Joseph, longinquitátis fatigatiónem, exítium totius domus.

Rj. Et nunc quid tibi est in via Ægypti? * Revértere Virgo Israël ad civitátes tuas.

ÿ. Úsquequo dolens avérteris? - Revértere. **G**lória Patri. - Revértere.

Lectio ix

In Quadragesima de Homilia Feriæ, alias pro b. Luca Belludi.

**In Ægypto, extra
Quadragesimam, dicitur
sequens**

Lectio ix

Fratres, quod fugit
Christus, fuit my-
stérii, non timóris: fuit
liberátio, non pericu-
lum Creatóris: Divinæ
virtútis fuit, non fra-
gilitátis humanæ, non fu-
git propter actóris mor-
tem, sed fugit propter
sæculi vitam. Nam qui
mori vénerat, quare fú-
geret mortem? Christus
totam causam nostræ sa-
lútis occíderet si se pár-
vulum permisísset occí-
di. Christus vénerat, ut
quos præcéptis docúe-
rat, firmáret exémpis,
et ipse fáceret, quæ fa-
ciénda mandáverat, et
visu probáret possibí-
lia, quæ impossibília vi-
debántur auditu. Véne-
rat, ut mundo notítiam
suæ Deitátis infúnderet,
et humáni géneris igno-
rántiam auférret. Óm-
nia hæc útique periís-
sent nobis, si Christus,

cum esset in cunábulis,
non fugísset.

Te Deum laudámus.

Ad Laudes

et per Horas

Ant. 1. Ecce Angelus
Dómini appáruit in som-
nis Joseph.

Pss. de Dominica.

2. Surge, et áccipe
Púerum et Matrem ejus,
et fuge in Ægýptum.

3. Esto ibi, usque
dum dicam tibi.

4. Futúrum est, ut He-
ródes quærat Púerum
ad perdéndum eum.

5. Consúrgens Jo-
seph, accépit Púerum et
Matrem ejus nocte, et
secéssit in Ægýptum.

Capit. Is. 19, 1

Ecce Dóminus ascén-
det super nubem le-
vem, et ingrediétur Æ-
gýptum, et commove-
búntur simulácula Ægýp-
ti a fácie ejus, et cor
Ægýpti tabéscet in mé-
dio ejus.

Hymnus

Veri tonantis Únicum
Enses caventem përfidos,
Cultu relicto Núminum,
Ægypte præsta sóspitem.

Heródis hunc immánitas
Abire cogit éxsulem :
Sed dura nos Christi
fuga
Iter salutis édocet.

Virgo, parens dulcíssima,
Quæ mite per perícula,
Dulce feréndo párvulum :
Invicta cursum cóncificis.

Fac nos solútis vín-
culis,
Quæ tendit astus dæ-
monis,
Per plana, et per áspera
Nostrum sequámur
Príncipem.

Jesu tibi sit glória,
Qui natus es de Vírgi-
ne,
Cum Patre, et almo Spí-
ritu,

In sempitérna sæcula.
Amen.

ψ. Gaude, et lætare,
Ægypte.

Rj. Quia in médio tui
sanctus Ísraël.

Ad Benedictus Ant.

Defúnto Heróde, ecce
Ángelus Dómini appá-
ruit in somnis Joseph in
Ægypto, dicens : Surge
et áccipe Púerum, et
Matrem ejus, et vade in
terram Ísraël : defúnti
sunt enim, qui quæré-
bant ánimam Púeri.

Oratio

Protéctor in te spe-
rántium, Deus, qui
Unigénitum tuum Red-
emptórem nostrum ex
Heródis gládio fuga in
Ægyptum erípere vo-
luísti : concéde nobis fá-
mulis tuis, beatíssima
semper Vírgine ejus ma-
tre María intercedénte ;
ut ab ómnibus mentis,
et córporis perículis li-
beráti, ad cæléstem pá-
triam pervenire mereá-
mur. Per eúmdem Dó-
minum.

Et fit comm. b. Lucæ.

Ant. Euge serve bone et fidélis.

ÿ. Justum dedúxit.

℞. Et osténdit illi...

Oratio

Deus, qui sancto António, Confessóri tuo, beátum Lucam et sócium et imitatórem exímium adjunxísti: da nobis utriúsque intervéntu, ambórum ita sequi vestigia, ut assequámur et præmia. Per Dóminum.

Deinde comm. Feriæ in Quadragesima.

Ad Horas Pss. ut in Festis.

Ad Tertiam

Capitulum Ecce Dóminus, ut supra.

℞. br. Dóminus * Tamquam sponsus. - Dóminus. ÿ. Procédens de thálamo suo. - Tamquam. Glória. - Dóminus.

ÿ. Egrediétur Dóminus de loco sancto suo.

℞. Véniet, ut salvet pópulum suum.

Ad Sextam

Capit. Ezech. 30, 13

Hæc dicit Dóminus Deus: dispérgam simulácula, et cessáre fáciem idóla de Memphis; et dux de terra Ægypti non erit ámplius, et dabo terrórem Ægypti.

℞. br. Egrediétur Dóminus * De loco sancto suo. - Egrediétur. ÿ. Véniet ut salvet pópulum suum. - De loco. Glória. - Egrediétur.

ÿ. Vidérunt omnes fines terræ.

℞. Salutáre Dei nostri.

Ad Nonam

Capit. Isaïæ 16, 3

Ini consílium, coge concílium: pone quasi noctem umbram tuam in merídie, absconde fugiéntes, et vagos ne prodas. Habitábunt apud te prófugi mei: esto latíbulum eórum a fácie vastatóris.

Rj. br. Vidérunt* Omnes fines terræ. - Vidérunt. **ψ.** Salutáre Dei nostri. - Omnes. **G**lória. - Vidérunt.

ψ. Verbum caro factum est.

Rj. Et habitávit in nobis.

In II Vesperis

Omnia ut in primis, præter sequentia :

Ad Magnificat, Ant. Audiens Joseph, quod Archeláus regnáret in Judæa pro Heróde patre suo, tímuit illo ire, et admónitus in somnis,

secéssit in partes Galilææ, et véniens habitávit in civitáte, quæ vocátur Názareth; ut adimplerétur quod dictum est per Prophétam : quóniam Nazaréus vocábitur.

EXTRA ÆGYPTUM fit commemoratio b. Lucæ et Feriæ in Quadragesima.

IN ÆGYPTO autem fit tantum commemoratio Feriæ in Quadragesima.

Completorium de Dominica.

Die 18 Februarii

EMMAUS

S. SIMEONIS EP. ET MARTYRIS

Contitularis Ecclesiæ

Duplex 1 classis

(extra Quadragesimam, cum Octava communi)

Omnia ut in Communi unius Martyris Pont. præter sequentia.

Oratio

Dómine Jesu Christe, qui a mórtuis ex-

súrgens, beáto Simeóni Scriptúras omnes, quæ de teípso erant, in via declarásti: da nobis, ejus intercessióne; ut illuminátis per te óculis cordis nostri, in rerum cæléstium doctrína et amóre proficiámus. Qui vivis et regnas.

Et fit tantum comm. præc. festi Fugæ D. N. J. C. in Ægyptum, Ant. Audiens ut supra.

ÿ. Accépit Joseph Púerum, et Matrem ejus nocte.

R). Et secéssit in Ægyptum.

Oratio ut supra.

Completorium de Dominica.

In I Nocturno

Lectiones A Miléto, ut in Comm. unius Mart. I loco.

In II Nocturno

Lectio iv

Simeon, fílius Cléophæ, post Jacóbum próximus Jerosóly-

mis ordinátus Epíscopus, Trajáno Imperátore apud Átticum consulárem est accusátus quod christiánus esset, et Christi propínquus. Comprehendebántur enim omnes eo témpore, quicúmque ex genere David orti essent; quáre multis cruciátus tormentis, eódem passiónis genere quod Salvátor noster subierat, affícitur, mirántibus ómnibus, quod homo ætáte conféctus (erat enim centum et vigínti annórum) acerbíssimos crucis dolóres fórtiter constantérque paterétur.

R). Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

ÿ. Descendítque cum illo in fóveam, et in vínculis non derelíquit eum. - Et dedit illi claritátem ætérnam.

Lectio v

Sermo sancti Augustíni
Epíscopi

Sermo 160

Quæramus, si pössumus, non quod in cor nostrum possit ascendere, sed quo cor nostrum mereatur ascendere. Merébitur enim in regnante glorificári, qui didicerit in Crucifixo gloriári. Unde videns ipse Apóstolus, non solum quo ascendat, sed étiam qua ascendat, - multi enim vidérunt quo, nec vidérunt qua; amavérunt celsitudinis pátriam, sed ignoravérunt humilitátis viam, - sciens ergo Apóstolus, et cógitans et præméditans, non solum quo, sed etiam qua: Mihi, inquit, absit gloriári, nisi in cruce Dómini nostri Jesu Christi. Póterat dicere: in sapiéntia Dómini nostri Jesu Christi, et verum diceret; póterat: in majestáte, et verum diceret; póterat:

in potestáte, et verum diceret; sed dixerat: in cruce.

Rj. Desidérium animæ ejus tribuísti ei, Dómine, * Et voluntáte labiórurn ejus, non fraudásti eum.

vj. Quóniam prævenísti eum in benedictiónibus dulcédinis: posuísti in cápite ejus coronam de lápide pretiósos. - Et.

Lectio vi

Ubi mundi philóso-
phus erúbuit, ibi thesáurum Apóstolus réperit; non contemnendo vile involu-
crum pervénit ad pretiósus involútum. Absit, inquit, mihi gloriári, nisi in cruce Dómini nostri Jesu Christi. Bonam sárcinam sustulísti, ibi totum est quod quæsísti; et, quid ibi magnum latéret, ostendísti. Quale adjutórium? Per quem mihi, inquit, mundus crucifíxus est, et ego mundo. Quando tibi

crucifigeretur mundus, nisi pro te crucifigeretur, per quem factus est mundus? Ergo, qui gloriatur, in Dómino gloriatur. Quo dómíno? Christo Crucifixo. Ubi humilitas, ibi majestas; ubi infirmitas, ibi potestas; ubi mors, ibi vita. Si vis ad illam pervenire, noli ista contemnere.

Rj. Stola jucunditatis induit eum Dóminus: * Et coronam pulchritudinis posuit super caput ejus.

Y. Cibavit illum Dóminus pane vitæ et intellectus; et aqua sapientiae salutaris potavit illum. - Et. **G**loria. - Et.

In III Nocturno

Lectio vii

Lectio sancti Evangelii secundum Lucam

Cap. 24, b.

In illo tempore: Duo ex Discipulis Jesu ibant ipsa die in castel-

lum, quod erat in spatio stadiorum sexaginta ab Jerúsalem, nómine Émmaus. Et reliqua.

Homilia sancti Gregorii Papæ

Homil. 23 in Evang.

Audistis, fratres carissimi, quia duobus Discipulis ambulantibus in via, non quidem credentibus, sed tamen de se loquentibus, Dóminus apparuit: sed eis speciem, quam recognoscerent, non ostendit. Hoc ergo egit foris Dóminus in oculis corporis, quod apud ipsos agebatur intus in oculis cordis. Ipsi namque apud semetipsos intus et amabant, et dubitabant: eis autem Dóminus foris et præsens áderat, et quis esset non ostendebat. De se ergo loquentibus præséntiam exhibuit: sed de se dubitantibus cognitiónis suæ speciem abscondit.

Rj. Corona áurea super caput ejus, * Expressa signo sanctitatis,

glória honóris, et opus fortitúdinis.

ψ. Quóniam præveni-
sti eum in benedictióni-
bus dulcédinis, posuisti
in cápite ejus corónam
de lápide pretióso. - Ex-
préssa.

Lectio viii

Verba quidem contu-
lit, durítiam intel-
léctus increpávit, sacræ
Scriptúræ mystéria,
quæ de seípso erant,
apérui: et tamen, quia
adhuc in eórum córdi-
bus peregrínus erat a fi-
de, se ire lóngius fin-
xit. Fíngere namque,
compónere dícimus: un-
de et compositóres luti,
fígulos vocámus. Nihil
ergo simplex Véritas per
duplicitátem fecit: sed
talem se eis exhibuit in
córpoze, qualis apud il-
los erat in mente. Pro-
bándi autem erant, si
hi, qui eum etsi necdum
ut Deum dilígerent, sal-
tem ut peregrínus amá-
re potuissent.

R). Hic est vere Mar-

tyr, qui pro Christi nó-
mine sánguinem suum
fudit: * Qui minas jú-
dicum non tímuit, nec
terrénæ dignitátis gló-
riam quæsívit, sed ad
cæléstia regna pervénit.

ψ. Justum dedúxit
Dóminus per vias rectas
et osténdit illi regnum
Dei. - Qui Glória. -
Qui.

Lectio ix de Homilia
Feriæ in Quadragesi-
ma, alias:

Lectio ix

Sed quia esse extránei
a caritáte non póte-
rant hi, cum quibus Vé-
ritas gradiebátur: eum
ad hospítium quasi pe-
regrínus vocant. Cur
autem dícimus, vocant,
cum illic scriptum sit:
Et coëgérunt eum? Ex
quo nimírum exémplo
collígitur, quia peregríni
ad hospítium non solum
invitándi sunt, sed étiam
trahéndi. Mensam ígi-
tur ponunt, panes cibós-
que ófferunt: et Deum,
quem in Scriptúræ sa-

cræ expositione non cognoverant, in Panis fractione cognoscunt. Audiendo ergo præcepta Dei illuminati non sunt, faciendo illuminati sunt; quia scriptum est: Non auditores legis justi sunt apud Deum, sed factores legis justificabuntur. Quisquis ergo vult audita intelligere, festinet ea, quæ jam audire potuit, opere implere. Ecce Dominus non est cognitus dum loqueretur, et dignatus est cognosci dum pascitur.

Te Deum laudamus.

Oratio

Domine Jesu Christe, qui a mortuis exsurgens, beato Simeoni

Scripturas omnes quæ de teipso erant, in via declarasti: da nobis, ejus intercessione; ut illuminatis per te oculis cordis nostri, in rerum cælestium doctrina et amore proficiamus. Qui vivis et regnas.

Et fit commemoratio bb. Rogerii, Odorici et Ægidii Cc. 1 Ord., ac Feriæ in Quadrag.

Ad Horas Pss. ut in Festis.

In II Vesperis commemoratio sequentis et Feriæ in Quadragesima.

Completorium de Dominica.

De Octava, extra Quadragesimam, fit commemoratio quotidie in utrisque Vesperis et Laudibus, excepta die xxiv.

Die 25 Februarii

EMMAUS

(Extra Quadragesimam)

In Octava S. SIMEONIS Ep. et Martyris

Duplex majus

Ant. et Psalmi ad omnes Horas et $\psi\psi$. Nocturnorum de occurrenti hebdomadæ die, ut in Psalterio; reliqua de Communi unius Martyris, præter ea, quæ sequuntur.

Lectiones I Noct. de Scriptura occurrenti; II Noct. de Communi unius Martyris I loco; III noct. ut in festo.

IX Lectio et commemoratio b. Sebastiani de Aparicio C. I Ord.

In II Vesperis commemoratio sequentis et b. Sebastiani C.

In anno bissextili celebratur festum s. Matthiæ Ap. cum comm. Octavæ s. Simeonis in utriusque Vesperis et Laudibus.

Feria III post Dom. Septuagesimæ

ORATIONIS D. N. J. CHRISTI

Duplex 2 classis

In titulari Basilica Gethsemani

Duplex 1 class. cum Oct. priv. III Ordinis

In I Vesperis

Ant. de Laud., Psalmi ut in I Vesp. Apóst.

Capit. Matth. 26

Venit Jesus ad discipulos suos, et invénit eos dormiéntes, et dicit Petro: Sic non potuístis una hora vigiláre mecum? Vigiláte, et oráte, ut non intrétis in tentatiónem.

Hymnus

Aspice ut Verbum Patris a supérnis Sédibus, clemens et amore flagrans, Pérditis culpa génitis medéri

Pergit Adámi.

F lébilem mundi míserans ruínam,
Et volens nostros reparáre casus,
Orat, et prona véniam precátur
Fronte magíster.

Flúctuat secum tot acérba volvens:
Hunc, ait supplex, cálicem dolóris,
Mi Pater, transfer; tua sed volúntas,
Non mea fiat.

Cum premat tristis pavor ima cordis,
Déficit languens Dóminus; per artus
Sánguinis sudor fluit, atque guttis

Terra madéscit.

At celer summo véniens Olýmpo
Angelus Jesum récreat
jacéntem :

Córpori vires rédeunt,
novóque

Róbore surgit.

Laus, honor Patri, ge-
nitáique Proli,
Cui datum nomen super
omne nomen,
Et Paracléto decus at-
que virtus

Omne per ævum.

Amen.

ÿ. Tristis est ánima
mea.

Rj. Usque ad mortem.

Ad Magnif. Ant. Pó-
sitis génibus orábat, di-
cens : Pater, si vis,
transfer cálicem istum a
me : verúmtamen non
mea volúntas, sed tua
fiat.

Oratio

Dómine Jesu Christe,
qui in horto verbo
et exémplo nos oráre
docuísti, ad tentatió-
num perícula superán-
da : concéde propítius ;

ut nos oratióni semper
inténti, ejus copiósum
fructum cónsequi me-
reámur : Qui vivis et
regnas.

**Completorium de Do-
minica.**

Ad Matutinum

Invit. Christum Je-
sum in monte Olivárum
orántem * Veníte ado-
rémus.

Ps. Veníte, exsulté-
mus.

Hymn. Áspice, ut in
I Vesperis.

In I Nocturno

Ant. Ante oratióne *
præpara ánimam tuam,
et noli esse quasi homo
qui tentat Deum.

Psalmus 16

Exáudi, Dómine, justí-
tiam meam : * in-
ténde de precatióne
meam.

Áuribus pércipe ora-
tiónem meam, * non in
lábiis dolósis.

De vultu tuo júdicium
meum pródeat : * óculi

tui vídeant æquitátes.

Probásti cor meum, et visitásti nocte : * igne me examinásti, et non est invénta in me iníquitas.

Ut non loquátur os meum ópera hóminum : * propter verba labiórum tuórum ego custodívi vias duras.

Pérfice gressus meos in sémitis tuis : * ut non moveántur vestígia mea.

Ego clamávi, quóniam exaudísti me, Deus : * inclína aurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dextere tuæ custódi me, * ut pupíllam óculi.

Sub umbra alárum tuárum prótege me ; * a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt : * os eórum locútum est supérbiam.

Projiciéntes me nunc circumdedérunt me : * óculos suos statuérunt declináre in terram.

Suscepérunt me sicut leo parátus ad prædam : * et sicut cátulus leónis hábitans in ábditis.

Exsúrge, Dómine, præveni eum, et supplánta eum : * éripe ánimam meam ab impio, frámeam tuam ab inimícis manus tuæ.

Dómine, a paucis de terra dívide eos in víta eórum : * de abscónditis tuis adimplétus est venter eórum.

Saturáti sunt filii * et dimisérunt reliquias suas párvulis suis.

Ego autem in justítia apparébo conspéctui tuo : * satiábor cum apparúerit glória tua.

Ant. Ante oratióem præpara ánimam tuam, et noli esse quasi homo qui tentat Deum.

Ant. Non impediáris oráre semper, et ne vereáris usque ad mortem justificári.

Psalmus 27

Ad te, Dómine, clamábo, Deus meus, ne síleas a me: * ne quándo táceas a me, et assimilábor descendéntibus in lacum.

Exáudi, Dómine, vocem deprecationis meæ dum oro ad te: * dum extóllo manus meas ad templum sanctum tuum.

Ne simul trahas me cum peccátoribus: * et cum operántibus iniquitátem ne perdas me.

Qui loquúntur pacem cum próximo suo, * mala autem in córdibus eórum.

Da illis secúndum ópera eórum, * et secúndum nequítiam adinventiónum ipsórum.

Secúndum ópera mánuum eórum tríbue illis: * redde retributió-nem eórum ipsis.

Quóniam non intellexerunt ópera Dómini, et in ópera mánuum ejus * déstrues illos, et non ædificábis eos.

Benedíctus Dóminus:

* quóniam exáudívit vocem deprecationis meæ.

Dóminus adjútor meus, et protéctor meus: * in ipso sperávit cor meum, et adjú-tus sum.

Et reflóruit caro mea: * et ex voluntáte mea confitébor ei.

Dóminus fortitúdo plebis suæ: * et protéctor salvatiónum Christi sui est.

Salvum fac pópulum tuum, Dómine, et benedic hereditáti tuæ: * et rege eos, et extólle illos usque in ætérnum.

Ant. Non impediáris oráre semper, et ne vereáris usque ad mortem justificári.

Ant. Ómnia quæcúm-que petiéritis in oratió-ne credéntes, accipiétis.

Psalmus 141

Voce mea ad Dóminum clamávi: * voce mea ad Dóminum deprecátus sum:

Effúndo in conspéctu ejus oratió-nem meam, *

et tribulationem meam ante ipsum pronuntio.

In deficiendo ex me spiritum meum, * et tu cognovisti semitas meas.

In via hac, qua ambulabam, * absconderunt laqueum mihi.

Considerabam ad dexteram et videbam: * et non erat qui cognosceret me.

Periit fuga a me, * et non est qui requirat animam meam.

Clamavi ad te, Domine, * dixi: Tu es spes mea, portio mea in terra viventium.

Intende ad deprecationem meam: * quia humiliatus sum nimis.

Libera me a persecutoribus me: * quia confortati sunt super me.

Educ de custodia animam meam ad confitendum nomini tuo: * me exspectant justi, donec retribuas mihi.

Ant. Omnia quaecumque petieritis in oratione credentes, accipietis.

Y. Tristis est anima mea.

R. Usque ad mortem.

Lectio i

De libro Tobiae

Cap. 12 b.

Bona est oratio cum jejunio, et eleemosyna magis quam thesauros auri recondere, quoniam eleemosyna a morte liberat, et ipsa est quae purgat peccata, et facit invenire misericordiam et vitam aeternam. Qui autem faciunt peccatum et iniquitatem, hostes sunt animae suae. Manifesto ergo vobis veritatem, et non abscondam a vobis occultum sermonem. Quando orabas cum lacrimis, et sepeliabas mortuos, et derelinquebas prandium tuum, et mortuos abscondebas per diem in domo tua, et nocte sepeliabas eos, ego obtuli orationem tuam Domino. Et quia acceptus eras Deo, necesse fuit

ut tentatio probáret te.

R). In ómnibus grá-
tias ágite : * Sine inter-
missiõe oráte.

ÿ. Hæc est enim vo-
lúntas Dei in Christo
Jesu in ómnibus vobis.
- Sine.

Lectio ii

De Epístola
beáti Jacóbi Apóstoli

Cap. 5, d.

O ráte pro ínvicem, ut
salvémini : multum
enim valet deprecátio
justi assídua. Elías ho-
mo erat símilis nobis
passíbilis : et oratiõe
orávit ut non plúeret
super terram, et non
pluit annos tres et men-
ses sex. Et rursum orá-
vit : et cælum dedit plú-
viam, et terra dedit fruc-
tum suum. Fratres mei,
si quis ex vobis erráve-
rit a veritáte, et convér-
terit quis eum, scire de-
bet quóniam qui convér-
ti fécerit peccatórem ab
erróre viæ suæ, salvá-
bit ánimam ejus a mor-

te, et opériet multítúdi-
nem peccatórum.

R). Cum stábitis ad o-
rándum, * Dimíttite, si
quid habétis advérsus á-
liquem.

ÿ. Ut et Pater vester,
qui in cælis est, dimít-
tat vobis peccáta vestra.
- Dimíttite.

Lectio iii

De Epístola
beáti Pauli Apóstoli
ad Hebræos

Cap. 5

C hristus non semetíp-
sum clarificávit ut
póntifex fieret : sed qui
locútus est ad eum : Fí-
lius meus es tu, ego hó-
die génui te. Quemád-
modum et in álio loco
dicit : Tu es sacerdos
in ætérnum secúndum
órdinem Melchisedech.
Qui in diébus carnis
suæ preces, supplicatio-
nésque ad eum, qui pos-
sit illum salvum fácere
a morte, cum clamóre
válido, et lácrimis óffe-
rens, exaudítus est pro

sua reverentia. Et quidem cum esset Filius Dei, didicit ex iis, quæ passus est, obedientiam : et consummatus, factus est omnibus obtemperantibus sibi causa salutis æternæ, appellatus a Deo pontifex juxta ordinem Melchisedech.

R. Exaudivit Dominus deprecationem meam : * Dominus orationem meam suscepit.

ÿ. Clamavi in toto corde meo, exaudi me, Domine. - Dominus. Gloria Patri. - Dominus.

In II Nocturno

Ant. Cum oratis, non eritis sicut hypocritæ, qui amant in synagogis, et in angulis platearum stantes orare, ut videantur ab hominibus.

Psalmus 42

Judica me, Deus, et discerne causam meam de gente non sancta, * ab homine iniquo, et doloso erue me.

Quia tu es, Deus, fortitudo mea : * quare me repulisti ? et quare tristis incedo, dum affligit me inimicus ?

Emitte lucem tuam et veritatem tuam : * ipsa me deduxerunt, et adduxerunt in montem sanctum tuum, et in tabernacula tua.

Et introibo ad altare Dei : * ad Deum, qui lætificat juventutem meam.

Confitebor tibi in cithara, Deus, Deus meus : * quare tristis es, anima mea ? et quare conturbas me ?

Spera in Deo, quoniam adhuc confitebor illi : * salutare vultus mei, et Deus meus.

Ant. Cum oratis, non eritis sicut hypocritæ, qui amant in synagogis, et in angulis platearum stantes orare, ut videantur ab hominibus.

Ant. Tu autem cum oraveris, intra in cubiculum tuum, et clauso

óstio, ora Patrem tuum
in abscondito.

Psalmus 63

Exáudi, Deus, oratió-
nem meam cum dé-
précor : * a timóre
inimíci éripe ánimam
meam.

Protexísti me a con-
véntu malignántium : *
a multitudíne operán-
tium iniquitátem.

Quia exacuérunt ut
gládium linguas suas : *
intendérunt arcum rem
amáram, ut sagíttent in
occúltis immaculátum.

Súbito sagittábunt
eum, et non timébunt :
* firmavérunt sibi ser-
mónem nequam.

Narravérunt ut abs-
cónderent láqueos : *
dixerunt : Quis vidébit
eos ?

Scrutáti sunt iniquitá-
tes : * defecerunt scru-
tántes scrutínio.

Accédet homo ad cor
altum : * et exaltábitur
Deus.

Sagíttæ parvulórum
factæ sunt plagæ eó-

rum : * et infirmátæ
sunt contra eos linguæ
eórum.

Conturbáti sunt om-
nes qui vidébant eos : *
et tímuit omnis homo.

Et annuntiavérunt ó-
pera Dei, * et facta ejus
intellexérunt.

Lætábitur justus in
Dómino, et sperábit in
eo, * et laudabúntur om-
nes recti corde.

Ant. Tu autem cum
oráveris, intra in cubí-
culum tuum, et clauso
óstio, ora Patrem tuum
in abscondito.

Ant. Factum est au-
tem in illis diébus, éxiit
Jesus in montem oráre,
et erat pernóctans in o-
ratione Dei.

Psalmus 120

Levávi óculos meos in
montes, * unde vé-
niet auxiliúm mihi.

Auxílium meum a Dó-
mino, * qui fecit cælum
et terram.

Non det in commo-
tiónem pedem tuum : *

neque dormítet qui custódit te.

Ecce non dormitábit neque dórmiet, * qui custódit Israë̄l.

Dóminus custódit te, Dóminus protéctio tua, * super manum dexterae tuae.

Per diem sol non uret te: * neque luna per noctem.

Dóminus custódit te ab omni malo: * custódiat ánimam tuam Dóminus.

Dóminus custódiat intróitum tuum, et éxitum tuum: * ex hoc nunc, et usque in saeculum.

Ant. Factum est autem in illis diébus, éxitit Jesus in montem oráre, et erat pernóctans in oratióne Dei.

ψ. Pater mi, si possibile est.

R). Tránseat a me calix iste.

Lectio iv

Ex Tractátu sancti Cypriáni Epíscopi et Mártiris

De Oratione Dominica

Nec verbis tantum, sed et factis Dóminus oráre nos dócuit, ipse orans frequenter, et deprecans, et quid fácere nos oportéret exempli sui contestatióne demonstrans, sicut scriptum est: Ipse autem fuit secédens in solitúdinem, et adórans. Et iterum: Exívit in montem oráre, et fuit pernóctans in oratióne Dei. Quod si ille orábat, qui sine peccáto erat, quanto magis peccatóres opórtet oráre? Et si ille per totam noctem júgiter vígilans contínuis précibus orábat, quanto nos magis in frequentánda oratióne debémus nocte vígilare? Orábat autem Dóminus, et rogábat non pro se: quid enim pro se innocens precarétur? sed pro delictis nostris, sicut et ipse declárat, cum di-

cit ad Petrum : Ecce sá-
tanás expetívit ut vos
vexáret quómodo trítí-
cum : ego autem rogá-
vi pro te, ne deficiat fi-
des tua. Et póstmodum
pro ómnibus Patrem de-
precátur, dicens : Non
pro his autem rogo so-
lis, sed et pro illis, qui
creditúri sunt per ver-
bum ipsórum in me : ut
omnes unum sint, sicut
tu, Pater, in me, et ego
in te ; ut et ipsi in nobis
unum sint.

R. Simon, Simon, ec-
ce sátanás expetívit vos
ut cribráret sicut trítí-
cum : * Ego autem ro-
gávi pro te, ut non defi-
ciat fides tua.

Y. Et tu aliquándo
convérsus confirma fra-
tres tuos. - Ego.

Lectio v

Ex Commentáriis
sancti Ansélmí Epíscopi

In Epíst. ad Hebr.,
cap. 5

Sicut verus Póntifex
óbtulit preces : nam
in Evangélio sæpe légi-

tur orásse, et máxime
apud Lucam, qui sacer-
dótis in eo descrípsit
persónam. Sed et quid-
quid ipse egit in carne,
preces et supplicatiónes
fuérunt pro homínibus.
Tota vita sua Patrem
orávit de resurrectiáne
carnis suæ, ac de nostra
salúte, et instánte jam
passiáne, óbtulit suppli-
catiónes, id est humíllí-
mas et instantíssimas o-
ratiónes cum summa de-
votiáne cordis et affe-
ctiáne, quando factus in
agonía prolíxius orábat,
et factus est sudor ejus
sicut guttæ sánguínis de-
curréntis in terram. Et
has preces supplicatio-
nésque óbtulit, id est,
óbviám tulit Patri per
exauditióne sibi ob-
viánti. Óbtulit eas ad
eum qui posset illum a
morte salvum fácere, id
est resuscitáre ; ad eum
quem scivit esse suffi-
ciéntem ut salváret eum,
id est, immortálem et
impassíblem fáceret eri-
piéndó a morte : ut nec

ánima remanéret in inférno, nec caro putresceret in sepúlcro.

R. Orátio humiliántis se nubes penetrábit: * Et donec propínquet, non consolábitur.

Y. Et non discédet donec Altíssimus aspiciat. - Et donec.

Lectio vi

Et óbtulit has cum clamóre válido, id est, cum intentióne piæ devotiónis vehementíssima et efficacíssima, ut quando prolíxius orábat, et étiam cum lácrimis; quia in illa prolíxa oratióne credéndus est lácrimas effudísse, cum et guttæ sánguinis pro sudóre decurrerent ab ejus corpore; et exaudítus est, quia quod quæsierat, accépit in resurrectione. Exaudítus est, id est, extra númerum aliórum ómnium audítus est, quóniam super omnem creatúram post labóris sui militíam a Patre sublimátus est, et hoc pro

sua reveréntia, id est, secúndum hoc, quod ipse, sicut Dei Fílius, dignus est reveréntia et veneratióne. Vel pro sua reveréntia in Deum, id est, propter quod ipse super ómnia Patrem reverítus est, et honorávit. Sive pro sua reveréntia, id est, sicut sua relígio méruit. Sanguinis quoque ejus effúsió potest intélligi clamor válido, in quo exaudítus est pro reveréntia ejúsdem passiónis. Reveréntia est, quod sine peccáto passus est sola caritáte.

R. Fiant aures tuæ auscultántes, et óculi tui apérti: * Ut áudias oratiónem servi tui.

Y. Quam ego oro coram te hódie, nocte ac die. - Ut. **G**loria Patri. - Ut.

In III Nocturno

Ant. Tribulátio et angústia invenérunt me, mandáta tua meditátio mea est.

Psalmus 3

Dómine, quid multiplicáti sunt qui tribulant me? * multi insúrgunt advérsus me.

Multi dicunt ánimæ meæ: * Non est salus ipsi in Deo ejus.

Tu autem, Dómine, suscéptor meus es, * glória mea, et exáltans caput meum.

Voce mea ad Dóminum clamávi: * et exaudivit me de monte sancto suo.

Ego dormívi, et soporátus sum: * et exsurréxi, quia Dóminus suscepit me.

Non timébo míllia pópuli circumdántis me: * exsúrge, Dómine, salvum me fac, Deus meus.

Quóniam tu percussisti omnes adversántes mihi sine causa: * dentes peccatórum contrivisti.

Dómini est salus: * et super pópulum tuum benedíctio tua.

Ant. Tribulátio et angústia invenérunt me,

mandáta tua meditátio mea est.

Ant. Sustínui qui simul contristarétur, et non fuit; et qui consolaretur, et non invéni.

Psalmus 12

Usquequo, Dómine, obliviscéris me in finem? * Usquequo avértis fáciem tuam a me?

Quám diu ponam consília in ánima mea, * dolórem in corde meo per diem?

Usquequo exaltábitur inimicus meus super me? * réspice, et exáudi me, Dómine, Deus meus.

Illúmina óculos meos, ne unquam obdórmiam in morte: * nequándo dicat inimicus meus: Præválui advérsus eum.

Qui tribulant me, exsultábunt si motus fuero: * ego autem in misericórdia tua sperávi.

Exsultábit cor meum in salutári tuo: cantábo Dómino, qui bona tríbuit mihi: * et psal-

lam nómini Dómini altíssimi.

Ant. Sustínui qui simul contristarétur, et non fuit; et qui consolaretur, et non invéni.

Ant. Adhæsit pavíménto ánima mea, vivífica me secúndum verbum tuum.

Psalmus 87

Dómine, Deus salutis meæ: * in die clamávi, et nocte coram te.

Intret in conspéctu tuo orátio mea: * inclína aurem tuam ad precem meam:

Quia repléta est malis ánima mea: * et vita mea inférno appropinquávit.

Æstimátus sum cum descendéntibus in lacum: * factus sum sicut homo sine adjutório, inter mórtuos liber.

Sicut vulneráti dormiéntes in sepúlcris, quorum non es memor ámplius: * et ipsi de manu tua repúlsi sunt.

Posuérunt me in lacu

inferióri: * in tenebrósis, et in umbra mortis.

Super me confirmátus est furor tuus: * et omnes fluctus tuos induxísti super me.

Longe fecísti notos meos a me: * posuérunt me abominatiónem sibi.

Tráditus sum, et non egrediébar: * óculi mei languérunt præ inópia.

Clamávi ad te, Dómine, tota die: * expándi ad te manus meas.

Numquid mórtuis fácies mirabília: * aut médici suscitábunt, et confitebúntur tibi?

Numquid narrábit áliquis in sepúlcro misericórdiam tuam, * et veritátem tuam in perditióné?

Numquid cognoscéntur in ténebris mirabília tua: * et justítia tua in terra obliviónis?

Et ego ad te, Dómine, clamávi: * et mane orátio mea præveniet te.

Ut quid, Dómine, re-

péllis oratióem meam :
* avértis fáciem tuam a
me ?

Pauper sum ego, et
in labóribus a juventúte
mea : * exaltátus autem,
humiliátus sum et con-
turbátus.

In me transiérunt iræ
tuæ : * et terróres tui
conturbavérunt me.

Circumdedérunt me
sicut aqua tota die : *
circumdedérunt me si-
mul.

Elongásti a me amí-
cum et próximum : * et
notos meos a miséria.

Ant. Adhæsit pavi-
ménto ánima mea, viví-
fica me secúndum ver-
bum tuum.

ψ. Vigiláte, et oráte.

R. Ut non intrétis in
tentatióem.

Lectio vii

Léctio sancti Evangélii
secúndum Lucam

Cap. 22, d.

In illo témpore : Egrés-
sus Jesus ibat secún-
dum consuetúdinem in

montem Olivárum. Se-
cúti sunt autem illum et
discípuli. Et réliqua.

Homilía sancti Ambrósii
Epíscopi

Lib. 10, Comm.
in Luc. c. 22.

Transfer a me cálicem
istum : quasi homo
mortem recúsans, quasi
Deus senténtiam suam
servans. Opórtet enim
mori nos sæculo, ut
juxta divínam sentén-
tiam lex maledicti-
onis resolúta in terræ limum
natúræ fine solvátur.
Quod autem ait : Non
mea volúntas, sed tua
fiat : suam ad hómitem
rétulit, Patris ad divini-
tátem. Volúntas enim
hómitem, temporális, vo-
lúntas divinitátis, ætér-
na. Non ália volúntas
Patris, ália Fílii. Una
enim volúntas, ubi una
divínitas. Disce tamen
Deo esse subiéctus, ut
non quod ipse vis éli-
gas, sed quod Deo scias
esse placitúrum.

R. Veni in altitúdi-

nem maris : * Et tempestas demersit me.

ψ. Salvum me fac, Deus, quoniam intraverunt aquæ usque ad animam meam. - Et.

Lectio viii

Deinde verborum ipsorum proprietatem consideremus. Tristis est, inquit, anima mea. Et alibi : Nunc anima mea turbata est valde. Non ergo suscipiens, sed suscepta turbatur. Anima enim obnoxia passionibus, divinitas libera. Denique spiritus promptus, caro autem infirma. Tristis autem est non ipse, sed anima. Non est tristis sapientia, non divina substantia, sed anima. Suscepit enim animam meam, suscepit corpus meum. Non me fefellit, ut aliud esset, et aliud videretur. Tristis videbatur, et tristis erat, non pro sua passione, sed pro nostra dispersione.

R). Intret in conspectu

tuo oratio mea : * Inclina aurem tuam ad precem meam.

ψ. Quia repleta est malis anima mea, et vita mea inferno appropinquavit. - Inclina. Gloria Patri. - Inclina.

Lectio ix de festo simplicato, alias :

Denique ait : Percutiam pastorem, et dispergentur oves gregis. Tristis erat, quia nos parvulos relinquebat. Ceterum quam constanter se morti obtulerit consequentia declarant : quandoquidem quærentibus occurrat, turbatos confirmavit, trepidos provocavit, proditorem osculi dignatione suscepit. Nec illud distat a vero, si tristis erat pro persecutoribus suis, quos sciebat immanis sacrilegii poenas daturos. Et ideo dixit : Transfer hunc calicem a me. Non quia Deus, Dei Filius, mortem timebat ; sed quia nec

malos pro se perire volébat.

Te Deum laudámus.

Ad Laudes

et per Horas

Ant. 1. Venit Jesus
* cum discipulis suis
in villam, quæ dicitur
Gethsémani, et dixit il-
lis: Sedéte hic, donec
vadam illuc, et orem.

Pss. de Dominica.

2. Et assúpto Pe-
tro, * et duóbus filiis
Zebedæi, cœpit contri-
stári et mœstus esse.

3. Tunc ait illis: *
Tristis est ánima mea
usque ad mortem: su-
stinéte hic, et vigiláte
mecum.

4. Et progressus pu-
sillum, prócidit in fá-
ciem suam, orans, et di-
cens: Pater mi, si pos-
sibile est, tránseat a me
calix iste.

5. Pater mi, * si non
potest hic calix transí-
re, nisi bibam illum, fiat
volúntas tua.

Capit. Matth. 26

Venit Jesus ad discí-
pulos suos, et invé-
nit eos dormiéntes, et
dicit Petro: Sic non po-
tuístis una hora vigiláre
mecum? Vigiláte, et o-
ráte, ut non intrétis in
tentatiónem.

Hymnus

Venit e cælo mediátor
alto,
Quem sacri dudum ce-
cinére vates:
Parce mœróri, lacrimís-
que amáris,
Fília Sion.

Attulit mortem vetus
hortus, unde
Culpa prodívit: novus
iste vitam
Hortus en: affert, ubi
nocte Jesus
Pérmanet orans.

Vindicem placat Ge-
nitóris iram:
Réprimit forti jaciénda
dextra

Fúlmina: occúrrit scé-
leri expiándo
Sponte Redémptor.

Sic teret duos lá-

queos averni,
Et diu cláusam reserá-
bit aulam,
Nos ad ætérni révocans
beáta
Gáudia regni.

Laus, honor Patri, ge-
nitæque Proli,
Cui datum nomen super
omne nomen,
Et Paracléto decus at-
que virtus,
Omne per ævum.
Amen.

ŷ. Doce nos oráre.

R). Sic ergo vos orá-
bitis.

Ad Bened. Ant. Fa-
ctus in agonía prolíxius
orábat; et factus est su-
dor ejus sicut guttæ
sánguinis decurréntis in
terram.

Oratio

Dómine Jesu Christe,
qui in horto verbo
et exémplo nos oráre
docuísti, ad tentatiónum
perícula superánda:
concéde propítius; ut
nos oratióni semper in-
ténti, ejus copiósium
fructum cónsequi me-

reámur. Qui vivis et re-
gnas.

**Ad Horas Psalmi ut
in festis.**

Ad Tertiam

**Capitulum ut ad Lau-
des.**

R). br. Tristis est * Á-
nima mea. - Tristis est.
ŷ. Usque ad mortem. -
Ánima mea. Glória. -
Tristis est.

ŷ. Pater mi, si possí-
bile est.

R). Tránseat a me ca-
lix iste.

Ad Sextam

Capit. Luc. 21

Vigiláte itaque omni
témptore orántes, ut
digni habeámini fúge-
re ista ómnia quæ fu-
túra sunt, et stare ante
Fílium hóminis.

R). br. Pater mi, * Si
possíbile est. - Pater mi.

ŷ. Tránseat a me calix
iste. - Si. Glória. - Pa-
ter mi.

ŷ. Vigiláte, et oráte.

R). Ut non intrétis in
tentatiónem.

Ad Nonam

Capit. **Math. 5**

Oráte pro persecúentibus et calumniántibus vos: ut sitis filii Patris vestri, qui in cælis est.

R. **br.** Vigiláte, * Et oráte. - Vigiláte. **ψ.** Ut non intrétis in tentatió-nem. - Et. **G**lória. - Vi-giláte.

ψ. Factus est sudor ejus.

R. Sicut guttæ sán-guinis.

In II Vesperis

Antiph. de Laudibus,
Pss. ut in I Vesperis A-
postolorum, præter ul-
timum qui erit sequens:

Psalmus 115

Crédidi propter quod locútus sum: * ego autem humiliátus sum nimis.

Ego dixi in excéssu meo: * Omnis homo mendax.

Quid retríbuam Dó-

mino, * pro ómnibus quæ retríbuít mihi?

Cálicem salutáris accí-piam: * et nomen Dó-mini invocábo.

Vota mea Dómino reddam coram omni pó-pulo ejus: * pretiósá in conspéctu Dómini mors sanctórum ejus.

O Dómine, quia ego servus tuus: * ego ser-vus tuus, et fílius ancíl-læ tuæ.

Dirupísti víncula mea: * tibi sacrificábo hóstiam láudis, et no-men Dómini invocábo.

Vota mea Dómino reddam in conspéctu omnis pópulis ejus: * in átriis domus Dómini, in médio tui, Jerúsalem.

Capitulum et Hymnus
ut in primis Vesperis.

ψ. Factus est sudor ejus.

R. Sicut guttæ sán-guinis.

Ad Magnif. Ant. Ec-ce appropinquávit hora, et Fílius hóminis tradé-tur in manus peccató-rum.

Completorium de Dominica.

De Octava fit comm. quotidie in utrisque Ve-

speris et Laudibus, duplicibus 1 et 2 classis exceptis.

Feria III post Dominicam Sexagesimæ

FLAGELLATIONIS D. N. JESU CHRISTI

Duplex 2 classis

In titulari Ecclesia Sanctuarii

duplex 1 classis cum Oct. priv. III Ordinis

In I Vesperis

Ant. 1. Quis est iste * qui venit de Edom, tinctis véslibus de Bosra?

Psalmi ut in I Vesperis Apost., sed loco ultimi Psalmus Crédidi, ut supra, pag. 61.

2. Oblátus est * quia ipse vóluit, et livóre ejus sanáti sumus.

3. Quare ergo * rubrum est indumentum tuum, et vestiméntum tuum sicut calcántium in torculári?

4. Humiliátus sum * nimis, líbera me a persequéntibus me, quóniam confortáti sunt super me.

5. Fui flagellátus * tota die, et castigátio mea in matutínis.

Capit. Is. 53

Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrum.

Hymnus

Salve Colúmma nó-
bilis
Christi dolórum cón-
scia :
Queis fracta virtus dæ-
monis,
Exémpta nobis víncula.
Cruóre Abélis íllita
Tellus ad astra clámi-
tat :
Clamas, Colúmma, ad
sídera,
Inúncia Jesu sánguine.

Sed illa ad iram vín-
dicem
Clamat severi Júdicis ;
Iram foves tu Núminis
Pacémque quæris sôn-
tibus.

Operge semper flé-
ctere
Pœnas minántem dèx-
teram :
Quæ sanguis emit præ-
mia
Christi fruámur pèrpe-
tim.

Cæso flagéllis glória,
Jesu, tibi sit júgiter,
Cum Patre et almo Spí-
ritu,
Nunc et per omne sæ-
culum. **A**men.

**Sic terminantur Hym-
ni ad omnes horas,
etiam per Octavam.**
V. Corpus meum de-
di percutiéntibus.

R. Et genas meas vel-
léntibus.

Ad Magnif. Ant. A-
spersus est sánguis eó-
rum super vestiméta
mea, et ómnia indu-
méta mea inquinávi.

Oratio

Dómine Jesu Christe,
qui secúndum diví-
tias misericórdiæ tuæ,
ut nos ab ætérnis sup-
plíciis eríperes, in mem-
bris tuis dira flagélla
pertulísti : da nobis, ma-
lum quod fécimur di-
gna castigatióne puníre ;
et jugi vúlnerum tuó-
rum memória, novas of-
fénsas devitáre. Qui vi-
vis et regnas.

**Completorium de Do-
minica.**

Ad Matutinum

Invitat. Jesum Dei Fí-
lium flagéllis cæsum : *
Veníte adorémus.

Hymnus

Adéste quotquot crí-
minum
Funésta labes ínficit;
Jesum revíctum fúni-
bus
Nudúmque membra cér-
nite.

Loris, caténis, fústi-
bus
Ictu fréquenti túnditur:
Corpúsque livet, mox
sacro
Totum madéscit sángu-
ne.

Sed ille, ut agnus ín-
nocens
Cultro necándus, cónti-
cet;
Parcat Patérque ut són-
tibus
Imo precátur péctore.

Sic nempe culpas dí-
luit
Quas gignit ardor ím-
probus:
O vana cessent gáudia,
Cessent faces libídinis.
Cæso flagéllis glória,
Jesu, tibi sit júgiter,
Cum Patre et almo Spí-
ritu,
Nunc et per omne sæ-
culum. **Amen.**

In I Nocturno

Ant. Fremuérunt gen-
tes, * et convenérunt in
unum advérsus Dómi-
num, et advérsus Chri-
stum ejus.

Psalmus 2.

Quare fremuérunt
gentes, * et pópuli
meditáti sunt inánia?

Astitérunt reges ter-
ræ, et príncipes conve-
nérunt in unum, * ad-
vérsus Dóminum, et ad-
vérsus Christum ejus.

Dirumpámus víncula
eórum: * et projiciám-
us a nobis jugum ip-
sórum.

Qui hábitat in cælis
irridébit eos: * et Dó-
minus subsannábit eos.

Tunc loquétur ad eos
in ira sua, * et in furó-
re suo conturbábit eos.

Ego autem constitú-
tus sum Rex ab eo su-
per Sion montem san-
ctum ejus, * prædicans
præcéptum ejus.

Dóminus dixit ad me:
* Fílius meus es tu: ego
hódie génui te.

Póstula a me, et dabo tibi gentes hæreditatem tuam, * et possessionem tuam términos terræ.

Reges eos in virga férrea, * et támquam vas figuli confrínges eos.

Et nunc reges intelligite: * erudímini qui judicátis terram.

Servíte Dómino in timóre: * et exsultáte ei cum tremóre.

Apprehéndite disciplinam, ne quándo irascá-tur Dóminus, * et pereátis de via justa.

Cum exárserit in brevi ira ejus, * beáti omnes, qui confídunt in eo.

Ant. Fremuérunt gentes, et convenérunt in unum advérsus Dóminum, et advérsus Christum ejus.

Ant. Qui tríbulant me * exsultábunt si motus fuéro; ego autem in misericórdia tua sperávi.

Psalmus 12.

Usquequo, Dómine, obliviscéris me in

finem? * Úsquequo avértis fáciem tuam a me?

Quámdui ponam consília in ánima mea, * dolórem in corde meo per diem?

Úsquequo exaltábitur inimícus meus super me? * réspice, et exáudi me, Dómine Deus meus.

Illúmina óculos meos ne únquam obdórmiam in morte: * nequándo dicat inimícus meus: Præválui advérsus eum.

Qui tríbulant me, exsultábunt si motus fuéro: * ego autem in misericórdia tua sperávi.

Exsultábit cor meum in salutári tuo: cantábo Dómino, qui bona tribuit mihi: * et psallam nómini Dómini altíssimi.

Ant. Qui tríbulant me exsultábunt si motus fuéro: ego autem in misericórdia tua sperávi.

Ant. Inimíci mei * ánimam meam circumdedérunt, et suscepé-

runt me sicut leo parátus ad prædam.

Psalmus 16.

Exáudi, Dómine, justítiam meam: * inténde de precatióem meam.

Áuribus pércipe oratióem meam, * non in lábiis dolósis.

De vultu tuo júdícium meum pródeat: * óculi tui vídeant æquitátes.

Probásti cor meum, et visitásti nocte: * igne me examinásti, et non est invénta in me iniquitas.

Ut non loquátur os meum ópera hóminum: * propter verba labiórum tuórum ego custodívi vias duras.

Pérfice gressus meos in sémitis tuis: * ut non moveántur vestígia mea.

Ego clamávi, quóniam exaudísti me, Deus: * inclína áurem tuam mihi, et exáudi verba mea.

Mirífica misericórdias tuas, * qui salvos facis sperántes in te.

A resisténtibus dextere tuæ custódi me, * ut pupíllam oculi.

Sub umbra alárum tuárum prótege me: * a fácie impiórum qui me afflixérunt.

Inimíci mei ánimam meam circumdedérunt, ádipem suum conclusérunt: * os eórum locútum est supérbiam.

Projiciéntes me, nunc circumdedérunt me: óculos suos statuérunt declináre in terram.

Suscepérunt me sicut leo parátus ad prædam: * et sicut cátulus leónis hábitans in ábditis.

Exsúrge, Dómine, præveni eum, et supplánta eum: * éripe ánimam meam ab impio, frámeam tuam ab inimícis manus tuæ.

Dómine, a páucis de terra dívide eos in vita eórum: * de absconditis tuis adimplétus est venter eórum.

Saturáti sunt filii: * et dimisérunt relíquias suas párvulis suis.

Ego autem in iustitia apparebo conspéctui tuo: * satiabor, cum apparuerit glória tua.

Ant. Inimíci mei animam meam circumdederunt, et suscepérunt me sicut leo parátus ad prædam.

ÿ. Ego in flagélla parátus sum.

Rj. Et dolor meus in conspéctu meo semper.

Lectio i

De Isaíá Prophéta

Cap. LIII, 1.

Quis crédidit auditui nostro? et bráchium Dómini cui revelátum est? Et ascéndet sicut virgúltum coram eo, et sicut radix de terra sitiénti: non est spécies ei, neque decor: et vídimus eum, et non erat aspéctus, et desiderávimus eum: despéctum, et novíssimum virórum, virum dolórum, et sciéntem infirmitátem: et quasi absconditus vultus ejus et despéctus, unde

nec reputávimus eum. Vere languóres nostros ipse tulit, et dolóres nostros ipse portávit: et nos putávimus eum quasi leprósum, et percúsum a Deo et humiliátum. Ipse autem vulnerátus est propter iniquitátes nostras, attrítus est propter scélera nostra: disciplína pacis nostræ super eum, et livóre ejus sanáti sumus.

Rj. Super omnes inimícos meos factus sum oppróbrium, et vicínis meis valde, et timor notis meis: * Et ossa mea conturbáta sunt.

ÿ. Factus sum tamquam vas pérditum, quóniam audívi vituperatióne[m] multórum commorántium in circuitu. - Et ossa.

Lectio ii

Omnes nos quasi oves errávimus, unusquisque in viam suam declinávit: et pósuit Dóminus in eo iniquitátem ómnium nostrum. Oblá-

tus est quia ipse voluit, et non aperuit os suum : sicut ovis ad occisionem ducetur, et quasi agnus coram tondente se obmutescet, et non aperiet os suum. De angustia, et de iudicio sublatus est : generationem ejus quis enarrabit ? quia abscissus est de terra viventium : propter scelus populi mei percussi eum. Et dabit impios pro sepultura, et divitem pro morte sua : eo quod iniquitatem non fecerit, neque dolus fuerit in ore ejus.

Rj. Effudit super eum Dominus indignationem furoris sui, et forte bellum : Non posuit ei misericordiam, et aggravavit super eum jugum suum valde.

Y. Quis dedit in direptionem Jacob. et Israel ? Nonne Deus cui peccavimus ? - Non posuit.

Lectio iii

Et Dominus voluit conterere eum in infirmitate : si posuerit pro peccato animam suam, videbit semen longævum, et voluntas Domini in manu ejus dirigetur. Pro eo quod laboravit anima ejus, videbit et saturabitur : in scientia sua justificabit ipse justus servus meus multos, et iniquitates eorum ipse portabit. Ideo dispertiam ei plurimos : et fortium dividet spolia, pro eo quod tradidit in mortem animam suam, et cum sceleratis reputatus est : et ipse peccata multorum tulit, et pro transgressoribus rogavit.

Rj. In conspectu tuo sunt omnes qui tribulant me, improprium exspectavit cor meum et miseriam. * Quoniam ego sum pauper et dolens.

Y. Quem tu percussisti persecuti sunt, et super dolorem vulne-

rum meórum addidérunt. - Quóniam. Gló-
ria Patri. - Quóniam.

In II Nocturno

Ant. Sustínui * qui
simul contristarétur et
non fuit, et qui conso-
larétur et non invéni.

Psalmus 68.

Salvum me fac, Deus :
* quóniam intravé-
runt aquæ usque ad á-
nimam meam.

Infixus sum in limo
profúndi : * et non est
substántia.

Veni in altitúdinem
maris : * et tempé-
stas demérsit me.

Laborávi cláman-
s, ráuce factæ sunt fáu-
ces meæ : * defecérunt
óculi mei, dum spero in
Deum meum.

Multiplicáti sunt su-
per capillos cápitis mei,
* qui odérunt me gratis.

Confortáti sunt, qui
persecúti sunt me inimí-
ci mei injúste : * quæ
non rápui, tunc exsol-
vébam.

Deus, tu scis insipiénti-
tiam meam : * et delicta
mea a te non sunt abs-
cóndita.

Non erubéscant in me,
qui exspéctant te, Dó-
mine, * Dómine virtú-
tum.

Non confundántur su-
per me, * qui quærunt
te, Deus Israël.

Quóniam propter te
sustínui oppróbrium : *
opérui confúsió faciém
meam.

Extráneus factus sum
frátribus meis, * et pe-
regrínus filiis matris
meæ.

Quóniam zelus do-
mus tuæ comédit me :
* et oppróbria expro-
brántium tibi cecidérunt
super me.

Et opérui in jejú-
nio ánimam meam : * et
factum est in oppró-
brium mihi.

Et pósui vestiméntum
meum cilícium : * et
factus sum illis in pará-
bolam.

Advérsum me loque-
bántur, qui sedébant in

porta : * et in me psal-
lébant, qui bibébant vi-
num.

Ego vero oratióem
meam ad te, Dómine :
* tempus benepláciti,
Deus.

In multitudíne miseri-
córdiæ tuæ exáudi me,
* in veritáte salútis tuæ.

Eripe me de luto, ut
non infígar : * líbera me
ab iis, qui odérunt me,
et de profúndis aquá-
rum.

Non me demérgat
tempéstat aquæ, neque
absórbeat me profún-
dum : * neque úrgeat
super púteus os suum.

Exáudi me, Dómi-
ne, quóniam benígna est
misericórdia tua : * se-
cúndum multitudínem
miseratiónum tuárum
réspice in me.

Et ne avértas fáciem
tuam a púero tuo : *
quóniam tríbulor veló-
citer exáudi me.

Inténde ánimæ meæ,
et líbera eam : * propter
inimícos meos éripe me.

Tu scis impropérium

meum, et confusióem
meam, * et reveréntiam
meam.

In conspéctu tuo sunt
omnes, qui tríbulant me,
* impropérium exspe-
ctávit cor meum, et mi-
sériam.

Et sustínui qui simul
contristarétur, et non
fuit : * et qui consolaré-
tur, et non invéni.

Et dedérunt in escam
meam fel : * et in siti
mea potavérunt me a-
cétó.

Fiat mensa eórum co-
ram ipsis in láqueum, *
et in retributiónes, et in
scándalum.

Obscuréntur óculi eó-
rum, ne vídeant : * et
dorsum eórum semper
incúrva.

Effúnde super eos ir-
am tuam : * et furor
iráe tuæ comprehéndat
eos.

Fiat habitátió eórum
desérta : * et in taber-
náculos eórum non sit
qui inhábitet.

Quóniam, quem tu
percussísti persecúti

sunt: * et super dolorem vúlnerum meórum addidérunt.

Appóne iniquitátem super iniquitátem eórum: * et non intrent in justítiam tuam.

Deleántur de libro vivéntium: * et cum justis non scribántur.

Ego sum pauper, et dolens: * salus tua, Deus, suscepit me.

Laudábo nomen Dei cum cántico, * et magnificábo eum in láude.

Et placébit Deo super vítulum novéllum: * córnua producéntem, et úngulas.

Videant páuperes, et læténtur: * quærite Deum, et vivet ánima vestra:

Quóniam exaudívit páuperes Dóminus: * et vinctos suos non despéxit.

Láudent illum cæli, et terra, * mare, et ómnia reptília in eis.

Quóniam Deus salvam fáciét Sion: * et

ædificabúntur civitátes Juda.

Et inhabitábunt ibi, * et hæreditáte acquirént eam.

Et semen servórum ejus possidébit eam: * et qui díligunt nomen ejus, habitábunt in ea.

Ant. Sustínui qui simul contristarétur et non fuit, et qui consolaretur et non invéni.

Ant. Fui flagellátus * tota die et castigátio mea in matutínis.

Psalmus 72.

Quam bonus Israëli Deus * his, qui recto sunt corde!

Mei autem pene moti sunt pedes: * pene effúsi sunt gressus mei.

Quia zelávi super iníquos, * pacem peccatórum videns.

Quia non est respéctus morti eórum; * et firmaméntum in plaga eórum.

In labóre hóminum non sunt, * et cum ho-

mínibus non flagella-
búntur :

Ideo ténuit eos su-
pérbia, * opérti sunt ini-
quitate et impietate sua.

Pródiit quasi ex ádi-
pe iniquitas eórum : *
transiérunt in afféctum
cordis.

Cogitavérunt, et locú-
ti sunt nequítiam : * ini-
quítatem in excélsa lo-
cúti sunt.

Posuérunt in cælum
os suum : * et lingua
eórum transívit in terra.

Ideo convertétur pó-
pulus meus hic : * et
dies pleni inveniéntur
in eis.

Et dixérunt : Quómo-
do scit Deus, * et si est
sciéntia in excélsa ?

Ecce ipsi peccatóres,
et abundántes in sæcu-
lo, * obtinuérunt diví-
tias.

Et dixi : Ergo sine
causa justificávi cor
meum, * et lavi inter in-
nocéntes manus meas :

Et fui flagellátus to-
ta die, * et castigatio
mea in matutínis.

Si dicébam : Narrábo
sic : * ecce natióem fi-
liórum tuórum repro-
bávi.

Existimábam ut co-
gnóscerem hoc, * labor
est ante me :

Donec intrem in San-
ctuárium Dei : * et in-
télligam in novíssimis
eórum.

Verúmtamen propter
dolos posuísti eis : *
dejecísti eos dum alleva-
réntur.

Quómo modo facti sunt
in desolatióem, súbi-
to defecérunt : * perié-
runt propter iniquitatem
suam.

Velut sómnum sur-
géntium, Dómine, * in
civitate tua imáginem ip-
sórum ad níhilum rédi-
ges.

Quia inflammátum est
cor meum, et renes mei
commutáti sunt : * et
ego ad níhilum redáctus
sum, et nescívi.

Ut juméntum factus
sum apud te : * et ego
semper tecum.

Tenuísti manum dex-

teram meam : et in voluntate tua deduxisti me, * et cum gloria suscepisti me.

Quid enim mihi est in caelo ? * et a te quid volui super terram ?

Defecit caro mea, et cor meum : * Deus cordis mei, et pars mea Deus in aeternum.

Quia ecce, qui elongant se a te, peribunt : * perdidisti omnes, qui fornicantur abs te.

Mihi autem adhærere Deo bonum est : * ponere in Domino Deo spem meam :

Ut annuntiem omnes praedicationes tuas, * in portis filiae Sion.

Ant. Fui flagellatus tota die, et castigatio mea in matutinis.

Ant. Super me * confirmatus est furor tuus, et omnes fluctus tuos induxisti super me.

Psalmus 87.

Domine Deus salutis meae, * in die clamavi, et nocte coram te.

Intret in conspectu tuo oratio mea : * inclina aurem tuam ad precem meam.

Quia repleta est malis anima mea : * et vita mea inferno appropinquavit.

Aestimatus sum cum descendentibus in lacum : * factus sum sicut homo sine adiutorio, inter mortuos liber.

Sicut vulnerati dormientes in sepulcris, quorum non es memor amplius : * et ipsi de manu tua repulsi sunt.

Posuerunt me in lacu inferiori : * in tenebris, et in umbra mortis.

Super me confirmatus est furor tuus, * et omnes fluctus tuos induxisti super me.

Longe fecisti notos meos a me * posuerunt me abominationem sibi.

Traditus sum, et non egrediebar : * oculi mei languerunt pra inopia.

Clamavi ad te, Domine, tota die : * expandi ad te manus meas.

Numquid mórtuis fá-
cies mirabilia: * aut
médicti suscitábunt et
confitebúntur tibi?

Numquid narrábit á-
liquis in sepúlcro mi-
sericórdiam tuam, * et
veritátem tuam in per-
ditíone?

Numquid cognoscén-
tur in ténebris mirabí-
lia tua: * et justítia tua
in terra oblivíonis?

Et ego ad te, Dómi-
ne, clamávi: * et mane
orátio mea prævéniat te.

Ut quid, Dómine, re-
péllis oratióem meam:
* avértis faciém tuam a
me?

Pauper sum ego, et
in labóribus a juventúte
mea: * exaltátus autem,
humiliátus sum et con-
turbátus.

In me transiérunt iræ
tuæ: * et terróres tui
conturbavérunt me.

Circumdedérunt me
sicut aqua tota die: *
circumdedérunt me si-
mul.

Elongásti a me amí-
cum, et próximum: * et

notos meos a miséria.

Ant. Super me con-
firmátus est furor tuus,
et omnes fluctus tuos
induxísti super me.

ŷ. Ego áutem sum
vermis et non homo.

Rj. Oppróbrium hó-
minum et abjectio ple-
bis.

Lectio iv

Sermo sancti Bernárdi
Abbátis

De Pass. Domini cap. 40

Quinta rubricatio ro-
sæ invenitur in cru-
déli flagellatióne man-
suetíssimi Agni rósei Je-
su. Oh! cum quanta
quantitate putas illum
sanctíssimum sánguinem
e conscisso córpore, et
flagelláto distillásse in
terram! Oh! quanta pu-
tas sævítia impiórum
freméntium, quanto fré-
mitu sæviéntium flagel-
látum putas fuisse dul-
cem Jesum, qui véne-
rat, ut nos a flagéllis
liberáret ætérnis! Sine
cáusa, inquit, flagéllis

cecidérunt me. Vere si-
ne cáusa, nisi forte mi-
sérri mi et pervérsi bo-
na ópera tua pœnis di-
gna judicárent, qui ve-
ritátem tuam in mendá-
cio detinuérunt.

R). Dixérunt ímpii :
Veníte, cogitémus con-
tra justum cogitatiónes,
quóniam contrárius est
opéribus nostris : pro-
míttit se sciéntiam Dei
habére, Fílium Dei se
nóminat et gloriátur Pa-
trem se habére Deum.

* Videámus si sermó-
nes illíus veri sint, et
si est vere Fílius Dei,
líberet eum de má nibus
nostris.

ψ. Veníte, percutiá-
mus eum, et non at-
tendámus ad univérso-
s sermónes ejus. - Videá-
mus.

Lectio v

Sed et hic moráliter
erudímur, ut flagélla
benigníssimi Patris no-
stri discámus æquaní-
miter toleráre, qui pes-
simórum flagélla pro

nobis indignis tam pa-
tíenter sustínuit dulcis
Jesus. Quis enim flagé-
lla non sufférret homo
in flagélla parátus, ad
labórem natus, in pec-
cátis nutritus, et con-
versátus, hereditáti cæ-
léstis áulæ destinátus,
quæ nonnisi mundos ré-
cipit, cum vídeat Re-
gem ómnium regum et
Dóminum dominántium
dulcem Jesum, qui pec-
cátum non fecit, et in
cujus ore non est dolus
invéntus, tam grávibus
flagellatió nibus esse con-
trítum ?

R). Ecce ego indú-
cam super te terrórem,
ait Dóminus Deus exer-
cítuum, ab ómnibus qui
sunt in circúitu tuo. *
Párvulum dedi te in
Géntibus, contemptíbi-
lem inter hómínes.

ψ. Pavéscere fáciam
eum coram inimícis suis,
et in conspéctu quæren-
tium ánimam ejus, et
addúcam super eum ma-
lum, viam furóris mei.
- Párvulum.

Lectio vi

Audi, o homo stulte et insípiciens, et erudire, et non solum non réfuge, sed étiam apprehénde disciplinam, ne forte quandóque péreas de via justa, Dómino tibi irascénte; qui próprio Fílio suo non pepércit, sed propter te trádidit flagellándum. Non pepércit Fílio suo naturáli, consubstantiáli sibi, et coætérno, et impassíbili, quin pro salute tua ipsum fáceret nasci in témpore, et passíbilem; et flagéllis contéretet, sicut scriptum est: **Dóminus** voluit eum contétere in infirmitáte. Et quómo do parceret tibi filio adoptívo, cum sensus tui proni sint in malum? Quia in camo et fræno maxíllas tuas constrínget, ut salutem vexátio det tibi intelléctum: quátenus ad ipsum approximáre cogáris, qui licet moléste, salúbriter tamen flagél-

lat omnem fílium, quem récipit.

R. Aperuérunt super me ora sua, et exprobrántes percussérunt maxíllam meam. * Satiáti sunt pœnis meis.

V. Convulnerávit lumbos meos, concídit me vulnere super vulnus: non pepércit. - Satiáti. **Glória Patri.** - Satiáti.

In III Nocturno

Ant. Supra dorsum meum fabricavérunt * peccatóres, quæsiérunt ánimam meam et non proposuérunt Deum ante conspéctum suum.

Psalmus 29.

Exaltábo te, Dómine, quóniam suscepísti me: * nec delectásti inimícos meos super me.

Dómine, Deus meus, clamávi ad te, * et sanásti me.

Dómine, eduxísti ab inférno ánimam meam: * salvásti me a descendentibus in lacum.

Psállite Dómino sancti ejus : * et confitémini memóriæ sanctitátis ejus.

Quóniam ira in indignatióne ejus : * et vita in voluntáte ejus.

Ad vésperum demorábitur fletus : * et ad matutínium lætítia.

Ego autem dixi in abundántia mea : * Non movébor in ætérnum.

Dómine, in voluntáte tua, * præstitisti decóri meo virtútem.

Avértisti fáciem tuam a me, * et factus sum conturbátus.

Ad te, Dómine, clamábo : * et ad Deum meum deprecábor.

Quæ utilitas in sánguine meo, * dum descén-
do in corruptiónem?

Numquid confitébitur tibi pulvis, * aut annuntiábit veritátem tuam?

Audívit Dóminus et misértus est mei : * Dóminus factus est adjutor meus.

Convertísti planctum meum in gáudium mihi :

* conscidísti saccum meum, et circumdedísti me lætítia.

Ut cantet tibi glória mea, et non compún-
gar : * Dómine Deus meus, in ætérnum confitébor tibi.

Ant. Supra dorsum meum fabricavérunt peccatóres, quæsiérunt á-
mam meam et non propo-
suérunt Deum ante conspéctum suum.

Ant. Réspice * inimícos meos, Dómine, quóniam multiplicáti sunt et ódio iníquo odérunt me.

Psalmus 24.

Ad te, Dómine, levá-
vi ánimam meam :
* Deus meus in te confí-
do, non erubéscam :

Neque irrideant me inimíci mei : * étenim univér-
si, qui sústinent te, non confundéntur.

Confundántur omnes iníqua agéntes * super-
vácue.

Vias tuas, Dómine, demónstra mihi : * et sémitas tuas édoce me.

Dírige me in veritatē tua, et doce me : * quia tu es, Deus, salvátor meus, et te sustinui tota die.

Reminiscere miserationum tuarum, Dómine, * et misericordiarum tuarum, quæ a sæculo sunt.

Delicta juventutis meæ, * et ignorantias meas ne memineris.

Secúndum misericordiam tuam meménto mei tu : * propter bonitatem tuam, Dómine.

Dúlcis et rectus Dóminus : * propter hoc legem dabit delinquentibus in via.

Díriget mansuétos in iudicio : * docébit mites vias suas.

Univérsæ viæ Dómini, misericórdia et veritas, * requiréntibus testaméntum ejus, et testimónia ejus.

Propter nomen tuum, Dómine, propitiáberis peccáto meo : * multum est enim.

Quis est homo qui ti-

met Dóminum? * legem státuit ei in via, quam elégit.

Ánima ejus in bonis demorábitur : * et semen ejus hæreditábit terram.

Firmaméntum est Dóminus timéntibus eum : * et testaméntum ipsius ut manifestétur illis.

Óculi mei semper ad Dóminum : * quóniam ipse évéllet de láqueo pedes meos.

Réspice in me, et miserere mei : * quia únicus et pauper sum ego.

Tribulationes cordis mei multiplicatæ sunt : * de necessitatibus meis éruē me.

Vide humilitatem meam, et labórem meum : * et dímittle univérsa delicta mea.

Réspice inimicos meos, quóniam multiplicati sunt, * et ódio iniquo odérunt me.

Custódi ánimam meam, et éruē me : * non erubéscam, quóniam sperávi in te.

Innocentes et recti
adhæsérunt mihi: *
quia sustinui te.

Líbera, Deus, Israël,
* ex ómnibus tribulatió-
nibus suis.

Ant. Réspice inimí-
cos meos, Dómine, quón-
iam multiplicáti sunt,
et ódio iníquo odérunt
me.

Ant. Sagittæ tuæ *
infixæ sunt mihi, et non
est sánitas in carne mea
a fácie iræ tuæ, non
est pax óssibus meis.

Psalmus 37.

Dómine, ne in furóre
tuo árguas me, *
neque in ira tua corríp-
ias me.

Quóniam sagittæ tuæ
infixæ sunt mihi: * et
confirmásti super me
manum tuam.

Non est sánitas in
carne mea a fácie iræ
tuæ: * non est pax ós-
sibus meis a fácie pec-
catorum meórum.

Quóniam iniquitátes
meæ supergréssæ sunt
caput meum: * et sicut

onus grave gravátæ sunt
super me.

Putruérunt, et cor-
ruptæ sunt cicatríces
meæ, * a fácie insipién-
tiæ meæ.

Miser factus sum, et
curvátus sum usque in
finem: * tota die con-
tristátus ingrediébar.

Quóniam lumbi mei
impléti sunt illusióni-
bus: * et non est sáni-
tas in carne mea.

Afflíctus sum, et hu-
miliátus sum nimis: *
rugiébam a gémitu cor-
dis mei.

Dómine, ante te om-
ne desidérium meum:
* et gémitus meus a te
non est absconditus.

Cor meum conturbá-
tum est, derelíquit me
virtus mea: * et lumen
oculorum meórum, et
ipsum non est mecum.

Amíci mei, et próxi-
mi mei, * advérsus me
appropinquavérunt, et
stetérunt.

Et qui juxta me erant,
de longe stetérunt: * et
vim faciébant qui quæ-

rébant ánimam meam.

Et qui inquirébant mala mihi, locúti sunt vanitátes : * et dolos tota die meditabántur.

Ego autem tamquam surdus non audiébam : * et sicut mutus non aperiens os suum.

Et factus sum sicut homo non áudiens : * et non habens in ore suo redargutiónes.

Quóniam in te, Dómine, sperávi : * tu exáudies me, Dómine Deus meus.

Quia dixi : Nequándo supergáudeant mihi inimíci mei : * et dum commovéntur pedes mei, super me magna locúti sunt.

Quóniam ego in flagélla parátus sum : * et dolor meus in conspéctu meo semper.

Quóniam iniquitátem meam annuntiábo : * et cogitábo pro peccáto meo.

Inimíci áutem mei vivunt, et confirmáti sunt super me : * et multi-

plicáti sunt qui odérunt me iníque.

Qui retribuunt mala pro bonis, detrahébant mihi : * quóniam sequébar bonitátem.

Ne derelínquas me, Dómine Deus meus : * ne discésseris a me.

Inténde in adjutórium meum, * Dómine Deus salútis meæ.

Ant. Sagíttæ tuæ infixæ sunt mihi, et non est sánitas in carne mea a fácie iræ tuæ, non est pax óssibus meis.

ψ. Circumdedérunt me vítuli multi.

Rj. Táuri pingues obседérunt me.

Lectio vii

Léctio sancti Evangéllii secúndum Joánnem

Cap. 18

In illo témpore : Pilátus exívit ad Judæos, et dixit eis : Est consuetúdo vobis ut unum dimíttam vobis in Pascha : vultis ergo dimíttam vobis Regem Judæórum ? Et réliqua.

Homilia sancti Augustini
Episcopi

Tract. 115 in Joan. 18

Credo cum dixisset Pilátus : quid est veritas? in mentem illi venisset continuo consuetudinem Judæorum, qua solébat eis dimitti unus in Pascha, et ideo non exspectávit ut responderet ei Jesus : quid est veritas? ne mora fieret cum recolísset morem, quo posset eis per Pascha dimitti : quod eum valde voluisse, manifestum est. Avelli tamen ab ejus corde non pótuit Jesum Regem esse Judæorum, tamquam hoc ibi, sicut in titulo, ipsa veritas fixerit, de qua quid esset interrogávit.

R. In túrbine contrivit me, et multiplicaverunt vúlnera mea, implevit me amaritudinibus, * Et pili carnis meæ inhorruérunt.

Y. Clamábo vim patiens, et nemo áudiet, vociferábor et non est qui júdicet. - Et pili.

Lectio viii

Erat autem Barábbas latro. Non reprehéndimus, o Judæi, quod per Pascha liberátis nocentem, sed quod occíditis innocéntem : quod tamen nisi fieret, verum Pascha non fieret. Sed umbra veritátis a Judæis errántibus tenebátur, et mirábili dispensatióne divínæ sapiéntiæ per hómines falláces ejúdem umbræ veritas implebátur; quia ut verum Pascha fieret, Christus velut ovis immolabátur. Hinc ea sequúntur quæ injuriósa Christo Pilátus et cohors ejus ingéssit.

R. Úsquequo affligitis ánimam meam, et attéritis me; confúnditis me, et non erubescitis oppriméntes me.

* Saltem intelligite quia Deus afflíxerit me, et flagéllis me cínxerit.

Y. Spoliávit me glória mea, irátus est furor ejus, et sic me hábuit

quasi hostem suum. -
Saltem. **G**loria Patri. -
Saltem.

Lectio ix de festo simplificato, alias :

Cum Judæi clamásent, non Jesum sibi a Piláto dimítti velle per Pascha, sed Barábam latrónem; non Salvatórem, sed interfectórem; non datórem vitæ, sed adeptórem: tunc apprehéndit Pilátus Jesum, et flagellávit. Hoc Pilátus non ob aliud fecísse credendus est, nisi ut ejus injúriis Judæi satiáti, suffícere sibi existimárent, et usque ad ejus mortem sævire desisterent. Ad hoc pértinet, quod idem præses cohórtem suam étiam permísit fácere quæ sequúntur; aut fortássis et jussit, quamvis hoc Evangelísta tacúerit. Dixit enim quid deínde fécerint mílites, Pilátum tamen id jussísse non dixit.

Te Deum laudámus.

Ad Laudes

et per Horas

Ant. 1. Circumdederunt me * dolóres mortis et torréntes iniquitátis conturbavérunt me.

Psalmi de Dominica.

2. Passus sum * absque iniquitáte, et membra mea quasi in níhilum redácta sunt.

3. Corpus meum * dedi percutiéntibus et genas meas velléntibus: faciém meam non avérti ab increpántibus et conspuéntibus in me.

4. In die afflictiónis meæ * prævenérunt me inimíci mei, et factus est Dóminus protéctor meus.

5. Quasi leo * sic contrívit ómnia ossa mea. Quid dicam, aut quid respondébit mihi cum ipse fecérit?

Capit.

Is. 53

Omnes nos quasi oves errávimus, unusquisque in viam suam

declinavit: et posuit
Dóminus in eo iniqui-
tatem ómnium nostrum.

Hymnus

Salvete, Christi vulne-
ra,
Imménsi amoris pigno-
ra,
Quibus perénnes rívoli
Manant rubéntis sán-
guinis.

Nitóre stellas víncitis,
Rosas odóre et bálsama,
Prétio lapillos índicos,
Mellis favos dulcédine.

Quot Jesus in prætó-
rio
Flagélla nudus éxcipit!
Quot scissa pellis úndi-
que
Stillat cruóris gúttulas!

Veníte, quotquot crí-
minum
Funésta labe inficit,
In hoc salútis bálneo,
Qui se lavat mundábi-
tur.

Cæso flagéllis glória,
Jesu, tibi sit júgiter,
Cum Patre et almo Spí-
ritu
Nunc et per omne sæ-
culum. Amen.

ψ. Pedes eórum ad
malum currunt.

℞. Et festínant ut ef-
fúndant sánguinem in-
nocéntem.

Ad Benedictus Ant.

Iníqui insurrexérunt su-
per me, et synagóga po-
téntium quæsiérunt á-
nimam meam, et non
proposuérunt Deum an-
te conspéctum suum.

Oratio

Dómine Jesu Christe,
qui secúndum diví-
tias misericórdiæ tuæ,
ut nos ab ætérnis sup-
plíciis eríperes, in mem-
bris tuis dira flagélla
pertulísti: da nobis,
malum quod fécimur,
digna castigatióne puní-
re; et jugi vulnerum
tuórum memória, novas
offénsas devitáre. Qui
vivis et regnas.

Ad Horas Psalmi ut
in festis. Ad Primam ψ.
Qui pro nobis pati di-
gnátus es.

Ad Tertiam

Capitulum ut ad Laudes.

Rj. br. Quem tu percussisti * Persecuti sunt. - Quem tu. *ψ*. Et super dolorem vulnorum meorum addiderunt. - Persecuti. Glória. - Quem tu.

ψ. Ipse vulneratus est propter iniquitates nostras.

Rj. Attritus est propter scélera nostra.

Ad Sextam

Capit. Is. 53

Oblatus est quia ipse voluit, et non aperuit os suum: et quasi agnus coram tondente se obmutescet: generationem ejus quis enarrabit? quia abscissus est de terra viventium, propter scelus populi mei percussi eum.

Rj. br. Ipse vulneratus est * Propter iniquitates nostras. - Ipse vulneratus. *ψ*. Attritus est propter scélera nostra. -

Propter. Glória. - Ipse. *ψ*. Vere languores nostros ipse tulit.

Rj. Et dolores nostros ipse portavit.

Ad Nonam

Capit. Is. 53

Et Dominus voluit conterere eum in infirmitate. Pro eo quod laboravit anima ejus, videbit et saturabitur. Dispertiam ei plurimos, et fortium dividet spolia, pro eo quod tradidit in mortem animam suam, et cum sceleratis reputatus est, et ipse peccata multorum tulit et pro transgressoribus rogavit.

Rj. br. Vere languores nostros * Ipse tulit. - Vere. *ψ*. Et dolores nostros ipse portavit. - Ipse tulit. Glória. - Vere.

ψ. Ego in flagella paratus sum.

Rj. Et dolor meus in conspectu meo semper.

In II Vesperis

Omnia ut in I Vesperis, præter sequentia.

Hymnus

Quæ corda non emolliant,
Et secta flagris térgora,
Et cincta spinis témpora,
Cruórque manans úndique?

Christi sed hostes pèrfidi
Humanitátem nésciunt:
Cruci dari post vérbera
Furóre poscunt cónciti.

Non ábnuit Jesus crucem,
Gravíque dorsum pón-
deri
Sui dolóris cónsciam
Linquens Colúmnam,
subjicit.

Duro gravátus stípíte,
Nostro magis sed crí-
mine,
Morti dicáta víctima,
En pergit ad Calváriam.

Crucem geréntes nos
quoque
Ipso juvánte lánguidos,
Omni solúti vínculo,
Forti sequámur pèctore.
Cæso flagéllis glória,
Jesu, tibi sit júgiter,
Cum Patre et almo Spí-
ritu,
Nunc et per omne sæ-
culum.

Amen.

ψ. Ego in flagélla pa-
rátus sum.

℞. Et dolor meus in
conspéctu meo semper.

Ad Magnificat, Ant.

Non est ei spécies ne-
que decor: et vídimus
eum et non erat aspe-
ctus, et desiderávimus
eum.

Completorium de Dominica.

De Octava fit comm. quotidie in utrisque Vesperis et Laudibus, duplicibus 1 et 2 classis exceptis.

Feria III post Dom. Quinquagesimæ

IN SANCTUARIO FLAGELLATIONIS

OCTAVA FLAGELLATIONIS D. N. J. CHRISTI

Duplex majus

Antiphonæ et Psalmi
ad omnes Horas et $\psi\psi$.
Nocturnorum de occur-
renti hebdomadæ die,
ut in Psalterio; reliqua

ut in die Festo, præter
Lectiones primi Noctur-
ni, quæ erunt de Scri-
ptura occurrenti.

Die 5 Martii

BETHLEHEM

S. EUSEBII CREMONENSIS ABBATIS

Duplex 2 classis

Omnia de Comm. u-
nius Confess. non Pon-
tif., præter ea quæ hic
habentur propria.

Oratio

Deus, qui sanctum Eu-
sébium, apud Nati-
vitátis tuæ loca, virtú-

tum et sapiéntiæ laude
claréscere fecisti: da,
quæsumus; ut viam per
quam ille incéssit fidé-
liter ambulátes, ad cæ-
léstem glóriam transíre
mereámur. Qui vivis et
regnas.

Et fit comm. s. Joan-

nis Josephi a Cruce C. I Ord., et Feriæ in Quadragesima.

Completorium de Dominica.

Lectiones I Nocturni Justus, de Communi II loco.

In II Nocturno

Lectio iv

Eusébius Cremónæ in Insúbria ex nobilibus paréntibus natus, et liberálibus disciplinis a prima ætáte institútus, étiam jurisprudentiæ óperam dedit. Sed perfectióris vitæ desiderio incensus in Palæstinam profectus est loca sancta veneratúrus, et monásticum amplexus institútum, sancto Hierónymo fidélis comes et discipulus adhæsit. Exórtis deínde inter sanctum Doctórem et Rufinum Aquilejensem Presbýterum dissídiis, præsertim circa libros Periárchon Orígenis, quos Rufinus de græco in latínium vérterat, Eusébius

pro magístro suo stetit, multis proptérea ab eódem Rufino impétitus calúmniis et convíciis exagitátus, sed a sancto Doctóre viríliter defénsus.

R). Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

Y). Justum dedúxit Dóminus per vias rectas, et osténdit illi regnum Dei. - Et.

Lectio v

Romæ étiam pro Cathólicæ fidei veritáte sub Anastásio Pontífice una cum Pammáchio, aliisque piis et doctis viris, contra Origenistárum erróres strenue laborávit. Cum autem Pelágus, ejúsque discipuli gravióribus forte ódiis sanctum Hierónymum exercére cœperint, pro illíus honóre vigilánter excúbuit. Rursus in Itáliam venit,

et inde advérsus Vale-
riánum Valérii cómitis
servum, qui Pelagiána
hæresi inféctus Alexan-
driam confúgerat, ad
Cyrillum illius urbis E-
piscopum scripsit, ut a
communióne sua remo-
véret, nec recíperet di-
scípulum illum Cæléstii
ab Innocéntio Papa cum
univérſa Ecclésia Occi-
dentáli jam damnáti.

R. Amávit eum Dó-
minus, et ornávit eum :
stolam glóriæ induit
eum : * Et ad portas
paradísi coronávit eum.

V. Induit eum Dómi-
nus lorícam fídei, et or-
návit eum. - Et.

Lectio vi

In Bethlehemítico mo-
nastério apud incu-
nábula Salvatóris diu
vixit cum sancto Hieró-
nymo, qui ejus grátia
tum commentários in
Matthæum édedit, tum
Explanatióne in Jere-
míam Prophétam. San-
cto Doctóre vita functo,
in ejus locum succéssit,

monásticæ disciplínæ,
æque ac aliárum virtú-
tum heres, quibus cu-
mulátus biénnio post mi-
grávit in cælum. In spe-
lúnca Béthlehem, juxta
sepúlcrum sancti Hieró-
nymi præceptóris sui,
tumulátum fuit Eusé-
bii corpus, ubi ejus quoque
sepúlcrum invísitur, et a
fidélibus magna devotió-
ne cólitur. Ejúsdem fe-
stum ab immemorábili
tém-
pore plúribus in lo-
cis celebrári consuévit,
maximéque apud Cre-
monénses, qui civem
hunc suum Patrónum
in cælis habent ac vene-
rántur.

R. Iste homo perfé-
cit ómnia quæ locútus
est ei Deus, et dixit ad
eum : Ingrédere in re-
quiem meam : * Quia
te vidi justum coram me
ex ómnibus géntibus.

V. Iste est, qui con-
tém-
p-
s-
it vitam mundi, et
pervénit ad cæléstia re-
gna. - Quia. **G**lória. -
Quia.

In III Nocturno Ho-

milia in Evangélium Ecce nos reliquimus omnia, de Communi Abbatum, I loco.

In Quadragesima ix lectio de Homilia Feriæ, alias lectio ix pro s. Joanne-Josepho a Cruce.

In Laudibus fit commemoratio s. Joannis

Josephi et Feriæ in Quadragesima.

In II Vesperis fit comm. sequentis, s. Joannis Josephi, ss. Perpetuæ et Felicitatis Mm. et Feriæ in Quadragesima.

Completorium de Dominica.

Die 6 Martii

APUD MONIALES CLARISSAS

S. COLETÆ VIRGINIS

Duplex 2 classis

Omnia ut in Communi unius Virginis et in Breviario. In Quadragesima ix lectio de Homilia Feriæ. Commemoratio ss. Perpetuæ et Fe-

licitatis Mm., et Feriæ in Quadragesima.

In II Vesperis commemoratio sequentis, et Feriæ in Quadragesima.

Die 15 Martii

IN ECCLESIA SS. SEPULCRI

S. LONGINI MILITIS MARTYRIS

Duplex majus

Antiphonæ et Psalmi
ad omnes Horas et $\psi\psi$.
Nocturnorum de occur-
renti hebdomadæ die,
reliqua ut in Comm.
unius Martyris, præter
sequentia.

Oratio

Dómine Jesu Christe,
qui dixisti: Si exal-
tátus fuero a terra, óm-
nia traham ad me ip-
sum; præsta, quæsu-
mus: ut, per interces-
sionem beáti Longíni
Mártiris, tuæ circa nos
pietátis semper viscera
sentiámus. Qui vivis et
regnas.

Et fit commemoratio
Feriæ.

Lectiones I Nocturni
Fratres: Debitóres, de
Com. plurium Marty-
rum cum R)R). tamen
unius Martyris.

In II Nocturno

Lectio iv

Ex sermóne
sancti Bernárdi Abbátis

in Ps. Qui habitat,
serm. 7

Dóminus meus Jesus
post cétera inesti-
mábilis suæ erga me be-
neficia pietátis, étiam
dextrum sibi propter me
passus est latus fodi;
quod videlicet nonnisi
de dextera mihi propi-
nare vellet, nonnisi in

déxtera locum paráre re-
fúgii. Útinam ego talis
mérear esse colúmba,
quæ in forámine petræ
hábitet, et in forámine
láteris dextri.

R). Honéstum fecit il-
lum Dóminus, et custo-
dívit eum ab inimícis,
et a seductóribus tutá-
vit illum : * Et dedit il-
li claritátem ætérnam.

ψ. Descendítque cum
illo in fóveam, et in
vínculis non derelíquit
eum. - Et.

Lectio v

C onsídera tamen hoc
vulnus eum péni-
tus non sensísse. Neque
enim illud excípere vó-
luit, nisi jam soporátus
in morte; ut monéret
te, quám diu vivis, in
huius semper láteris vi-
giláre custódia; sed et
mórtuam censéri eam
ánimam oportére : quæ
quidem perniciosá in-
sensibilitáte dissímulet in
déxtera sibi vulnus in-
flígi. Mérito quidem in
sinístro látere pósitum

esse dícitur cor hómi-
nis, quod affectátio ejus
prona sit semper et pro-
clívis in terram. Nec sa-
ne ignorábat hoc mi-
serabíliter ingemíscens :
Adhæsit, inquit, paví-
ménto ánima mea, viví-
fica me secúndum ver-
bum tuum.

R). Desidérium ánimæ
ejus tribuísti ei, Dómi-
ne, * Et voluntáte la-
biórum ejus non fraudá-
sti eum.

ψ. Quóniam præveni-
sti eum in benedicti-
onibus dulcédinis : po-
suísti in cápite ejus co-
rónam de lápide preti-
oso. - Et.

Lectio vi

S ed ne his quidem in
hoc póndere condi-
ciónis humanæ et gra-
védine cordis volébat re-
manére, qui sic ádmo-
nens loquebátur : Levé-
mus corda cum máni-
bus ad Deum. Plane id
suadébat, ut a sinístro
látere erigeréntur ad
dextrum. Sæcularis mi-

lítia, fratres, in sinístro tantum látere clýpeum portat; non imitémur, si inter eos nólumus deputári, quos huic sæculo militáre constat, non Christo. Nemo, inquit, mílitans Deo, ímplicat se negótiis sæculáribus; hoc est, scutum ápplicat dextræ, non sinístræ.

R. Stola jucunditátis induit eum Dóminus: * Et corónam pulchritúdinis pósuit super caput ejus.

V. Cibávit illum Dóminus pane vitæ et intelléctus: et aqua sapientiæ salutáris potávit illum. - Et. **G**lória Patri. - Et.

In III Nocturno

Lectio vii

Léctio sancti Evangéllii secúndum Joánnem

Joann. 19, 31-37

In illo témpore, Judæi, quóniam Parascéve erat, ut non remanérent in cruce córpora Sábbato (erat enim magnus

dies Sábbati), rogavérunt Pilátum ut frangeréntur eórum crura, et tolleréntur. Et réliqua.

Homília

sancti Bonaventúre
Epíscopi

Opusc. X. Vitis Mystica
Cap. 24, 3.

Accedéndum est ad cor illud humíllimum altíssimi Jesu, per jánuam vidélicet láteris lanceáti; ibi procul dúbio thesáurus ineffábilis desiderábilis caritátis latet; ibídem devótió invenítur; inde lacrimárum grátia extráhitur, díscitur mansuetúdo et patiéntia in advérsis, compássio in afflíctis, præcípuè cor contrítum et humiliátum invenítur. Talis ac tantus compléxus tuos desiderat, talis te, ut complectátur, exspéctat; caput flóridum, multis spinárum acúleis confíxum ad te inclínat, ut ad pacis ósculum te invítet, quasi dicat: Ecce, quómodo configurátus sum,

quómodo confóssus, quómodo mactátus, ut te possim pónere super húmeros meos, quæ aberráveras, ovis mea, et ad páscuæ cæléstis redúcere paradísium. Redde vicem et super vúlnera mea misericórdia commovére, et pone me talem, qualem nunc vides, ut signáculum super cor tuum, ut signáculum super bráchium tuum, ut in ómnibus cogitátionibus cordis tui, in ómnibus opéribus brachiórum tuórum mihi táliter, ut vides, signáto possis símilis inveníri.

Rj. Coróna áurea super caput ejus, * Exprésa signo sanctitátis, glória honóris et opus fortitúdinis.

y. Quóniam prævenísti eum in benedictiónibus dulcédinis, posuísti in cápite ejus corónam de lápide pretiósio. - Exprésa signo sanctitátis, glória honóris et opus fortitúdinis.

Lectio viii

Conformáveram te imágini Deitátis meæ, cum te creárem, conformátus sum imágini humanitátis tuæ, ut te reformárem. Tu ergo, qui non retinuísti formam Deitátis meæ tibi imprésam in tua formatióne, rétine saltem formam humanitátis tuæ mihi imprésam in tua recreatióne; si non rétines, qualem te creáveram, rétine saltem, qualem te recreáveram; si non capis, quantas virtútes tibi déderim te creádo, cape saltem, quantas in humanitáte tua misérias propter te accéperim te recreádo, et ad potióres, quam ad aquas te formáveram delicias reformádo. Nam proptérea homo visibilis factus sum, ut a te visus amárer, qui in Deitáte mea invisus et invisibilis quodam modo non amábar. Da ergo præmium Incarnatióni meæ et Passiáni te, pro quo

incarnátus simul sum et passus. Dedi me tibi, da te mihi.

R). Hic est vere Martyr, qui pro Christi nómine sánguinem suum fudit: * Qui minas júdicum non tímuit, nec terrénæ dignitátis glóriam quæsívit, sed ad cæléstia regna pervénit.

ÿ. Justum dedúxit Dóminus per vias rectas, et osténdit illi regnum Dei. - Qui. **G**lória Patri. - Qui.

IX lectio de Homilia Feriæ.

Oratio

Dómine Jesu Christe, qui dixísti: Si exaltátus fúero a terra, ómnia traham ad me ipsum: præsta, quæsumus; ut, per intercessiónem beáti Longíni Mártiris, tuæ circa nos pietátis semper víscera sentiámus. Qui vivis et regnas.

Et fit comm. Feriæ.

In II Vesperis comm. Feriæ.

Die 17 Martii

IN ECCLESIA SS. SEPULCRI

S. JOSEPH AB ARIMATHÆA CONFESSORIS

Duplex majus

Antiphonæ et Psalmi reliqua ut in Comuni ad omnes Horas, et ÿÿ. unius Confessoris non Nocturnorum de occur-Pont. præter ea quæ hic renti hebdomadæ die, habentur propria.

Oratio

Deus, qui beátum Jóseph ab Arimathæa eligere dignátus es, ut corpus Jesu dilécti Fílii tui de Cruce depóneret, et honorífice in monuménto suo novo cónderet: concéde, quæsumus; ut, ejúsdem Fílii tui sángine mundáti, et consepúlti, ac morti ejus configuráti, in eo, per eum et cum eo in ætérnum vivámus. Per eúndem.

Et fit commemoratio s. Patricii Ep. Conf., et Feriæ.

In II Nocturno**Lectio iv**

De Commentário sancti Hierónymi Presbýteri

In Ev. S. Matth. lib. 4

Cum autem sero factum esset, venit quidam homo dives ab Arimathæa, nómine Jóseph, qui et ipse discipulus erat Jesu. Tunc

Pilátus jússit reddi corpus. Dives refértur, non de jactántia scriptóris, quo virum nóbilem atque ditíssimum réferat Jesu fuisse discipulum; sed ut osténdat cáusam quare a Piláto corpus Jesu potúerit impetráre. Páuperis enim et ignóti non erat ad Pilátum præsidem románæ potestátis accédere, et Crucifíxi corpus impetráre.

R). Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

ψ. Justum dedúxit Dóminus per vias rectas, et osténdit illi regnum Dei. - Et.

Lectio v

Et accépto corpore, Jóseph invólvit illud in síndone munda. Hac simplici sepultúra Dómini ambítio dívitum condemnátur, qui ne in túmulis quidem possunt carére divítiis. Póssu-

mus autem juxta intelligentiam spiritualem hoc sentire, quod corpus Domini non auro, gemmis et serico, sed linteamine puro obvolvendum sit, quamquam et hoc significet quod ille in sindone munda involvit Jesum, qui pura mente eum suscepit.

R. Amavit eum Dominus, et ornavit eum; stolam gloriæ induit eum, * Et ad portas paradisi coronavit eum.

V. Induit eum Dominus lorica fidei, et ornavit eum. - Et.

Lectio vi

Et posuit illud in monumento suo novo, quod exciderat in petra, et advolvit saxum magnum ad ostium monumenti, et abiit. In novo ponitur monumento, ne post resurrectionem, ceteris corporibus remanentibus, resurrexisse alius fingeretur. Potest autem et novum sepulcrum Mariæ virginalem

uterum demonstrare, saxumque ostio appositum, et saxum magnum ostendere absque auxilio plurimorum sepulcrum non potuisse reserari.

R. Iste homo perfecit omnia quæ locutus est ei Deus et dixit ad eum: Ingrederere in requiem meam: * Quia te vidi justum coram me ex omnibus gentibus.

V. Iste est, qui contempsit vitam mundi, et pervenit ad cælestia regna. - Quia. **G**loria Patri. - Quia.

In III Nocturno

Lectio vii

Lectio sancti Evangelii secundum Lucam

Luca c. 23, 50-53

In illo tempore: Ecce vir nomine Joseph, qui erat decurio, vir bonus et justus. Et reliqua.

Homilia
sancti Bedæ Venerabilis
Presbyteri

In Lucam libr. 6

Magnæ quidem Joseph iste dignitatis ad sæculum, sed majoris apud Deum meriti fuisse laudatur, ut per justitiam meritorum se peliendo corpore Domínico dignus foret, et per nobilitatem potentiae sæcularis idem accipere posset. Non enim quilibet ignotus ad Præsidentem accedere et Crucifixi corpus poterat impetrare. Et ex simplici sepultura Domini, ambitio divitum condemnatur, qui ne in tumultis quidem possunt carere divitiis. Possumus autem iuxta intelligentiam spiritalem, et hoc sentire, quod ille in sindone munda involvat Jesum, qui pura eum mente suscepit. In novo autem ponitur monumento, ne post resurrectionem ceteris corporibus remanentibus,

surrexisse alius fingere-
retur.

R. Iste est, qui ante Deum magnas virtutes operatus est, et de omni corde suo laudavit Dóminum: * Ipse intercédatur pro peccatis omnium populorum.

Y. Ecce homo sine querela, verus Dei cultor, abstinens se ab omni opere malo, et permanens in innocentia sua. - Ipse.

Lectio viii

Quod bene monumentum de petra excisum fuisse memoratur, ne si ex multis lapidibus ædificatum esset, suffossis tumuli fundamentis ablatus furto diceretur. Aliter, solus tumulo Dóminus includitur, ut specialis illius sepultura, idest, nostræ dissimilis, sicut et cetera dispensationis ejus arcana a nostræ naturæ fragilitate discrepare, specialis et resurrectio designetur. Nam

et vetus homo apparuit, sed ex Virgine Matre conceptus et natus. Et tentatus est per omnia, sed pro similitudine, absque peccato. Et mortuus est, sed quomodo ipse voluit; et sepultus est, sed quamdiu voluit; et suscitatus est, sed quando voluit. Hoc est ergo quod ait: Singuláriter sum ego, donec transeam. Et álibi de singulári sepultura: In pace in idípsum obdormiam et requiescam, quóniam tu, Dómine, singuláriter in spe constituísti me, idest, ceterórum mortálium in fine resurrectione serváta, me singulári dono a mórtuis die tértia resurgere promisísti.

Rj. Sint lumbi vestri præcincti, et lucernæ ardentes in manibus vestris: Et vos símiles homínibus exspectántibus dómínium suum, quando revertátur a núptiis.

ψ. Vigiláte ergo, quia

nescítis qua hora Dóminus vester ventúrus sit. - Et vos. **Gloria Patri.** - Et vos.

Lectio ix de Homilia Feriæ.

Oratio

Deus, qui beátum Joseph ab Arimathæa eligere dignátus es, ut corpus Jesu dilécti Fílii tui de Cruce depóneret, et honorífice in monumento suo novo cónderet: concéde, quæsumus; ut, ejúsdem Fílii tui sángine mundáti, et consepúlti, ac morti ejus configuráti, in eo, per eum, et cum eo in ætérnum vivámus. Per eúmdem Dómínium.

Et fit comm. s. Patricii et Feriæ.

In II Vesperis fit comm. sequentis, s. Cyrilli Hierosolymitani Ep. Conf. Doct., ψ. Elegit, s. Patricii ψ. Tu es sacérdos, et Feriæ.

Die 19 Martii

TRIPOLI (in urbe), BERYTI, KNAIE
et CAIRI (Ismailiæ)

S. JOSEPH SPONSI B. M. V.

Ecclesiarum Titularis

Duplex 1 classis absque Octava ratione Quadrag.

Omnia ut in Breviario.

Die 24 Martii

S. GABRIELIS ARCHANGELI

Duplex 2 classis

NAZARETH et MUGEIDEL

Ecclesiarum Titularis

Duplex 1 classis sine Octava

Omnia ut in Breviario.

Die 25 Martii

NAZARETH, SYDONE et DAMANHUR

ANNUNTIATIONIS B. M. V.

Titularis Ecclesiarum

Duplex 1 classis, sed absque Octava,
ratione Quadragesimæ

Omnia ut in Breviario.

Die 26 Martii

IN ECCLESIA SS. SEPULCRI

S. BONI LATRONIS CONFESSORIS

Duplex 2 classis

Omnia de Communi-
unius Confessoris non
Pont. præter ea quæ
hic habentur propria.

In II Vesperis An-
nuntiationis B. M. V.
fit comm. S. Boni La-
tronis, ut infra.

Sicubi I Vesperæ in-
tegræ sint dicendæ : An-
tiphonæ de Laudibus,
Psalmi ut in I Vesperis
Apostolorum.

Capitulum

Luc. 23, 42-43

Dicébat latro ad Je-
sum : Dómine, me-
ménto mei, cum véneris
in regnum tuum. Et di-
xit illi Jesus : Amen, di-

co tibi : Hódie mecum
eris in Paradiso.

Hymnus Jesu, ut ad
Matutinum.

ŷ. Amávit eum Dó-
minus et ornávit eum.

R). Stolam glóriæ ín-
duit eum.

Ad Magn. Ant. : Ait
latro ad latrónem : Nos
quidem digna factis re-
cípimus ; hic autem quid
fecit ? Meménto mei,
Dómine, dum véneris
in regnum tuum.

Oratio

Omnípotens et misé-
ricors Deus, qui ju-
stificas ímpios, Te súp-
plices exorámus : ut nos
benígnò intúitu, quo U-

nigénitus tuus beátum traxit Latrónem, ad dignam pœniténtiam pró voces; et illam, quam ei promisisti, tríbuas nobis glóriam sempitérnam. Per eúndem Dóminum nostrum.

Deinde fit comm. b. Didaci-Josephi a Gadibus C. I. O., et Feriæ.

Completorium de Dominica.

Ad Matutinum

Invit. Christum Regem Crucifixum, qui latróni in Cruce Paradisum donat, * Veníte adorémus.

Hymnus

Jesu, coróna célsior,
Et véritas sublímior,
Qui confiténti sérvulo
Reddis perénne præmium.

Da supplicánti cœtui,
Húius rogátu, nóxii
Remissionem críminis,
Rumpéndo nexum vinculi.

Anni réverso témpore,
Dies refúlsit lúmíne,
Quo Sanctus hic de corpore
Migrávit inter sídera.

Extra T. P.

Proínde te, piíssime,
Precámur omnes
súpplices,
Nobis ut húius grátia
Pœnas remíttas débitas.
Patri perénnis glória,
Natóque Patris único,
Sanctóque sit Paráclito,
Per omne semper sœculum.
Amen.

Temp. Pasch.

Ut sis perénne méntibus
Paschále Jesu gáudium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis,
Surréxit, ac Paráclito,
In sempitérna sœcula.
Amen.

In II Nocturno

Lectio iv

Sermo sancti Joánnis
Chrysóstomi

Homilia 2 de Cruce
et Latrone, tom. 3

Scio et ante me dixisse de latrone, sed habet diversas intelligentias Dei sermo. Iste latro de ligno mercatur salutem; hic latro furatur cæleste impérium. Vim facit majestati, non virtute propria, sed fide vincens. Ipsius Domini vox est: Regnum cælorum vim patitur et violenti diripiunt illud. In cruce duo latrones, imago Judæorum et Gentilium. Latro quem poenitet, imaginem obtinet populi ex Gentibus congregati, qui prius in errore ambulaverat, et post hoc veritatem agnovit. Imaginem vero latro ille obtinet Judæorum, qui usque in finem perseverat latro. Et usque ad tempus quidem

crucis viam malignitatis ierunt: crux autem divisit utrumque.

R. Velum templi scissum est, * Et omnis terra tremuit: Latro clamabat de cruce, dicens: Meménto mei, Dómine, dum véneris in regnum tuum.

ψ. Petræ scissæ sunt, et monuménta apértasunt, et multa corpóra sanctórum, qui dormierant, surrexerunt. - Et omnis.

Lectio v

Viam namque cæcitatís et perditionis, qui non credidit, ingressus est: viam autem salutis, qui credidit, adeptus est. In cruce didicit latro differentiam viarum, quoniam novit Dóminus viam justórum: via autem impiórum peribit. Et vide Dei justum iudicium, ut dicas et tu cum prophéta: Justus es, Dómine, et rectum iudicium tuum. Propter unum peccatum

damnátur Adam, et propter unam fidei vocem latro salvátur. Unum peccátum ejécit illum, et una justítia introduxit istum; et latro habitátor factus est paradísi. O admiránda rerum matéries! Nec Ábrahæ data est per vocem repromíssio paradísi. Hereditávit quidem per fidem; repromissionem autem paradísi nemo ante latrónem accépit.

R). Nemo repromissionem paradísi ante latrónem accépit, cui Dóminus in cruce dixit: * Hodie mecum eris in paradíso.

ψ. Dómine, meménto mei, cum véneris in regnum tuum. - Hodie.

Lectio vi

Iste ergo vidit Salvátorem non super throno regáli, non adorári in templo, non loquéntem de cælis, non per Ángelos disponéntem, sed in pœna sociátum latróni; videt in tormén-

tis, et támquam in glória adórat; videt in cruce, et rogat quasi in cælis sedéntem; videt condemnátum, et regem ínvoocat, dicens: Dómine, meménto mei, cum véneris in regnum tuum. Crucifíxum vides, et regem prédicas? In ligno pendére cernis, et cælórum regna meditáris? O admiránda latrónis convérsio!

R). O admiránda latrónis convérsio! * Crucifíxum videt, et regem prédicat.

ψ. In ligno pendéntem cernit et cælórum regna meditátur. - Crucifíxum. Glória Patri. - Crucifíxum.

In III Nocturno

Lectio vii

Léctio sancti Evangélii secúndum Lucam

Cap. 23

In illo témpore: Unus de his qui pendébant latrónibus, blasphemábat Jesum, dicens: Si

tu es Christus, salvum fac temetípsum et nos. Et réliqua.

Homilía sancti Ambrósii
Epíscopi

Sermo 49 de s. Latrone

Quóniam hódie Evangelii léctio de latrone fecit mentiónem, videámus quis iste latro sit, qui, in cruce Dómino constitúto, non solum peccatórum suórum véniam conséquitur, sed étiam paradísi amcénitate donátur; ut qui propter scélera damnátus fúerat ad pœnam, propter fidem transferrétur ad glóriam; fuerítque illi crux, quam pértulit, non tam supplicii damnátio, quam salútis occasio. In cruce enim pósitus in Christum Dóminum nostrum crédidit crucifíxum. Et ídeo qui consórtio passiónis útitur, consórtio paradísi condonátur. Beátus enim latro, dum supplicium pátitur, regnum

cæléste conséquitur. Ecce reus dicitur, sicut cui damnári illud tempus expetívit. Non enim perveniret ad glóriam, si non contráditus esset ad pœnam. Videámus, inquam, cur tantórum criminum reus tam cito a Salvatóre paradísum promerétur, cum álii multórum témporum lácrimis frequentibúsque jejúniis vix delictórum suórum véniam consequántur.

R). Iste est beátus Latro, qui in cruce pósitus Christum Dóminum nostrum crédidit Crucifíxum: * Et dum supplicium pátitur, regnum cæléste conséquitur.

ψ. Quem Judas Iscariótes in hórtulo paradísi distráxerat, iste in patíbulo confitétur. - Et.

Lectio viii

Magna, fratres, et múltiplex cáusa est. Primum, quod iste latro devotióne fidei tam repénte mutátus est, ut

præséntem pœnam despiceret, ac de futúra véniam precarétur; et magis créderet útile sibi esse de ætérno iudício pètere, quam de temporáli supplicio postuláre. Reminíscens enim scélerum suórum, et pœnitúdinem gerens, plus incipit dolére quod sperat, quam sentíre quod pátitur. Pótuit enim, nisi de futúris ámplius cogitáset, qui in Christum semel credíderat, de præsénti magis supplicio deprecári. Deínde illud ad grátiam ejus majóris est mériti, quod in Christum in cruce pósito, credidit, et passio, quæ áliis scándalum fecit, illi ad fidem profécit. Crucis enim pássio multis scándalum fuit, sicut dicit Apóstolus: Nos autem prædicámus Christum Crucifixum, Judæis quidem scándalum, Géntibus autem stultítiam. Recte ergo merétur paradísum, qui crucem Christi non

putávit esse scándalum, sed virtútem. Dicit enim idem Apóstolus: Ipsi autem vocátis Judæis atque Græcis, Christum Dei virtútem, et Dei sapiéntiam.

R). Iste est qui crucem Christi non putávit esse scándalum, sed virtútem; ideóque Paradísum merétur: * Ipse intercédát pro peccátis ómnium populórum.

Y. Iste est qui honoríficat patiéntem, quem Judas pródidit osculántem. - Ipse. **Gloria Patri.** - Ipse.

Lectio ix de Homilia Feriæ.

Si autem hoc festum post Octavam Paschatis transferendum sit, et lectio ix alicuius officii commemorati non fuerit dicenda, erit sequens.

Lectio ix

Recte plane et Dóminus huic donat paradísum, quia quem Judas Iscariótes in hórtu-

lo paradisi distráxerat, hic in crucis patíbulo confitétur. Mira res! Confitétur latro, quem discipulus abnegávit. Mira, inquam, res! Latro honoríficat patíentem, quem Judas pródidit osculántem. Ab hoc pacis blandiménta vendúntur, ab illo crucis vúlnera prædicántur. Ait enim: Meménto mei, Dómine, cum véneris in regnum tuum. Hæc est fidei plena devótio, ut, cum de vulnéribus Dómini prófluens sanguis cérnitur, tunc de potestate ejus vénia postulétur; cum vidétur ejus humílitas, tunc magis timeátur ejus divínitas; cum morti addíctus putátur, tunc regis illi honorificéntia deferátur. Iste enim fidélis latro non crédidit moritúrum, quem annúnciat regnatúrum; non putat subdéndum ínferis, quem dominatórum confitétur in cælo; non arbitrátur eum apud tártarum de-

tíneri, a quo se etiam póstulat liberári. Cernat licet ejus hiántia vúlnera, spectet ipsíus sanguinem profluéntem, Deum tamen credit, quem reum nescit; justum fatétur, quem non méminit peccatórem.

Te Deum laudámus.

Ad Laudes

et per Horas

Ant. 1. Latro * Christum crucifixum vidébat, et Regem invocábat, dicens: Dómine, meménto mei, cum véneris in regnum tuum.

Psalmi de Dominica.

2. Qui me conféssus fúerit * coram homínibus, confitebor et ego eum coram Patre meo.

3. Cum conturbáta fúerit * ánima mea, Dómine, misericórdiæ memor eris.

4. Salvum me fecit * Christus Redémptor, qui dixit: Hódie mecum eris in paradiso.

5. Ille qui talis * ad crucem venit ex culpa,

ecce qualis a cruce recedit ex grátia.

Capitulum

Luc. 23, 42-43

Dicébat latro ad Jesum :
Dómine. meménto
mei, cum véneris in re-
gnum tuum. Et dixit il-
li Jesus : Amen, dico ti-
bi : Hódie mecum eris
in paradíso.

Hymnus

Jesu, Redémptor óm-
nium,
Coróna confiténtium,
In hac die cleméntius
Indúlgeas precántibus.

Tui sacri qua nóminis
Conféssor almus cláruit,
Huius celebrat ánnua
Devóta plebs solémnia.

Huius benignus án-
nue
Confessióem nos se-
qui :

Huius precátu, sérvulis
Dimítte noxam críminis.

Extra Temp. Pasch.

Sit, Christe, Rex piís-
sime,

Tibi Patrique glória,
Cum Spíritu Paráclito,
Nunc et per omne sæ-
culum.

Amen.

Temp. Pasch.

Ut sit perénne mén-
tibus
Paschále, Jesu, gáu-
dium,
A morte dira críminum
Vitæ renátos líbera.

Deo Patri sit glória,
Et Fílio, qui a mórtuis
Surréxit, ac Paráclito,
In sæmpitérna sæcula.

Amen.

ψ. Vitam pétiit a te,
et tribuísti ei, Dómine.

℞). Glóriam et ma-
gnum decórem imposuísti
super eum.

Ad Bened. Ant. Ait
latro ad latrónem : Nos
quidem digna factis re-
cípimus ; hic autem quid
fecit ? Meménto mei,
Dómine, dum véneris
in regnum tuum.

Oratio

Omnípotens et miséricors Deus, qui iustificas ímpios, te supplices exorámus; ut nos benigno intúitu, quo Unigénitus tuus beátum traxit Latrónem, ad dignam pœniténtiam próvokes; et illam, quam ei promisísti, tríbuas nobis glóriam sempitérnam. Per eúndem Dóminum nostrum.

Et fit commemoratio
b. Didaci-Josephi ac Ferriæ.

Ad Horas minores
Pss. ut in Festis.

Ad Tertiam

Capitulum ut ad Laudes.

R. **br.** Amávit eum Dóminus * Et ornávit eum. **ψ.** Stulam glóriæ induit eum. - Et ornávit eum. **G**lória Patri. - Amávit.

ψ. Induit eum Dóminus lorícam fidei et ornávit eum.

R. Et ad portas paradísi coronávit eum.

Ad Sextam

Capit. **Is. 58**

Tunc invocábis, et Dóminus exáudiet: clamábis et dicet: Ecce adsum.

R. **br.** Induit eum Dóminus lorícam fidei * Et ornávit eum. **ψ.** Et ad portas paradísi coronávit eum. - Et ornávit eum. **G**lória Patri. - Induit eum.

ψ. Hic accípiet benedictiónem a Dómino.

R. Et misericórdiam a Deo salutári suo.

Ad Nonam

Capit. **Is. 38**

Tu áutem, Dómine, eruísti ánimam meam, ut non períret; projecísti post tergum tuum omnia peccáta mea.

R. **br.** Hic accípiet * Benedictiónem a Dómino. **ψ.** Et misericórdiam a Deo salutári suo. - Benedictiónem. **G**lória Patri. - Hic accípiet.

ψ. Vitam pétiit a te,

et tribuisti ei, Dómine.

R). Glóriam et magnum decórem imposuisti super eum.

In II Vesperis

Antiphonæ, Capitulum, Hymnus et versus ut ad Laudes. Psalmi ut in I Vesperis Apostolorum.

Ad Magnif. Ant. Impietas impii non nocébit ei, in quacúmque die convérsus fúerit ab impietáte sua.

Et fit comm. sequentis, beati Didaci-Josephi et Feriæ.

Completorium de Dominica.

Feria VI post Dominicam Passionis

SEPTEM DOLORUM B. M. V.

Duplex 2 classis

CONSTANTINOPOLI:
Titularis Ecclesiæ, duplex 1 classis, sed abs-

que Octava ratione Quadragesimæ. Omnia ut in Breviario.

BETHPHAGE

DOMINICA PALMARUM

Nostræ Ecclesiæ Sanctuarii Titulum

Feria II infra Octavam Paschæ

EMMAUS

In Solemnitate

MANIFESTATIONIS CHRISTI RESURGENTIS

in Castello Emmaus peractæ

Duplex 1 classis

In I Vesperis

Ant. 1. Ecce duo ex Discipulis Jesu ibant ipsa die in castèllum, quod erat in spatio stadiòrum sexaginta ab Jerúsalem, nómine Emmaus, allelúja.

Pss. ut in I Vesperis de Comm. Apost.

2. Et ipsi loquebantur ad invicem de his ómnibus, quæ acciderant, allelúja.

3. Dum fabularéntur, et secum quærerent: et ipse Jesus appropinquans ibat cum illis: óculi autem illórum tenebantur, ne eum agnoscerent, allelúja.

4. Et ait ad illos: Qui sunt hi sermónes, quos confértis ad invicem ambulántes, et estis tristes? Allelúja.

5. Respóndens unus, cui nomen Cléophas, di-

xit ei: Tu solus peregrinus es in Jerúsalem, et non cognovisti, quæ facta sunt in illa his diébus? Allelúja.

Capit., Hymn. et v. non dicuntur, sed eorum loco:

Ant. Hæc dies, quam fecit Dóminus: exultemus, et lætémur in ea.

Ad Magnif. Ant. Tu solus peregrinus es, et non audisti de Jesu Nazaréno, qui fuit vir Prophéta potens in ópere et sermóne, coram Deo, et omni pópulo: et quómodo eum tradiderunt in damnatióem mortis, et crucifixérunt eum? Allelúja.

Oratio

Deus, qui ad confirmandos in fide Resurrectiόνis Discípulos tuos, Cléophæ ejúsque sócio in via apparére, et in fractiône Panis ab ipsis agnósci voluisti: tuum nobis, quæsumus, infúnde robur ac lumen; ut alácritér viam manda-

tórum inoffénso pede curréntes, immortalis vitæ gáudia consequámur. Qui vivis.

Ad Completorium et ad omnes Horas servetur ritus peculiaris Octavæ Paschatis.

Ad Matutinum

Invitat. Cógnotus est Dóminus in fractiône Panis: * Allelúja.

Ps. Veníte, exultémus.

Ad Nocturnum

Ant. Nos autem, dixerunt Cléophas et sócius ejus, sperabámus, quia Jesus esset redemptúrus Israël; et nunc super hæc ómnia, tertia dies est hódie, quod hæc facta sunt, allelúja.

Psalmi ut ad Matutinum in die Resurrectionis.

Ant. Et ipse dixit ad eos: O stulti, et tardi corde ad credéndum in ómnibus, quæ locúti sunt Prophétæ! Nonne hæc opórtuit pati Christum,

et ita intráre in glóriam suam? Allelúja.

Ant. Incípiens a Móyse, et ómnibus Prophétis, interpretabátur illis Jesus in ómnibus Scriptúris, quæ de ipso erant, allelúja.

ÿ. Elóquium Dómini inflammávit illos, allelúja.

Rj. Et Pane cæli saturávit eos, allelúja.

Absol. Exáudi, Dómine.

Bened. Evangélica léctio.

Lectio i

Léctio sancti Evangéllii
secúndum Lucam

Cap. 24, b.

In illo témpore : Duo ex Discípulis Jesu ibant ipsa die in castéllum, quod erat in spátio stadiórum sexaginta ab Jerúsalem, nómine Émmaus. Et réliqua.

Homília sancti Gregórii
Papæ

Homil. 23. in Evang.

Audístis, fratres carísimi, quia duóbus Discípulis ambulántibus in via, non quidem credéntibus, sed tamen de se loquéntibus, Dóminus appáruit: sed eis spéciem, quam recognóscerent, non osténdit. Hoc ergo egit foris Dóminus in óculis córporis, quod apud ipsos agebátur intus in óculis cordis. Ipsi namque apud semetípsos intus et amábant, et dubitábant: eis autem Dóminus foris et præsens áderat, et quis esset non ostendébat. De se ergo loquéntibus præsentiam exhibuit: sed de se dubitántibus cognitiónis suæ spéciem abscóndit.

Rj. Dóminus fácte vidétur ab his, qui diligunt eum; et invenitur ab his, qui quærunt illum, allelúja: * Quóniam dignos seípso cír-

cuit quærens, et in viis ostendit se illis hilari- ter et in omni provi- dentia occurrat illis, alle- lúja, allelúja.

ÿ. Jesus junxit se Di- scípulis suis in via, et ibat cum illis. - Quó- niam.

Bened. Divinum au- xilium.

Lectio ii

Verba quidem contu- lit, duritiam intel- léctus increpavit, sacræ Scripturæ mystéria, quæ de seipso erant, aperuit: et tamen, quia adhuc in eorum cõrdi- bus peregrinus erat a fide, se ire longius fin- xit. Fingere namque, componere dicimus: unde et compositores luti, figulos vocamus. Nihil ergo simplex Veritas per duplicitatem fecit: sed talem se eis exhibuit in corpore, qualis apud il- los erat in mente. Pro- bandi autem erant, si hi, qui eum etsi necdum ut Deum diligerent, sal-

tem ut peregrinum amá- re potuissent.

R̄. Memóriam fecit mirabilium suorum, alle- lúja: * Misericors et miserátor Dóminus: e- scam dedit timéntibus se, allelúja, allelúja: * Vir- tútem óperum suorum annuntiábit pópulo suo, allelúja, allelúja, alle- lúja.

ÿ. Cognovérunt di- scípuli Dóminum Jesum in fractiõne Panis. - Mi- séricors. Glória Patri. - Virtútem.

Bened. Ad societatem.

Lectio iii

Sed quia esse extranei a caritate non póte- rant hi, cum quibus Vé- ritas gradiebátur, eum ad hospítium quasi pe- regrinum vocant. Cur autem dicimus: vocant, cum illic scriptum sit: Et coëgérunt eum? Ex quo nimirum exémplo colligitur, quia peregrí- ni ad hospítium non so- lum invitandi sunt, sed

étiam trahéndi. Mensam ígitur ponunt, panes cibósque ófferunt: et Deum, quem in Scriptúræ sacræ expositióne non cognóverant, in panis fractióne cognóscunt. Audiéndo ergo præcépta Dei illumináti non sunt, faciéndo illumináti sunt; quia scriptum est: Non auditóres legis iusti sunt apud Deum, sed factóres legis justificábuntur. Quisquis ergo vult audíta intelligere, festínet ea, quæ jam audíre pótuit, ópere implére. Ecce Dóminus non est cógnitus dum loquerétur, et dignátus est cognósci dum páscitur.

Te Deum laudámus.

Ad Laudes

Ant. 1. Appropinquáverunt Discípuli castéllulo, quo ibant: et ipse Jesus se finxit lóngius ire, allelúja.

Ps. de Dominica.

2. Et coëgérunt illum, dicétes: Mane nobís-

cum, quóniam advesperáscit, et inclináta est jam dies, allelúja.

3. Intrávit cum illis, allelúja: et dum recúmberet cum eis, accépit panem, et benedíxit, ac fregit, et porrigébat illis, allelúja, allelúja.

4. Apérti sunt óculi eórum, et cognóverunt eum, allelúja: et ipse evánuit ex óculis eórum, allelúja.

5. Et dixérunt ad invicem: Nonne cor nostrum ardens erat in nobis, allelúja: dum loquerétur in via, et aperíret nobis Scriptúras? allelúja, allelúja, allelúja.

Ant. Hæc dies, quam fecit Dóminus: exultémus, et lætémur in ea.

Ad Bened. Ant. Surgétes eádem hora, regréssi sunt ambo Discípuli in Jerúsalem, et invenérunt congregátos úndecim, et eos qui cum illis erant, allelúja: et ipsi narrábant quæ gesta erant in via, et quómodo cognóverunt eum

in fractiōne Panis, alle-
lúja, allelúja.

Oratio

Deus, qui ad confir-
mādos in fide Re-
surrectiōnis Discípulos
tuos, Cléophæ ejúsque
sócio in via apparére,
et in fractiōne Panis ab
ipsis agnósci voluisti:
tuum nobis, quæsumus,
infúnde robur ac lu-
men; ut alácritér viam
mandatórum inoffénso
pede curréntes, immor-
tális vitæ gáudia conse-
quámur. Qui vivis.

In II Vesperis

**Antiphonæ de Laudi-
bus; Psalmi ut in I Ve-
speris de Comm. Apost.,
præter ultimum, cujus
loco dicitur:**

Psalmus 144

Exaltábo te, Deus me-
us, rex: * et benedí-
cam nómini tuo in sæ-
culum, et in sæculum
sæculi.

Per síngulos dies be-
nedícam tibi: * et lau-
dábo nomen tuum in sæ-

culum, et in sæculum
sæculi.

Magnus Dóminus et
laudábilis nimis: * et
magnitúdinis ejus non
est finis.

Generátio et generá-
tio laudábit ópera tua:
* et poténtiam tuam pro-
nuntiábunt.

Magnificéntiam glóriæ
sanctitátis tuæ loquén-
tur: * et mirábilia tua
narrábunt.

Et virtútem terribí-
lium tuórum dicent: *
et magnitúdinem tuam
narrábunt.

Memóriam abundán-
tiæ suavitátis tuæ eru-
ctábunt: * et justítia tua
exsultábunt.

Miserátor et miséri-
cors Dóminus: * pá-
tiens, et multum misé-
ricors.

Suávis Dóminus uni-
vérsis: * et miseratió-
nes ejus super ómnia
ópera ejus.

Confiteántur tibi, Dó-
mine, ómnia ópera tua:
* et sancti tui benedí-
cant tibi.

Glóriam regni tui dicent: * et poténtiam tuam loquéntur:

Ut notam fáciant fíliis hóminum poténtiam tuam: * et glóriam magnificéntiæ regni tui.

Regnum tuum regnum ómnium sæculórum: * et dominátio tua in omni generatióne et generatióne.

Fidélis Dóminus in ómnibus verbis suis: * et sanctus in ómnibus opéribus suis.

Allevat Dóminus omnes qui córruunt: * et érigit omnes elisos.

Oculi ómnium in te sperant, Dómine: * et tu das escam illórum in témpore opportúno.

Aperis tu manum tuam; * et imples omne ánimam benedictióne.

Justus Dóminus in ómnibus viis suis: * et sanctus in ómnibus opéribus suis.

Prope est Dóminus ómnibus invocántibus ejus: * ómnibus invocántibus ejus in veritate.

Voluntátem timéntium se fáciat: * et deprecaciónem eórum exáudiet: et salvos fáciat eos.

Custódit Dóminus omnes diligéntes se: * et omnes peccatóres dispérdet.

Laudatióne Dómini loquétur os meum: * et benedícat omnis caro nómini sancto ejus in sæculum, et in sæculum sæculi.

Ant. Hæc dies, **ut ad Laudes.**

Ad Magnif. Ant. Duóbus ex Discípulis ambulántibus osténsus est Jesus in ália effígie, eúntibus in villam, allelúja: et illi eúntes nuntiavérunt céteris, allelúja, allelúja.

Die 9 Aprilis

EMMAUS

S. MARIÆ CLEOPHÆ VIDUÆ

Duplex majus

Antiphonæ et Psalmi ad omnes Horas, et ψψ. Nocturnorum de occurrenti hebdomadæ die, ut in Psalterio; reliqua de Communi unius non Virginis, præter ea, quæ sequuntur :

Oratio

Exáudi nos, Deus salutáris noster : ut, sicut de beátæ Mariæ Cleophæ festivitáte gaudémus; ita piæ devotiõnis erudiámur afféctu. Per Dóminum.

Et fit comm. præce-

dentis, b. Thomæ a Tolentino Márt. I O. et Feriæ in Quadragesima.

Lectiones I Nocturni Muliérem fortem, Tempore Paschali de Scriptura occurrenti. II et III Nocturni de Communi I loco. Lectio nona de Homilia Feriæ in Quadragesima, alias de b. Thoma.

Ad Laudes comm. b. Thomæ, et Feriæ in Quadragesima.

In II Vesperis fit comm. sequentis, b. Thomæ et Feriæ in Quadragesima.

Die 23 Aprilis

BOLACCI IN CAIRO

S. GEORGII MARTYRIS

Contitularis Ecclesiæ

Duplex 1 classis cum Octava communi

Omnia de Communi
unius Martyris Tempo-
re Paschali.

Oratio

Deus, qui nos beati
Georgii Martyris tui
méritis et intercessióne
lætificas: concéde prop-
tius, ut qui tua per
eum beneficia pósci-
mus; dono tuæ grátiae
consequámur. Per Dó-
minum.

Lectiones I Nocturni
Fratres, debitóres, **ut in**
Comm. plurium Mar-
tyrum, cum R/R. tamen
unius Martyris.

In II Nocturno

Lectio iv

De Sermóne
s. Lauréntii Justiniáni

Geórgius propugnátor
exímus terrénæ ab-
renuntiávit milítiae, ut
Christi miles efficeré-
tur egrégus; facultates,
quas habébat, dispérsit
paupéribus, ut divítias
perénnes possidéret in
cælo; suam quoque áni-
mam odívit in mundo,
ut in vitam illam custo-
díret ætérnam. Repé-
rat pretiósam margari-
tam latitántem in agro,

per quod, distráctis ómnibus, mercátus est eam. Dóminum dixisse audierat: Nisi quis renuntiáverit ómnibus, quæ pòsset, non potest meus esse discipulus; prætulit discipulátum Christi ópibus, honóribus, voluptátibus, córpori et temporáli vitæ, ídeo intrépídus, armátus et nudus secútus est Christum. Non cárceres, gládios, fustes, víncula, acúleos, tortóres, ignem, tyránnos expávit, nec mortem; nudus nudum Christum attendébat in stípíte: illíus accendebátur exémplo, ejúsque passiónis dolóribus angebátur. O beáta mens Mártyris! quæ nec tribulatióne, nec angústia, nec plagis, nec labóribus, nec præsentibus, nec futúris a Christo váluit separári.

R). Lux perpétua lucébit Sanctis tuis, Dómine, * Et ætérnitas témporum, allelúja, allelúja.

ʏ). Lætítia sempitér-

na erit super cápita eórum; gáudium et exultatióne[m] obtinébunt. - Et ætérnitas.

Lectio v

Vivébat in carne, et corde cum Christo jam pendébat in Cruce, ideóque dicébat Christo: Cruci confíxus sum; vivo ego, jam non ego, vivit autem in me Christus. Longe exceléntius Martyr, sic mórtuus vivébat in Christo, quam si feliciter florens, aliénus esset a Christo. Vides, quam locuples talis sit mors, quæ vitam cum Christo præstat ætérnam; sic plane mórtuus erat beátus Geórgius vivens in Christo. Mórtuus quippe erat vítiis, mórtuus erat sæculo, mórtuus erat et sibi. Nisi táliter fuisset mórtuus, mínime Christo vívere potuisset. An non mórtuus erat sæculo, qui oblátas dignitates et gáudia, pro amóre Christi et spe æter-

næ mercédís, repudiávit ut stércora? Nonne vítiis erat defúctus, qui labóribus, abstinéntia, paupertáte, virtutibusque céteris corpus quotidiána maceratióne domábat? De tálibus Páuli voce dicitur: Qui autem sunt Christi, carnem suam crucifixére cum vítiis, et concupiscéntiis. Quómodo vero sibi ipsi vixísse sanctus iste dicéndus est, qui verbum Dei circumquaque disséminans, Christi glóriam audiéntium áuribus insonábat? Quos valébat auférre diabolo, lucrabátur Christo. Magnanimitáte namque præcinctus, et caritátis dono suffúltus, coram régibus et terræ princípibus Christum líbera confitebátur voce.

R. In servis suis, allelúja, * Consolábitur Deus, allelúja, allelúja.

Ÿ. Judicábit Dóminus pópulum suum, et in servis suis. - Consolábitur.

Lectio vi

Hinc factum est, ut cárceri manciparétur, virgis, et scorpiónibus cederétur, lampádarum ustiónibus cremarétur, laniarétur, torquerétur, perimerétur. In his, quóniam vivébat Christo, se exhibébat ut mórtuum. Nulla plane in illo quærimóniæ resonábat vox, nullus repugnándi motus. Tamquam bellátor præcipuus, arbitrátus est fore incóngruum, ut, patiénte Rege, atque pro animárum occumbénte salúte, ipse ségniter víveret, et sine certáminis exercitatióne deficeret; frequénter ánimo illud evangélicum revolvébat: Majórem caritátem nemo habet, ut ánimam suam ponat quis pro amicis suis. Quam ob rem dilectiónem, quam habébat ad Dóminum, factis máluit osténdere, quam verbis. Redemptórem útique suum, non ingrátus de múnere, est

imitátus in morte, de quo ait Prophéta : Sicut ovis ad occisiónem ductus est, et tamquam agnus coram tondente se sine voce, sic non aperuit os suum. Obmútuít plane iste, et os suum, nonnisi orándo, aperuit, quátenus hóstia Deo acceptábilis fíeret, nec illi in longanimitate patientiæ invenirétur dissímilis, qui in Crucis perpassiõe supplicii elóquium nullum contradiciónis emísit. Hinc gestum est ut, Dómini sui, sicut sócius éxstitit pœnæ, ita párticeps illius efficerétur glóriæ, qui in cælésti regno cum Patre, et Spíritu sancto triúmphant in sæcula.

R). Fíliæ Jerúsalem, veníte et vidéte Mártires cum coronis, quibus coronávit eos Dóminus
* In die solemnitátis et lætítiæ, allelúja.

ʒ. Quóniam confortávit seras portárum tuárum, benedíxit filios tuos in te. - In die. Glória. - In die.

In III Nocturno Homilia in Evang. Ego sum vitis vera, ut in Comuni Mart. T. P. 1 loco.

Oratio

Deus, qui nos beáti Geórgii Mártiris tui méritis et intercessiõe lætíficas; concéde propítius, ut qui tua per eum beneficia póscimus; dono tuæ grátiæ consequámur. Per Dóminum.

Et fit commemoratio b. Aegidii C. I O. tantum.

In II Vesperis comm. sequentis.

De Octava fit commemor. quotidie in utrisque Vesperis et Laudibus, duplicibus I et II classis exceptis.

Die 25 Aprilis

IN ÆGYPTO

S. MARCI EVANGELISTÆ

Patroni principalis

Duplex 1 classis cum Octava communi

Omnia ut in Breviario.

De Octava fit commemoratio quotidie in u-

trisque Vesperis et Laudibus, duplicibus I et II classis exceptis.

Die 30 Aprilis

BOLACCI IN CAIRO

OCTAVA S. GEORGII MARTYRIS

Duplex majus

Antiphonæ et Psalmi ad omnes Horas, et $\psi\psi$. Nocturnorum de occurrenti hebdomadæ die; reliqua, quæ non sunt hic propria, de Com-

muni unius Martyris Tempore Paschali.

Oratio ut supra.

In I Vesperis fit Comm. præcedentis, s.

Josephi-Benedicti Cotolengo C. 3 Ord., s. Catharinæ Senensis V., et Octavæ S. Marci Ev.

In I Nocturno Lectiones de Scriptura occurrenti.

In II Nocturno

Lectio iv

De Sermóne sancti Ambrósii Epíscopi

Sermo 74

Et licet nos in resolutione córporis mortis umbra circúmdet: tamen gressus suos vita non déserit, sed inter ipsas médias inférni leges incunctánte Christi virtútibus ambulámus. Unde ait sanctus Prophéta: Nam et si ambulávero in médio umbræ mortis, non timébo mala, quóniam tu mecum es. Quod manifestius Dóminus ait de fidéli, dicens: Qui autem credit in me, non moriétur in ætérnum, et licet moriátur, vivet.

R). Lux perpétua lucébit Sanctis tuis, Dó-

mine, * Et ætérnitas témporum, allelúja, allelúja.

ÿ). Lætítia sempitérna super cápita eórum; gáudium et exsultatió-nem obtinébunt. - Et.

Lectio v

Ergo, fratres, cum sanctis Martýribus Paschæ Dómini glóriam conferámus; conferá-mus, inquam; et licet mélius nóverint ómnia, tamen nos illis prædicé-mus, quemádmódum de sepúlcri grémio resur-réxit ad súperos. Illi nobis revélent, quo pacto de inférni profúndo remeáverit ad sepúl-crum. Notum, inquam, nobis fáciant quemádmódum in exánime jam corpus et frígidum sese calor insinuáverit, spíri-tus ingésserit, sánguis infúderit, et gelátas hu-móre venas prístini vi-góris pulsus agitáverit.

R). In servis suis, allelúja, * Consolábitur Deus, allelúja.

✠. Judicabit Dóminus pópulum suum, et in servis suis. - Consolábitur Deus, allelúja.

Lectio vi

Notum, inquam, nobis fáciant, quemádmódum órganum córporis dissipátum, in priórem statum nervórum rursus coaptáverit resoluta compágo; et harmóniam víscerum jam siléntem in véterem concéntum spíritus vivíficans animáverit. Sacerdótes ergo prædicent quæ Salvátor post resurrectionem mirabilia gessit ad súperos; Mártyres revélent quanta in ipsa morte refrigéria operátus sit in defúnctos.

R). Filiæ Jerúsalem, veníte et vidéte Mártyres cum coronis, quibus coronávit eos Dóminus
* In die solemnitátis et lætítiae, allelúja.

✠. Quóniam confortávit seras portárum tuárum, benedíxit filios tuos

in te. - In die. Glória.
- In die.

In III Nocturno

Lectio vii

Lectio sancti Evangélii
secúndum Joánnem

Cap. 15 - 1, 17

In illo témpore: Dixit Jesus discíplis suis: Ego sum vitis vera, et Pater meus agrícola est. Et réliqua.

Homília sancti Cyrílli
Epíscopi Alexandríni

Lib. 10,
cap. 14 in Joan.

Ea de cáusa vitem se appellásse maniféste Dóminus osténdit, ut quasi óculis hoc exémplo cernerémus, manéntes in eo ut pálmites, ex vite humóre tracto, spiritalém posse fructum afférre: resiliéntes vero ab eo, vel quia in fide, vel quia in servatíone mandátí deficiant, non modo nihil fructus productúros, sed ætérum étiam ignem pas-

súros. Qui enim a pietate vel caritate Christi décidit, suppliciiis seipsum trádit, sicut decísus palmes ad nihil áliud, quam ad ignem útilis est.

R). Ego sum vitis vera, et vos pálmites : * Qui manet in me, et ego in eo, hic fert fructum multum, allelúja, allelúja.

Y). Sicut diléxit me Pater, et ego diléxi vos. - Qui manet.

Lectio viii

Radícem supérnæ benevoléntiæ ac firmamentum esse ait, si quasi spiritále depósitum Evangélicæ disciplínæ dógmata et mandáta servárint. Servántibus autem sine mora petíta bona pollicétur affutúra. Si manséritis, inquit, in me, et verba mea in vobis mánsérint, quodcúmque voluéritis, petétis, et fiet vobis. Fieri enim potest, ut in Christo

máneas, et verba ejus in te non hábeas. Duplex enim via est, per fidem et caritatem, propter quam mandáta servántur.

R). Cándidi facti sunt Nazaræi ejus, allelúja ; splendórem Deo dedérunt, allelúja : * Et sicut lac coaguláti sunt, allelúja, allelúja.

Y). Cándidióres nive, nitidióres lacte, rubicundióres ébore antíquo, zapphíro pulchrióres. - Et sicut. Glória Patri. - Et sicut.

Lectio ix

Pro s. Josepho Benedicto Cottolengo

Joséphus Benedictus Cottoléngo, in urbe Bráida, Taurinénsis diocécisis, piis paréntibus hortum hábuit. Vix octo annos natus de infirmis juvándis cogitare cœpit. Exácto studiórum currículo, sacerdotó-

tio fuit áuctus, et in sacris disciplinis láurea doctóris insignítus, in Collegiáta Sanctíssimæ Trinitátis, inter Canónicos e Congregatióne sanctíssimi Córporis Dómini mérui cooptári. Augústæ Taurinórum Parvam Domum, sub título Divínæ Providéntiæ, cui se pénitus commiserat, excipiéndis infirmis ac míseris omnis géneris, præsertim autem aliúnde repúlsis, accomodatam, fundáre satégit; ad quod salubérrimum opus instituéndum, eidem occasiõem præbuit misérrima cuiúsdam mulieris condició, ab ómnibus rejéctæ, et ope beátæ Mariæ Vírginis, quam semper impénse coluit, votum suum adimpléri sensit. Ómnibus ómnia factus, ægrótos cuiúslibet condiciónis in unum coégit, nutrívit et curávit. Plures cœtus ac familias sacrárum víginum et piórum virórum

instítuit. Tértii Órdinis sancti Francísci sincerus alúmnum amórem erga divínam Eucharístiam et Christi passióem in se et in áliis assidue fovére stúduit. Contumélias, ludíbria, æquo ánimo tulit et singulárem ánimo hilaritátem cum fortitúdiene conjúnxit. Plenus méritis, Chéríi obiit in Christo, die trigésima aprílis, anno millésimo octingentésimo quadragésimo secúndo, ætátis suæ sexto et quinquagésimo. Hunc Dei fámulum, virtútibus et miráculis clarum, a Benédícto Papa décimo quínto inter Beátos relátum, Pius undécimus, anno sacro millésimo nongentésimo trigésimo quarto Sanctórum fastis adscrípsit.

Te Deum laudámus.

Oratio

Deus, qui nos beáti Geórgii Mártiris tui méritis et intercessiõe lætíficas: concéde pro-

pítius; ut, qui tua per eum beneficia póscimus, dono tuæ grátiaē consequámur. Per Dóminum.

Et fit commemoratio s. Josephi-Ben. Cottolengo, s. Catharinæ V.,

ac Octavæ s. Marci Evangelistæ.

Vesperæ sequentis, comm. præc., s. Josephi-Ben. Cottolengo, ac s. Catharinæ V.

Dominica II post Pascha

JERICHO

FESTUM BONI PASTORIS

Ecclesiæ Titularis

Duplex 1 classis cum Octava communi

In I Vesperis

Ant. Allelúja, allelúja, allelúja.

Psalmi de Dominica: Dixit Dóminus etc., sed loco ultimi Ps. 116: Laudáte Dóminum omnes Gentes. Capitulum et reliqua ut in Sabbato ante Dominicam II post Pascha.

Completorium de Dominica.

Ad Matutinum et reliquas Horas Officium fit de Dominica, ut in

Psalterio et Proprio de Tempore, sed ritu duplici et Psalmi ad Primam ut in Festis.

De Octava fit commemoratio quotidie in utrisque Vesperis et Laudibus, duplicibus I et II classis exceptis.

Dominica III post Pascha Officium fit de Dominica, cum commemoratione diei Octavæ in utrisque Vesperis et Laudibus (S. R. C. 26 martii 1924).

Die 1 Maji

IN PATRIARCHATU HIEROSOLYMITANO

S. JACOBI APOSTOLI

Diœceseos Patriarchalis

Primi Episcopi et Patroni Principalis

ac S. PHILIPPI APOSTOLI

Duplex 1 classis

Officium ut in Bre-
viario; in Oratione au-
tem præponitur nomen
s. Jacobi, et in II No-
cturno Lectiones IV et

V Jacóbus, VI Philíp-
pus.

In II Vesperis com-
memoratio sequentis.

Die 2 Maji

IN ÆGYPTO

S. ATHANASII EP. CONF. DOCTORIS

Duplex 2 classis

Omnia ut in Brevia-
rio et in Communi unius
Conf. Pontificis et Do-
ctoris. In I Vesperis et
in Laudibus fit Comm.
diei Octavæ s. Marci E-
vangelistæ.

Lectiones I Nocturni
Sapiéntiam, de Commu-
ni Doctoris.

Vesperæ sequentis,
comm. præced. ac diei
octavæ s. Marci Ev.

Die 3 Maji

HIEROSOLYMIS

INVENTIONIS SS. CRUCIS

Duplex 1 classis

Omnia ut in Breviario, sed nihil fit de ss.

Martyribus.

Die 25 Maji

WASHINGTON

DEDICATIO ECCLESIAE CATHEDRALIS

Duplex 1 classis

Omnia de Communi Dedicacionis Ecclesiae, et ad Laudes tantum fit comm. s. Gregorii Pp. VII.

In II Vesperis fit comm. sequentis Dedi-

cacionis Basilicae Assisiensis S. P. N. Francisci (ex heri), Translationis Seraphici Patris, b. Mariae-Annæ V. 3 Ord., ac s. Philippi Neri C.

Die 11 Junii

CYPRI in INSULA

S. BARNABÆ APOSTOLI

Patroni principalis

Duplex 1 classis cum Octava communi

Omnia ut in Breviario, ommissa commemoratione præc. in I Vesperis.

In II Vesperis fit commemoratio sequentis tantum.

De Octava fit commemoratio quotidie in utrisque Vesperis et Laudibus, duplicibus 1 et 2 classis, ac diebus infra Octavam Pentecostes exceptis.

Die 13 JUNII

S. ANTONII PATAVINI CONF. I. ORD.

ALMÆ CUSTODIÆ TERRÆ SANCTÆ

PATRONI PRINCIPALIS

JOPPE, in hospitio homonymo, TYRI,
SALAHIE DAMASCI, in hospitio homonymo,
et RAMLEH-BACOS IN ÆGYPTO

Ecclesiarum Titularis

Duplex 1 classis cum Octava communi.

Omnia ut in Breviario, ac de eo fit Com-

memoratio quotidie in Vesperis et in Laudibus,

duplicibus 1 et 2 classis
ac diebus infra Octavam
Pentecostes exceptis.

In II Vesperis fit
commemoratio sequen-
tis.

Die 18 Junii

CYPRI in INSULA

OCTAVA S. BARNABÆ APOSTOLI

Duplex majus

Antiphonæ et Psalmi
ad omnes Horas et $\psi\psi$.
Nocturnorum de occur-
renti hebdomadæ die,
ut in Psalterio; reliqua
de Comm. Apostolorum
extra T. P., præter ea
quæ sequuntur.

Oratio

Deus, qui nos beati
Barnabæ Apostoli
tui méritis et intercessió-
ne lætíficas: concéde
propítius, ut qui tua per
eum benefícia póscimus;
dono tuæ grátiae conse-
quámur. Per Dóminum.

Et fit comm. præce-
dentis festi s. Theophili,
s. Ephrem C. D., Octa-
væ s. Antonii Patavini,
ac ss. Marci et Marcel-

liani MM., ut in Brevia-
rio.

In I Nocturno Lectio-
nes de Scriptura occur-
renti. In II Noct. Le-
ctiones Fundaménta, de
Comm. Apostolorum 2
loco.

In III Nocturno

Lectio vii

Lectio sancti Evangélii
secúndum Matthæum.

Cap. 10, 16-22

In illo témpore: Dixit
Jesus discípulis suis:
Ecco ego mitto vos sic-
ut oves in medio lupó-
rum. Et réliqua.

Homilia sancti Joannis
Chrysostomi

Hom. 34 in Matth.
post init.

Diligenter considera qui sunt qui hæc ardua et laboriosa audeunt, formidolosi videlicet et indocti, illiterati, rudes, obscuri quidam homines et ignoti, qui nunquam philosophorum percepérunt instituta, vixque unquam in forum descendérunt, piscatores et publicani, multis repléti rebus, quæ jure ánimos eórum possent dejícere. Nam si magnos et claros viros tanta difficúltas rerum potuisset commovére, quómodo non potuisset imperitos homines, quibus nullius rei magnæ aliquid venit in mentem? sed non dejécit neque turbávit: nec id injúria, dicet quispiam: cum se intelligerent posse leprósos mundáre, dæmónia ejícere.

R). Isti sunt qui viventes in carne, plantavé-

runt Ecclesiám ságuine suo: * Cálicem Dómini bibérunt, et amici Dei facti sunt.

ψ. In omnem terram exívit sonus eórum, et in fines orbis terræ verba eórum, - Cálicem.

Lectio viii

Ego autem dicere non dubitárim, quia videlicet idípsum jure debebat ipsos conturbáre, quóniam qui tantam potestátem habérent, ut defúntos étiam a morte possent excitáre, hi tanta perícula essent subitúri, tanta bella gestúri, ad júdices vincti deducéndi, commúnis dénique totíus orbis admonítio futúri. Quæ igitur in ómnibus his erat consolátio? Sola mitténtis virtus. Quocírca ita signánter incépit: Ecce ego mitto vos. Sufficiat hoc vobis ad omnem consolatióem, satis sit ad confiténdum. Vides, quanta ejus est auctóritas? Intélligis, quóniam

máxima sit potéstas? Pércipis in expugnábilem ejus esse virtútem?

R. Isti sunt viri sancti quos elégit Dóminus in caritáte non ficta, et dedit illis glóriam sempitérnam: * Quorum doctrína fulget Ecclésia ut sole luna.

ÿ. Sancti per fidem vicérunt regna, operáti sunt justítiam. - Quorum. **Glória.** - Quorum.

Lectio ix

Pro s. Ephræm Syro Diacono et Eccl. Doct.

Ephræm, genere Syrus, Nisibéno patre natus est. Adhuc júvenis ad sanctum Jacóbum episcopum se cóntulit, a quo baptizátus, brevi ita sanctitáte et doctrína profécit, ut in schola Nísibi, Mesopotámie urbe, florénte magíster fúerit constitútus. Edesénæ Ecclésiæ diáconus ordinátus, et ob humilitátem sacerdotium recusans, ómnium virtú-

tum splendóre enítuit, et pietátem et religió-nem vera sapiéntiæ professióne sibi compárare satégit. Univérsa illius ópera, tam spléndido doctrínæ lúmine reférta, effecérunt, ut idem sanctus, adhuc vivens, tamquam Ecclésiæ Doctor. magno honóre hábitus fúerit. In mirífica ac pia devotióne erga Vírginem immaculátam primum excélluit. Méritis plenus, Edéssæ in Mesopotámia, décimo quarto Kaléndas Júlii, decéssit sub Valénte príncipe: eúmque Benedíctus (Papa décimus quintus, ex sacrórum Rítuum Congregatiónis consúlto, universális Ecclésiæ Doctórem declarávit.

Te Deum laudámus.

Oratio

Deus, qui nos beáti Bárnabæ Apó'stoli tui méritis et intercessióne lætificas: concéde propítius, ut qui tua per

eum beneficia póscimus ;
dono tuæ grátix conse-
quámur. Per Dóminum.

Et fit commemoratio
s. Ephræm C. D., O-
ctavæ s. Antonii Patav.,
ac ss. Marci et Marcel-
liani MM.

In II Vesperis fit com-
mem. sequentis, s. E-
phræm Doct., Octavæ
s. Antonii, ac ss. Mar-
tyrum Gervasii et Pro-
tasii.

Die 20 Junii

In Octava S. ANTONII PATAVINI Conf. I. Ord.

Duplex majus

Antiph. et Psalmi ad
omnes Horas et ꝑꝑ.
Nocturnorum de occur-
renti hebdomadæ die,
ut in Psalterio; reliqua
ut in festo, præter se-
quentia.

Oratio

Subvéniat plebi tuæ,
quæsumus, Dómine,
præclári confessóris tui
beáti Antónii devóta et
júgis orátio; quæ in
præsénti nos tua grátia
dignos effíciat; et in fu-
túro gáudiis donet ætér-
nis. Per Dóminum.

Et fit commemoratio
præced., b. Michelinæ
a Pisauro Vid. 3 Ord.
ꝑ. Specie, ac s. Silverii
Pp. M.

Lectiones I Nocturni
de Scriptura occurrenti.

In II Nocturno

Lectio iv

Sermo

sancti Bonaventúrx
Epíscopi

Sermo de

s. Antonio Patav.

Iste páuper clamávit,
et Dóminus exaudívit

eum. Forma autem paupertatis perfectiva, in qua ambulavit pauper iste, scilicet beatus Antonius, consurgit ex quadruplici condicione. Ad hoc enim quod paupertas sit perfecta, necesse est quod sit alta et profunda, lata et longa, ut sic possit homo comprehendere cum omnibus Sanctis, quæ sit latitudo, et longitudo, et sublimitas et profundum. Primo, debet paupertas esse alta ex professionis eminentia; secundæ ad Corinthios octavo: Altissima paupertas eorum abundavit in divitias simplicitatis eorum. Alta quidem est paupertatis perfectio in qua nihil possidetur in speciali, sed omnia in communi; altior, in qua nihil in speciali, non tamen omnia, sed aliqua in communi; altissima vero in qua nihil in speciali, nihil in communi. Hanc professi sunt Fratres Minores

et beatus Antonius; et ideo in Régula dicit beatus Franciscus: Hæc est illa celsitudo altissimæ paupertatis, quæ vos, carissimos fratres meos, heredes et reges regni cælorum instituit, pauperes rebus fecit, virtutibus sublimavit. Hanc paupertatem habuit Christus. Hanc etiam habuerunt Apostoli; præceperat enim eis Dominus ut nullam haberent sollicitudinem, Matthæi sexto: Nolite solliciti esse dicentes: Quid manducabimus, aut quid bibemus, aut quo operiemur? Qui pascit aves et vestit lilia, vos vestiet et pascet sine sollicitudine. Si ergo Dominus, inter Judæos duros et incredulos, discipulos suos pascēbat sine sollicitudine, quid mirum, si nunc pascat Fratres Minores, ejusdem perfectionis professores inter populos jam fideles?

R). Plenus sapientiæ, fastum qui superbix,

húmilis, timébat; sub indócti facie * Tantum in se grátiae lumen abscondébat.

ŷ. Ex se pondus glóriæ sibi voluntárie súmere nolébat. - Tantum.

Lectio v

Paupértas debet esse profúnda ex subjecciónis obediéntia, secúndum illud Isaíæ sexagésimo sexto: Ad quem respiciam nisi ad paupérculum et contrítum spíritu et treméntem sermónes meos? In quo osténdit Dóminus quod nullam díligit paupertátem, nisi hábeat conjúctam humili-tátem; paupértas enim supérba, et Deo et homínibus est odiósa. Páuper enim supérbus est hypócrita; est etiam apóstata; immo, ut ita dicam, est quasi quædam pestiléntia. Non talem paupertátem amat Dóminus, sed paupertátem húmílem. Talis páuper fuit beátus Antó-

nus, qui in omni géne-re vilitátis et humilitátis diligentíssime fuit exercitátus, secúndum quod de eo legítur: Magis se exercitávit in princípío suæ conversiónis in scutéllis lavándis, quam in Scriptúris perscrutándis.

R). Páuperum collé-gio, páuper in princípío, spíritu probátus; verbi ministério, * Non afféctu próprio datus, sed vocátus.

ŷ. A quo sit hæc actio, fiunt testimónio mors et incolátus. - Non.

Lectio vi

Tértio, debet paupértas esse lata ex tribulatiónis abundántia. Pau-pértas enim, ubi est abundántia tribulatiónum, in bona ánima parit abundántiam consolatiónum. Talis ánima est dives, quia qui gloriántur in paupertáte, multo magis in abundántia sunt; et propter hoc Apóstolus dicit, secúndæ ad Corínthios

sexto: Sicut egentes, multos autem locupletantes; tamquam nihil habentes, et omnia possidentes. Quarto, paupertas debet esse longa ex supportationis perseverantia; Psalmus: Pauper sum ego et in laboribus a juventute mea. Sum, dicit, et non: Fui, quia paupertas semper erat ei praesens, et in praeteritum non transibat. Talem paupertatem habuit beatus Antonius, quoniam ab infantia sua usque in finem non destitit esse pauper. Et ideo, quia usque in finem perseveravit, remunerationem obtinuit, secundum quod de eo cantatur: Ecce vides coronatum, quem vidisti minoratum, saccoque tectum veteri. Haec est igitur paupertas perfecta et excellens, quae habet quadruplicem conditionem praedictam, quae concludit in se totius evangelicae perfectionis summam. Et quoniam

haec fuit in beato Antonio, ideo recte potest dici de ipso: Iste pauper clamavit, et Dominus exaudivit eum.

R. In doctrinae poculis justus, sua singulis reddens, affluibat; loquens magnis parvulis.

* Veritatis jaculis aequae feriebat.

Y. Potior miraculis, virtus haec in oculis omnium claribat. - Veritatis. Gloria Patri. - Veritatis.

In III Nocturno

Lectio vii

Lectio sancti Evangelii secundum Matthaeum

Cap. V, 13, 19

In illo tempore: Dixit Jesus discipulis suis: Vos estis sal terrae. Quod si sal evanuerit, in quo salietur? Et reliqua.

Homilia sancti Isidori
Episcopi

Lib. 3 Sent. cap. 36

Tam doctrina quam vita clarere debet ecclesiasticus doctor: nam

doctrína sine vita arrogántem reddit, vita sine doctrína inútilem facit. Sacerdótis prædicátió opéribus confirmánda est ita, ut quod docet verbo, ínstruat exémplo. Vera est illa doctrína, quam vivéndi séquitur forma; nam nihil túrpius est quam si bonum, quod quisque sermóne prædicat, explére ópere négligat. Omnis útilis doctor plébibus subiéctis ita se præstáre debet atque insístere doctrínæ, ut quanto claret verbo, tanto claréscat et mérito; nam quod Apóstolus Timótheo præcipit cum omni império docére, non hortátur ad tumórem supérbix, sed ad bonam acciónem et vitæ auctoritátem, vidélicet, ne libertátem pérderet prædicándi, si bene docéret et male víveret. Unde et Dóminus: Qui sólverit unum de mandátis istis mínimis, et sic docúerit, mínimus erit in

regno cælórum. Vides, quod auctoritáte magistérii caret, qui, quod docet, non facit. Sicut in numísmate metállum, figúra et pondus inquiritur; ita in omni doctóre ecclesiástico, quid sequátur, quid dóceat, quómodo vivat.

R). Vitam probant vílitas, simplex innocéntia, cura disciplínæ; * Zelo juncta caritas, véritas, modéstia, testes sunt doctrínæ.

Y. Sed signórum cláritas cómprobat hæc ómnia múltiplex in fine: - Zelo.

Lectio viii

Cap. 42, n. 1, 2

Qui præfícitur ad régimen, táliter erga disciplínam subjectórum præstáre se debet, ut non solum auctoritáte, verum etiam humilitáte claréscat. Sed tamen ita erit in eo virtus humilitátis, ne dissolvátur vita subditórum in vítiis; atque ita auctóritas áderit potestátis, ne per tu-

mórem cordis sevéritas exsístat immoderatiónis. Hæc est enim in Dei sacerdotibus vera discretio, qua nec per libertatem supérbi, nec per humilitatem remissi sunt. Hinc est, quod sancti cum magna constantia redarguerunt étiam princípum vítia; in quibus cum summa esset humilitas loco tamen necessáριο libere transgressóres justitiæ increpábant. Aliquándo étiam súbditis nos opórtet ánimo esse humilióres, quóniam facta subditórum judicántur a nobis, nostra vero Deus júdicat.

R). Si quæris mirácula, mors, error, calámitas, dæmon, lepra fúgiunt, ægri surgunt sani: * Cedunt mare, víncula; membra resque pérditas petunt, et accipiunt júvenes et cani.

Y. Péreunt perícula, cessat et necéssitas: narrent hi qui séntiunt, dicant Paduáni! - Cedunt. Glória Patri. - Cedunt.

Lectio ix

Pro b. Michelina a
Pisauro, Vid.

Michelína, Pisáuri orta est illústri familia et egrégiam índolem nacta, paréntum exemplo ad pietatem incendebátur. Duodecénis jam nupta, exáctis in casto conjúgio octo annis, maríti et dein únici filii mortem forti ánimo tulit. Vanas mundi pertæsa delicias, Tértio Órdini sancti Francísci nomen dedit, facultatesque suas paupéribus erogávit, ac cæléstium rerum contemplatióni et omni sui abnegatióni vacábat, únice cúpiens pati et contémni pro Christo. Præcípue caritate erga ægrótos flagrábat. A peregrinatióne Palæstinénsi ad loca vestigiis et sángine Redemptóris consecráta in pátriam redux, pietátis, pœniténtiæ caritatisque opéribus satégit óperam dare. Demum in Dómi-

no obdormívit, decimo tértio kaléndas Júlias, anno millésimo trecen-tésimo quinquagésimo sexto, ætátis suæ quin-quagésimo sexto. Cul-tum im mem o r á b i l e m Clemens Papa duodéci-mus aprobávit.

Te Deum laudámus.

Oratio

Subvéniat plebi tuæ, quæsumus, Dómine,

præclári Confessóris tui beáti Antónii devóta et jugis orátio: quæ in præsentí nos tua grátia dignos effíciat; et in fu-túro gáudiis donet ætér-nis. Per Dóminum.

Et fit commem. b. Michelinæ Vid., ac s. Silverii Pp. M.

In II Vesperis fit com-mem. sequentis et b. Michelinæ Vid.

Die 25 Junii

IN MONTANIS JUDÆÆ ET PTOLEMAIDE

S. JOANNIS BAPTISTÆ

Ecclesiarum Titularis

Omnia ut in Breviario.

Die 29 Junii

JOPPEN AD MARE, HARISSÆ ET TIBERIADE

SS. PETRI ET PAULI APOSTOLORUM

Ecclesiarum Titularis

Omnia ut in Breviario.

Feria V post Octavam Pentecostes
IN SACRO MONTE SION
FESTUM SS. CORPORIS CHRISTI
Titularis Ecclesiae

Omnia ut in Breviario.

Feria VI post Octavam Corporis Christi
LAODICEÆ, IBRAHIMIEH IN ÆGYPTO
ET APUD MONIALES CLARISSAS
FESTUM SS. CORDIS JESU
Ecclesiarum Titularis

Omnia ut in Breviario.

Die 2 Julii
IN MONTANIS JUDÆÆ
VISITATIONIS B. M. V.
Titularis nostræ Ecclesiae

Duplex 1 classis cum Octava communi

Omnia ut in Breviario, ommissa comm. et nona lectione SS. Martyrum.

In II Vesperis com-

mem. sequentis.

De Octava fit commemoratio quotidie in utrisque Vesperis et Laudibus.

Die 9 Julii

IN MONTANIS JUDEÆ

In Octava VISITATIONIS B. M. V.

Duplex majus

Antiph. et Psalmi ad omnes Horas et $\psi\psi$. Nocturnorum de occurrenti hebdomadæ die, ut in Psalterio; reliqua ut in Communi Festorum B. M. V., præter ea quæ sequuntur.

In I Vesperis

ψ . Benedicta tu in mulieribus.

R. Et benedictus fructus ventris tui.

Ad Magnif. Ant. Beata es, Maria, quæ credidisti! perficiuntur in te quæ dicta sunt tibi a Domino, allelûja.

Oratio

Fámulis tuis, quæsumus, Dómine, cælestis grátiae munus impartire: ut quibus beátæ Vírginis partus exstitit salútis exórdium; Vi-

sitationis ejus votiva solémnitas pacis tríbuat incrementum. Per Dóminum.

Et fit comm. præc. festi s. Elisabeth, ac s. Nicolai et Soc. Mm., ut in Breviario.

Ad Matutinum

Invit. Visitationem Vírginis Mariæ celebrémus: * Christum ejus Fílium adorémus Dóminum.

Lectiones I Nocturni de Scriptura occurrenti.

In II Nocturno

Lectio iv

De Expositione sancti Gregórii Papæ in libro Regum

In I Reg., I

Fuit vir unus de Ramáthaim Sophim, de

monte Éphraim. Potest hujus montis nomine beatissima semper Virgo María, Dei Génitrix designári. Mons quippe fuit, quæ omnem electæ creaturæ altitudinem, electionis suæ dignitate transcendit. An non mons sublimis María, quæ ut ad conceptionem æterni Verbi pertingeret, meritórum vérticem supra omnes Angelórum choros, usque ad sólium Deitatis erexit? Hujus enim montis præcellentissimam dignitatem Isaías vaticinans, ait: Erit in novissimis diébus præparátus mons domus Dómini in vértice móntium. Mons quippe in vértice móntium fuit, quia altitúdo Mariæ supra omnes Sanctos refulsit.

R). Ecce iste venit, sálliens in móntibus, transliens colles. * Símilis est diléctus meus cápree hinnulóque cervórum.

ÿ. Exsultávit ut gigas

ad curréndam viam, a summo cælo egressio ejus. - Símilis est.

Lectio v

Ex Epístola
sancti Leónis Papæ ad
Pulchériam Augústam

Ep. 13, ante med.

Sacraméntum reconciliatiónis nostræ, ante témpora æterna dispositum, nullæ implébant figuræ: quia nondum supervénerat Spíritus Sanctus in Vírginem, nec virtus Altíssimi obumbráverat ei, ut et intra intemeráta víscera, ædificánte sibi Sapiéntia domum, Verbum caro fieret, et forma Dei ac forma servi in unam conveniéntem persónam, Creátor témporum nascerétur in témpore, et per quem facta sunt ómnia, ipse inter ómnia gignerétur. Nisi enim novus homo, factus in similitúdinem carnis peccáti, nostram susciperet vetustátem, et consub-

stantiális Patri, consubstantiális esse dignarétur et Matri, naturámque sibi nostram solus a peccáto liber uníret, sub jugo diabóli generaliter tenerétur humana captívitás.

Rj. Congratulámini mihi, omnes qui dilígitis Dóminum, quia cum essem párvula, plácuí Altíssimo, * Et de meis viscéribus génuí Deum et hómínem.

ψ. Beátam me dicent omnes generatiónes, quia ancillam húmílem respéxit Deus. - Et de meis.

Lectio vi

De Expositiõe sancti Basillí Epíscopi in Isaíam Prophétam

In cap. 8, post init.

Accéssit, inquit, ad prophetíssam et in útero accépit, et péperit filium. Quod María Prophetíssa fúerit, ad quam próxime accéssit

Isaías per prænotiõnem spíritus, nemo contradíxerit, qui sit memor verbórum Mariæ, quæ prophético affláta spírítu locúta est. Quid enim ait? Magníficat ánima mea Dóminum: et exsultávit spíritus meus in Deo salutári meo; quia respéxit humilitátem ancíllæ suæ: ecce enim ex hoc beátam me dicent omnes generatiónes. Quod si ánimum accomodáveris univérsis ejus verbis, non úti- que contentiõe negáveris eam fuisse Prophe- tíssam, quod Dómini Spíritus in eam super- vénerit, et virtus Altíssi- mi obumbráverit ei.

Rj. Beáta quæ credidisti! quóniam perficiéntur in te quæ dicta sunt tibi a Dómino. Et ait María: * Magníficat ánima mea Dóminum.

ψ. Veníte, et audíte, et narrábo quanta fecit Deus ánimæ meæ. - Magníficat. Glória Patri. - Magníficat.

In III Nocturno

Lectio vii

Lectio sancti Evangélii
secúndum Lucam

Cap. I - 39, 47

In illo témpore: Ex-
súrgens María, ábiit
in montána cum festina-
tione in civitátem Juda;
et intrávit in domum
Zachariæ et salutávit E-
lísabeth. Et réliqua.

Homilia

sancti Bernárdi Abbátis

De Verb. Apoc. 12,
circa finem

Mirabátur Elísabeth
persónam veniéntis,
dicens: Unde hoc mihi,
ut véniat Mater Dómini
mei ad me? Commen-
dábat et vocem salután-
tis, adjiciens: Ut facta
est vox salutatiónis tuæ
in áuribus meis, exsul-
távit in gáudio infans in
útero meo. Et beatifi-
cábat fidem credéntis:
Beáta, ínquiens, quæ
credidísti. Magna qui-

dem præcónia, sed et
devóta humilitas, nihil
sibi passa retinére, in
eum magis univérsa re-
fúdit, cujus in se bene-
fícia laudabántur.

R). Beátam me dicent
omnes generatiónes; *
Quia fecit mihi Dómi-
nus magna qui potens
est, et sanctum nomen
ejus.

ψ. Et misericórdia ejus
a progénie in progénies
timéntibus eum. - Quia.

Lectio viii

Tu, inquit, magnificas
Matrem Dómini:
sed, Magnificat ánima
mea Dóminum. In vo-
ce mea filium pérhibes
exsultásse in gáudio:
sed, Exsultávit spíritus
meus in Deo salutári
meo: et ipse quoque
tamquam amicus sponsi
gáudet ad vocem spon-
si. Beátam me esse di-
cis, quæ credidi: sed
credulitátis et beatitúdi-
nis cáusa respéctus est
supérnæ pietátis: ut ex
hoc magis beátam me

dicant omnes generatiões, quia ancillam hūmitem et exiguam respexit Deus.

R. Felix namque es, sacra Virgo María, et omni láude digníssima: * Quia ex te ortus est sol justitiæ, * Christus Deus noster.

ψ. Ora pro pópulo, intérvieni pro clero, intércéde pro devóto femíneo sexu: séntiant omnes tuum juvámén, quicúmque célebrant tuam sanctam Visitatió-nem. - Quia. **G**loria Patri. - Christus.

Lectio ix

Pro ss. Nicolao et decem Soc. Mm. I Ord.

Anno millésimo quingentésimo septuagésimo secúndo, undeviginti Mártyres, vulgo Gorgomienses, in cruciátibus pro asserénda reáli Jesu Christi in Eucharístia præsentia et Románi Pontificis primátu sustinéndis singu-

láríter enituérunt. Erant ii úndecim ex Órdine Minórum: Nicoláus Píckius Guardiánus, cum áliis octo Sacerdóti-bus, Hierónymo Vicá-rio, nempe, ac Wilhádo, Nicásio, Theodoríco, António, Godefrído, Francíscó et áltero António, ac duóbus láicis, Petro et Cornélio. His úndecim adjécti sunt tres párochi; unus sacérdos sæculáris; bini Præmonstraténses; Canónicus Reguláris sancti Augustíni unus, et Dominicánus unus. Qui omnes, quamvis eórum áliquot septuagésimum jam annum excessíssent, WilháduS autem nonagésimum attingíssent, a Calvinianis hæréticis carcéribus, contuméliis et váriis dirissimisque tormentis, per plures díes ac noctes, cruciabántur primum Gorgómii, deínde Dordráci. Briélam tandem addúcti, cum nec minis, nec lenocíniis invíctam eorum for-

titúdo flecti potuísset, invicem se ad martyrium exhortántes et Deo grátias ágentes, gloriósum pro Christo certámen, adstríctis láqueo fáucibus, consummárunť, séptimo Idus Júlias. Hos miráculis claros Summus Póntifex Clemens décimus beátis, Pius vero nonus sanctis Martýribus solémniter adnumerávit.

Te Deum laudámus.

Ad Laudes

ψ. Benedícta tu in muliéribus.

R). Et benedíctus fructus ventris tui.

Ad Benedictus Ant. : Cum audísset salutatió-nem Mariæ Elísabeth, exclamávit voce magna et dixit : Unde hoc mihi ut véniat Mater Dómini mei ad me? Allelúja.

Oratio

Fámulis tuis, quæsumus, Dómine, cælestis grátiae munus impertíre : ut quibus beátæ Vírginis partus éxtitit salutis exórdium ; Visitatiónis ejus votíva solémnitas pacis tríbuat incrementum. Per Dóminum.

Et fit commemoratio ss. Martyrum ut in Breviario.

In II Vesperis

ψ. Benedícta tu in muliéribus.

R). Et benedíctus fructus ventris tui.

Ad Magnif. Ant. Beátam me dicent omnes generatiónes, quia ancíllam húmilem respéxit Deus, allelúja.

Et fit commem. sequentis, ss. Martyrum Gorgomiensium, ac Septem Fratrum Martyrum, ut in Breviario.

Die 10 Julii

DAMASCI

BB. EMMANUELIS RUIZ ET SOCIORUM**Martyrum I. Ordinis****Duplex 2 classis****ob Eorum Martyrium ac Sepulcrum**

Omnia ut in Communi plurium Martyrum et in Breviario.

In I Vesperis fit comm. præced. et ss. Septem Fratrum Mm.

Lectiones 1 Nocturni Fratres, Debitores.

In II Vesperis commemoratio sequentis, ac ss. Martyrum tantum.

Die 14 Julii

ER RAM ALEPPI

S. BONAVENTURÆ EP. C. DOCTORIS I. Ord.**Titularis Ecclesiæ****Duplex 1 classis cum Octava communi**

Omnia ut in Breviario, omissa in I Vesperis comm. præcedentis festi.

Vesperæ sequentis, commemoratio præce-

dentis.

De Octava fit commemoratio quotidie tam in Vesperis, quam in Laudibus, die 15 excepta.

Die 15 Julii

SS. SEPULCRI D. N. J. C.

Duplex 1 classis cum Octava Privilegiata 3 Ordinis

Omnia ut in Breviario.

In I Vesperis fit comm. præcedentis, et de s. Henrico fit tantum commem. in Laudibus.

In II Vesperis commem. sequentis et Canonizationis S. P. N. Francisci.

Per totam Octavam finis Hymnorum Deo Patri... qui a mortuis, et ad Primam y. Qui surrexisti a mortuis.

De Octava fit commemoratio quotidie tam in Vesperis, quam in Laudibus.

Die 16 Julii

BULACCI IN CAIRO

B. M. V. DE MONTE CARMELO

Titularis Ecclesiæ

Duplex 1 classis cum Octava communi

Omnia ut in Breviario, sed in I Vesperis fit tantum comm. Octavæ SS. Sepulcri, et in Laudibus comm. Canonizationis S. P. N. Francisci ac Octavæ.

In II Vesperis commemoratio sequentis et Octavæ SS. Sepulcri.

De Octava fit commemoratio quotidie tam in Vesperis, quam in Laudibus.

Die 20 Julii

IN SACRO MONTE THABOR

S. ELIÆ PROPHETÆ

Commemoratio

In I Vesperis

Ant. Ecce ego mittam vobis Eliam Prophétam, ántequam véniat dies Dómini magnus et horribilis: et convértet cor patrum ad filios, et cor filiórum ad patres eórum.

ψ. Verbo Dómini continuit cælum.

Rj. Et dejécit de cælo ignem ter.

Oratio

Præsta, quæsumus, omnipotens Deus: ut, qui beátum Eliam Prophétam tuum ígneo curru mirábiliter elevátum esse crédimus; eódem interveniénte, ad cæléstia sublevémur, et Sanctórum tuórum con-

sórtio gaudeámus. Per Dóminum.

Ad Laudes

Ant. Eliás homo erat símilis nobis passíbilis: et oratióne orávit ut non plúeret super terram, et non pluit annos tres et menses sex. Et rursum orávit, et cælum dedit plúviam, et terra dedit fructum suum.

ψ. Eliás in túrbine tectus est.

Rj. Et in Eliséo complétus est spíritus ejus.

Oratio ut supra.

In II Vesperis

Ant. Tulit Eliás pállium suum, et percússit aquas Jordánis, quæ di-

visæ sunt in utrâmq̃
partem, et transiêrunt
ipse et Eliséus per sic-
cum : et ascéndit Elías
per túrbinem in cælum.

ÿ. Beáti sunt qui te
vidêrunt.

R). Et in amicítia tua
decoráti sunt.

Oratio ut supra.

Die 21 Julii
ER RAM ALEPPI

In Octava S. BONAVENTURÆ Ep. Conf. Doct.

I. Ordinis

Duplex majus

Antiphonæ et Pss. ad
omnes Horas, et ÿÿ.
Nocturnorum de occur-
renti hebdomadæ die ;
reliqua ut in die Festo,
præter ea, quæ sequun-
tur.

Oratio

Deus qui sanctum Bo-
naventúram Confes-
sórem atque Pontificem,
Ecclésiæ Doctórem Se-
ráphicum tribuísti : con-
céde, nos et ejus erudi-
tiónè profícere ; et tuæ
caritátis igne succéndi.
Per Dóminum.

Et fit commemor. præ-
cedentis, b. Angelinæ a

Marsciano Vid., 3 Ord.,
ac s. Praxedis Virg. ut
in Breviario.

Lectiones I Nocturni
de occurrenti Scriptura.

In II Nocturno

Lectio iv

Sermo sancti Máximi
Epíscopi

Hom. 2 de s. Cypriano

In festivitáte beáti Bo-
naventúre, fratres
caríssimi, univêrsa no-
biscum Christi exsúltat
Ecclésia, quam in omne
gáudium cæléstis erudi-
tiónè sermónis instrú-

xit. Fuit enim in eo, sicut compertum habemus, contra errores diaboli spiritalis sapientie plenitudo. Quis non hujusmodi virum, quantis valet, preconiis prosequatur: cujus eloquentia inspirata divinitus, et Ecclesiam docuit, et seculum confutavit?

R. Lex veritatis fuit in ore ejus, et iniquitas non est inventa in labiis ejus; * In pace et in æquitate ambulavit cum Deo, et multos avertit ab iniquitate.

ψ. Labia enim ejus custodiunt scientiam, et legem requirunt ex ore ejus. - In pace.

Lectio v

Hic est ille evangelicus paterfamilias, proferens de thesauro suo nova et vetera; qui veteris novique Testamenti unum, atque idipsum mysterium predicans, Ecclesias Christi locupletissima disputatione ditavit. Incorrupti-

bilis atque indefessus illius est hodie thesaurus qui pecuniam Domini sui nummulariis fenerans, quotidie in corde fidelium caelestium divitiarum sanctam conquirit usuram.

R. Vir peritus multos erudit, et animæ suæ suavis est: * Vir sapiens implebitur benedictionibus, et videntes illum laudabunt.

ψ. Sapiens in populo hereditabit honorem, et nomen illius erit vivens in æternum. - Vir sapiens.

Lectio vi

Quid igitur, fratres, tanto speciosius viro, cujus hæc est regula et mensura sermonis, ut inter varias hominum causas, motusque diversos, nunc affectione patris, nunc auctoritate doctoris consoletur humiles, superbos comprimat, negligentes arguat, increpet infideles? Tantoque denique decore sa-

cerdotium vitamque
 suam vir fidelissimus ad-
 ornavit, ut doctrinam
 suam subsequentibus
 confirmaret operibus,
 Dominicam illam sen-
 tentiam tenens: Qui do-
 cuerit, et fecerit, hic
 magnus vocabitur in re-
 gno cælorum.

R. In diebus suis ædi-
 ficavit domum, * Et ex-
 altavit templum sanctum
 Domino, paratum in gló-
 riam sempiternam.

ψ. Stare fecit portas
 et seras, erexit domos
 nostras. - Et exaltavit.
 Glória Patri. - Et exal-
 tavit.

In III Nocturno

Lectio vii

Lectio sancti Evangélíi
 secundum Matthæum

Cap. V - 13, 19

In illo tempore: Dixit
 Jesus discipulis suis:
 Vos estis sal terræ. Quod
 si sal evanuerit, in quo
 salietur? Et reliqua.

Homilia sancti Isidóri
 Episcopi

*Ex lib. 2 Offic.
 ad s. Fulg.*

Qui in erudiendis, at-
 que instituendis ad
 virtutem populis præe-
 rit, necesse est, ut in
 omnibus sanctus sit, et
 in nullo reprehensibilis
 habeatur. Qui enim á-
 lium de peccatis arguit,
 ipse a peccato debet es-
 se alienus. Nam qua
 fronte subiectos argue-
 re poterit, cum illi sta-
 tim possit correctus in-
 gérere: Ante doce te
 quæ recta sunt? Primi-
 tus quippe semetipsum
 corrigere debet, qui á-
 lios ad bene vivendum
 admonere studet; ita ut
 in omnibus semetipsum
 formam vivendi præ-
 beat, cunctosque ad bo-
 num opus, et doctrina
 et opere provocet. Cui
 etiam scientia Scriptu-
 rarum necessaria est:
 quia si Episcopi tantum
 sancta sit vita, sibi soli
 prodest, sic vivens. Por-
 ro si et doctrina et ser-

móne fúerit eruditus, potest céteros quoque instrúere, et docére suos, et adversários repercútere, qui nisi refutáti fúerint atque convicti, fáciie possunt simplicium corda pervétere.

Rj. Quási arcus refúlgens inter nébulas glóriæ, et quasi flos rosárum in diébus vernis, et quasi lília, quæ sunt in tránsitu aquæ, et quasi thus rédolens in diébus ætátis : * Quási ignis effúlgens, et thus ardens in igne.

ÿ. Quasi vas áuri sólídum, ornátum omni lápide pretiósó. - Quasi ignis.

Lectio viii

Hujus sermo debet esse purus, simplex, apértus, plenus gravitátis et honestátis, plenus suavitátis et grátia, tractans de mystério legis, et doctrína fidei, de virtúte continéntiæ, de disciplina justitiæ : unum-

quémque ádmonens díversa exhortatióne, juxta professióne, morúmque qualitátem : scilicet ut prænoscat quid, cui, quando, vel quómodo próferat. Cujus præ céteris speciále officium est, Scriptúras légere, percúrrere Cánones, exémpia Sanctórum imitári, vigiliis, jejúniis, oratióibus incúmbere, cum frátribus pacem habére, nec quemquam de membris suis discérrere ; nullum damnáre, nisi comprobátum ; nullum excommunicáre, nisi discúsum.

Rj. In médio Ecclésiæ apéruit os ejus ; * Et implévit eum Dóminus spírítu sapiéntiæ et intellectus, et stolam glóriæ índuit eum.

ÿ. Jucunditátem et exsultatióne thesaurizávit super eum, et nómine ætérno hereditávit illum. - Et implévit. **Glória Patri.** - Et implévit.

Lectio ix

Pro b. Angelina de
Marsciano Vid. 3 Ord.

Angelina, in Umbro castro Montis Jovis ex comitibus Marsciáni nata, a puerítia virgí-nibus complúribus ad di-vína obséquia congregándis prælúsit. Ægre póstea matrimónio júncta, ac viro post bién-nium vita functo, cæléstia libérius cogitare, víduas et pupíllas fovére, sacris exhortatió-nibus peccatóres ad pœnitén-tiam addúcere, multís-que puéllis nobilibus ut virginálem statum capésserent persua-dére cœpit. Apud regem Si-cíliæ quási hærética ac-cusáta et Neápolim ac-cíta, ibi mórtuum pú-erum ad vitam revocávit, et coram rege constitúta, ei prunas in veste laténtes óbtulit, ejús-que consílium, quod nul-li credíderat, eam flam-mis devovéndi, revelávit. Iterum ad regem ac-

cusáta, ac exsuláre jú-sa, Fulgíneum pétiit, u-bi monastérium constrú-xit, prima ómnium in Itália congregatió-nis So-rórum Tértii ordinis sancti Francísci in cláu-stris degéntium funda-ménta jáciens. Jejúniis, oratió-ni, et caritátis o-péribus semper inténta, angélicam pótius quam humanám vitam dúce-re videbátur. Gravi tan-dem languóre corrépta, sacraménta recépit, at-que in éctasim rapta et dormiénti símilis emísit spíritum, pridie Idus Júlias, anno millésimo quadringentésimo trigésimo quínto, ætátis suæ septuagésimo octávo. Miro splendóre fácies ejus effulgére cœpit, cu-bículum odóre suavíssimo spiráre, et pópu-lus ad sacrum corpus venerándum accúrrere; quod in templum sancti Francísci delátum, párietes sacélli, in quo quiescébat, die quo Tur-cæ Constantinópoli potí-

ti sunt, in ómnium conspéctu sanguíneo humóre manárunt. Cultum ab immemorábili témpore beátæ Angelínæ præstitum, Leo duodécimus ratum hábuit et confirmávit.

Te Deum laudámus.

Oratio

Deus, qui sanctum Bonaventúram Confessórem atque Pontíficem, Ecclesiæ Doctó-

rem Seráphicum tribuísti; concéde, nos et ejus eruditióné profícere; et tuæ caritátis igne succéndi. Per Dóminum.

Et fit commemoratio b. Angelinæ Vid., ac s. Praxedis Virg.

Vesperæ sequentis, commemoratio præcedentis, diei Octavæ SS. Sepulcri, s. Laurentii a Brundusio C. 1 Ord., ac b. Angelinæ ♀. Spécie tua.

Die 22 Julii

S. MARIAE MAGDALENÆ PCENITENTIS

Duplex 2 classis

Omnia de Comm. nec Virg. nec Mart., præter ea quæ hic habentur propria.

AD ECCLESIAM SS. SEPULCRI fit commemoratio inseparabilis aliarum sanctarum **Mulierum cum ipsa Magdalena in Mysterio Mortis, Sepul-**

turæ, ac Resurrectionis Christi participum, ut infra.

In I Vesperis

Hymnus

Pater supérni lúminis,
Cum Magdalénam respicis,

Flammas amoris exci-
tas,

Gelúque solvis pectoris.

Amóre currit saucia

Pedes beátos úngere,

Laváre fletu, térgere

Comis, et ore lámberere.

Astáre non timet cru-
ci :

Sepúlcro inhæret ánxia,

Truces nec horret míli-

tes :

Pellit timórem cáritas.

Overa, Christe, cá-
ritas,

Tu nostra purga crími-
na,

Tu corda reple grátia,

Tu redde cæli præmia.

Deo Patri sit glória,

Et Fílio, qui a mórtuis

Surréxit, ac Paráclito,

In sempitérna sæcula.

Amen.

ψ. Diffúsa est grátia
in lábiis tuis.

R). Proptérea benedí-
xit te Deus in ætérnum.

Ad Magnif. Ant. Mú-

lier, quæ erat in civitáte

peccátrix, ut cognóvit

quod Jesus accúbuit in

domo Simónis leprósi,

áttulit alabástrum un-

guénti, et stans retro se-
cus pedes Jesu, lácrimis

cœpit rigáre pedes ejus,

et capíllis cápitis sui

tergébat, et osculabátur

pedes ejus, et unguénto

ungébat.

Oratio

Beátæ Mariæ Magdalé-
næ, quæsumus, Dó-

mine, suffrágiis adjuvé-

mur : cuius précibus

exorátus, quatríduánum

fratrem Lázarum vivum

ab ínferis resuscitásti.

Qui vivis et regnas.

Deinde ad Eccl. SS.

SEPULCRI, **comm. ss.**

Mulierum.

Ant. Subsecútæ mu-

liéres, quæ cum Jesu

vénéran de Galilæa, vi-

dérunt monuméntum, et

reverténtes paravérunt

arómata.

ψ. Diléctus meus mi-

hi, et ego illi, qui pá-

scitur inter lília.

R). Donec aspíret

dies, et inclinéntur um-

bræ.

Oratio

Effunde super nos, Dómine, spíritum agnitiónis et dilectiόnis, quo beátas Mulieres implevisti: ut, sédula eárum imitatióne, Tibi sincére obsequéntes, fide Tibi et ópere placeámus. Per Dóminum nostrum.

Et fit comm. præcedentis, ac Octavæ Ss. mi Sepulcri:

Ant. Deponéntes Dóminum de cruce, posué-runt eum in Monuménto, quod erat excísium in petra, in quo nondum quisquam pósitus fúerat, allelúja.

ψ. Tuum Sepúlcrum adorámus, Dómine, allelúja.

Rj. Et recólimus tuam gloriósam Resurrectiόnem, allelúja.

Oratio

Dómine Jesu Christe, qui pro nobis mortem subíre, et in Sepúlcro depósitus, tertia die

resúrgere voluísti: concede fámulis tuis, ut qui Sepúlcri tui memóriam recólimus; Resurrectiόnis quoque glóriæ partícipes esse mereámur. Qui vivis et regnas.

Deinde fit comm. s. Laurentii a Brundusio C. 1 Ord., ut in Breviario.

Ad Matutinum

Invit. Laudémus Deum nostrum, * In conversiόne Mariæ Magdalénæ.

Ps. Veníte exsultémus.

Hymnus

Maria castis ósculis Lambit Dei vestígia:

Fletu rigat, tergit comis, Detérsa nardo pérlinit.

Deo Patri sit glória, Et Fílio, qui a mórtuis Surréxit, ac Paráclito, In sempitérna sæcula.

Amen.

In I Nocturno

Lectio i

De Canticis canticorum

Cap. 3

In lectulo meo per noctes quæsiui quem diligit anima mea : quæsiui illum, et non inveni. Surgam, et circumibo civitatem : per vicos et plateas quæram quem diligit anima mea : quæsiui illum, et non inveni. Invenérunt me vigiles, qui custodiunt civitatem : Num quem diligit anima mea, vidistis ? Páululum cum pertransissem eos, inveni quem diligit anima mea : tenui eum : nec dimittam, donec introducam illum in domum matris meæ, et in cubiculum genitricis meæ.

R). María Magdalène, et áltera María ibant dilúculo ad monuméntum :

* Jesus, quem quæritis, non est hic : surréxit, sicut locútus est : præcédet vos in Galilæam, ibi eum vidébitis.

ÿ. Et valde mane una sabbatorum véniunt ad monuméntum orto jam sole : et introeúntes viderunt júvenem sedentem in dextris, qui dixit illis. - Jesus.

Lectio ii

Cap. 8

Quis mihi det te fratrem meum sugentem úbera matris meæ, ut inveniam te foris, et deósculer te, et jam me nemo despiciat ? Apprehendam te, et ducam in domum matris meæ : ibi me docébis, et dabo tibi póculum ex vino condíto, et mustum malórum granatórum meórum. Læva ejus sub cápite meo, et dextera illius amplexábitur me. Adjúro vos filiæ Jerúsalem, ne suscitétis, neque evigiláre faciátis dilectam donec ipsa velit.

R). Congratulámini mihi omnes qui diligitis Dóminum : quia quem quærébam, apparuit mihi : * Et dum flerem ad

monumentum, vidi Dóminum meum, allelúja.

y. Recedéntibus discípulis non recedébam, et amóris ejus igne succénsa ardébam desidério. - Et dum flerem ad monumentum, vidi Dóminum meum, allelúja.

Lectio iii

Quæ est ista, quæ ascendit de deserto, delíciis áffluens, inníxa super diléctum suum? Sub árbore malo suscitávi te: ibi corrúpta est mater tua, ibi violáta est génitrix tua. Pone me ut signáculum super cor tuum, ut signáculum super bráchium tuum: quia fortis est ut mors diléctio, dura sicut inférnus æmulátio, lámpades ejus lámpades ignis atque flammárum. Áquæ multæ non potuérunť exstinguere caritátem, nec flúmina ób-ruent illam.

R. Tulérunt Dóminum meum, et nésco ubi posuérunt eum. Dicunt ei Ángeli: Múlier quid plo-

ras? surréxit, sicut dixit: * Præcédet vos in Galilæam, ibi eum vidébitis.

y. Dum ergo fleret, inclinávit se, et prospéxit in monumentum, et vidit duos Ángelos in albis sedéntes, qui dicunt ei. - Præcédet. Glória Patri. - Præcédet.

In II Nocturno

Lectio iv

Sermo

sancti Gregórii Papæ

Homil 25 in Evangel.

María Magdaléne, quæ fúerat in civitáte peccátrix, amándo veritátem, lavit lácrimis máculas críminis: et vox Veritátis implétur, qua dicitur: Dimíssa sunt ei peccáta multa, quia diléxit multum. Quæ enim prius frígida peccándo remánserat, póstmodum amándo fórtiter ardébat. Quæ a monumento Dómini, étiam discíplis recedéntibus, non recedébat: exquirébat, quem non invénerat:

flebat inquirendo, et amoris sui igne succensa, ejus quem ablatum credidit, ardebat desiderio. Unde contigit, ut eum sola tunc videret, quæ remanserat ut quæreret: quia nimis viri- tus boni operis perseverantia est.

Rj. Propter veritatem, et mansuetudinem, et justitiam: * Et deducet te mirabiliter dextera tua.

ψ. Spécie tua, et pulchritudine tua intende, prospere procede, et regna. - Et.

Lectio v

Quæsiuit ergo prius, et minime invenit: perseveravit ut quæreret, unde et contigit ut inveniret: actumque est, ut desideria dilata crescerent, et crescentia caperent quod invenissent. Hinc est enim, quod de eodem sponsa Ecclesia in Canticis canticorum dicit: In lectulo meo per noctes quæ-

sivi quem diligit anima mea. Dilectum namque in lectulo quærimus, quando in presentis vitæ aliquantula réquie Redemptoris nostri desiderio suspiramus. Per noctem quærimus: quia etsi jam in illo mens vigilat, tamen adhuc oculus caligat.

Rj. Dilexisti justitiam, et odisti iniquitatem; * Propterea unxit te Deus, Deus tuus oleo lætitiæ.

ψ. Propter veritatem, et mansuetudinem, et justitiam. - Propterea.

Lectio vi

Sed qui dilectum suum non invenit, restat ut surgat, civitatem circum- eat, idest, sanctam electorum Ecclesiam mente et inquisitione percurret: per vicos eum et plateas quærat, idest, per angusta et lata gradientes adspiciat, ut si qua invenire in eis valeat, ejus vestigia exquirat: quia sunt nonnulli etiam vitæ sæcularis,

qui imitandum aliquid habeant de actione virtutis. Querentes autem nos vigiles inveniunt, qui custodiunt civitatem: quia sancti Patres, qui Ecclesiæ statum custodiunt, bonis nostris studiis occurrunt, ut suo vel verbo vel scripto nos doceant. Quos, cum paulum pertransimus, invenimus quem diligimus, quia Redemptor noster, etsi humilitate homo inter homines, divinitate tamen super homines fuit.

Rj. Fallax gratia et vana est pulchritudo: *
Mulier timens Deum, ipsa laudabitur.

ÿ. Date ei de fructu manuum suarum, et laudent eam in portis opera ejus. - Mulier. Gloria Patri. - Mulier.

In III Nocturno

Lectio vii

Lectio sancti Evangelii secundum Lucam

Cap. 7, f.

In illo tempore: Rogabat Jesum quidam de pharisæis, ut manducaret cum illo. Et ingressus domum pharisæi discubuit. Et reliqua.

Homilia sancti Augustini
Episcopi

Lib. 50. Homil. 23
tom. 10

Evangelium cum legeretur, attentissime audistis: et res gesta narrata atque versata est ante oculos cordis vestri. Vidistis enim non carne, sed mente, Dominum Jesum Christum in domo pharisæi recumbentem, et ab illo invitatum non fastidientem. Vidistis etiam in civitate mulierem famosam, mala utique fama, quæ erat peccatrix, non invitata irruisse convivio, ubi suus medicus recubebat, et quæsisse pia impudentia sanitatem: irruens, quasi importuna convivio, opportuna beneficio. Nô-

verat enim quanto morbo laboraret: et illum ad sanandum esse idoneum, ad quem venerat, sciebat.

R). Os suum aperuit sapientiae, et lex clementiae in lingua ejus: consideravit semitas domus suae, * Et panem otiosa non comedit.

ψ. Gustavit et vidit quia bona est negotiatio ejus; non exstinguetur in nocte lucerna ejus. - Et panem.

Lectio viii

Accessit ergo non ad caput Domini, sed ad pedes. Et quae diu male ambulaverat, vestigia recta quaerebat. Prius fudit lacrimas cordis, et lavit Domini pedes obsequio confessionis, capillis suis tersit, osculata est, unxit: tacita loquebatur, non sermonem promebat, sed devotionem ostendebat. Quia ergo tetigit Dominum rigando, osculando, tergendo, ungerendo

pedes ejus: pharisaeus, qui invitaverat Dominum Jesum Christum, quia ex illo genere erat hominum superborum, de quibus Isaïas propheta dicit: Qui dicunt, Recede longe a me: noli me tangere, quoniam mundus sum: putavit Dominum nescisse mulierem.

R). Regnum mundi, et omnem ornatum saeculi contempsi, propter amorem Domini mei Jesu Christi: * Quem vidi, quem amavi, in quem credidi, quem dilexi.

ψ. Eructavit cor meum verbum bonum; dico ego opera mea regi. - Quem. Gloria Patri. - Quem.

Lectio ix

Pro s. Laurentio
a Brundusio C. 1 Ord.

Alias:

O pharisae invitator et irrisor Domini: Dominum pascis, et a quo pascendus sis, non intelligis? Unde scis Do-

minum nescisse quæ fuerit illa mulier, nisi quia permissa est accedere, nisi quia, illo patiente, osculata est pedes ejus, nisi quia tersit, nisi quia unxit? Hæc enim non debuit permitti facere in pedibus mundis mulier immunda? Ad illius ergo pharisæi pedes si talis mulier accessisset, dicturus erat, quo Isaias de talibus dicit: Recede a me, noli me tangere: quoniam mundus sum. Accessit autem ad Dominum immunda, ut rediret munda: accessit ægra, ut rediret sana: accessit confessa, ut rediret professa.

Te Deum laudamus.

Hymnus

Summi Parentis Unice,

Vultu pio nos respice:
Vocans ad arcem gloriæ
Cor Magdalenaë penitens.

Amissa drachma re-
gio

Recõdita est ærario;
Et gemma deterso luto
Nitore vincit sidera.

Jesu, medela vulne-
rum,

Spes una pœnitentium,
Per Magdalenaë lacri-
mas

Peccata nostra diluas.

Dei Parens piissima,
Hevæ nepotes flébiles
De mille vitæ fluctibus
Salutis in portum vehas.

Uni Deo sit gloria,
Pro multifórmi gratia,
Peccantium qui crimina
Remittit, et dat præmia.
Amen.

ÿ. Elégit eam Deus,
et præelégit eam.

Rj. In tabernaculo suo
habitare facit eam.

Ad Bened. Ant. Ma-
ria unxit pedes Jesu, et
extersit capillis suis, et
domus impléta est ex
odóre unguenti.

Oratio

Beatæ Mariæ Magda-
lenaë, quæsumus,
Dómine, suffragiis ad-
juvémur: cujus préci-
bus exorátus, quatrídua-

num fratrem Lázarum vivum ab inferis resuscitásti : Qui vivis et regnas.

Deinde in Ecclesia SS. SEPULCRI commemoratio ss. Mulierum.

Ant. Exiérunt cito de monumento cum timóre et gáudio magno curréntes nuntiáre Discípulis ejus.

ψ. Surréxit Dóminus vere.

R). Sicut dixit vobis.

Oratio

Effúnde super nos, Dómine, spíritum agnitiónis et dilectiόnis, quo beátas Mulíeres implevísti : ut, sédula eárum imitatióne Tibi sincére obsequéntes, fide Tibi et ópere placeámus. Per Dóminum nostrum.

Et fit comm. diei Octavæ Ss. Sepulcri.

Ant. Abeúntes Judæi muniérunt Sepúlcrum, advolvéntes lápidem ad óstium monuménti, et

signántes eum cum custódibus, allelúja.

ψ. Tuum Sepúlcrum adorámus, Dómine, allelúja.

R). Et recólimus tuam gloriósam Resurrectiόnem, allelúja.

Oratio

Dómine Jesu Christe, qui pro nobis mortem subíre, et in Sepúlcro depósitus, tértia die resúrgere voluísti : concéde fámulis tuis, ut qui Sepúlcri tui memóriam recólimus ; Resurrectiόnis quoque glóriæ partícipes esse mereámur. Qui vivis et regnas.

Deinde fit comm. s. Laurentii a Brundusio, ut in Breviario.

In II Vesperis omnia ut in primis, præter :

ψ. Elégit eam Deus et præelegit eam.

R). In tabernáculo suo habitáre facit eam.

Ant. Múlier, quæ erat in civitáte peccátrix, áttulit alabástrum unguénti et stans retro secus

pedes Dómini, lácrimis
cœpit rigáre pedes ejus
et capíllis cápitis sui ter-
gêbat.

**Ad SS. SEPULCRUM,
comm. ss. Mulierum :**

Ant. Occúrrit illis Je-
sus, dicens : Avéte, no-
líte timére ; et gáudio
magno curréntes nuntia-
vérunt hæc ómnia Di-
scípulis ejus.

ψ. Surréxit Dóminus
vere.

R. Sicut dixit vobis.

Oratio ut ad Laudes.

Et fit comm. sequen-

tis, postea Octavæ Ss.
Sepulcri :

Ant. Introëúntes mu-
lières in Monuméntum,
vidérunt júvenem se-
déntem in dextris, coo-
pértum stola cándida,
et obstupéerunt, alle-
lúja.

ψ. Introíbimus in ta-
bernáculum ejus, alle-
lúja.

R. Adorábimus in lo-
co ubi stetérunt pedes
ejus, allelúja.

Oratio ut ad Laudes.

Deinde s. Laurentii a
Brundusio, ut in Bre-
viario.

Die 23 Julii

BULACCI IN CAIRO

In Octava B. M. V. DE MONTE CARMELO

Duplex majus

Antiphonæ et Psalmi
ad omnes Horas et ψψ.
Nocturnorum de occur-
renti hebdomadæ die,
reliqua ut in Commu-
ni Festorum B. M. V.

præter sequentia.

In II Vesperis s. Ma-
riæ Magdalænæ fit
comm. Octavæ b. Ma-
riæ V. :

Ant. Sancta María, succurre míseris, juva pusillánimes, réfove flébiles, ora pro pópulo, intérvieni pro clero, intércéde pro devóto femíneo sexu: séntiant omnes tuum juvámen, qui cúmque célebrant tuam solémnem commémoratiónem.

ψ. Dignáre me.

Oratio

Deus, qui beatíssimæ semper Vírginis et Genitrícis tuæ Maríæ singulári título Carméli Órdinem decorásti: concéde propítius; ut cujus hódie commémoratiónem solémni celebrámus officio; ejus muníti præsídiis, ad gáudia sempitérna pervenire mereámur. Qui vivis.

Deinde comm. diei Octavæ ss. Sepulcri, ut supra, s. Laurentii a Brundusio et s. Apollinaris.

Lectiones I Nocturni de Scriptura occurrenti.

In II Nocturno

Lectio iv

Sermo sancti Thomæ de Villanóva

Conc. I de Assump. Virg.

María est turris fundáta supra firmam petram in móntibus sanctis inmóbili fundaménto: síquidem Deus in médio ejus non commovébitur. De hac Vírgine in Cánticis légitur: Sicut turris David, quæ ædificáta est cum propugnáculis; mille ciýpei pendent ex ea, omnis armatúra fórtium. Vere turris David; illíus, inquam, David, qui supérbum Góliath quinque lapídis de torrén-te, idest, de vulnéribus, et crucis báculo, gloriántem, in Calváriæ monte prostrávit. Facta est hæc turris Ecclesiæ propugnáculum, et peccatórum únicum refúgium, ut ad ipsam confúgiant omnes rei, omnes mœsti, omnes afflí-

cti, et, ea protegente, liberentur ab hoste. O homo! in quacúmque tribulatione ad Mariám fuge, sive peccátis afflictus, sive persecutióibus attritus, sive tentationibus turbátus, hanc turrim pétito, ad Mariám confúgito. Mille enim clýpei pendent ex ea, et contra omnem æstum tribulántis, et ad omnem faciém persequéntis dæmonis, tutíssimum in ea clýpeum invénies, quo te prótegas.

Rj. Sicut cedrus exaltáta sum in Líbano, et sicut cypréssus in monte Sion: quási myrrha elécta, * Dedi suavitátem odóris.

ψ. Et sicut cinnamómmum et bálsamum aromatízans. - Dedi.

Lectio v

Ibi est enim omnis armatúra fórtium, ibi fides Apostolórum, ibi fortitúdo Mártyrum, ibi púritas Vírginum, Doctórum sapiéntia, Ana-

chorætárum paupértas, devótio Confessórum, ibi déni que ómnium Sanctórum virtus agglomeráta reperítur. Nihil enim unquam alicui Sanctórum speciáli privilégio concéssum est, quod non a princípío vitæ et cumulátius præfulgeat in Mariá. Ecce castéllum fortíssimum, ecce turrim inexpugnábilem, quæ nunquam diabolo præstitit tribútum, ac fidem. Hanc intrávit Jesus, quando Verbum caro factum est et habitávit in nobis; ideo inimícos expugnáturus, et regnum suum recuperáturus, in quo ab inítio dæmon fúerat intrúsus.

Rj. Quæ est ista, quæ procéssit sicut sol, et formósa tamquam Jerúsalem? * Vidérunt eam filíæ Sion, et beátam dixerunt, et regínæ laudavérunt eam.

ψ. Et sicut dies verni circúmdabant eam flores rosárum et lília convállium. - Vidérunt eam.

Lectio vi

Elécta est ut esset advocáta nostra. Nam licet advocátum habémus apud Patrem, Fílium, ut ait Joánnes; opus étiam fuit habére Mariám advocátam apud Fílium. Nam peccátis nostris non solum Deus offénditur, cujus præcépta violámus; sed et Fílius Dei, cujus sánguinem peccándo conculcámus, rursus crucifigéntes Fílium Dei: et ídeo sicut apud Patrem interpéllat Fílius, sic apud Fílium interpéllat Mater. Unde Fílius osténdit Patri latus et vúlnera, et Mater osténdit Fílio pectus et úbera; unde facta est idónea Advocáta: idónea quia puríssima, idónea quia acceptíssima, idónea quia piíssima; hæc enim ómnia ad Advocátam requirúntur. Eja, ergo, Advocáta nostra, illos tuos misericórdes óculos ad nos convérte: ad Te in no-

stris necessitatibus accúrrimus; tuum officium imple, tuum opus exerce.

R. Ornátam monílibus fíliam Jerúsalem Dóminus concupívit: * Et vidéntes eam fíliæ Sion, beatíssimam prædicavérunt, dicéntes: * Unguéntum effúsum nomen tuum.

V. Ástitit regína a dextris tuis in vestítu deauráto, circúmdata varietáte. - Et vidéntes eam. **G**loria Patri. - Unguéntum.

In III Nocturno

Lectio vii

Léctio sancti Evangéllii
secúndum Lucam

Cap. 11 - 27, 28

In illo témpore: Loquente Jesu ad turbas, extóllens vocem quædam múlier de turba dixit illi: Beátus venter qui te portávit! Et réliqua.

Homilia sancti Joannis
Chrysostomi

In Joann. c. 2 Hom. 20

Cum audieris mulierem illam dicentem : Beatus venter qui te portavit, et ubera quae tu suxisti : deinde Dominum respondentem : Quin immo beati qui audiunt verbum Dei, et custodiunt illud : ea sententia dictum existima, non quod matrem negligeret, sed nihil ei utilitatis matris nomen allaturum ostenderet, nisi bonitate et fide praestaret. Quod si Mariae nihil, sine virtute, materna caritas erat profutura, longe minus nobis patris, fratris, matris filii bonitas, nisi aliquid nostrum afferamus.

R). Felix namque es, sacra Virgo Maria, et omni laude dignissima ; * Quia ex te ortus est sol justitiae, Christus Deus noster.

ψ. Ora pro populo, interveni pro clero, intercède pro devoto fe-

mineo sexu : sentiant omnes tuum juvenem, quicumque celebrant tuam solennem commemorationem. - Quia.

Lectio viii

In nullo namque alio, nisi in solis suis ipsius virtutibus, post divinam gratiam, de salute cupiam sperandum est. Nam si id profuturum erat per se Mariae, profuisset etiam Judaeis, quorum consanguineum erat Christus secundum carnem ; profuisset civitati, in qua natus est ; profuisset fratribus. At qui dum fratres rerum suarum curam haberunt, nihil eis propinquitatis nomen profuit, sed cum reliquo mundo damnati erant.

R). Beatum me dicent omnes generationes ; * Quia fecit mihi Dominus magna qui potens est, et sanctum nomen ejus.

ψ. Et misericordia ejus a progenie in pro-

génies tíméntibus eum.
- Quia. Glória Patri. -
Quia.

Lectio ix

De s. Apollinare Episcopo et Martyre

Apollináris cum Prín-
cipe Apostolorum
Antiochia Romam ve-
nit; a quo ordinátus epí-
scopus, Ravénnam ad
Christi Dómini Evangé-
lium prædicándum mít-
titur, ubi, cum ad Chri-
sti fidem plúrimos con-
véteret, captus ab ido-
lórurum sacerdotibus, grá-
viter cæsus est. Cum-
que ipso oránte Bonifá-
tius nóbilis vir, qui diu
mutus fúerat, loquerét-
ur, ejúsque filia im-
múndo spírítu liberáta
esset, íterum est in illum
commóta sedítio. Qua
re divérsas et multipli-
ces pœnas perpéssus est.
Póstea per Æmíliam E-
vangélium prædicans,
plúrimos ab idolórurum
cultu revocávit. Ravén-
nam revérsus, exhór-
tans Christiános ad fidei

constántiam, gloriósum
martyríum consummá-
vit. Ejus corpus prope
murum urbis sepúltum
est.

Te Deum laudámus.

Ad Laudes

ψ. Diffúsa est.

Ad Benedictus Ant.

Caput tuum ut Carmé-
lus; et comæ cápítis tui
sicut púrpura regis, vin-
cta canálibus, allelúja.

Oratio

Deus, qui beatíssimæ
Víriginis et Genitrí-
cis tuæ Mariæ singulári
título Carméli Órdinem
decorásti: concéde pro-
pítius; ut cujus hódie
commemorationem so-
lémni celebrámus offí-
cio, ejus muníti præsi-
diis, ad gáudia sempi-
térna pervenire mereá-
mur. Qui vivis.

Et fit comm. s. Apol-
linaris Ep. M., ac s. Li-
borii Ep. C. ut in Bre-
viario.

In II Vesperis

ψ. Dignare me.

Ad Magnificat Ant.
Glória Líbani data est
ei, decor Carméli et Sa-
ron, allelúja.

Et fit comm. sequen-
tis, s. Apollinaris, ac s.
Christinæ V. M. ut in
Breviario.

Die 29 Julii

S. MARTÆ VIRGINIS

Duplex

Omnia ut in Brevia-
rio.

In II Vesperis comm.

sequentis, ac ss. Abdon
et Sennen Mm.

Die 31 Julii

WASHINGTON

S. IGNATII CONF.

Archidiœcesis Patroni principalis

Duplex 1 classis

Omnia de Comuni
unius Confessoris non
Pontificis et in Brevia-
rio.

In I Vesperis nulla fit
commemoratio.

Lectiones I Noct.
Beátus vir.

In II Vesperis comm.
sequentis, et s. Pauli
Ap. tantum.

Die 3 Augusti

ARIMATHÆÆ

S. NICODEMI DISCIPULI DOMINI

Titularis Ecclesiæ

Duplex 1 classis cum Octava communi

Omnia ut in Comuni unius Confessoris non Pontificis, præter sequentia.

Oratio

Deus, qui nos beati Nicodemi Confessoris tui annua solemnitate lætificas: concède propitius; ut cujus natalitia cõlimus, etiam actiones imitemur. Per Dõminum.

Lectiones I et II Nocturni de Comuni, I loco.

In III Nocturno

Lectio vii

Lectio sancti Evangelii secundum Joannem

Cap. 3

In illo tempore: Erat homo ex Pharisæis,

Nicodémus nómine, princeps Judæorum. Hic venit ad Jesum nocte, et dixit ei: Rabbi, scimus quia a Deo venisti magister. Et reliqua.

Homilia sancti Augustini
Episcopi

Tract. 2 in Joann.

Nicodémus ex his erat, qui crediderant in nómine Jesu, videntes signa et prodigia, quæ faciëbat. Supèrius enim hoc dixit: Cum autem esset Hierosólymis in Pascha, in die festo, multi crediderunt in nómine ejus. Quare crediderunt in nómine ejus? Séquitur, et dicit: Videntes signa ejus, quæ faciëbat. Et de Nicodemo quid dicit? Erat

princeps Judæorum, nómine Nicodémus. Hic venit ad eum nocte, et ait illi: Rabbi, scimus quia a Deo venísti mágister. Et iste ergo credíderat in nómine ejus. Et ipse unde credíderat? Séquitur: Nemo enim potest hæc signa fácere, quæ tu facis, nisi fúerit Deus cum eo.

R). Iste est qui ante Deum magnas virtútes operátus est, et de omni corde suo laudávit Dóminum: * Ipse intercédatur pro peccátis ómnium populórum.

ψ. Ecce homo sine queréla, verus Dei cultor, ábstinens se ab omni ópere malo, et pérmanens in innocéntia sua. - Ipse.

Lectio viii

Si ergo Nicodémus de illis multis erat, qui credíderant in nómine ejus, jam in isto Nicodémo attendámus, quare Jesus non se credébat eis. Respóndit Jesus, et dixit ei: Amen,

amen dico tibi, nisi quis renátus fúerit dénuo, non potest vidére regnum Dei. Ipsi ergo se credit Jesus, qui nati fúerint dénuo. Ecce illi credíderant in eum, et Jesus non se credébat eis. Tales sunt omnes Catechúmeni; ipsi jam credunt in nómine Christi, sed Jesus non se credit eis.

R). Sint lumbi vestri præcíncti, et lucérnæ ardéntes in mánibus vestris: * Et vos símiles homínibus expectántibus dóminum suum, quando revertátur a nuptiis.

ψ. Vigiláte ergo, quia nescítis qua hora Dóminus vester ventúrus sit. Et vos. **G**lória Patri. - Et vos.

Lectio ix

Inténdat, et intélligat caritas vestra. Si dixerimus Catechúmeno: Credis in Christum? Respondet, Credo; et signat se Cruce Christi: portat in fronte, et non

erubescit de Cruce Domini sui. Ecce credit in nomine ejus. Interrogemus eum: Manducas carnem Filii hominis, et bibis sanguinem Filii hominis? Nescit quid dicimus, quia Jesus non se credidit ei.

Te Deum laudamus.

Oratio

Deus, qui nos beati Nicodemi Confessoris tui annua solemnitate lætificas: concede propitius; ut cujus nata-

lita colimus, etiam actiones imitemur. Per Dominum.

Et fit comm. Inventionis s. Stephani Protomartyris, ut in Brevariario.

In II Vesperis commemoratio sequentis tantum.

De Octava fit commemoratio quotidie in utrisque Vesperis et Laudibus, duplicibus primæ et secundæ classis exceptis.

Eadem die

AD SS. SEPULCRUM

FESTUM S. NICODEMI DISCIPULI DOMINI

Duplex majus

Omnia ut in Psalterio et in Communi ut supra, pag. 173.

In II Vesp. Dedicat. Basilicæ B. M. Angelo-

rum fit commemoratio s. Nicodemi Conf., deinde s. Alphonsi M. et Inventionis s. Stephani Protomart.

In I Nocturno Lectio-
nes de Scriptura occur-
renti. In II Nocturno ut
in Communi primo lo-
co. In III Nocturno ut
supra, sed de VIII et IX
lectione fit una.

Lectio ix

Pro Inventione
s. Stephani Protomart.

Sanctorum corpora Sté-
phani Protomartyris,
Gamaliélis, Nicodémi et
Abibónis, suavíssimum
odórem manántia, a
Joánne Jerosolymítarum
antistite invénta sunt
prope Jerosólymam. Cu-
jus rei fama commóta,
magna hóminum multi-
túdo eo convénit, mul-

tique ex váriis morbis
ægróti ac débiles, sani
et íntegri domum re-
diérunt. Sacrum áutem
sancti Stéphaní corpus,
quod summa tunc cele-
britáte in sanctam ec-
clésiám Sion illátum est,
sub Theodósio junióre
Constantinópolis, inde
Romam, Pelágio primo
summo Pontífice, trans-
látum, in agro Veráno,
in sepúlcro sancti Lau-
réntii Mátyris, collocá-
tum est.

Te Deum laudámus.

Ad Laudes fit comm.

Inventionis s. Stephani
ut in Breviario.

Vesperæ sequentis
tantum.

Die 6 Augusti

IN SS. MONTE THABOR

TRANSFIGURATIO D. N. J. C.

Duplex 1 classis, cum Octava privilegiata 3 Ordinis

HIEROSOLYMIS AD SS. SALVATOREM

Duplex 1 classis cum Octava communi

Omnia ut in Breviario, ommissa commemoratione et nona lectione de ss. Martyribus.

De Octava privilegia-

ta fit comm. quotidie. De Octava vero communi exceptis diebus primæ vel secundæ classis.

Die 10 Augusti

ARIMATHÆÆ

In utrisque Vesperis et Laudibus fit commemoratio diei Octavæ s.

Nicodemi, ut in die 3 hujusce mensis.

Die 13 Augusti

IN SS. MONTE THABOR
ET JERUSALEM AD SS. SALVATOREM

Octava TRANSFIGURATIONIS D. N. J. C.

Duplex majus

In II Vesperis s. Claræ fit commemoratio diei Octavæ Transfigurationis, ut in I Vesperis diei festi, et bb. Confessorum 1 et 3 Ord. ut in Breviario.

Antiphonæ et Psalmi ad omnes Horas, et ψψ. Nocturnorum de occurrenti hebdomadæ die; reliqua ut in festo præter sequentia.

Lectiones I noct. de Scriptura occurrenti.

In II Nocturno

Lectio iv

Sermo sancti Cyrilli
Episcopi Alexandrini

Apud Metaph. post med.

Arbitratus fortasse
beatus Petrus adven-
nisse tempus regni Dei,

in monte quidem versari deligit; dicit autem tria esse facienda tabernacula, nesciens quid diceret. Non erat enim tempus consummationis sæculi, neque in præsentî tempore sunt Sancti futuri participes spei eis promissæ. Cum ergo dispensatio adhuc esset in principio, et nondum esset finita, quomodo erat consentaneum, Christum, qui venerat propter caritatem in mundum, desinere pro eo velle pati? Nesciebat ergo Petrus quid diceret.

R). Inebriati sunt ab ubertate domus tuæ: *
Et torrente voluptatis tuæ potasti eos.

ψ. Quoniam apud te

est fons vitæ, et in lúmine tuo vidébimus lumen. - Et.

Lectio v

Céterum præter admirabile, et arcánium Christi glóriæ spectáculum, áliquid quoque aliud factum est útile, et necessárium ad confirmandam in se fidem, non solis discipulis, sed étiam nobis ipsis. Désuper enim ex alto éxtitit vox Dei, et Patris, dicéntis: Hic est Fílius meus diléctus, in quo mihi bene complácuti: ipsum audíte. Et dum facta est, inquit, vox, invéntus est solus Jesus. Ecce, præsenté Móyse Pater jubet sanctis Apóstolis, ut eum áudiant. Quod si eos voluisset séqui præcépta Móysis, dixisset: Serváte legem. Nunc autem ne hoc quidem dicit Deus, et Pater. Áberat quidem Móyses, Elías autem non áderat, solus vero

erat Christus. Jussit ergo ipsum audíre. Ipse est enim finis legis, et Prophetárum.

R. Præcéptor, bonum est nos hic esse: * Faciámus hic tria tabernácula; tibi unum, Móysi unum, et Elíæ unum.

V. Non enim sciébat quid diceret. - Faciámus.

Lectio vi

Proptérea Judæórum pópulum allocútus est, dicens: Si crederétis Móysi, crederétis úti que mihi: ille enim de me scripsit. Quóniam autem, et per sapientíssimum Móysen datum præcéptum contémnere, et quæ per sanctos Prophetas dicta sunt, nihil dúcere perpétuo perseverárunt, jure sunt abalienáti, et exturbáti a bonis, quæ promíssa sunt ipsis pátribus. Obediéntia enim mélior est, quam sacrificium: et auscultátio, quam á-

dipes agnórum, sicut scriptum est. Et ita quidem se habet rex Judæórum. Nobis autem, qui ejus advéntum agnóvimus, ómnia omníno bona áderunt, per ipsum, et in ipso Christo. Per quem, et cum quo, Deo et Patri glória, et poténtia, cum sancto Spíritu in sæcula sæculórum. Amen.

Rj. Si ministrátio mortis, lítteris deformáta in lapídibus, fuit in glória, ita ut non possent inténdere fílii Israél in fáciem Móysi, propter glóriam vultus ejus, quæ evacuátur; Multo magis ministrátio spíritus, quæ manet, erit in glória.

ψ. Amplióris enim glóriæ Christus præ Móyse dignus est hábitus, quanto ampliorem honórem habet domo, qui fabricávit eam. - Multo magis. **G**lória Patri. - Multo magis.

In III Nocturno

Lectio vii

Léctio sancti Evangélii
secúndum Matthæum
Cap. 17

In illo témpore: Assúmpsit Jesus Petrum, et Jacóbum, et Joánnem fratrem ejus, et duxit illos in montem excélsum seórsum, et transfigurátus est ante eos. Et réliqua.

Homilía sancti Ambrósii
Epíscopi
Lib. vii in Luc., Cap. 9

Hic est Fílius meus diléctus. Hoc est, non Elías fílius, non Móyses fílius; sed hic est Fílius, quem solum vidétis; recésserant enim illi, ubi cœpit Dóminus designári. Vides hanc non solum insipiéntium, sed étiam perfectórum, imo etiam cæléstium fidem esse perfectam, Fílium Dei scire. Sed quóniam hæc

jam supra diximus, cognosce nubem istam non fumigantium esse montium nebuloso humore concretam, et coacti aëris caligine piceam, quæ cælum tenebrarum horrore subtexit; sed lucidam nubem, quæ nos non pluviâlibus aquis, et humentis alluvione imbris immadidet, sed de qua mentes hominum, voce Dei omnipotentis emissa, ros fidei rigavit.

Rj. Vocavit nos Deus vocatione sua sancta, secundum gratiam suam, quæ manifestata est nunc, * Per illuminationem Salvatoris nostri Jesu Christi.

ÿ. Qui destruxit mortem, illuminavit autem vitam in incorruptionem. - Per.

Lectio viii

Itaque cum tres essent, unus est factus. Tres in principio videntur, unus in fine. Perfecta enim fide unum sunt.

Dénique hoc étiam Dóminus Patrem orat, ut omnes unum simus. Nec solum Móyses, et Elías in Christo unum sunt, sed étiam nos unum corpus sumus Christi. Ergo et illi tamquam in uno cõrpoce recipiuntur in Christi corpus: quia et nos in unum érimus in Christo Jesu. Aut fortassis, quia lex et Prophætæ ex verbo; quæ autem ex verbo cœperunt, in verbo desinunt. Finis enim legis est Christus, ad justitiam omni credenti.

Rj. Deus qui fecit de tenebris lumen splendescere, illuxit in cordibus nostris, * Ad illuminationem scientiæ claritatis Dei, in facie Jesu Christi.

ÿ. Exortum est in tenebris lumen rectis corde, misericors, et miserator, et justus. - Ad illuminationem. **G**loria Patri. - Ad illuminationem.

Lectio ix
Pro bb. Joanne, Vincentio et Novellone CC.

Ad Laudes fit comm.
bb. Confessorum, ac ss.
Hippolyti et Cassiani

Mm. ut in Breviario.
In II Vesperis fit
comm. sequentis, bb.
Joannis etc. Confessor.,
et s. Eusebii Conf. ut
in Breviario.

Die 15 Augusti

CAIRI (MUSKI) et BAGHGIAGAZ

In ASSUMPTIONE B. M. V.

Ecclesiarum Titularis

Duplex 1 classis cum Octava communi

Omnia ut in Breviario.

Dominica infra Octavam Assumptionis

IN PATRIARCHATU HIEROSOLYMITANO

B. MARIE V. REGINÆ PALÆSTINÆ

Patronæ Diœcesis Patriarchalis

Duplex 1 classis

Omnia ut in festo Assumptionis B. M. V. præter ea quæ hic habentur propria.

Oratio

Deus, qui admirabili providentia cuncta disponis, te supplices

exorámus; ut, sanctam Palæstinæ terram, in qua Unigénitus tuus sacra Redemptiónis mystéria ineffábili caritate perfécit: intercedente beáta Vírgine María Palæstinæ Regína, ab ómnibus adversitatibus defénsam; in sancta professione Majestáti tuæ dignanter servíre concédas. Per eúndem Dóminum nostrum.

**Et fit commemoratio
Dominicæ occurrentis.**

In I Nocturno

Lectio i

De Cánticis Canticórum

Cap. 4

Quam pulchra es, amíca mea, quam pulchra es! Óculi tui columbárum, absque eo quod intrínsecus latet. Capílli tui sicut greges caprárum quæ ascendérunt de monte Gálaad. Dentes tui sicut greges tonsárum quæ ascendérunt de lavácro; omnes

geméllis fœtibus et stérilis non est inter eas. Sicut vitta coccínea lábia tua, et elóquium tuum dulce. Sicut fragmen mali púnici, ita genæ tuæ, absque eo quod intrínsecus latet. Sicut turris David colum tuum, quæ ædificáta est cum propugnáculis: mille clýpei pendent ex ea, omnis armatúra fórtium.

R. Vidi speciósam sicut colúmbam, ascendentem désuper rivos aquárum: cujus inæstimábilis odor erat nimis in vestiméntis ejus: * Et sicut dies verni circúmdabant eam flores rosárum et lilia convállium.

Ÿ. Quæ est ista quæ ascéndit per désertum sicut vírgula fumi, ex aromátibus myrrhæ et thuris? - Et sicut.

Lectio ii

Tota pulchra es, amíca mea, et mácula non est in te. Veni de Líbano, Sponsa mea,

veni de Líbano, veni : coronáberis de cápite Ámana, de vértice Sanir et Hermon, de cubílibus leónum, de móntibus pardórum. Vulnerásti cor meum, soror mea sponsa, vulnerásti cor meum in uno oculórum tuórum, et in uno crine colli tui. Quam pulchræ sunt mammæ tuæ, soror mea sponsa ! Pulchrióra sunt úbera tua vino, et odor unguentórum tuórum super ómnia arómata.

Rj. Sicut cedrus exaltáta sum in Líbano, et sicut cypréssus in monte Sion : quasi myrrha elécta, * Dedi suavitatem odóris.

ψ. Et sicut cinnamómum et bálsamum aromatizans. - Dedi.

Lectio iii

Favus distíllans lábia tua, sponsa, mel et lac sub língua tua ; et odor vestimentórum tuórum sicut odor thuris.

Hortus conclúsus, soror mea sponsa, hortus conclúsus, fons signátus. Emissiões tuæ paradísus malórum punicórum cum pomórum frúctibus, cypri cum nardo. Nardus et crocus, fístula et cinnamómum cum univérsis lignis Líbani ; myrrha et áloe cum ómnibus primis unguéntis. Fons hortórum, púteus aquárum vivéntium, quæ fluunt ímpetu de Líbano.

Rj. Quæ est ista, quæ procéssit sicut sol, et formósa tamquam Jérusalem ? * Vidérunt eam filíæ Sion, et beátam dixerunt, et regínæ laudavérunt eam.

ψ. Et sicut dies verni circúmdabant eam flores rosárum et lília convállium. - Vidérunt. **G**lória Patri. - Vidérunt.

In II Nocturno

Lectio iv

De Sermóne sancti Joánnis Damascéni

Oratio 2 de Dormit.
Deiparæ, sub finem

Ex antiqua accēpimus traditionē, quod tēpore gloriōsæ dormitiōnis beātæ Vīrginis, univērsi quidem sancti Apōstoli, qui orbem terræ ad salūtem Gēntium peragrābant, m o m é n t o tēporis in sublīme elāti, convenērunt Jerosōlymis: cumque illic essent, eis visio apparuit angēlica, et audita est psalmōdia cælēstium Potestātum; et sic cum divīna glōria in manus Dei sanctam trādīdit animam. Ejus autem corpus, quod Deum ineffābili quadam ratiōne suscepit, cum angēlica et apostōlica hymnōdia elātum, in lōculo fuit depositum Gethsēmane: quo in loco Angelōrum cantus mansit tres dies continuus.

R. Ornātam monīlibus filiā Jerusalem Dōminus concupivit: * Et vidētes eam filiæ Sion, beatīssimam prædicavē-

runt, dicētes: Unguētum effūsum nomen tuum.

ψ. Astitit regīna a dextris tuis in vestītu deaurāto, circūdata varietāte. - Et vidētes.

Lectio v

Post tres autem dies angēlico cantu cessāte, qui āderant Apōstoli, cum unus Thomas, qui abfūerat, post tērtium diem venisset, et quod Deum suscepērat, corpus adorāre volūisset, tūmulum aperuērunt; sed omni ex parte sacrum ejus corpus nequāquam invenīre potuērunt. Cum ea autem tantum invenissent, in quibus fūerat compōsitum, et ineffābili, qui ex iis proficiscēbātur, essent odōre replēti, lōculum clausērunt. Ejus mystērii obstupefacti miraculo, hoc solum cogitāre potuērunt, quod cui placuit ex Mariā Vīrgine car-

nem sùmere, et hóminem fieri et nasci, cum esset Deus Verbum, et Dóminus glóriæ: qui- que post partum incorrúptam servávit ejus virginitátem, eidem étiam plácuit et ipsíus, póstquam migrávit, immaculátum corpus, incorrúptum servátum, translatione honoráre ante commúnem et universálem resurrectionem.

R). Beátam me dicent omnes generatiónes: * Quia fecit mihi Dóminus magna qui potens est, et sanctum nomen ejus.

ψ. Et misericórdia ejus a progénie in progénies timéntibus eum. - Quia.

Lectio vi

Aderant tunc cum Apóstolis sanctíssimus Timótheus, primus epíscopus Ephesiórum et Dionýsius Areopagíta, sicut ipse testátur in iis,

quæ de beáto Hierótheo, qui ipse quoque tunc áderat, scripsit ad prædictum Timótheum sic dicens: Nam étiam apud ipsos a Deo afflátos sacrórum Antístites, quando nos quoque, ut nosti, et multi ex sanctis nostris frátribus, ad con- tuéndum corpus, quod vitæ princípium dedit, et Deum suscepit, convenissémus, (áderat autem et Dómini frater Jacóbus, et Petrus, supréma et antiquíssima theologórum sùmmitas) et viso sacro córpore, plácuit ómnibus, prout quisque póterat, hymnis celebráre infinítam bonitátem divínæ poténtiæ.

R). Beáta es, Virgo María, quæ Dóminum portásti Creatórem mundi: * Genuísti qui te fecit, et in ætérnum pèrmanes Virgo.

ψ. Ave, María, grátia plena: Dóminus tecum. - Genuísti. **G**lória Patri. - Genuísti.

In III Nocturno

Lectio sancti Evangelii
secundum Lucam

Cap. 10, 38-24

In illo tempore: Intravit Jesus in quoddam castellum; et mulier quædam, Martha nomine, excepit illum in domum suam. Et reliqua.

De Homilia
sancti Augustini
Episcopi

Sermo 27
de Verbis Domini

Bene Martha circa corporalem Domini, quid dicam, necessitatem, an voluntatem? ministrabat carni mortali. Sed quis erat in carne mortali? In principio erat Verbum, et Verbum erat apud Deum, et Deus erat Verbum: ecce quod Maria audiebat. Verbum caro factum est, et habitavit in nobis: ecce Martha cui ministrabat. Ergo Maria meliorem partem e-

legit, quæ non auferetur ab ea. Hoc enim elegit, quod semper manebit, ideo non auferetur ab ea.

R. Diffusa est gratia in labiis tuis: * Propterea benedixit te Deus in æternum.

Y. Myrrha, et gutta, et casia a vestimentis tuis, a domibus eburneis, ex quibus delectaverunt te filiae regum in honore tuo. - Propterea.

Lectio viii

Circa unum Maria se voluit occupari. Jam tenebat: Mihi autem adherere Deo bonum est. Sedebat ad pedes capitis nostri. Quanto humiliter sedebat, tanto amplius capiebat. Confluit enim aqua ad humilitatem convallis, denatat de tumoribus collis. Non ergo Dominus opus reprehendit, sed munus distinxit. Circa multa es occupata: porro unum est necessa-

rium. Jam hoc sibi María elégit.

R. Beátas es, Virgo María, Dei Génitrix, quæ credidisti Dómino: perfécta sunt in te quæ dicta sunt tibi: ecce exaltáta es super choros Angelórum: * Intercéde pro nobis ad Dóminum Deum nostrum.

ψ. Ave, María, grátia plena, Dóminus tecum. - Intercéde. Glória Patri. - Intercéde.

Lectio IX de Homilia Dominicæ occurrentis, ejusque fit commemoratio in Laudibus ac II Vesperis.

Oratio

Deus, qui admirábili providéntia cuncta dispónis, te súpplikes exorámus, ut, sanctam Palæstínæ terram, in qua Unigénitus tuus sacra Redemptiónis mystéria ineffábili caritáte perfécit: intercedénte beáta Vírgine María Palæstínæ Regína, ab ómnibus adversitátibus defénsam; in sancta professione Majestáti tuæ dignánte servíre concédas. Per eúmdem Dóminum nostrum.

Die 17 Augusti

CONSTANTINOPOLI

S. ROCHI CONF. 3 ORD.

Duplex 2 classis

Omnia de Comuni unius Confessoris non Pontificis, et in Breviario.

In II Vesperis s. Joa-

chim fit a capitulo s. Rochi, cum commemorationibus s. Joachim, et s. Hyacinthi, ut in Breviario.

Lectiones I Nocturni
Justus, de 2 loco.

Ad Laudes fit. comm.
s. Hyacinthi, ac diei
Octavæ s. Laurentii tan-
tum.

Vesperæ a capitulo
sequentis, comm. præ-
cedentis, s. Hyacinthi
C. ac bb. Beatricis et
Paulæ VV. 2 Ord. tan-
tum.

Die 18 Augusti

S. HELENÆ IMPERATRICIS VID.

Duplex 2 classis

Omnia ut in Commu-
ni unius nec Virg. nec
Mart., præter ea quæ
hic habentur propria.

Oratio

Dómine Jesu Christe,
qui locum, ubi Crux
tua latébat beátæ Héle-
næ revelásti, ut per eam
Ecclésiám tuam hoc pre-
tíoso thesáuro ditáres :
ejus nobis intercessióne
concéde ; ut vitális ligni
prétio ætérnæ vitæ præ-
mia consequámur. Qui
vívís et regnas.

Et fit comm. præce-
dentis, s. Hyacinthi et

bb. Beatricis et Paulæ
VV. 2 Ord.

In I Nocturno Lectio-
nes Muliérem fortem,
de Communi 1 loco.

In II Nocturno

Lectio iv

Sermo sancti Ambrósii
Epíscopi

Orat. de obitu Theodosii

Venit ergo Hélena,
cœpit revísere loca
sancta, infúdit ei Spíri-
tus, ut lignum crucis
requíreret, accéssit ad
Gólgotham, et ait : Ecce

locus pugnae, ubi est victoria? quero vexillum salutis, et non invenio. Ego, inquit, in regnis, et crux Domini in pulvere? Ego in aulis, et in ruinis Christi triumphus? Ille adhuc latet, et latet palma vitae aeternae. Quomodo me redemptam arbitror, si redemptio ipsa non cernitur? Video quid egeris, diabole, ut gladius, quo peremptus es, obstrueretur. Sed Isaac obstructos ab alienigenis puteos eruderavit, nec latere aquam passus est. Tollatur igitur ruina, ut vita appareat. Promatur gladius, quo veri Goliae caput est amputatum. Aperitur humus, ut salus fulgeat. Quid egisti, diabole, ut absconderes lignum, nisi ut iterum vinceris?

R). Propter veritatem, et mansuetudinem, et justitiam: * Et deducet te mirabiliter dextera tua.

†. Specie tua et pulchritudine tua intende, prospere procede, et regna. - Et deducet.

Lectio v

Vicit te Maria, quae genuit triumphatorem, quae sine imminutione virginitatis edidit eum, qui crucifixus vinceret te, et mortuus subjugaret. Vincaris et hodie, ut mulier tuas insidias deprehendat. Illa quasi sancta Dominum gestavit, ego crucem ejus investigabo. Illa generatum detulit, ego resuscitatum. Illa fecit, ut Deus inter homines videretur, ego ad remedium peccatorum divinum de ruinis elevabo vexillum. Aperit itaque humum, decutit pulverem, tria patibula confusa reperit, quae ruina contexerat, inimicus absconderat. Sed non potuit obliterari Christi triumphus. Incerta haeret, ut mulier, sed certam indaginem sanctus Spiritus inspirat.

R. Dilexisti justitiam, et odisti iniquitatem: * Propterea unxit te Deus, Deus tuus oleo lætitiæ.

ψ. Propter veritatem, et mansuetudinem, et justitiam. - Propterea.

Lectio vi

Quæsivit clavos, quibus crucifixus est Dominus, et invenit. De uno clavo frenos fieri præcepit, de altero diadema intexit, unum ad decorem, alterum ad devotionem vertit. Visitata est Maria, ut Hevam liberaret: visitata est Helena, ut imperatores redimerentur. Misit itaque filio suo Constantino diadema gemmis insignitum, quas pretiosiori ferro innexas cruci redemptionis divinæ gemma connecteret; misit et frenum. Utrouque usus est Constantinus, et fidem transmisit ad posteriores reges. Principium itaque credentium

imperatorum sanctum est, quod super frenum: ex illo fides, ut persecutio cessaret, devotio succederet. Sapienter Helena egit, quæ crucem in capite regum levavit, ut crux Christi in regibus adoretur. Non insolentia ista, sed pietas est, cum defertur sacræ redemptioni. Bonus itaque clavus Romani imperii, qui totum regit orbem, et vestit principum frontem, ut sint prædicatores, qui persecutores esse consueverunt.

R. Fallax gratia et vana est pulchritudo: * Mulier timens Deum, ipsa laudabitur.

ψ. Date ei de fructu manuum suarum, et laudent eam in portis operæ ejus. - Mulier timens. **G**loria Patri. - Mulier timens.

In III Nocturno Homilia in Evangelium Simile est regnum cælorum thesauro... **de eodem Communi.**

Lectio ix pro bb.
Beatrice et Paula

Oratio

Dómine Jesu Christe,
qui locum, ubi Crux
tua latébat beátæ Héle-
næ revelásti, ut per eam
Ecclésiám tuam hoc pre-
tíoso thesáuro ditáres :

ejus nobis intercessióne
concéde; ut vitális ligni
prétio ætérnæ vitæ præ-
mia consequámur. Qui
vivis et regnas.

Et fit comm. bb. VV.
et s. Agapiti Martyris.

In II Vesperis comm.
sequentis, s. Joannis
Eudes C., ac bb. Virgi-
num.

Die 25 Augusti

MANSURÆ

S. LUDOVICI REGIS C. 3 ORD.

Titularis Ecclesiæ

Duplex 1 classis cum Octava communi

In I Vesperis comm.
s. Bartholomæi Ap.; re-

liqua ut in Breviario.

Die 1 Septembris

MANSURÆ

In Octava S. LUDOVICI REGIS. C.

Duplex majus

Omnia ut in Brevia-
rio sub hac die notata

pro Tertio Ordine.

Die 4 Septembris

IN SS. MONTE THABOR

Commemoratio

S. MOYSIS LEGISLATORIS ET PROPHETÆ

In I Vesperis, ad Magnificat, Ant.: Stetit Móyses coram Pharaóne, et dixit: Hæc dicit Dóminus, dimítte pópulum meum, ut sacrificet mihi in desérto.

Ps. In mari viæ tuæ.

R. Et sémitæ tuæ in aquis multis.

Oratio

Omnípotens et miséricors Deus, qui ad educéndum pópulum tuum de servitúte Ægýpti sanctum Móysen elegísti, eíque legem tuam sanctam vulgándam credidísti: fac nos ejus intercessióne, ita legis, quæ ab Unigénito Fílio tuo adimpléta est, præcepta serváre; ut a dæ-

monis servitúte semper líberi, ab Ægýpto hujus sæculi in promíssam electis tuis perpétuæ beatitúdinis terram migráre mereámur. Per eúdem Dóminum.

Ad Benedictus Ant.

In mari viæ tuæ, et sémitæ tuæ in aquis multis; deduxísti sicut oves pópulum tuum in manu Móysis et Áaron.

Ps. Transtulísti illos per Mare Rubrum.

R. Et transvexísti eos per aquam nímiã.

Oratio ut supra.

In II Vesperis, ad Magnif. Ant. Móyses fámulus Dei jejunávit quadragínta diébus et quadragínta nóctibus; ut le-

gem Dómini mererétur
accípere.

ψ. Deduxísti sicut o-
ves pópulum tuum.

R'. In manu Móysis et
Áaron.

Oratio ut supra

Die 14 Septembris

EXALTATIONIS SS. CRUCIS

Duplex 2 classis

HIEROSOLYMIS duplex 1 classis

NICOSIÆ Titularis Ecclesiæ

duplex 1 classis cum octava communi

Omnia ut in Brevia-
rio, sed in I Vesperis
nulla fit commemoratio,
nisi de Dominica.

In II Vesperis com-
memoratio sequentis.

De Octava fit comm.
quotidie in utrisque Ve-
speris et Laudibus, du-
plicibus I et II classis
exceptis.

Die 21 Septembris

NICOSIÆ

In utrisque Vesperis
et Laudibus fit comme-
moratio diei Octavæ Ex-

altationis SS. Crucis, ut
in die festo.

Die 25 Septembris

EMMAUS

S. CLEOPHÆ DISCIPULI DOMINI et Martyris

Contitularis Ecclesiæ

Duplex I classis cum Octava communi

Omnia de Communi unius Martyris, præter ea quæ hic habentur aut notantur propria.

Oratio

Dómine Jesu Christe, qui a mórtuis exsurgens, beáto Cléophæ, supérnis elóquiis erudíto, in fractióne Panis te ípsum revelásti: ejus nobis intervéntu concéde; ut sermónum tuórum declaratióne divínam voluntátem edócti, ad eam impléndam cæléstis mensæ virtúte perducámur. Qui vivis et regnas.

In I Nocturno **Lectio-nes** Fratres, Debitóres sumus, ut in **Comm.**

plur. Mart. cum responsoriis unius Martyris.

In II Nocturno

Lectio iv

Cléophas, unus ex duóbus Discípulis, quibus eúntibus in Emmaum, et de his quæ Hierosólymis in Christi morte gesta erant, sermónem conferéntibus, idem Dóminus noster Salvátor ita apparuit, ut non cognoscerétur ab illis, donec Scriptúris et Prophétis explicátis, sensim aut majórem Dómini notítiam proficerent. Die jam in vésperem inclinánte, cum coëgissent Dóminum, fin-

géntem se lóngius ire, una secum manére, tandem inter cœnándum óculi eórum in fractióne Panis apérti sunt. Cujus rei núnctium ipsi mox Hierosólymam regréssi, ad úndecim Apóstolos pertulérunt. In locis hæbráicis non dúbitat sanctus Hierónymus trádere, sanctum Cléopham Emmaúntis nóbilis quondam óppidi fuisse indígenam. Hinc ex vetéribus actis próditur sanctum Cléopham Christi Discípulum in castélló Emmaúnte, in eádem domo, in qua mensam Dómino paravérunt, pro confessióne illíus a Judæis occísus, et gloriósa morte sepúltus.

R. Honéstum fecit illum Dóminus et custodívit eum ab inimícois, et a seductóribus tutávit illum : * Et dedit illi claritátem ætérrnam.

V. Descendítque cum illo in fóveam, et in vínclis non derelíquit eum. - Et dedit.

Lectio v

Sermo sancti Augustíni
Epíscopi

Serm. 44 de Sanctis

Triumphális beáti Mártiris Cléophæ dies hódie nobis anniversária celebritáte recúrrit; cujus glorificatióni sicut congáudet Ecclésia, sic ejus propónit sequénda vestígia. Si enim compátimur, et conglorificábimur. In cujus glorióso agóne duo nobis præcípue consideránda sunt: induráta vidélicet tortóris sævítia, et Mártiris invícta paciéntia. Sævítia tortóris, ut eam detestémur: paciéntia Mártiris, ut eam imitémur. Audi Psalmístam advérsus malítiam increpántem: Noli æmulári in malignántibus, quóniam tamquam fœnum velóciter aréscent. Quod autem advérsus malignántes paciéntia exhibénda sit, áudi Apóstolum suadéntem: Paciéntia vobis necessária

est, ut reportétis promissiones.

Rj. Desiderium animæ ejus tribuisti ei, Dómine, * Et voluntate labiorum ejus non fraudasti eum.

ψ. Quoniam prævenisti eum in benedictionibus dulcedinis: posuisti in capite ejus coronam de lapide pretioso. - Et voluntate.

Lectio vi

Coronata itaque est beati Mártyris patientia, mancipata est æternis cruciatibus tortoris incorrecta malitia. Hoc attendens in agone suo gloriosus Christi athleta, non exhorruit carcerem. Ad imitationem capitis sui toleravit probra, sustinuit irrisiones, flagella non timuit: et quot ante mortem pro Christo pertulit supplicia, tot ei de se obtulit sacrificia. Quod enim propinante Apóstolo biberat, alte retinebat: Quia non sunt condi-

gnæ passiones hujus temporis ad futuram gloriam, quæ revelabitur in nobis. Et quia momentaneum hoc et leve nostræ tribulationis, æternum gloriæ pondus operatur in cælis. Hujus promissionis amore a terrenis suspensus, et prægustata supernæ suavitatis dulcedine ineffabiliter affectus, dicebat cum Psalmista: Quid mihi est in cælo, et a te quid volui super terram? Defecit caro mea, et cor meum: Deus cordis mei, et pars mea Deus in æternum.

Rj. Stola jucunditatis induit eum Dóminus: * Et coronam pulchritudinis posuit super caput ejus.

ψ. Cibavit illum Dóminus pane vitæ et intellectus: et aqua sapientiæ salutaris potavit illum. - Et. **G**loria Patri. - Et.

Lectiones III Nocturni
ut in festo s. Simeonis
Ep. M., die 18 Februarii.

Oratio

Dómine Jesu Christe, qui a mórtuis exsúrgens, beáto Cléophæ, supérnis elóquiis erudíto, in fractiône Panis teípsum revelásti: ejus nobis intervéntu concéde; ut sermónum tuórum declaratióne diví-

nam voluntátem edócti, ad eam impléndam cæléstis mensæ virtúte perducámur. Qui vivis et regnas.

Et fit commemoratio b. Francisci Mariæ a Camporubeo C. 1 Ord.

In II Vesperis commemoratio sequentis tantum.

Die 28 Septembris**BETHLEHEM****S. EUSTOCHII VIRGINIS****Duplex 2 classis**

Omnia de Communi unius Virginis, præter ea quæ hic habentur propria.

Oratio

Deus, qui beátam Eustóchium Virgínam a sæculi delíciis ad Jesu Christi Fílii tui vestígia sequénda, et exímium illíus Crucis a-

mórem traduxísti: concéde, ut ejus imitatióne ita per bona temporália transeámus; ut consequámur æténa. Per eúmdem Dóminum nóstrum.

Et fit commemoratio præcedentis, b. Bernardini Conf. 1 Ordinis, et s. Wenceslai.

Lectiones I Noctur-

ni De Virgínibus, ut in
Comm. 1 loco.

In II Nocturno

Lectio iv

Eustóchium, Virgo, filia beátæ Páulæ, ex nobilíssima Gracchórum et Scipiónum familia Romæ orta, etsi in delíciis a prima ætáte fuerat enutríta, ubi tamen adolévit, Deo inservíre, et sacros códices pro gemmis et sérico præmámbus habére cœpit; utque cognóvit spléndidam Virginitátis margarítam, quidquid sæculáris pompæ sapiébat pedibus contrívit, seque Christo Deo spopóndit.

R. Propter veritátem, et mansuetúdinem, et justítiam: * Et dedúcet te mirabiliter délixtera tua.

Y. Spécie tua et pulchritúde tua inténde, prospere procéde, et regna. - Et dedúcet te mirabiliter délixtera tua.

Lectio v

Cum vero Páula ejus mater, spretis divítiis, ac líberis et Pátria relíctis, Hierosólymam navigásset, matrem secúta navigatiónis comes, cum ea páriter aliisque Virgínibus apud Béthlehem in monastério a matre constrúcto diu vixit summa sanctitáte: quo in loco, doctóre sancto Hierónymo, Scripturárum assídue lectiáni et oratiáni óperam dabat. Hebræam linguam sic assecúta erat, ut Psalmos, absque ulla latíni idiómatis pronuntiatiáni, decantáret. Quæ ita semper (ut sanctus Hierónymus refert) adhæsit matri, et ejus obedívit impériis, ut numquam absque ea cubáret, numquam procéderet, numquam cibum cáperet, ne unum quidem nummum habéret potestátis suæ, sed et patérnam et matérnam substantiólam a matre dis-

tribui paupéribus lætaretur, et pietátem in párentem hæreditátem máximam et divítias créderet. Hujus rogátu beátus Hierónymus præclára multa in divínos Libros édedit commentária.

Rj. Dilexisti justítiam, et odísti iniquitátem : * Proptérea unxit te Deus, Deus tuus, óleo lætitiæ.

ψ. Propter veritátem, et mansuetúdinem, et justítiam. - Proptérea.

Lectio vi

Dénique cum beáta ejus mater, virtútibus clara migrásset ad Dóminum, in ejus locum suffécta est plurimárum Vírginum mater : quibus vivéndi modum beátus ipse Hierónymus trádedit. Post multos autem pro Christo consúmptos labóres, ad Sponsum vocáta, quíevit in pace, et apud matrem sepúlta est ad Dómini Præsépe, quarto Kaléndas Octóbres.

Rj. Afferéntur Regi vírgines post eam, próximæ ejus : * Afferéntur tibi in lætítia et exsultatióne.

ψ. Spécie tua et pulchritúdi-ne tua inténde, prospere procéde, et regna. - Afferéntur. Glória Patri. - Afferéntur.

In III Nocturno Homilia in Evangelium Símile est... decem Virgí-nibus, de Communi I loco.

Lectio ix pro b. Bernardino a Feltria.

Oratio

Deus, qui beátam Eustóchium Vírginem a sæculi delíciis ad Jesu Christi Fílii tui vestígia sequénda, et exímium illius Crucis amórem traduxísti; concéde, ut ejus imitatióne ita per bona temporália transeámus; ut consequámur ætérna. Per eúmdem Dóminum.

Et fit comm. b. Bernardini, ac s. Wenceslai.
Vesperæ sequentis,

commemoratio præcedentis.

Die 29 Septembris

KASSAB

DEDICATIO S. MICHAËLIS ARCHANG.
Titularis Ecclesiæ

Duplex 1 classis cum Octava communi

Omnia ut in Breviario.
De Octava fit comm. quotidie in utrisque Ve-

speris et Laudibus, duplicibus I et II classis exceptis.

Die 30 Septembris

BETHLEHEM

S. HIERONYMI PRESB. CONF. DOCT.

Duplex 2 classis

Omnia de Communi unius Confessoris non Pontificis et in Breviario.

Lectiones I Nocturni

Sapiëntiam, ut in Communi Doctoris.

In II Vesperis fit commemoratio sequentis tantum.

Die 1 Octobris

DAMASCI

S. ANANIÆ DISCIPULI DOMINI ET MART.

Duplex 2 classis

Omnia de Comuni
unius Martyris.

In I Vesperis fit
comm. præcedentis tan-
tum.

Lectiones I Noct. Fra-
tres, Debitóres, ut in
Comuni plurium Mm.,
sed cum R/R. unius Mar-
tyris.

Lectio ix pro bb.
Joanne et Nicolao 1 et
3 Ordinis.

Ad Laudes fit comm.
bb. Confessorum ac s.
Remigii Ep. Conf.

In II Vesperis com-
memoratio sequentis ac
bb. Confessorum.

Die 2 Octobris

EMMAUS

Octava S. CLEOPHÆ Discip. Domini et Mart.

Duplex majus

Antiphonæ et Psalmi
ad omnes Horas, et $\psi\psi$.
Nocturnorum de occur-
renti hebdomadæ die;
reliqua ut in Comuni
unius Martyris, præter
sequentia :

Oratio ut in die, pag.
198.

In primis Vesperis fit
comm. præcedentis et
ss. Angelorum Custodum.

Lectiones I Noct. **Ant**

de Scriptura occurrenti;
II Noct. de Comuni 2
loco; III Noct. ut in fe-
sto s. Simeonis, die 18
februarii hujus Proprii.
Pro nona lectione ss.
Angelorum Custodum

legitur ea, quæ in Bre-
viario pro iv habetur.

Ad Laudes fit comm.
ss. Angelorum.

Vesperæ sequentis si-
ne commemoratione.

Die 3 Octobris

S. THERESIÆ A JESU INFANTE VIRG.

Missionum Patronæ

Duplex 1 classis

Omnia ut in Commu-
ni unius Virginis et in
Breviario.

Lectiones I Noct. De
Virginitibus.

De Vigilia et Transla-
tione s. Claræ V. nihil.

Vesperæ sequentis
commemoratio præce-
dentis.

Die 4 Octobris

ALEPPI, TRIPOLI AD MARE, DAMIATÆ
et ALEXANDRIÆ AD MARE

S. P. N. FRANCISCI LEVITÆ ET CONF.

Ecclesiarum Titularis

Duplex 1 classis cum Octava communi

Omnia ut in Breviario.

Die 6 Octobris

KASSAB

Octava Dedicationis S. MICHAËLIS ARCH.

Duplex majus

Antiphonæ et Psalmi ad omnes Horas et ψψ. Nocturnorum de occurrenti hebdomadæ die, ut in Psalterio; reliqua ut in die festo, præter ea, quæ sequuntur.

In I Vesperis fit comm. præc., Ant. Veni, Sponsa, ψ. Diffusa, deinde s. Mariæ Franciscæ, Ant. Símile est, ψ. Spécie tua, s. Brunonis et Octavæ S. P. Francisci, ut in Breviario.

In I Nocturno Lectiones de Scriptura occurr.

In II Nocturno

Lectio iv

Sermo sancti Bernárdi
Abbátis

Sermo II
in festo S. Mich.

Angelórum hódie memoria celebrátur, et exígitis débitum pro tanta solemnitate sermónem. Crédimus sane, et indubitáta fide tenémus, divína eos præsentia, et visione beátos sine fine lætári in bonis Dómini; áttamen, si multum est ad nos loqui de ea caritate, et glória, qua in semetipsis, imo in Deo suo, Ángeli sancti nostris omnino superéminent córdibus, de ea loquámur, quam nobis éxhibent, grátia et caritate. Neque id cuiquam incredibile videátur, quandoquidem ipse quoque Créator, et Rex Angelórum venit non

ministrári, sed ministráre, et ánimam suam dare pro multis.

R. Hic est Míchaël Archángelus, princeps militiæ Angelórum, Cujus honor præstat beneficia populórum, et oratio perducit ad regna cælórum.

V. Archángelus Míchaël præpósitus paradísi, quem honoríficant Angelórum cives. - Cujus.

Lectio v

Hujus itaque tanti ministri grátia, nihil mirum si dignánter nobis, imo et libénter Angeli sancti ministrent; ipsi enim amant nos, quia nos Christus amávit. Et hæc díxerim, fratres, ut ampliórem erga beátos Ángelos fidúciám habeátis, ac proínde familiárius in omni necessitáte vestra eórum invocétis auxiliá; sed et dignius in eórum præsentia conversári, et magis, ac magis eórum vo-

bis conciliáre grátiam, captáre benevoléntiam, exoráre cleméntiam studeátis.

R. Venit Míchaël Archángelus cum multitudíne Angelórum, cui trádidit Deus ánimas Sanctórum, Ut perducát eas in paradísum exultatiónis.

V. Emítte, Dómine, Spíritum sanctum de cælis, Spíritum sapiéntiæ et intelléctus. - Ut perducát.

Lectio vi

Cavénda nobis eórum offénsa, et in his máxime exercéndum, quibus eos nóvimus oblectári. Sunt enim plúrima, quæ eis placent, et quæ in nobis inveníre deléctant: ut est sobrietas, cástitas, paupértas voluntária, crebri in cælum gémitus, et oratiónes cum lácrimis, et cordis intentiÓne. Áttamen super ómnia hæc unitátem, et pacem a nobis éxigunt

Ángeli pacis. Quidni máxime delecténtur in his, quæ formam quandam civitátis suæ repræséntant in nobis, ut miréntur Jerúsalem novam in terra?

R). In témpore illo consúrget Michaël, qui stat pro filiis vestris: * Et véniet tempus quale non fuit ex quo gentes esse cœpérunt usque ad illud.

ψ. In témpore illo salvábitur pópulus tuus omnis qui invéntus fuerit scriptus in libro vitæ. - Et véniet. **G**lória. - Et véniet.

In III Nocturno

Lectio vii

Léctio sancti Evangélii secúndum Matthæum

Cap. 18, 1-10

In illo témpore: Accesérunt discípuli ad Jesum, dicéntes: Quis, putas, major est in regno cælorum? Et réliqua.

Homília sancti Joánnis Chrysóstomi

Ex Hom. 60 in Math. circa medium

Vidéte, ne contemnátis unum de párvulis istis. Párvulos hic non ætáte, sed multórum æstimatióne appellávit: páuperes, inquam, ignótos, ceterósque hujúsmodi, quos multi contémnunt, qui revéra párvuli non sunt, cum Creatóris ómnium amíci sint, quos ipse multo magis venerabilióres facit, dicens: Quia Ángeli eórum semper vident fáciem Patris mei, qui in cælis est.

R). In conspéctu Génitium nolíte timére; vos enim in córdibus vestris adoráte et timéte Dóminum; * Ángelus enim ejus vobíscum est.

ψ. Stetit Ángelus juxta aram templi, habens thuríbulum áureum in manu sua. - Ángelus enim ejus vobíscum est.

Lectio viii

Hinc manifestum est, quia omnes Sancti Angelos habent. Apóstolus étiam ait de muliere, quóniam velámen débeat habére in cápite propter Angelos. Et Móyses: Státuit fines Géntium secúndum número Angelórum Dei. Hic vero non de Ángelis simplici- ter dicitur, sed de Ángelis excelléntibus atque suprémis. Nihil enim áliud designátur cum dicit: Fáciem Patris mei aspíciunt, quam summa fiducia eórum, et honor præcípui. Vides, quot, quibúsque ratió- nibus ad modéstiam, et ad curam tenuiorem fratrum nos révocat. Infántem in médio státuit, et dixit: Efficiamini sicut párvuli, et quicumque talem suscepérit párvulum, me suscipiet, et quicumque hunc scandalizáverit, extrémá luet supplí- cia, et scandalizántes

hómínes, étiam si loco mánuum atque oculórum nobis essent, abscíndere jussit; Angelórum quoque auctoritáte, qui hos ténues fratres tutántur, ut eos venerémur impéllit.

R. Michaël Archángelus venit in adjútorium pópulo Dei, * Stetit in auxili- um pro animábus justis.

V. Stetit Ángelus juxta aram templi, habens thuríbulum áureum in manu sua. - Stetit. **G**lória. - Stetit.

Lectio ix

Pro s. Maria Francisca a quinque Vulner. Virg. 3 Ord.

María Francisca a quinque Vulnéribus Jesu Christi, Neápoli honéstis paréntibus orta, jam septén- nis ex sacerdotibus consílio Eucharístico pábulo refécta, Deo ab infántia prorsus adhæsit. Cæléstis Sponsi desidério flá-

grans, nulla ratióne ad ineúndas núptias addúci pótuit; sed hábitum Tértii Órdinis sancti Francisci induit et suscepti Institúti leges adamússim servávit. Jejúniis, vigíliis, aliisque asperitatibus corpúsculum suum uti inimícum dure habébat. Ádeo pati exoptábat, ut ingravescente ætáte, morbisque vexáta, tantum medicórum et spirituális moderatóris sui jússibus coácta, de consuétó sui cruciátu páululum relaxáret. Virginitátem ab impudéntium insídiis atque apérta vi intácta servávit. Cæléstibus rebus inténta frequénte in écstasim rapiebátur. Deíparam ut matrem ex ánimo diligébat et impénse venerabátur. Ægrótos atque ínopes omnímóda caritaté reficié-

bat et solabátur. Supérnis licet cumuláta donis, ita humíliter de se sentiebat, ut multis obnoxiam culpis se profite-rétur. Diútinis tandem morbis patientíssime tolerátis absúmppta, ad cæléstem Sponsum migrávit pridie nonas octóbres, anno millésimo septingentésimo primo, ætátis suæ septuagésimo séptimo. Eam Summus Póntifex Gregórius décimus sextus inter beátas, Pius vero nonus inter sanctas Vírgines adnumerávit.

Te Deum laudámus.

In Laudibus fit comm. s. Mariæ Franciscæ, s. Brunonis et Octavæ s. Francisci.

Vesperæ sequentis, comm. præcedentis, s. Mariæ Franciscæ et s. Brunonis tantum.

Die 22 Octobris

HIEROSOLYMIS AD SS. SALVATOREM
GETHSEMANI, EMMAUS, ET IN SS. M. THABOR

DEDICATIO PROPRIÆ ECCLESIAE

Duplex 1 classis cum Octava communi

Omnia ut in Breviario.

Die 5 Novembris

IN MONTANIS JUDEÆ

S. ZACHARIÆ PATRIS Præcursoris Domini

Duplex 2 classis

Omnia de Communi
unius Conf. non Pont.,
præter ea quæ hic ha-
bentur propria.

Ad Magnificat, Ant.
Ingresso Zachariæ tem-
plum Dómini, apparuit
ei Gábriel Ángelus stans
a dextris Altáris incénsi.

Oratio

Vígeat, quæsumus Dó-
mine, semper in

méntibus nostris Divi-
næ tuæ præsentia mem-
ória, suffragántibus
méritis beáti Zachariæ,
quem Præcursoris Fí-
lii tui patrem esse vo-
luísti: ut te super óm-
nia diligéntes, ad pro-
missiónes tuas, quæ om-
ne desidérium súperant,
sine offénsione currá-
mus. Per eúmdem Dó-
minum nostrum.

Et fit comm. præcedentis ac sacrarum Reliquiarum tantum, ut in Breviario.

In I Nocturno Lectio-
nes Beátus vir.

In II Nocturno

Lectio iv

Sermo sancti Joánnis
Chrysóstomi

Hom. 2 contra Anomæos

Fuit Zachariás vir miræ virtútis, præclarique nóminis, Sacerdotio præditus, et patrocínium totius pópuli comméritus apud Deum immortalém. Qui Sancta Sanctórum ingressus, ipsum scilicet penetrále, quod uni fas erat illi inspicere, ac pro pópulo Deo supplicans, et Dóminum reddens propítium fámulis, quasi quidam esset intérpres Dei et hóminum, vidit Ángelum intra parietem sacri illius domicílii stantem, cujus aspéctu ictus, atque expávidus vocem audivit: Noli ti-

mére, Zachariás, exaudíta est orátio tua, et ecce Elísabeth uxor tua páriet filium.

Rj. Honéstum fecit illum Dóminus, et custodívit eum ab inimícis, et a seductóribus tutávit illum: * Et dedit illi claritátem ætérnam.

v. Justum dedúxit Dóminus per vias rectas, et osténdit illi regnum Dei. - Et.

Lectio v

Sed unde hæc verba consequéndi habent ratiónem? Ille pro pópulo rogábat, pro peccátis véniam suis consérvis implorábat: hic, noli timére, inquit, nam exaudíta est orátio tua; atque exaudiéndi indícium addit, filium in lucem ventúrum Joánnem. Vide, quam recte ista sequántur. Cum pro peccátis rogáret pópuli, nasci ex eo debére filium, qui clamáret: Ecce Agnus Dei, qui tollit peccátum mundi. Ratió-

ne sane óptima ita Ángelus rétulit: exaudíta est orátio tua.

Rj. Amávit eum Dóminus, et ornávit eum: stolam glóriæ induit eum, * Et ad portas paradísi coronávit eum.

ψ. Induit eum Dóminus lorícam fidei, et ornávit eum. - Et.

Lectio vi

Quid ille ad hæc? Conspicátus est suam ætátem, suam canítiem: animadvértit suæ uxóris natúrám stérilem: atque ita diffídít, et modum quo ita fieret, pétiit. Nonne illi seni díxeris ignoscéndum, cum rerum órđinem petat, et legem natúræ considérat? Sed tamen Deo nullam véniam meréri visus est. Cum enim ásserit Deus, nullus rerum consequéntiæ, aut natúræ necessitáti locus relínquitur. Idcírco moléste Ángelus tulit, nec Sacerdótii quidem negótio pepércit. Imo ob id-

ípsam pœnam illi subeúndam cénsuit graviórem. Qui enim, plusquam céteri, obtinébat honóris, fidem quoque habére debébat céteris ampliórem. Et eris, inquit, tacens, et non póteris loqui usque in diem, quo hæc fient.

Rj. Iste homo perfécit ómnia quæ locútus est ei Deus, et dixit ad eum: Ingrédere in réquiem meam; * Quia te vidi justum coram me ex ómnibus géntibus.

ψ. Iste est, qui contémpsit vitam mundi, et pervénit ad cæléstia regna. - Quia. Glória Patri. - Quia.

In III Nocturno

Lectio vii

Léctio sancti Evangéllii
secúndum Lucam

Cap. I

Fuit in diébus Heródis, regis Judææ, sacerdos quidam nómine Zachariás, de vice Abíá, et uxor illíus de filiábus

Aaron, et nomen ejus
Elisabeth. Et reliqua.

Homilia sancti Ambrósii
Episcopi

Libr. 1 in Lucam

Docet nos Scriptura
divina, non solum
mores in iis, qui prædi-
cábiles sunt, sed étiam
paréntes oportére lau-
dári : ut véluti transmís-
sa immaculatæ puritátis
heréditas, in iis, quos
volumus laudáre, præ-
cèllat. Quæ enim ália
inténtio hoc loco sancti
Evangelistæ, nisi sanctus
Joánnes Baptísta
nobilitétur paréntibus,
miráculis, móribus, mú-
nere, passióne? Sic
étiam sancti Sámuel ma-
ter Anna laudátur : sic
Isaac a paréntibus nobi-
litátem pietátis recépit,
quam pósteris derelí-
quit. Sacerdos itaque
Zachariás, nec solum sa-
cérdos, sed étiam de vi-
ce Abía, id est, nóbilis
inter superióres famí-
lias.

R. Iste est, qui ante
Deum magnas virtútes
operátus est, et de om-
ni corde suo laudávit
Dóminum : * Ipse inter-
cédát pro peccátis óm-
nium populórum.

Y. Ecce homo sine
quærela, verus Dei cul-
tor, ábstinens se ab om-
ni ópere malo, et pér-
manens in innocéntia
sua. - Ipse intercédát.

Lectio viii

Et uxor, inquit, illi de
filiábibus Aaron. Non
solum igitur a parénti-
bus, sed étiam a majó-
ribus sancti Joánnis no-
bilitas propagátur, non
sæculári potestáte sublí-
mis, sed religiónis suc-
cessióne venerábilis. Ta-
les enim majóres ha-
bére débuit prænúntius
Christi, ut non repén-
te concéptam, et ipso in-
fúsam jure naturæ, præ-
dicáre fidem Domínici
viderétur advéntus. E-
rant, inquit, ambo justí
ante Deum, incedéntes
in ómnibus mandátis, et

justificatiõibus Dõmini sine querela. Quid ad hoc referunt, qui peccatis suis solatia præferentes, sine peccatis frequentibus hominem putant esse non posse: et utuntur versiculo, quia scriptum est in Job: Nemo mundus a sorde, nec si unius diæi vita ejus sit in terra?

R). Sint lumbi vestri præcincti, et lucernæ ardentes in manibus vestris: * Et vos similes hominibus expectantibus dominum suum, quando revertatur a nuptiis.

ψ. Vigilate ergo, quia nescitis qua hora Dominus vester venturus sit. - Et vos. Gloria Patri. - Et vos.

Lectio ix

Quibus respondendum est, prius ut quid sit hominem sine peccato esse, definiant: utrum numquam omnino peccasse, an desiisse peccare. Si enim hoc

putant sine peccato esse, numquam omnino peccasse, et ipse consentio. Omnes enim peccaverunt, et egent gloria Dei. Sin autem eum, qui veterem errorem correxerit, et in eam se vitæ transformaverit qualitatem; ut temperet a peccato, negant abstinere a delictis; non possum in eorum convenire sententiam, cum legamus: Quia sic Dominus dilexit Ecclesiam, ut exhibeat ipsam sibi gloriosam, et non habentem maculam, aut rugam, aut aliquid ejusmodi: sed ut sit sancta, et immaculata.

Te Deum laudamus.

Ad Benedictus Ant.

Zacharias, pater ejus, replétus est Spiritu Sancto, et prophetavit dicens: Benedictus Deus Israël.

Oratio

Vigeat, quæsumus Domine, semper in mentibus nostris divinæ

tuæ præsentiae memó-
ria, suffragántibus méri-
tis beáti Zachariæ, quem
Præcursóris Fílii tui Pa-
trem esse voluísti: ut
te super ómnia dili-
géntes; ad promissiónes
tuas, quæ omne desidé-
rium súperant, sine of-
fensióne currámus. Per
eúndem.

Et fit commemoratio
ss. Reliquiarum ut in
Breviario.

Vesperæ a capitulo se-
quentis, commemoratio
præcedentis, SS. Reli-
quiarum et b. Margari-
tæ, ut infra.

Die 6 Novembris

IN MONTANIS JUDÆÆ

S. ELISABETH MATRIS Præcursoris Domini

Duplex 2 classis

**Omnia de Communi
unius non Virginis, præ-
ter ea quæ hic habentur
propria.**

Ad Magnificat Ant.

Ut audívit salutatióem
Maríæ, repléta est Spí-
ritu Sancto Elísabeth, et
exclamávit voce magna:
Benedícta tu inter mu-
lieres, et benedíctus fru-
ctus ventris tui.

Oratio

Deus, qui in præclára
stérilis beátæ Elísa-
beth fœcunditáte mun-
dum lætificásti: præsta
quæsumus, ut per quam
cæléstis Regis præcón-
nem in terris audívi-
mus; ejus quoque pré-
cibus sempitérnæ vitæ
gáudia in Cælo percípe-
re mereámur. Per eúm-

tuæ præsentiae memó-
ria, suffragántibus méri-
tis beáti Zachariæ, quem
Præcursóris Filii tui Pa-
trem esse voluísti: ut
te super ómnia dili-
géntes; ad promissiónes
tuas, quæ omne desidé-
rium súperant, sine of-
fensióne currámus. Per
eúmdem.

Et fit commemoratio
ss. Reliquiarum ut in
Breviario.

Vesperæ a capitulo se-
quentis, commemoratio
præcedentis, SS. Reli-
quiarum et b. Margari-
tæ, ut infra.

Die 6 Novembris

IN MONTANIS JUDÆÆ

S. ELISABETH MATRIS Præcursoris Domini

Duplex 2 classis

Omnia de Comuni
unius non Virginis, præ-
ter ea quæ hic habentur
propria.

Ad Magnificat Ant.

Ut audívit salutatióem
Mariæ, repléta est Spí-
ritu Sancto Elisabeth, et
exclamávit voce magna:
Benedícta tu inter mu-
líeres, et benedíctus fru-
ctus ventris tui.

Oratio

Deus, qui in præclára
stérilis beátæ Elísa-
beth fœcunditáte mun-
dum lætificásti: præsta
quæsumus, ut per quam
cæléstis Regis præcón-
nem in terris audívi-
mus; ejus quoque pré-
cibus sempitérnæ vitæ
gáudia in Cælo percípe-
re mereámur. Per eúm-

dem Dóminum nostrum.

Et fit commemor. s. Zachariæ Conf.

Ant. Ne timeas Zacharía; quóniam exaudíta est deprecátio tua: et uxor tua Elísabeth páriet tibi filium, et vocábis nomen ejus Joán-nem.

℣. Justum dedúxit Dóminus per vias rectas.

℞. Et osténdit illi regnum Dei.

Oratio Vígeat, **ut supra.**

Deinde fit commemoratio SS. Reliquiarum, et b. Margaritæ a Lotharinga Vid. 2 Ord.

Ant. Símile est. **℣.** Dif-fúsa.

In I Nocturno

Lectiones Mulierem fortem, **de Communi 1 loco.**

In II Nocturno

Lectio iv

Sermo
sancti Petri Chrysólogi

Ex Sermone 92

Post hæc áutem concépit Elísabeth uxor ejus. Erat illis conjúgii facúltas, quibus ínerat adhuc legis adolescén-tia, instábat adhuc religiónis infántia. Lex, fratres, ilícita prohibuit, lícita non negávit; intra donum ténuít, supra donum conférre nihil pó-tuit; natúram rexit, supra natúram hóminem non eréxit. Lex fídei jánuá grátiae núntia, E-vangélii prævia, peda-gógus religiónis infán-tiæ, remísit in Sacerdó-tio legáli conjúgii casti-tátem; ut in Pontifi-cátu grátiae ventúram perpétuæ virtútis gló-riam nuntiáret. Secúndum hanc ergo indul-géntiam Elísabeth anno-sitáte jam mórtua sanctum revivíscit in par-tum; et árida, atque exaráta rugis membra medúllis vitálibus in ví-scera fœcúnda viridán-tur; ipsum quoque tem-

pus, ipsum, in quo desierat, revocatur ad corpus, et vetustate nimia domus uteri dilapsa in faciem novam repente reparatur. Stupet ordo, deficit consuetudo, miratur ipsa natura, et ex apparatu mansionis hospitii meritum, dignitasque innotescit.

R. Propter veritatem, et mansuetudinem, et justitiam: * Et deducet te mirabiliter dextera tua.

ψ. Specie tua et pulchritudine tua intende, prospere procede, et regna. - Et.

Lectio v

Et occultabat se Elisabeth mensibus quinque; quia erat divini muneris, sui tamen temporis non erat, quod habebat. Erubescit anus foeta, verecundatur vetula primi partus; et puerperam senectus abscondit extrema ne sterilitatis opprobrium risus foecundae senectutis

augeret. Hinc est, quod Elisabeth sacrum vult celare mysterium, dicendo: quia sic mihi fecit Dominus: ut modo conceptus fatiget verecundia, quam diu negati partus aermna afflixit. Pater tacet ex poena; ex verecundia mater celat. O quanta silentio vox nascitur! O quanta taciturnitate tuba saeculis inclamatura generatur! O quod secretum divini iudicis dat praecionem.

R. Dilexisti justitiam, et odisti iniquitatem: * Propterea unxit te Deus, Deus tuus oleo laetitiae.

ψ. Propter veritatem et mansuetudinem, et justitiam. - Propterea.

Lectio vi

Quia sic mihi fecit Dominus in diebus, quibus respexit auferre opprobrium meum inter homines. Honor conjugii, Matrimonii dignitas est procreatio dulcium liberorum. Satis enim

grave est, et satis triste et virginitatis carere præmio, et filiorum solatia non habere; sustinere onera matrimonii, et ad fructum matrimonii non venire. Hinc est, quod gaudet a se ablatum sterilitatis opprobrium; quia hoc apud homines miserum computatur; apud Deum vero reatus nullus est, ubi parentis culpa nulla est, sed iudicium denegantis. Sed jam nunc omnis ignava carnis intelligentia sit remota, tota corporei sensus objiciatur infirmitas, et quæcumque est, ingenii humani omnis excludatur intentio. Fidei pateant oculi, cordis reserentur aures, mentis currat, et incurrat incensus, ut pervenire ad Mystrium Virginei conceptus, ad Sacramentum partus Virginei penetrare possimus.

R). Fallax gratia, et vana est pulchritudo: * Mulier timens Deum, ip-

sa laudabitur.

Y. Date ei de fructu manuum suarum et laudent eam in portis opera ejus. - Mulier. Gloria Patri. - Mulier.

In III Nocturno

Lectio vii

Lectio sancti Evangelii
secundum Lucam

Cap. 2

In illo tempore: Exsurgens Maria, abiit in montana cum festinatione in civitatem Juda. Et intravit in domum Zachariæ, et salutavit Elisabeth. Et reliqua.

Homilia sancti Ambrósii
Episcopi

Libr. 2 Comment. in Luc.
cap. 2 post init.

Contuendum est, quia superior venit ad inferiorem, ut inferior adjuvetur: Maria ad Elisabeth, Christus ad Joannem. Denique etiam postea, ut sanctificaret baptismum Joannis, Dó-

minus venit ad baptismum. Cito quoque adventus Mariæ, et præsentiae divinae beneficia declarantur. Vide distinctionem, singulorumque verborum proprietatem. Vocem prior Elisabeth audivit; sed Joannes prior gratiam sensit. Illa naturæ ordine audivit, iste exultavit ratione mysterii. Illa Mariæ, iste Domini sensit adventum. Istæ gratiam loquuntur, illi intus operantur, pietatisque mysterium matris adorantur profectibus, duplicique miraculo prophetant matres spiritu parvulorum. Exultavit infans, repléta est mater. Non prius mater repléta, quam filius: sed cum filius esset replétus Spiritu Sancto, replévit et matrem.

Rj. Os suum aperuit sapientiæ, et lex clementiæ in lingua ejus: consideravit sémitas domus suæ, * Et panem otiosa non comedit.

ψ. Gustavit et vidit quia bona est negotiatio ejus: non exstinguetur in nocte lucerna ejus. - Et panem.

Lectio viii

Et unde hoc mihi, ut veniat mater Domini mei ad me? Hoc est, quo tantum bonum mihi accidit, ut mater Domini mei veniat ad me? Miraculum sentio, agnosco mysterium: mater Domini verbo facta, Deo plena est. Mansit autem Maria cum illa mensibus tribus, et reversa est in domum suam. Bene inducitur sancta Maria, et exhibuisse officium, et mysticum numerum custodisse.

Rj. Regnum mundi, et omnem ornatum sæculi contempsit, propter amorem Domini mei Jesu Christi; * Quem vidi, quem amavi, in quem credidi, quem dilexi.

ψ. Eructavit cor meum verbum bonum; dico ego opera mea regi. -

Quem vidi. **G**lória Patri. - Quem vidi.

Lectio ix

Pro b. Margarita a Lotharingia Vid., alias :

Non enim sola familiaritatis est causa, quod diu mansit, sed etiam tanti vatis profectus. Nam si primo ingressu tantus profectus extitit, ut ad salutationem Mariæ exultaret infans in útero, repleretur Spiritu Sancto mater infantis : quantum putamus usu tanti temporis sanctæ Mariæ addidisse præsentiam ! Ungébatur itaque, et quasi bonus athléta exercebatur in útero matris Prophéta : amplissimo enim virtus ejus certámini parabatur.

• Te Deum laudamus.

Ad Benedict. Antiph. Ecce enim, ut facta est vox salutationis tuæ in auribus meis, exultávit

in gáudio infans in útero meo.

Oratio

Deus, qui in præclára stérilis beátæ Elisabeth fæcunditate mundum lætificásti : præsta quæsumus, ut per quam cælestis Regis præcónem in terris audívimus ; ejus quoque précibus sempiternæ vitæ gáudia in Cælo percípere mereámur. Per eúndem Dóminum nostrum.

Et fit commemoratio b. Margaritæ, Ant. Date eí, **ŷ.** Spécie.

In II Vesperis

Ad Magn. Antiph. Dixit Elisabeth ad Mariam : Beáta, quæ credidísti, quóniam perficiéntur in te, quæ dicta sunt tibi a Dómino.

Et fit commemoratio sequentis et b. Margaritæ Ant. Manum, **ŷ.** Spécie.

Die 21 Novembris

PRÆSENTATIONIS B. MARIE VIRG.

Duplex 2 classis

Omnia ut in Breviario.

Die 25 Novembris

ALEXANDRIÆ ÆGYPTI

S. CATHARINÆ VIRG. ET MART.

Patronæ principalis Civitatis

BETHLEHEM, ALEXANDRIÆ AD S. CATHARINAM,
ET LIMASSOL

Ecclesiarum Titularis

Duplex 1 classis cum Octava communi

In I Vesperis

Antiphonæ et Capitulum de Laudibus, Psalmi ut in Communi unius Virginis.

Hymnus

Catharinæ vox triumphum
Láude plena pèrsonet;

Ferte palmas, ferte láuros,

Juncta passim lília :
Virgo vincit, virgo mixtum

Lacte fundit sánguinem.

In tyránnum par nec armis

Par nec ipsa víribus,
Sola surgit, et minántem
Ridet, urget, increpat :

Vir puellæ sustinere
Nescit unus impetum.

Prodit artem docta
vanis

Turba nodis texere
Verba luce clariora;
Verba mellis æmula,
Quæ pudico ex ore manant,

Tela jacta dixeris.

Cedit agmen, cedit
ultro

Victa virtus hostium:
Nec satis se christiano
Censet auctam nomine,
Ni tyranni vincat iras,
Sæva vincat verbera.

Hinc superstes virgo
blandis

Provocatur artibus:
Ast inanis horror atri
Supplet artes carceris:
Orta cum mox alma
noctem

Lux fugavit horridam.

Sempiterna sit Parenti,

Sempiterna Filio;
Utriusque sempiterna
Sit tibi laus Spiritus:
Cui rependit mille gratas

Cœtus almus virginum.

Amen.

V. Spécie tua et pulchritudine tua.

R. Intende, prospere procede, et regna.

Ad Magnificat Antiph.

Prudens et vigilans virgo Catharina, qualis es cum sponso, qui te elegit de mundo! Quam pulchra, quam mirabilis, quanta luce spectabilis inter Sion juvenculas et Jerusalem filias! Thalamo gaudes regio, conjuncta Dei Filio.

Oratio

Deus, qui dedisti legem Moysi in summitate montis Sinai, et in eodem loco per sanctos Angelos tuos corpus beatæ Catharinæ Virginis et Martyris tuæ mirabiliter collocasti: præsta, quæsumus; ut ejus méritis et intercessione ad montem, qui Christus est, pervenire valeamus. Qui tecum vivit.

Ad Matutinum

Invitator. Adorémus Regem Christum virgi-

num Sponsum : * Qui
Catharinam sibi fide de-
sponsavit.

Ps. Venite exultemus.

Hymnus

Pange lingua glorió-
sæ
Passiónem Vírginis :
Nulla tantam gemma lu-
cem,
Nulla tantum dat decus ;
Hanc fugándis Christus
umbris
Suscitávit sæculi.

Virgo pœnis tot pro-
báta,
Tot supérstes mórtibus,
Vim rotárum præpará-
tam
Et nefándam máchinam
Fortióri solvit áucta
Spíritus juvámine.

Nam precátur, cum
repente
Sæva moles sólvitur :
Inde lignis, inde clavis
Icta turba cóncidit :
Salva sancto tunc rigári
Pars lavácro póstulat.

Ipsa conjux Maximíni
Prima sortis párticeps :
Agmen una, seque belli

Ductor alter ádjicit :
Ecce quantam casta,
sponso,
Sponsa prolem párturit.
Sempitérna sit Parén-
ti,

Sempitérna Filio ;
Utriúsque sempitérna
Sit tibi laus Spíritus :
Cui repéndit mille gra-
tes
Cœtus almus vírginum.
Amen.

In I Nocturno

Ant. Christus est
Deus meus, qui in li-
gno fuit exténsus, qui
mórtuus, qui ex sepul-
túra in cælum fuit sub-
levátus.

**Psalmi trium Noctur-
norum ut in Festo Fu-
gæ D. N. J. C., die 17
Februarii, tertio secun-
di Nocturni excepto, ut
infra.**

Ant. Ne putétis Deos
esse simulácra hómi-
num, qui in vítiis vitam
mísere finiérunt.

Ant. Ego jam semel
dixi me Christiánam es-
se : veni ut essem spon-

sa Christi, quem toto corde diléxi.

ψ. Spécie tua et pulchritúdine tua.

℞. Inténde, prospere procéde, et regna.

Lectio i

De Libro Sapiéntiæ

Cap. 7, 7

Optávi, et datus est mihi sensus: et invocávi, et venit in me spíritus sapiéntiæ: et præpósui illam regnis et sédibus, et divítias nihil esse duxi in comparatióne illíus. Nec comparávi illi lápidem pretiósium: quóniam omne áurum in comparatióne illíus, aréna est exígua, et tamquam lutum æstimábitur argéntum in comparatióne illíus. Super salútem et spéciem diléxi illam, et propósui pro luce habére illam: quóniam inextinguíbile est lumen illíus.

℞. Venerándam Catharínæ vírginis festivi-

tátem celebrémus; et quáliter passa sit, in memóriam revocémus. Illústribus orta natáli-bus, plena fide et fortitúdine, sponte tyránnum ádiit, gáudens ad martýrium cucúrrit: * Quia Christi sponsi sui inflammabátur amóre.

ψ. Ómnium ártifex dócuit illam sapiéntia, et Dóminus ómnium diléxit eam. - Quia.

Lectio ii

Venerunt áutem mihi ómnia bona páriter cum illa, et innumerábilis honéstas per manus illíus, et lætáta sum in ómnibus: quóniam antecedébat me ista sapiéntia, et ignorábam quóniam horum ómnium mater est. Quam sine fictióne dídici, et sine invídia commúnico, et honestátem illíus non abscóndo. Infínitus enim thesáurus est homínibus: quo qui usi sunt, partícipes facti sunt amicitíæ Dei, propter

disciplinæ dona commendati.

Rj. Si velis, Imperator, tuam abjicere deceptionem, facile deprehendes, quidnam sint Dii tui; Deum quoque verum agnosces: * Cujus vel solum nomen pronuntiatum, aut crux in aere figurata, deos tuos vertit in fugam.

ÿ. Christus est Deus meus æternus, et immortalis, et super omnia desiderabilis. - Cujus.

Lectio iii

Ipse enim dedit mihi horum, quæ sunt, scientiam veram: ut sciam dispositionem orbis terrarum, et virtutes elementorum, initium et consummationem et medietatem temporum, vicissitudinum permutationes, et commutationes temporum, anni cursus, et stellarum dispositiones: naturas animalium, et iras bestiarum, vim ventorum, et

cogitationes hominum, differentias virgultorum, et virtutes radicum, et quæcumque sunt absconsa et improvisa, didici: omnium enim artifex docuit me sapientia.

Rj. Angelus Domini apparuit Catharinæ, dicens: Noli timere, Dei puella: præter sapientiam a te comparatam, altior tibi a Deo dabitur sapientia, qua sapientes confundes: * Et eos cum plurimis ad Christum adduces: * Et cum martyrii palma ad cælum transmittes.

ÿ. Perdes sapientiam sapientium, et prudentiam prudentium reprobabis. - Et eos. **Gloria Patri.** - Et cum.

In II Nocturno

Ant. Versata sum in omni disciplinarum genere: sed nihil hæc omnia ducens, veni ut desponsarer immortalisponso Christo.

Ant. Noli timere, Dei

sponsa: sublimior tibi dabitur sapientia, qua sapientes confundas, et ad Christum adducas.

Ant. Estis vere beati: quod relictis tenebris, secuti estis lumen veritatis; et terreno rege rejecto, ad immortalium accessistis.

Psalmus 47

Magnus Dominus, et laudabilis nimis * in civitate Dei nostri, in monte sancto ejus.

Fundatur exultatione universae terrae mons Sion, * latera Aquilonis, civitas Regis magni.

Deus in domibus ejus cognoscetur, * cum suscipiet eam.

Quoniam ecce reges terrae congregati sunt: * convenerunt in unum.

Ipsi videntes sic admirati sunt, conturbati sunt, commoti sunt: * tremor apprehendit eos.

Ibi dolores ut parturientis, * in spiritu vehementi conteres naves Tharsis.

Sicut audivimus, sic vidimus in civitate Domini virtutum, in civitate Dei nostri: * Deus fundavit eam in aeternum.

Suscipimus, Deus, misericordiam tuam, * in medio templi tui.

Secundum nomen tuum, Deus, sic et laus tua in fines terrae: * justitia plena est dextera tua.

Lætetur mons Sion, et exsultent filiae Judae, * propter judicia tua, Domine.

Circumdote Sion, et complectimini eam: * narrate in turribus ejus.

Ponite corda vestra in virtute ejus: * et distribuite domos ejus, ut enarratis in progenie altera.

Quoniam hic est Deus, Deus noster in aeternum, et in saeculum saeculi: * ipse reget nos in saecula.

Ant. Estis vere beati: quod relictis tenebris, secuti estis lumen

veritatis; et terréno rege rejécto, ad immortálem accessístis.

ψ. Adjuvábít eam Deus vultu suo.

R). Deus in médio ejus non commovébitur.

Lectio iv

Catharina, nóbilis virgo Alexandrina, a prima ætáte stúdia liberalium ártium cum fidei ardóre conjúgens, brevi ad eam sanctitátis et doctrínæ perfectiónem pervénit, ut decem et octo annos nata eruditissimum quemque superáret. Quæ cum Maximíni jussu multos propter christiánæ religiónis professiόνem várie tormentis cruciátos, ad supplicium rapi vidéret, non dubitánte ipsum ádiit Maximínus, eíque nefáriam immanitátem objiciens, sapientíssimis ratióibus Christi fidem ad salutem necessariam esse affirmávit.

R). Beáta es, o Imperátrix, si Christo adhæ-

seris, et in ipsum credas: * Ecce vídeo in Angelórum máribus corónam tuam in altum elátam, quam moriéndopro Christo, post diem tértium consequéris.

ψ. Noli timére: habébis enim Christum in corde, ad quem perpétuo regnatúra procédes. - Ecce.

Lectio v

Cujus prudéntiam Maximínus admirátus, retinéri eam jubet, accersítis úndique doctíssimis homínibus, magnisque propóitis præmiis, qui convíctam Catharinam a Christi fide ad idolórum cultum perduxissent. Quod contra áccidit. Nam plures philósophi, qui ad eam coarguéndam convénerant, vi ac subtilitáte ejus disputatiónis tanto Jesu Christi amóre sunt incénsi, ut pro illo mori non dubitáverint. Quam ob rem Maximínus blánditiis ac promíssis Ca-

tharinam de sententia deducere aggreditur: verum id frustra fieri intelligens, verbéribus affectam, plumbatisque contusam, dies undecim sine cibo ac potu inclusam tenet in carcere.

Rj. Virgo dire flagellatur: crucianda fame religatur: carcere clausa manet: lux caelica fusa refulget: * Fragrat odor: dulces cantant caeli agmina laudes.

ψ. Sponsus amat sponsam, Salvator visitat illam. - Fragrat.

Lectio vi

Quo tempore Maximini uxor, et Porphyrius belli dux, visendae virginis causa carcerem ingressi, et ejusdem praedicatione in Jesum Christum credentes, postea martyrio coronati sunt. Interim Catharina educitur e custodia, et rota expeditur, crebris et acutis praefixa gladiis, ut virginis corpus crudelissime dilaceraretur. Quae machina brevi, Ca-

tharinæ oratione, confracta est: eoque miraculo multi Christi fidem susceperunt. Ipse Maximinus in impietate et crudelitate obstinatio, Catharinam securi percutei imperat. Quae fortiter dato capite, ad duplicatum virginitatis et martyrii praemium evolavit, septimo Kalendas Decembris: cujus corpus ab Angelis in Sina Arabiae monte collocatum est.

Rj. Desipis, Imperator, adversus Deum decertans. Ne attendas corporis pulchritudinem, quae cito perit: * Sum Christi sponsa, cui animae pulchritudinem servo: * Quem amavi, quem dilexi, et toto corde quaesivi.

ψ. Omnis gloria ejus Filiae Regis ab intus. - Sum. Gloria Patri. - Quem.

In III Nocturno

Ant. Daemones, quos Deus nominas, spectris vos decipiunt daemonia-

cis, et vos ad libídinem próvocant, et nefárias cupiditátes.

Ant. Dixit Porphýrius Catharínæ: Quid dabit mihi Christus, si in eum credam, cui jam militáre desídero?

Ant. Nulla lingua narrábit bona, quibus fruérís, et quæ paráta sunt eis, qui díligunt Christum.

Ÿ. Elégit eam Deus, et præelégit eam.

Rj. In tabernáculo suo habitáre facit eam.

Lectio vii

Léctio sancti Evangélij secúndum Matthæum

Cap. 25, 1

In illo témpore: Dixit Jesus discíplulis suis parábolam hanc: Símile erit regnum cælórum decem virgínibus: quæ accipiéntes lámpades suas, exiérunt óbviam sponso et sponsæ. Et réliqua.

Homília sancti Gregórii Papæ Homilia 12 in Evangelia

Sæpe vos, fratres caríssimi, admóneo prava ópera fúgere, mundi hujus inquinaménta devitáre: sed hodiérna sancti Evangélij lectióne compéllor dícere, ut et bona quæ ágitis, cum magna cautéla teneátis: ne per hoc quod a vobis rectum géritur, favor aut grátia humana requirátur: ne appetítus láudis subrépat, et quod foris osténditur, intus a mercéde vacuétur. Ecce enim Redemptóris voce decem vírgines, et omnes dicúntur vírgines, et tamen intra beatitúdinis jánuam non omnes sunt recéptæ: quia eárum quædam, dum de virginitáte sua glóriam foris éxpetunt, in vasis suis óleum habére noluérunt.

Rj. Beáta Catharína ímpii tyránni jussu horréndam rotárum máchi-

nam lætánter ingrèssa, orábat ad Dóminum, ut eam eríperet de máni-bus inimicórum. * Vi divína solúta máchina, peréptis tortóribus, virgo illæsa permánsit.

ψ. Adjuvábít eam De-us vultu suo: Deus in médio ejus, non commo-vébitur. - Vi divína.

Lectio viii

Sed prius quæréndum nobis est, quid sit regnum cælórum, aut cur decem virgínibus comparétur, quæ étiam virgines prudéntes et fá-tuæ dicántur. Dum enim cælórum regnum constat, quia reprobórum nullus ingréditur, étiam fá-tuis virgínibus cur sí-mile esse perhibétur? Sed sciéndum nobis est, quod sæpe in sacro eló-quo regnum cælórum præ-séntis témporis Ec-clésia dicitur. De quo álio in loco Dóminus di-cit: Mittet Fílius hó-minis Ángelos suos, et cólligent de regno ejus

ómnia scándala. Neque enim in illo regno bea-titúdinis, in quo pax summa est, inveníri scándala póterunt, quæ colligántur.

R). Virgo percússa glá-dio, dat lac pro sán-guine collo: * Quam ma-nus Angélica sepelívit in vértice Sínai.

ψ. Membris virgíneis ólei fluit unda salúbris. Quam. **G**lória Patri. - Quam.

Lectio ix

In quinque áutem cór-poris sénsibus unus-quísque subsístit. Geminátus áutem quinárius denárium pèrficit. Et quia ex utróque sexu fí-délium multitúdo collí-gitur, sancta Ecclésia decem virgínibus sí-milis esse denuntiátur. In qua quia mali cum bo-nis, et réprobi cum elé-ctis admíxti sunt, recte sí-milis prudéntibus et fá-tuis esse perhibétur. Sunt namque pleríque continéntes, qui ab ap-

petítu se exterióri custódiunt, et spe ad interióra rapiúntur, carnem mácerant, et toto desiderio ad supérnam pátriam anhelant, æténa præmia éxpetunt, pro labóribus suis recíperre láudes humanas nolunt. Hi nimírum glóriam suam non in óre hóminum ponunt, sed intra consciéntiam cón- tegunt. Et sunt plerí- que, qui corpus per abstinentiam affligunt, sed de ipsa sua abstinentia humanos favóres éxpetunt.

Te Deum laudámus.

Ad Laudes

et per Horas

Ant. 1. Inclyta virgo Catharína * intrépide Maximínus ádiit, ut ab idolórum vanitate ad veram Christi fidem eum sapiénter addúcat.

Psalmi de Dominica.

2. Oportébat, o Imperátor, * tuam te agnóscere deceptiónem, ne

simulácris tamquam diis sacrificia ófferas, et stultam plebem decípias.

3. Solum Christum, * qui est Deus ætéminus et immortalis, sponsum hábeo et consiliárium.

4. Hábeo sapiéntiam donum Dei mei: qui est sapiéntia et vita; et quem timére inítium sublimióriis sapiéntiæ est.

5. Ornaméntum virginitátis, * et stolam martýrii præfero cuivis púrpuræ régiæ.

Capit. Eccli. 51, 1

Confitébor tibi Dómine Rex, et collaudábo te Deum Salvatórem meum. Confitébor nómini tuo: quóniam adjutor et protéctor factus es mihi, et liberásti corpus meum a perditione.

Hymnus

Lucis ortu jam decóræ,
Christe sponse Vírginum,
Corde puro, voce læta,

Láudis hymnum prómi-
mus :

Te favénte dum triúm-
phans

Virgo palmas ággregat.

Ista demum tot corón-
nis

Laureisque nóbilis,

Icta ferro virgo rivos

Alba fundit lácteos :

Hoc, tyránne, sugé nec-
tar,

Sugé mansuetúdinem.

Legis in quo monte
primum

Verba Numen édedit,

Corpus illic collocátur,

Angelórum múnere :

Hos minístros, hoc se-
pulcrum

Virgo talis óbtinet.

Urna ab illa sacra su-
dat

Unctiónis cópia,

Qua repénte corpus æ-
grum

Sospitáti rédditur :

Christe mentis terge la-
bes

Unctióne grátiae.

Sempitérna sit Parén-
ti,

Sempitérna Fílio;

Utriúsque sempitérna

Sit tibi laus Spíritus :
Cui repéndit mille gra-
tes

Coetus almus vírginum.
Amen.

ψ. Diffúsa est grátia
in lábiis tuis.

℞. Proptérea benedí-
xit te Deus in ætérnum.

Ad Benedictus, Ant.

Ave, vírginum gemma,
Catharina : Ave, spon-
sa Regis regum glorió-
sa : Ave, viva Christi
hóstia : tuam venerán-
tibus memóriam, desi-
deráta non déneges suf-
frágia.

Oratio

Deus, qui dedísti le-
gem Móysi in sum-
mitáte montis Sínai, et
in eódem loco per san-
ctos Angelos tuos cor-
pus beátæ Catharinae
Vírginis et Mártiris tuæ
mirábiliter collocásti :
præsta, quæsumus ; ut
ejus méritis et interces-
sióne, ad montem, qui
Christus est, pervenire
valeámus. Qui tecum.

Ad Horas Pss. ut in Festis.

Ad Tertiam

Capitulum Confitebor, **ut supra.**

Rj. br. Spécie tua * Et pulchritudine tua. - Spécie. **ÿ.** Inténde, prospere procéde, et regna. - Et. **Glória Patri.** Spécie.

ÿ. Adjuvabit eam Deus vultu suo.

Rj. Deus in médio ejus, non commovébitur.

Ad Sextam

Capit. Eccli. 51, 4

Liberásti me secúndum multitudínem misericórdiæ nóminis tui a rugiéntibus, præparátis ad escam, de mánibus quæréntium ánimam meam, et de multis tribulatióibus quæ circumdedérunt me.

Rj. br. Adjuvabit eam * Deus vultu suo. - Adjuvabit. **ÿ.** Deus in

médio ejus, non commovébitur. - Deus. **Glória Patri.** - Adjuvabit.

ÿ. Elégit eam Deus, et præelégit eam.

Rj. In tabernáculo suo habitáre facit eam.

Ad Nonam

Capit. Eccl. 51, 8

Laudábit usque ad mortem ánima mea Dóminum, quóniam éruis sustinéntes te, et líberas eos de manu angústia, Dómine Deus noster.

Rj. br. Elégit eam Deus, * Et præelégit eam. - Elégit. **ÿ.** In tabernáculo suo habitáre facit eam. - Et. **Glória Patri.** - Elégit.

ÿ. Diffúsa est grátia in lábiis tuis.

Rj. Proptérea benedíxit te Deus in ætérnum.

In II Vesperis

Omnia ut in primis, præter :

ÿ. Diffúsa est grátia in lábiis tuis.

R). Propterea benedixit te Deus in ætérnum.

Ad Magnificat Ant.

Beáta Catharina ad martýrium ducta, orábat dicens: Dómine Jesu Christe, tibi grátias ago, quod statuísti super petram pedes meos, et direxísti gressus meos: nunc súscipe ánimam meam, quam sacrificávi pro te: da ut hoc corpus meum, quod pro te fuit conscíssum, non possit áspici ab homíni-

bus: meménto quoque eórum, qui per me ínvocant nomen sanctum tuum: ut per ómnia laudéntur magnália tua.

Et fit commemoratio s. Leonardi a Portu Mauritio Conf. 1 Ord., ac s. Silvestri Abb. ut in Breviario.

De Octava fit quotidie commemoratio tam in Vesperis, quam ad Laudes, duplicibus I et II classis exceptis.

Die 2 Decembris

Octava S. CATHARINÆ Virg. et Mart.

Duplex majus

Antiph. et Psalmi ad omnes Horas, et ψψ. Nocturnorum de occurrenti hebdomadæ die, ut in Psalterio; reliqua ut in die festo, præter sequentia.

In I Vesperis fit comm. præc., et s. Bibianæ V. M., ψ. Diffúsa, ac Feriæ in Adventu.

Lectiones I Nocturni de Scriptura occurrenti.

In II Nocturno

Lectio iv

De Epístola sancti Hierónymi Presbýteri ad Eustóchium

De custodia Virginitatis
tomo 1 circa medium

De virgínibus, inquit Apóstolus, præcéptum Dómini non hábeo. Cur? quia et ipse ut esset virgo, non fuit imperii, sed própriæ voluntátis. Neque enim audiéendi sunt, qui eum uxórem habuisse confingunt; cum de continéntia dísserens, et suádens perpétuam castitátem, intúlerit: Volo áutem omnes esse sicut meípsum. Et infra: Dico áutem innúptis et víduis: Bonum est illis, si sic permáneant, sicut et ego. Quare ergo non habet Dómini de virginitáte præcéptum? Quia majóris est mercédis, quod non cógitur et offértur: quia si fuisset virginitas imperáta,

núptiæ videbántur ablátæ; et duríssimum erat contra natúram cógere, Angelorúmque vitam ab homínibus extorquére.

R. Beáta es, o Imperátrix, si Christo adhæseris, et in ipsum credas; * Ecce vídeo in Angelórum mánibus corónam tuam in altum elátam, quam moriéndo pro Christo, post diem tertium consequéris.

ψ. Noli timére: habébis enim Christum in corde, ad quem perpétuo regnatúra procédes. - Ecce.

Lectio v

Alia fuit in véteri lege felicitas. Ibi díctur: Beátus, qui habet semen in Sion, et domésticos in Jerúsalem; et: Maledícta stérilis quæ non pariébat; et: Fílii tui sicut novélæ olivárum in circúitu mensæ tuæ. Vácuus erat orbis, et, ut de týpicis táceam, sola erat benedíctio liberórum.

Propterea et Abraham jam senex Cethuræ copulatur, et Jacob mandragoris redimitur, et conclusam vulvam in Ecclesiæ figuram Rachel conquiritur. Paulatim vero increscente segete, messor immisus est. Virgo Elias, Elisæus virgo, virgines multi filii prophetarum. Jeremiæ dicitur: Et tu ne accipias uxorem. Sanctificatus in utero, captivitate propinqua, uxorem prohibetur accipere. Aliis verbis idipsum Apóstolus loquitur: Existimo hoc bonum esse propter instantem necessitatem. Quæ est ista necessitas, quæ aufert gaudia nuptiarum? Tempus breviatum est, in proximo est Nabuchodonosor.

R. Virgo dire flagellatur: crucianda fame relegatur: carcere clausa manet: lux cælica fusa refulget: * Fragrat odor: dulces cantant cæli ágmina láudes.

V. Sponsus amat sponsam, Salvator visitat illam. - Fragrat.

Lectio vi

Inveniebatur ergo, ut diximus, in viris tantum hoc continentiae bonum, et in doloribus jugiter Heva parturiebat. Postquam vero virgo concepit in utero, et peperit nobis puerum, cujus principatus in humeros ejus, Deum, fortem, patrem futuri sæculi, soluta maledictio est. Mors per Hevam, vita per Mariam. Ideoque et ditius virginitatis donum fluxit in feminas, quia coepit a femina. Statim ut Filius Dei ingressus est super terram, novam sibi familiam instituit, ut qui ab Angelis adorabatur in cælo, haberet Angelos et in terris. Tunc Holofernus caput Judith continens amputavit: tunc Aman, qui interpretatur iniquitas, suo combustus est igni: tunc primum auditum est: Quæ non

est nupta, cógitat quæ sunt Dómini, ut sit sancta córpore et Spíritu.

R. Désipis, Imperátor, advérsus Deum decértans. Ne atténdas córporis pulchritúdinem, quæ cito perit: * Sum Christi sponsa, cui ánimæ pulchritúdinem servo; * Quem amávi, quem diléxi, et toto corde quæsívi.

Y. Omnis glória ejus fíliæ regis ab intus. - Sum. **G**lória Patri. - Quem.

In III Nocturno

Lectio vii

Léctio sancti Evangélii secúndum Matthæum

Cap. 25, 1

In illo témpore: Dixit Jesus discípulis suis parábolam hanc: Símile erit regnum cælórum decem virgínibus quæ accipiéntes lámpades suas, exiérunt óbviám sponso et sponsæ. Et réliqua.

Homília sancti Augustíni Epíscopi

Ex sermone 23 de Verbis Domini. Cap. 8

Inténdat itaque caritas vestra. Sapiéntium lámpades ardébant de óleo ætérno, de consciéntiæ securitáte, de interióre glória, de íntima caritáte. Ardébant tamen et illárum fatuárum. Quare tunc ardébant? quia non déerant láudes hóminum. Póstea vero quam surrexérunt, idest in resurrectione a mórtuis, cœpérunt aptáre lámpades suas, idest paráre Deo óperum suórum réddere ratiónem. Et quia tunc nemo est qui láudet, omnis homo cáusæ suæ vacat: non erant qui óleo vénderent, cœpérunt defícere lámpades.

R. Beáta Catharína ímpii tyránni jussu horréndam rotárum máchinam lætánter ingrèssa, orábat ad Dóminum, ut

eam eríperet de máni-
bus inimicórum. * Vi
divína solúta máchi-
na, perémpctis tortóri-
bus, virgo illésa per-
mánsit.

ÿ. Adjuvábít eam
Deus vultu suo: Deus
in médio ejus non com-
movébitur. - Vi divína.

Lectio viii

Circa finem, Cap 10

Cláusum est óstium.
Et quid illis dictum
est: Non novi vos?
Non illas novit, qui óm-
nia novit? Quid ergo
est: Non novi vos? Im-
probo vos, réprobo vos:
in arte mea non vos
agnóscó: ars mea ne-
scit vítia. Hoc est áu-
tem magnum, et nescit
vítia, et júdicat vítia:
nescit faciéndó, júdicat
arguéndo. Sic ergo non
novi vos. Iérunt, intra-
vérunt quinque prudén-
tes. Sint in vobis quin-
que prudéntes, ad istam
prudéntiam quinárii nú-
meri pertinéntes. Vé-

niet enim hora, et quan-
do nescímus véniet. Sic
cláusit Evangélium: Vi-
giláte, quia nescítis diem
neque horam.

R. Virgo, percússa
gládio, dat lac pro sán-
guine collo: * Quam
manus angélica sepelívit
in vértice Sínai.

ÿ. Membris virgíneis
ólei fluit unda salúbris.
- Quam. Glória Patri. -
Quam.

Lectio ix

Pro s. Bibiana V. et M.

Bibiána, virgo Romá-
na, nóbili génere na-
ta, christiána fide nobí-
lior fuit. Ejus enim pa-
réntes, Flaviánus et Da-
frósa, sub Juliáno Apó-
stata martýrium subié-
runt. Tum Bibiána ejús-
que soror Demétria, bo-
nis ómnibus exspoliátæ
et ab Aproniáno, Urbis
prætóre, blandítiis et mi-
nis tentátæ, ut a recta fi-
de declinárent, prætóris
impietátem constantíssi-
me detestátæ sunt. Quo

in agone Demétria, ob
 oculos Bibiánæ repente
 córruens, obiit in Dómi-
 no. Bibiána autem Ru-
 fínæ muliéri vaférrí-
 mæ seducénda tráditur :
 sed, ejus superátis insí-
 diis, prætoris astus de-
 lúsit. Quáre hujus jus-
 su plumbátis cæsa est,
 donec ánimam efflávít.
 Ejus sacrum corpus, bí-
 duo cánibus objéctum,
 illæsum tamen divínitus
 servátum, Joánnes prés-

byter sepelívit noctu jux-
 ta sepúlcrum soróris et
 matris ad palátium Li-
 ciniánum, ubi nunc ex-
 stat ecclésia Deo, san-
 ctæ Bibiánæ nómine,
 dicáta.

Te Deum laudámus.

In Laudibus fit com-
 memoratio s. Bibianæ
 V. M., y. Spécie et Fe-
 riæ in Adventu.

Vesperæ sequentis,
 commemoratio Feriæ
 tantum.

Die 3 Decembris

S. FRANCISCI XAVERII CONF.

Missionum Patroni

Duplex 1 classis

Omnia de Comuni
 unius Conf. non Pon-
 tific., et in Breviario,
 præter Lectiones I noct.
 Beátus vir, de 1 loco.

In Vesperis et ad Lau-
 des comm. Feriæ.

In II Vesperis fit
 comm. sequentis et Fe-
 riæ.

Die 5 Decembris

HIEROSOLYMIS

B. NICOLAI DE TAVILEIS M. I. ORD.

Duplex majus

Omnia ut in Breviario, sed in I Vesperis fit comm. præc., et Feriæ, ac s. Sabbæ Abb.

In II Vesperis commemoratio sequentis, et feriæ.

IN TOTA CUSTODIA

Duplex

Omnia ut supra, sed in II Vesperis fit a ca-

pitulo sequentis, comm. præcedentis, et feriæ.

Die 8 Decembris

KAFR-EL-ZAYAT - JACUBIE

DEKHELA APUD ALEXANDRIAM ÆGYPTI

IMMACULATA CONCEPTIO B. M. V.

Ecclesiarum Titularis

Omnia ut in Breviario.

Die 13 Decembris

ABUKIR IN ÆGYPTO

S. LUCIÆ VIRG. ET MART.

Titularis Ecclesiæ

Duplex 1 classis cum Octava communi

Omnia ut in Communi unius Virginis et Martyris, et in Breviario, præter Lectiones I Nocturni De Virginitibus.

In Vesperis et Laudibus fit comm. Feriæ.

In II Vesperis com-

memoratio sequentis et Feriæ.

De Octava fit comm. quotidie in utrisque Vesperis et Laudibus usque ad diem 16 tantum inclusive.

Die 19 Decembris

CONSTANTINOPOLI

DEDICATIO ECCLESIAE CATH.

Duplex 1 classis

Omnia de Communi Dedicationis Ecclesiæ.

In utrisque Vesperis et Laudibus fit comm.

Feriæ, pro qua in II Vesperis Ant. O radix

Jesse.

APPENDIX

DECRETA

I.

Festum Manifestationis Christi Resurgentis celebratur in Basilica Emmauntina feria II Paschatis, ritu duplici I classis, cum Officio proprio, ex Decreto S. S. RR. Congregationis diei 16 decembris 1902.

II.

ADDITIONES ET VARIATIONES

in generali Kalendario Romano-Seraphico pro Fratribus Minoribus, ad Regularem Terræ Sanctæ Custodiam pertinentibus.

Januario Mense:

- die 15, IN ÆGYPTO, S. Pauli I Eremitæ C., duplex II classis.
- » 19, Sanctæ Familiæ Jesu, Mariæ, Joseph, d. II classis. NAZARETH, d. I classis.
- » 23, Desponsatio B. M. V. cum S. Joseph, d. II classis, cum commemoratione inseparabili ejusdem S. Joseph.
- » 26, BETHLEHEM, S. Paulæ Romanæ Vid., d. II classis.

Februario Mense :

die 17, Fugæ D. N. J. C. in Ægyptum, d. II classis. IN ÆGYPTO, d. I classis.

Martio Mense :

- die 5, BETHLEHEM, S. Eusebii Cremonensis, d. II classis.
 » 15, IN CONVENTU SS. SEPULCRI, S. Longini Militis, d. majus.
 » 17, ibidem, S. Josephi ab Arimathæa, d. majus.
 » 24, S. Gabrielis Arch., d. II classis. NAZARETH, d. I classis.
 » 26, IN CONV. SS. SEPULCRI, S. Boni Latronis, d. II classis.

Aprili Mense :

- die 9, EMMAUS, S. Mariæ Cleophæ Vid., d. majus.
 » 25, IN ÆGYPTO, S. Marci Ev. Patr. Princ., d. I classis cum Oct. communi.

Majo Mense :

- die 2, IN ÆGYPTO, S. Athanasii Ep. C. Doct., d. II classis.
 » 3, HIEROSOLYMIS, Inventio SS. Crucis, d. I classis.

Junio Mense :

- die 11, IN CYPRO, S. Barnabæ Ap. Patr. Princ., d. I classis cum Oct. communi.
 » 13, S. Antonii Patavini, Patr. Princ. Custodiæ T. S., d. I classis cum Oct. communi.

Julio Mense :

- die 15, SS. Sepulcri D. N. J. C., d. I classis cum Oct. priv. III Ord.

die 20, IN SS. M. THABOR, Commemoratio S. Eliæ Prophetæ, sub ritu duplici.

» 22, S. Mariæ Magdalenæ Pœnit., d. II classis. (IN SS. SEPULCRO cum commemorat. inseparabili aliarum Sanctarum Mulierum cum ipsa Magdalena in Mysteriis Mortis, Sepulturæ, ac Resurrectionis Christi participum).

» 29, S. Marthæ Virg., duplex.

Augusto Mense :

die 3, IN CONVENTU SS. SEPULCRI, S. Nicodemii Discipuli Domini, d. majus.

» 6, IN M. THABOR, Transfiguratio D. N. J. C., d. I classis cum Oct. priv. III Ord.

» 18, S. Helenæ Imperatr., d. II classis.

Septembri Mense :

die 4, IN M. THABOR, Commemoratio S. Moysis Legislatoris et Proph. sub ritu duplici.

» 14, HIEROSOLYMIS, Exaltatio SS. Crucis, d. I classis.

» 28, BETHLEHEM, S. Eustochii Virg., d. II classis.

» 30, ibidem, S. Hieronymi Præsb. Doct., d. II classis.

Octobri Mense :

die 1, DAMASCI, S. Ananiæ Discipuli Dni, d. II classis.

Novembri Mense :

die 5, APUD MONTANA JUDÆÆ, S. Zachariæ, Patris Præcursoris Domini, duplex II classis.

» 6, ibidem, S. Elisabeth, Matris ejusdem Præcursoris Domini, d. II classis.

» 25, ALEXANDRIÆ, S. Catharinæ V. M. Patr. Princ., d. I classis cum Oct. comm.

Decembri Mense :

die 5, B. Nicolai de Tavileis Mart. I Ord.,
duplex. HIEROSOLYMIS, duplex majus.

Festa Mobilia :

DOMINICA II POST EPIPHANIAM, Initii Signorum
D. N. J. C. in Galilæa, d. II classis.
GALILÆÆ, in Titulari Ecclesia Sanctua-
rii, d. I classis cum Oct. priv. III Ord.

FERIA III POST DOM. SEPTUAGESIMÆ, Orationis
D. N. J. C., d. II classis. IN TITULARI
ECCLESIA SANCTUARI, d. I classis cum
Oct. priv. III Ordinis.

FERIA III POST DOM. SEXAGESIMÆ, Flagellatio-
nis D. N. J. C., d. II classis. IN TITU-
LARI ECCL. SANCTUARI, d. I classis cum
Oct. priv. III Ordinis.

Ordinis Fratrum Minorum, Custodiae Terrae Sanctae

Sanctissimus Dominus Noster Benedictus XV,
referente infrascripto Cardinali Sacrae Rituum
Congregationis Praefecto, supra scriptas variatio-
nes et additiones in Calendario generali Ordinis
Fratrum Minorum, a R.mo P. Ferdinando Diotal-
levi, Custode Terrae Sanctae exhibitas et ab ipsa
Sacra Congregatione revisas, prouti hic praeriacent
Decreto adprobare dignatus est, easque Fratribus
Minoribus Custodiae Terrae Sanctae adhibendas be-
nigne indulisit, servatis de cetero rubricis. Contra-
riis non obstantibus quibuscumque.

Die 10 Augusti 1921.

(fto) † A. Card. VICO Ep. Portuen. Praef.

ALEXANDER VERDE S. R. C. Secretarius

(L. S.)

APPENDIX SECUNDA

SACRA CONGREGATIO

RITUUM

—
0.100/936

ORDINIS FRATRUM MINORUM

Hodiernus Custos Terræ Sanctæ Ordinis Fratrum Minorum, typis mandare cupiens officia propria juxta Kalendarium ejusdem Custodiæ a Sacra Rituum Congregatione die 10 augusti 1921 approbatum, eidem Sacræ Rituum Congregationi pro debita approbatione et concessione sequentes lectiones humillime subjecit: Lectiones in primo nocturno, in festo Sancti Boni Latronis, et nonam lectionem contractam in festis Bb. Eustochii et Veridianæ - Lucæ Belludi - Sebastiani - Joannis Josephi a Cruce - Thomæ - Laurentii a Brundusio - Joannis, Vincentii et Novelloni - Beatricis et Paulæ - Bernardini - Joannis et Nicolai - Margaritæ. Sacra porro Rituum Congregatio, vigore facultatum sibi specialiter a Sanctissimo Domino Nostro Pio Papa XI tributarum, prædictas lectiones revisit et approbavit, easque ab universa Minorum Familia Custodiæ Terræ Sanctæ addicta recitandas concessit.

Servatis Rubricis: contrariis non obstantibus quibuscumque. Die 21 novembris 1936.

C. Card. LAURENTI

S. R. C. Præfectus

L. S.

A. CARINCI S. R. C. Secretarius

Die 1 Februarii

Pro BB. EUSTOCHIO et VERIDIANA

Virginibus 2 et 3 Ordinis

Lectio ix

EUSTOCHIUM, nóbili Calafatórum genere Messánæ orta, núptias sibi a plúribus Sicíliæ dynástis oblátas, cælesti únice Sponso placítúra, réspuit, ac in Mes-sanénse Basicánum monastérium Franciscális Órdinis se recépit, ubi céteras moniáles præcláris vitæ exémpilis ad æmulánda charísmata melióra excitábat. Severiórís disciplínæ cúpida, novum Clarissárum monastérium Montis Vírginis instítuit, eíque prima regéndo præfícitur. Eucharístiæ mystérium ac Deíparam Vírginem singulári devotióne cóluit, et car-

nem suam flagellatióibus, vigíliis, jejúniis affligébat. Ecclésiæ sacraméntis muníta, claríssimo in ejus cella, ut fertur, affulgénte sídere, in cælum migrávit anno millésimo quadringentésimo nonagésimo primo, décimo tértio Kaléndas Februárias, cujus cultum Pius sextus approbávit.

VERIDIÁNA in Castro Floréntino nata, oratióni et abstinétiæ constánter vacávit. A Compostellána et Romána peregrinatióne domum revérsa, in cella eremítica se inclúsit, ibique hábitum Tértii Órdinis a Seráphico Patre, ut fertur, suscepit,

carnem cruciávit et duórum serpéntium, Deo permitténte, diútinās vexatiónes patientíssime tolerávit. Ad últimum Kaléndis Februáriis anni millésimi ducentésimi quadragésimi secún-

di puríssimum spíritum Deo réddidit. Multis in vita et post mortem miraculis enítuit; ideóque ut illíus festum Officio ac Missa colerétur, Clemens Papa séptimus concéssit.

Die 17. Februarii

Pro B. LUCA BELLUDI

Confess. 1 Ordinis

Lectio ix

LUCAS, sæculo décimo tértio ineúnte ortus est ex nóbili et prædívite patavína Belludórum família; sed libentíssime delicias mundánas in ipso adolescentiæ flore abjécit, et a Seráphico Patre hábitum Ordinis Minórum Patávii obtí- nuit. Sacerdótio auctus, vitæ sanctitáte et verbi Dei prædicatióne beátum Antónium æmulátus est. Ansidísium, Eccelíni tyránni vicárium, ádiit atque reprehéndit, quod multa contra Ec-

clésiam et permitteret et perpetraret. Quam ob rem Eccelínus totam Lucæ familiam proscrípsit et univérsa Belludórum bona publicávit. Intérea a prædicatióne desístere coáctus, assidue Deum pro salute pátriæ Lucas rogábat; et beátus Antónius ei quiescénti appáruit, prædicítque Patávium post páucos dies précibus ejus liberátum iri. Quod mox, Eccelíni intéritu, feliciter cóntigit. Tandem Mínister Provin- cialís eléctus ampliorem

ecclesiám ad venerándas sancti Antónii exúvias excitávit. Miráculis clarus, circa annum millésimum ducentésimum octogésimum sép-

timum Patávii óbiit, cultúmque ab immemorábili témpore ei præstitum Pius Papa undécimus confirmávit.

Die 25 Februarii

Pro B. SEBASTIANO de APARICIO

Confess. 1 Ordinis

Lectio ix

SEBASTIÁNUS Gudínæ in Hispânia ortum hábuit. Puer pascéndis grégibus déditus, cum duodecénis ex lue letháliter contagiósa decumberet, et solus in semidíruto tugúrio derelictus esset, morsu cújusdam lupi, qui leniter tumórem perrúpit, pusque viruléntum lingéndo abstérsit, sanus a matre repértus est. Adolésens, vária hinc inde expértus discrimina, in Méxici regiónem abire státuit, ubi píngues divítias, quas sibi labóre comparábat, víduis et

órphanis aléndis, egéntibus puéllis dotándis, aliisque misericórdiæ opéribus impendébat. Bis matrimónium cum honestis virgínibus contráxit, quas tamen intáctas relíquit, atque áltera defúncta Órdini Minórum jam septuagenárius adscribi pétiit. Votis nuncupátis, omni virtútum género illúxit, et sæpe noctes insómnes orándo traducébat, dignus própterea quem Ángeli, ut fertur, aliquándo et enutriverint, et recreáverint, et itinerántem a plúvia et nívibus defénderint. Tandem mor-

bo senióque absúptus, Angelópoli placidíssime óbiit, die vigésima quinta Februárii anno milésimo sexcentésimo, ætátis suæ nonagésimo

octávo; quem virtútibus et miráculis clarum Pius sextus Póntifex Máximus Beatórum cœtui solémniter adscrípsit.

Die 5 Martii

Pro JOANNE JOSEPHO A CRUCE

Confess. 1 Ordinis

Lectio ix

ISCLÆ, Neapolitánæ ditiónis in urbe apud Ænáriam ínsulam, paréntibus nobilitáte ac probitáte præstantibus, ortus est Joánes Joséphus a Cruce. Tenérri- ma adhuc ætáte virtútes excólere cœpit illustrióres, siléntii potíssimum, mortificatiónis, mundi suíque ipsíus abnegatiónis, quas assíduo oratiónis stúdio confóvêbat. De íparæ cultum tunc témporis arrípuit, Dominicæque Passiόνis et Eucarístiæ mystéria afféctu peculiári prosequébatur. Órdinem Fratrum Minórum amplé-

xus, Seráphicum Patriárcham ejúsque alúmnum Petrum de Alcántara sibi imitándos propósuit. Sacerdótió ex obediéntia initiátus, disciplínis morálibus, quas numquam perdidícerat, improvísó excúltus visus est. Superiórú vénia, non longe a Pedemontáni Alíphæ cœnóbíó, sacram erémum laboriósè extrúxit, Fratrumque rogátu leges quasdam pro sacro illo recéssu peculiáres cóndidit, dignas quæ a Sede Apostólica confirmaréntur. Novitiórú regímini præpósitus, ac dein novæ Provinciæ

Neapolitánæ sancti Petri de Alcántara primus Miníster renuntiátus, difficile relátu est quot labóres calumniásque perpéssus sit, ut provínciam suam tranquillo ordine firmáret. Omnibus virtútibus, humilitáte imprímis, rigidáque claustrális disciplínæ custódia præclárus, paupertáte et abstinentia enítuit admirábilis. Crebérimas, uti fertur, inter orándum ex-

tases passus est, aliisque supérnis donis cláruit, ac postrémo octogenárius apopléctico morbo corréptus, anno septingentésimo trigésimo quarto supra millésimum Neápoli in ósculo Dómini obdormívit. Eúm dem novis miráculis coruscántem Pius Papa sextus Beatórum, Gregórius vero décimus sextus in Sanctórum cánonem rétulit.

Die 26 Martii

S. BONI LATRONIS CONFESSORIS

(v. pag. 100)

In I Nocturno

Lectio i

De Isaíá Prophéta

Cap. LV, 6.

Quærite Dóminum, dum inveníri potest: invocáte eum, dum prope est. Derelinquat impius viam suam, et vir iníquus cogitatiónes suas, et revertátur ad

Dóminum, et miserébitur ejus, et ad Deum nostrum: quóniam multus est ad ignoscéndum. Non enim cogitatiónes meæ, cogitatiónes vestræ: neque viæ vestræ, viæ meæ, dicit Dóminus. Quia sicut exaltántur cæli a terra, sic exaltátæ sunt viæ meæ a viis vestris, et cogitatió-

nes meæ a cogitatiõnibus vestris. Et quõmodo descendit imber, et nix de cælo, et illuc ultra non revértitur, sed inébríat terram, et infúndit eam, et germináre eam facit, et dat semen serénti, et panem comedénti : sic erit verbum meum, quod egrediétur de ore meo : non revertétur ad me vacuum, sed fáciét quæcúmque vólui, et prosperábitur in his, ad quæ misi illud.

Rj. Põsui adjutõrium super poténtem ; * Manus enim mea auxiliábitur ei, et bráchium meum confortábit eum. - **ÿ.** Nihil proficiet inimicus in eo, et filius iniquitátis non nocébit ei. - Manus.

Lectio ii

Cap. LVII, 15

Quia hæc dicit Excelsus, et sublimis habitans æternitatem : et sanctum nomen ejus in excélsõ et in sancto há-

bitans, et cum contríto et húmili spírítu : ut vivíficet spírítum humílium, et vivíficet cor contritõrum. Non enim in sempiternum litigábo, neque usque ad finem iráscar : quia spírítus a fácie mea egrediétur, et flatus ego fáciam. Propter iniquitatem avaritiæ ejus irátus sum, et percússi eum : abscondi a te fáciem meam, et indignátus sum : et ábiit vagus in via cordis sui. Vias ejus vidi, et sanávi eum, et redúxi eum, et réddidi consolatiõnes ipsi, et lugéntibus ejus. Creávi fructum labiõrum pacem, pacem ei, qui longe est, et qui prope, dixit Dóminus, et sanávi eum.

Rj. Iste cognóvit justítiam, et vidit mirabilia, et exorávit Altíssimum : * Ipse intercédát pro peccátis ómnium populõrum. - **ÿ.** Iste invéntus est in número Sanctõrum. - Ipse intercédát.

Lectio iii
Cap. LIX, 1.

Ecce non est abbreviata manus Dómini, ut salváre néqueat; neque aggravata est áuris ejus, ut non exáudiat. Sed iniquitates vestræ divisérunt inter vos et Deum vestrum, et peccata vestra abscondérunt fáciem ejus a vobis, ne exaudíret. Manus enim vestræ pollútæ sunt sanguine, et dígiti vestri iniquitate: lábía vestra locúta sunt mendácium, et língua vestra iniquitatem fatur. Non est qui invocet justítiam, neque est qui júdicet vere: sed confídunt in níhilo, et lo-

quúntur vanitátes; concepérunt labórem, et peperérunt iniquitatem. Multiplicátæ sunt enim iniquitates nostræ coram te, Dómine, et peccata nostra respondérunt nobis: quia scélera nostra nobíscum, et iniquitates nostras cognóvimus.

Rj. Amávit eum Dóminus, et ornávit eum: stolam glóriæ índuit eum: * Et ad portas Paradísi coronávit eum. - **ψ.** Índuit eum Dóminus lorícam fidei, et ornávit eum. - Et ad portas. **G**lória Patri. - Et ad portas.

Die 9 Aprilis

Pro B. THOMA A TOLENTINO

Martyre 1 Ordinis

Lectio ix

THOMAS, Tolentíni in Picéno natus, vix ínita adolescéntia Fratrum Minórum Órdini se adjúnxit. Seráphicam Régulam proféssus, óm-

nibus virtútibus, et máxime singuláris paupertátis amóre, ac zelo salútis animárum enítuit; qua propter cum Áyton, rex Armenórum, sacerdotés postuláset, qui in

suo regno cathólicam religionem propagarent ac tuerentur, ipse, quatuor adjéctis sodálibus, illuc missus est, ubi innúmeros schismáticos et infidéles ad Christi Ecclesiam perdúxit. Ad Nicolás quartum Románum Pontíficem et ad reges Galliárum et Angliæ legatione feliciter perfúctus, in Arméniam revérsus est, dein in Pérsiam tránsiit: ex qua íterum ad Cleméntem quintum missus est, ut eum de christiánæ re-

ligiónis provéctu doceret. In Oriéntem tértio revérsus, Colam conténdit, sed advérsa navigatione Tanam dedúctus est, ubi gloriósum cum tribus ex eódem Órdine sóciis martýrium consummávit, quinto Idus Apríles, anno millésimo trecentésimo vigésimo primo. Cultum ab immemorábili témpore ei præstitum Leo décimus tértius Póntifex Máximus ratum hábuit et confirmávit.

Die 22 Julii

Pro S. LAURENTIO A BRUNDUSIO

Confess. 1 Ordinis

Lectio ix

LAURÉNTIUS, Brundúsi honéstis piisque paréntibus natus, a puerítia uni Deo vacáre, sacrásque conciúnculas ad circumfúsam multitudinem intérdum habére, abstinentia ínsuper et

córpore afflictatione enitère cœpit. Franciscáli hábitu inter Minóres Capulátos sumpto, ita sanctitate profécit, ut ómnibus humilitate, obediéntia, orationis stúdio, regularique observántia antecélleret; vo-

tisque nuncupátis, philosophíam ac theologiám appríme dídicit; reliquum tempus váriis línguis studéndo ita impendébat, ut in iis concionári valéret; quæ res cáusa fuit cur opínio invalúerit linguárum donum ipsi a Deo fuísse tribútum. Sacerdos consecrátus, animárum salúti procurándæ se totum devóvit; nullis laboribus, vigíliis, ipsi vitæ pepércit, ut omnes Christo lucrifáceret. Ad hoc totam fere Euróпам peragrávit, innúmeros peccatóres ad pœniténtiam convértit, hæréticos ad falsa dógmata ejuránda vi veritátis adégit, Hebræos confutávit; tantúmque labó-

rem Deo confirmánte sequéntibus signis, inter quæ celebérrima memoráitur victória de Turcis, Lauréntio præeúnte, in Hungária a nostris reportáta. Demum méritis onústus laboribúsq; atrítus, cum Neapolitanórum orátor ad Philípum tértium in Lusitánia missus fuísset, Ulyssipóne in morbum incidit et undécimo Kaléndas Augústas, anno milésimo sexcentésimo décimo nono, e vita discéssit. Miráculis in vita et post mortem cláruit, quibus rite probátis, Pius sextus Lauréntium Beatórum, Leo vero décimus tértius Sanctórum albo solémniter adscripsit.

Die 13 Augusti

Pro BB. JOANNE DE ALVERNA,
VINCENTIO ET NOVELLONE

Confess. 1 et 3 Ordinis

Lectio ix

JOÁNNES, in urbe Firmána ortus, vix sep-

ténis solitária loca quæ-
rere cœpit, ut Christi
Passiónem recóleret.

Decénnis vero inter Canónicos Reguláres sancti Petri de Firmo, ac tribus annis post inter Fratres Minóres adscítus, cèllulam ad Alvérníæ Montem sibi exstrúxit, ut austeriorem inibi vitam, divínis tamen charismátibus enutritam institúeret. Túsciam prædicánda cáusa peragrávit, atque complúres Ecclésiæ Præsules ipsúmque Henricum imperatórem in sui admiratióne rápuit. Placídissime obdormívit in Dómíno quinto Idus Augústas, anno millésimo trecentésimo vigésimo secúndo, cultúsque immemorábilis ei exhibitus a Leóné décimo tértio fuit confirmátus.

VINCÉNTIUS, Áquilæ in Vestínis natus, ac Órdini Fratrum Minórum inter sodáles láicos adscríptus, panem tantúmmodo herbásque absínthio mixtas ad esum, áquam ad potum adhibébat. Aliórum consór-

tio, ut Deo únice vacáret, abstinébat, integrásque aliquándo noctes précibus et contemplatióni tribuébat, dignus proptérea, qui sæpe in mentis excéssum rape-rétur. Prophético spírítu et miraculórum glória præclárus, Áquilæ vita decéssit, séptimo Idus Augústas, anno millésimo quingentésimo quarto, ejúsque immemorábilem cultum Pius sextus rite probávit.

NOVELLÓNUS, ortu Faventínus, júvenis mundánis illécebris aliquándiu indúlsit; donec gravi morbo corréptus facti pœnitens, domésticam supelléctilem in cibos páuperum erogávit ac, uxóre defúncta, Tértio Órdini sancti Francísci se adscrípsit. Jejúniis, flagéllis, aliisque pœniténtiæ opéribus anteáctos erróres expiáre curávit, sacras peregrinatiónes núdipes perégit, donec charismátibus et miraculórum glória

ditátus, octogenárius obdormívit in Dómino sexto Kaléndas Augústas, anni ducentésimi octo-

gésimi supra millésimum. Cultum ejus immemorábilem Pius séptimus confirmávit.

Die 18 Augusti

Pro Bb. BEATRICE DE SILVA ET PAULA MONTALDIA Virginib. 2 Ordinis

Lectio ix

BEÁTRIX de Silva orta est Septæ Maróchii, paréntibus Lusitánis nobilitáte præcláris. Puélla devotiónem erga Deíparæ Conceptionem Immaculátam excóluit. In áulam regis Castéllæ accíta, et in angustíssimum cárcerem immérito dein ínclusa, manifestó Deíparæ auxílio, innocéntia ejus comprobáta, post breve tempus liberáta fuit. Tunc, relicta áula régia, Tolétum profécta est, quo in itinere a sanctis Francíscó Assisiénsi et António Patavíno sibi apparentibus confortáta fuit.

In Monastério Órdinis Cisterciénsis quadragínta annis transáctis, de novo condéndo Vírginum Órdine, sub glorióso Immaculátæ Conceptionis título, cogitare cœpit, quem póstea reapse fundátum Innocéntius Papa octávus confirmávit; ibíque emíssis post annum votis religiósus, ad cæléstem migrávit Sponsum die décima sexta Augústi, anno millésimo quadríngentésimo nonagésimo. Cultum ab immemorábili ei præstitum, Pius Papa undécimus confirmávit.

PÁULA Montáldia, Voltæ prope Mántuam nata, ab ipsa puerítia mundánas illécebras fastídiens, Moniálibus sanctæ Claræ décimo quinto ætátis suæ anno nomen dedit. Ad perfectiónis culmen omni conátu conténdens, ter in Antístitam céteræ Mo-

niáles eam sibi delegérunt, quo in múnere Mantuáni monastérii incremento et Sorórum perfectióni vel máxime prófuit. Septuagenária major efflávit ánimam anno millésimo quingentésimo décimo quarto, ejúsque cultum Pius Papa Nonus rite probávit.

Die 28 Septembris

Pro B. BERNARDINO A FELTRIA

Confess. 1 Ordinis

Lectio ix

BERNARDÍNUS, illústri Tomitanórum génere Féltriæ natus, jam ab adolescéntia morum honestáti ita litterárum stúdi-um adjúnxit, ut judiciários astrólogos, non sine cívium admiratióne, públice confutáverit. Patávii, cum juris stúdio óperam daret, sancti Jacóbi Picéni conciónibus permótu, Órdini Fratrum Minórum se adscrípsit, in quo vir-

tútum ápicem brevi consecútu est. Concioná-ndi múnere suscepto, vigínti quinque annórum spátio Itáliam fere univérsam núdipes peragrávit, urbes ad concórdiam redégit, privátas inimicítias sedávit, pérditos hóminum mores reformávit, ac ubérrimos pœniténtiæ fructus ubíque collégit, sermó- nem Deo confirmánte frequéntibus signis. Singulári caritáte exéstuens,

multis in locis collégia ut egénis prospíceret, piásque sodalitatés ad divínium cultum promovéndum instituit. Advérsus iníquas Judæórum usúras Montes Pietátis ubíque per Itáliam aut eréxit, aut firmísimis légibus reparávit ac communívit. Sæpe a nefáriis homínibus ad necem petítus, incólumis semper evásit, sicários peramánter compléctens. Nonnúlla In-

stitúti sui cœnóbia constrúxit, ac a Summis Pontificibus intérdum ad populórum dissídia componénda deléctus est. Tantis fessus labóribus, Papíæ ánimam Deo réddidit quarto Kaléndas Octóbres, anno salutis millésimo quadringéntésimo nonagésimo quarto. Cultum ab immemorábili témpore ei tribútum Innocéntius Papa décimus ratum hábuit et confirmávit.

Die 1 Octobris

Pro Bb. JOANNE A DUKLA
et NICOLAO A FURCA PALENA

Confess. 1 et 3 Ordinis

Lectio ix

JOÁNNES, Duklæ in Polónia natus, adólescens Franciscáli Órdini se adscrípsit et Frátribus ob singuláres virtútes acceptísimus evásit; plúribus cœnóbiis inde ex obediéntia præfuit et Leapolitánam Cu-

stódiam administrávit. Cæléstium rerum contemplatióni insístere, proximúmque ómnibus caritatís officiis prósequi in delíciis hábuit, nullam sine mœróre vel mínimam régulæ partem négligi animadvertébat. In ministério con-

cionándi, ac in Ruthénos Armenósque ad fidei unitátem revocándos totus incúbuit, donec ex diútino morbo cæcitate contrácta, septuagenárius Leópoli obdormívit in Dómino, anno millésimo quadringentésimo octogésimo quarto. Cultum ab immemorábili témpore ei præstitum Clemens Papa duodécimus confirmávit.

NICOLÁUS, Tértii Franciscális Órdinis alúmnum, Furcæ Palénæ in Pelígnis ortum hábuit, et a primæ adolescentiæ annis oratióni et jejúnio vacáre cœpit.

Sacérdos factus, plures in pátria annos integerrime degit, deínde Romam pétiit, ubi eremíticam vitam cum nonnullis sodálibus aggressus est. Hinc inde váriis in civitatibus monasteria vel excitávit vel moderávit, donec supernis donis et miraculis clarus, tertio Kalendas Octóbres anni millésimi quadringentésimi quadragésimi noni centenárius ánimam Deo reddidit. Immemorábilem cultum ei tribútum Clemens quartus decimus ratum hábuit.

Die 6 Novembris

Pro B. MARGARITA A LOTHARINGIA

Vidua 2 Ordinis

Lectio ix

MMARGARÍTA, e claris Lotharíngiæ dúcibus oriúnda, adhuc infans virtútum splendóre inter pares excelluit. Adúlta ætáte, Renáto A-

lenconiénsi duci connúbio trá dita, líberos sancte enutrívít; defúncto vero cónjuge, mira prudentia, fortitúdine, ac religióne pópulum sibi súbditum gubernávit.

Ómnibus prodésse, opprèssis subveníre, pupillos tuéri, víduas defendere, egénis succurrere, ægrótis étiam atque leprósis ipsa inservíre stúduit; insuper scholas instrúxit quamplúres, ecclésiás, monastéria, valetudinária ædificávit et áuxit, præsertim ut públici mores reformaréntur curávit. De se humíliter sentiens, carnem jejúniis et flagéllis castigábat, labóri et oratióni indefesse vacábat, ac perfectiónis stúdio inflammáta, Tértio Órdini sancti Fran-

císci se adscrípsit in monastério Argentónii a se cóndito, ubi et ipsa régulam sanctæ Claræ professa est. Ibi vero die secúnda Novémbris anno quingentésimo vigésimo primo supra millesimum placidíssime ánimam efflávít. Ejúsdem sanctitátem incorrúptum corpus, cælésti quodam odóre flagrans, ac miracula, uti fertur, ejus intercessióne a Deo patrátá comprobárunt; cultúmque assíduum ei præstitum Benedictus décimus quintus ratum hábuit et confirmávit.



INDEX OFFICIORUM

QUÆ IN HOC LIBELLO CONTINENTUR

Approbatio Rmi P. Custodis	p.	III
Kalendarium Officiorum	»	V
Anania Discipulus Domini & M.	»	202
Angelina de Marsciano Vid.	»	155
Antonius Abbas	»	3
Antonius Patavinus Conf.	»	130
Apollinaris Ep. & Mart.	»	171
Athanasius Ep. Conf. & Doct.	»	128
Barnaba Apostolus	»	130
Bibiana Virgo & Mart.	»	237
Bonaventura Ep. Conf. & Doct.	»	148
Bonus Latro Conf.	»	100
Bonus Pastor	»	127
Catharina Virgo & Mart.	»	220
Cleopha Discipulus Domini & Mart.	»	195
Coleta Virgo	»	89
Conversionis s. Pauli Ap.	»	9
Cor Jesu	»	141
Corpus Christi	»	141
Dedicatio Eccl. Cath. Constantinopol.	»	240
» » » Hierosolym.	»	17
» » » Washington	»	129
» » » propriæ	»	209
Dedicatio s. Michaëlis Archangeli	»	201
Dominica Palmarum	»	110
Elia propheta	»	150

Elisabeth Mater Præcurs. Domini	p.	214
Emmanuel Ruiz & Socii Mart.	»	148
Ephræm Syrus Diaconus Doct.	»	133
Eusebius Cremonensis Abb.	»	86
Eustochium Virgo	»	198
Exaltatio s. Crucis	»	194
Familia Jesu, Maria, Joseph	»	1
Flagellatio D. N. J. C.	»	62
Franciscus Assisias Conf.	»	203
Franciscus Xaverius Conf.	»	238
Fuga D. N. J. C. in Ægypto	»	18
Gabriel Archangelus	»	99
Georgius Martyr	»	118
Helena Imperatrix Vid.	»	189
Hieronimus presb. Conf. & Doct.	»	201
Ignatius Conf.	»	172
Inventio s. Crucis	»	129
» s. Stephani protomart.	»	176
Initium Signorum D. N. J. C.	»	2
Jacobus & Philippus Apostoli	»	128
Joannes Baptista	»	140
» Chrysostomus Ep. C. & Doct.	»	14
Joseph ab Arimathæa Conf.	»	94
» Benedictus Cottolengo Conf.	»	125
» Sponsus B. M. V.	»	99
Longinus Miles Mart.	»	90
Lucia Virgo & Mart.	»	240
Ludovicus Rex Conf.	»	192
Manifestatio Christi resurgentis	»	110
Marcus Evangelista	»	122
Mariæ V. Annuntiatio	»	99
» Assumptio	»	182
» Desponsatio	»	4
» Imm. Conceptio	»	239
» de Monte Carmelo	»	149
» Præsentatio	»	220
» Septem Dolorum	»	109
» Visitatio	»	141
Maria V. Regina Palestinæ	»	182
Maria Cleopha Vid.	»	117
» Francisca a V Vulnerib.	»	207
» Magdalena pœnitens	»	156
Marta Virgo	»	172

Michelina a Pisauro Vid.	p.	139
Moyses propheta	»	193
Nicodemus Discip. Domini	»	173
» » »	»	175
Nicolaus & Socii Mart.	»	146
» de Tavileis Mart.	»	239
Nominis Jesu	»	1
Octava s. Antonii Abb.	»	4
» s. Antonii Patavini	»	134
» s. Barnabæ Ap.	»	131
» s. Bonaventuræ E. C. D.	»	151
» Boni Pastoris	»	127
» s. Catharinæ V. M.	»	233
» s. Cleophæ Mart.	»	202
» Conversionis s. Pauli Ap.	»	15
» Dedicat. s. Michaëlis Arch.	»	204
» Fam. Jesus, Mariæ, Joseph	»	2
» Flagellationis D. N. J. C.	»	86
» s. Georgii Mart.	»	122
» s. Ludovici Reg. Conf.	»	192
» B. M. V. de Monte Carmelo	»	166
» s. Simeonis Ep. & Mart.	»	43
» Transfigurationis D. N. J. C.	»	178
» Visitationis B. M. V.	»	142
Oratio D. N. J. C.	»	44
Paula Romana Vid.	»	10
Pauli primi Eremitæ	»	3
Petrus et Paulus Apostoli	»	140
Philippus Apostolus	»	128
Rochus Confessor	»	188
Sepulcrum D. N. J. C.	»	149
Simeonis Ep. & Mart.	»	37
Theresia a Jesu Infante Virg.	»	203
Timotheus Ep. & Mart.	»	8
Transfiguratio D. N. J. C.	»	177
Zacharia Pater Præcurs. Domini	»	209

